



D XVIII

18 / 2

27, 348 / A / 2


Cooper  
Mound

Dies


15234

Pro! Edw. Ameyr.

1835







3/6

Zn

5002

ALBERTI v. HALLER

M. PHIL. D. CONSIL. AUL. ET ARCHIATRI REG. ET ELECT.  
MED. ANAT. CHIR. BOT. P. P. O. PRAES. COLL. CHIR.  
PRAESIDIS SOCIETATIS REG. SCIENT. GOTTING.  
ACAD. IMP. N. CVR. ET REGG. BRIT. BORVSS. SVEC. ET VPS. SOD.  
IN SVPREMO SENATV REIP. BERNENSIS  
DVCENTVM VIRI

PRIMAE LINEAE  
PHYSIOLOGIAE  
IN USUM  
PRAELECTIONUM ACADEMICARVM  
AUCTAE ET EMENDATAE



G O T T I N G A E  
AP. VIDUAM AB. VANDENHOECK, ACAD. BIBL.  
MDCCLI.  
CUM PRIVIL. REG. POLON. ET ELECT. SAXON.

ALBERTI & HALLER

43251

PRIMA LINEA

PHYSIOLOGIAE



GOTTINGEN

VIDUAM AB VANDERHOEK ACAD. PUBL.

MDCCL

IN PRIVILEGIUM REG. COLON. ET ELIG. S. S. S.



CARISSIMIS AUDITORIBUS  
FELICITATEM

ALBERTUS v. HALLER

**M**iramini forte, qua estis perspicacia, institutum meum, qui viginti quatuor annis MAGNI BOERHAAVII libro ad ordinandas praelectiones usus, subito nunc consilium mutem, propriasque in paginas dicere incipiam. VESTRA sunt, O BONI, commoda, quae animum inpulerunt, ut per summas otii difficultates novum mihi laborem inposuerim. Videbam PRAECEPTOREM, neque enim unquam eo nomine dediscam appellare BOERHAAVIUM, scripsisse institutiones suas fere circa annum 1725. neque enim recentiores libros eum reperietis excitasse, neque usus est WINSLOWII immortalibus descriptionibus. Sed ab eo tempore anatome ita locupletata



ta est, ut a se ipsa plurimum differat. Non adeo novae partes corporis inventae sunt, quae mole sua se effierant, eas priorum seculorum labor occupavit. Sed finis & lima inposita est ple-  
 risque descriptionibus, auctae in infi-  
 nitum historiae ossium, musculorum,  
 ligamentorum, viscerum, perfecta va-  
 forum nervorumque expositio. Prae-  
 terea ex varietate librorum, quos di-  
 versos in usus legisse mihi necesse fuit,  
 collegi maximam vim experimento-  
 rum, quae felix casus observantibus  
 obtulit, aut sagax inquirentium indu-  
 stria ex natura eruit. Multa, excusa-  
 te testes, hoc ipsum, in quo mecum  
 laboratis, theatrum adtulit, multos fi-  
 tus, multas minutas mensuras, & par-  
 ticularum figuras, vasorumque propa-  
 gines nobis utiles, multos felices in-  
 daganti morbos, aliqua etiam passim  
 nova suppeditavit. Quae ergo vel a  
 BOERHAAVIO proposita gratus repeto,  
 vel intra hos viginti sex annos magni  
 invenerunt viri, MORGAGNUS, WINS-  
 LOWUS, ALBINUS, DOUGLASSIUS, aliique  
 in

in publica commoda nati homines: quae passim ex diversissimorum scriptorum, multiplici thesauro, quae ex nostris demum dissectionibus boni in physiologiam collata sunt, ea visum est uno sermone, uno ordine, in libellum conjicere, qui nostros labores levet. Speravi ea ratione me nonnullas emendationes, additiones aliquas, et necessarias ordinis mutationes, evitaturum, & VESTRI meique temporis facturum compendium. Hoc etiam commodi libellus habet, quod aliqua rectius tradat, quam ego, nimis timidus secedere a PRAECEPTORE aliisque, quos venerabar viris, aliter posui in priori opere, quam nunc repetito in humano corpore inveni. Erunt, qui objiciant, meram me scripsisse anatomen. Sed physiologia est animata anatome.

Breviorem aliquanto sperabam me futurum: & ea quidem expectatio me fefellit. Didici, non posse, de multis adeo rebus, multa dici, quin spatium requiratur. Resecta historia medicae,

# 6 P R A E F A T I O.

nae, abjecta omni controversiarum memoria, stipatis in brevissimos numeros descriptionibus, tamen meos limites excessi, longior fui, quam vobis mihi prae scriptum semestre stadium admitteret. Invito accidit, accidit contranitenti, quem aequi excusabitis. Ita adolescite in publicam felicitatem, cujus magna pars sunt prudentes medici, inque VESTRAM, quae parari omnino nequit, nisi conscientia bene actorum paratur.

Dedi in Georgia Augusta d. 21.  
Septembr. 1747.

## AD NOVAM EDITIONEM.

**M**ulta hic mutata invenietis, **O O P-**  
**T I M I,** etiam sententias alias, ube-  
riora nonnulla, breviora alia Et illas  
quidem me melius cognita natura mu-  
tare jussit. Qui possem alia sentire,  
docere alia? Detraxi, ex amicorum  
consilio, nonnihil de ubertate anato-  
micarum descriptionum, quae seme-  
stri tempore circumscriptis doctoribus  
remotae forent. Addidi physiologica  
aliqua nuper conperta. Errores typogra-  
phi plurimos, & molestissimos, neque in  
catalogo emendatos, hic, quantum po-  
tui, expunxi. Itaque valete & ex-  
spectate majus opus, in quod nunc

maxime me demergo. Eodem nempe ordine, sed pleniori omnino dictione & continua, absque notarum, aut citationum interpositione, enarrare constitui ea omnia, quae ad rem physiologicam hactenus collata sunt, ut ea, quae vera sunt, quae probabilia, quae infirma, sincerus ubique indicem, quantum quidem imbecillitas humana, meique inprimis ingenii limites permittunt.

Dedi Gottingae d. 24. April. 1751.

PRI-





# PRIMAE LINEAE PHYSIO- LOGIAE

IN VSVM PRAELECTIONVM

CAP. I.

## F I B R A.

I.

**P**artes corporis humani simplicissimae aut fluidae sunt, aut firmae. Illas, quod diversae sint indolis, secundum opportunitates recensetimus. Hae, quae simplicissimae sunt, & verum corporis fundamentum, praecedunt reliquarum partium historiam.

II. *Solidarum* partium in animalibus & vegetabilibus communis ea est fabrica, ut earum elementa, quae subtilissima microscopium attingit, vel fibrae sint, vel concretum inorganicum.

III. *Fibra* in universum plerumque lineam refert cum modica latitudine, vel gracilem potius cylindrum. Ejus particulas constantiores terreas esse demonstrat exustio, diuturna putredo.

IV. Terreae molecule non a se ipsis, sed ab interposito glutine vinculum habent, & vim cohaesionis. Docent, quae n. 3. dicta sunt, & facile experimentum, quo capillus exustus, sed cohaerens hactenus, aliquam constantiam recuperat aquae intinctus vel oleo. Tum ebur & ossa, quorum gelatina extracta, id quod superest, friabile redditur, & similis longi aevi potentia, quae ossa in veram terram, aquae avidam bibulamque restituit.

V. Hoc gluten ex aqua cum oleo per vitam animalein intrito componi, demonstrat denuo chemica analysis ossium, capillorum, gelatina ossium, eboris, cornuum, alimenterum conditio &c. Neque aliud gluten fortius partes animales unit: collae exemplo, & glutinis artificum.

VI. *Ex terrae* moleculis per longitudinem cohaerentibus, & revinctis vi intermedii & cohaerentis glutinis, componitur primum fibra simplex, qualem ratio potius quam sensus adtingit.

VII. *Fibrae* vero, quas primas visus demonstrat, duorum in universum generum sunt, si primum intuitum, & morem receptum secutus fueris.

VIII. Primum genus fibrarum lineare est, cujus nempe longitudo ad latitudinem insignem habeat rationem, & moleculae elementales in linea recta, atque adeo vulgo vicinis parallelae jacent. Hujusmodi fibrarum exempla videmus in ossibus, facillimas conspectu in fetu, tum in tendinibus, ligamenti, musculis, ut semper moneamus, non minimas nos fibras oculis adsequi, sed majores, ex minimis compositas, rectitudine, gracilitate tamen similes. Minimas non differre, suadet microscopium *MVYSII*, *LEEUVENHOECKII*, quo fibrillae musculares ad ultimas usque majoribus similes & perinde lineares adparent.

IX. Aliud genus fibrarum est, in quo latitudo saepe major cum minori longitudine  
con-

conjungitur, *cellulosam* vocant tunicam, sed nomen tunicae multa inpropria habet.

X. Hanc faciunt partim fibrillae, partim laminulae, infinitae numero, quae varia directione, spatiosa, & areolas intercipiunt, & omnes in corpore humano partes conjungunt, latumque & firmum cum mobilitate vinculum praestant. Summa vero in hac tela diversitas est, in ratione solidi ad areas, latitudine, firmitate laminarum, interpositi liquidi natura, quae aut magis aquea, aut magis oleosa est.

XI. Ex hac cellulosa tela stipata, concre-scentibus inter se laminulis, & compressis a vi incumbentis muscoli, distendentis liquidi, aliave causa, oriuntur in corpore humano lata plana, quae vel rectilinea sunt in universum, & magis proprie *membranae* vocantur, vel in cylindros convoluta conosve, & perfluxa liquidis per cavum tubulum meantibus nomen induunt *vasorum*, vel circumjecta spatio cuicunque in plana sibi parallela circumpositae *tunicae* dicuntur. Tunicas autem ex tela cellulosa fieri demonstrat oculus, & imprimis maceratio, in aorta, dura meninge; musculorum tunica, adeo evidenter & cellulosa, & aliis tunicis similis; pericardii, ut verae membranae, degeneratio in cellulosas membranas vasorum

rum magnorum cordis; durae crassaeque membranae in tumoribus cysticis enatae, qui in sola cellulosa tela oriuntur; darti, & membranae nerveae intestinorum facilis per flatum in cellulosam mutatio.

XII. Vasa, quae tunicas pingunt, accessio sunt cellulosae telae, neque constituunt naturam membranae, sed membranae per cellulosam telam innatae superadduntur. Inter areolas vasorum reticuli intestinalis Ruyschiana arte repletissimi, alba cellulosa, etiam tunc vasorum mole multo major, superest, quando vasa, super modum aucta, majorem partem spatii occupant. Membranae vero ex fibris decussatis intertextis compositae nullae mihi notae sunt, nisi ligamentosas aut tendineas fibras velis, quae verae membranae insternuntur.

XIII. Cellulosa tela in corpore humano reperitur, ubicunque vas, aut fibra muscularis est, nempe ubique, ut nulla exceptio mihi nota sit.

XIV. Aliud elementum corporis humani est, (n. II.) quod neque fibram, neque cellulosam laminulam satis vere possis vocare, id gluten merum est effusum, concretum, non in fibras, sed in spatia fibrarum interjecta. In ossibus res manifesta est, quorum fibrae in



in fetu optime distinctae, mediis discernuntur vasis per intervallum fibrarum decurrentibus, ut totum cranium undique pectinem referat. Ea fabrica in adulto homine ita mutatur, ut effuso in fibrarum intervalla succo repletis valleculis, jugis conferruminatis laminae nascantur.

XV. Sed hic naturae ordo videtur, ut etiam priores fibrae (III.) omnes ex hujusmodi glutine primo natae sint. Cellulosam telam ita productam esse demonstrant fibrae cellulosae in thorace natae ex concreto vapore, qui pulmonum superficiem cum pleura conjungit, simillima verae & naturali cellulosae, vel ex pure spissato. Demonstrat idem comparatio fetus cum adulto, fetui enim mera pro cellulosis maximis subcutaneis telis gelatina est, inter musculos cutemque, jam firmiores, interposita. Illustrant theoriam placenta cruoris, membrana sanguinea RUY-SCHII, membrana ex muco nata ALBINI, polypus, sericum, colla. Ipsas demum fibras osseas ex glutine compacto natas esse, morbi demonstrant, quibus ossa durissima, liquefacto glutine in cartilagine, carnem, gelatinam redeunt: Similia facit, in piscium ossibus, aliisque, Papini machina.

XVI. Videtur adeo, aqua albuminosa ex terrae exigua parte mista, primum pressione aliqua,

aliqua, cujus causas nunc omittimus, coivisse in fila. Ea, adtractione mutua cohaerentia, spatiis adhuc interceptis, cellulofam telam faciunt, aliquam tenacitatem adepta, ex terrearum molecularum vicinia, quae sequitur expulsionem nimii aquei glutinis. Ea tela, ubicunque major pressio ejus laminulas urfit, in fibras abiit, & tunicas, & in ossa denique cum glutine XIV. inorganico concrevit; & in universum omnes in corpore sive mollissimas partes, sive durissimas, non aliter differre videtur, nisi, quod in duris terrea elementa plura, viciniora, glutinis aquei minus, in mollibus terra rarior, plus adsit glutinis.

## CAP. II.

TELA CELLVLOSA  
ET ADEPS.

XVII. *Cellulosa fabrica* fibris fit laminisque (X.) solidis omnibus, neque cavis, neque vasculosis, etsi vasculis adcedentibus pingatur. Sed ejus hae principes diversitates sunt. Alibi laxa est, longisque & distantibus laminis fit: alibi tenuis & ex fibris brevibus coalita. Brevissimam reperio inter  
XIX sele-

fcleroticam & choroideam, inprimis animalium, inter arachnoideam cerebri, & piam. Teneram, sed magis tamen conspicuam, invenio inter intestinorum, ventriculi, vesicae urinariae, ureteris, duas vicinas quasque tunicas: in pulmone, ubi vocant vesiculas. Adhuc longiora fila habet, quae vasa sequitur vaginae nomine, per viscera, hepar inprimis & pulmonem, & longe firmitior in vasis caput, artusque adeuntibus. Summa utilitas est, revincire membranas fibrasque vicinas, cum mobilitate definita. Haec tamen, hactenus dicta, cellulosa vix unquam adipem recipit, sed irroratur halitu aquoso, gelatinoso, subpingui, qui ex arteriis exhalat, in venas recipitur. Demonstrat facilis injectio aquae, ichthyocollae, olei, in omnem partem corporis facta. Eo halitu deleta, coalescunt fibrillae, vicinaeque membranae cum jactura motus conservant.

XVIII. Laxior est cellulosa tela, & laminulis magis quam fibris facta, quae fibras musculares distinguit in ultima elementa usque, tum quae vasa libere comitatur, & revincit, quae in ossium cavea est, & ossis pariter & membraneis laminis fit: laxissima, quae denique sub corporis superficie, undique inter musculos est cutemque.

XIX. In hujus cellulosa XVIII. vacuas areolas, ubique fere, in fetu gelatina primum, deinde adeps grumofus, denique glebofus effunditur; liquidum nempe insipidum, inflammabile, quod in aere frigido in soliditatem coit, magis circa renes, & in animalibus graminivoris, quibus, dum vivunt, fluidum proximum esse videtur. In eo, cum oleo & acidus sal, et lixivus volatilis conjungitur.

XX. Per cellulosa telam vascula sanguinea repunt & dividuntur, a quorum finibus arteriosis adeps deponitur, venosis resorbetur. Via ab arteriis ita proxima, & libera est in cellulas adiposas, ut majuscula ostia eoque hiare necesse sit, quae dimittant mercurium, aerem, aquam, gelatinam, oleum, semper etiam in vivo animale pigrum. Non per longos aliquos ductus excernitur, sed per totam arteriae longitudinem undique exsudat, ut nulla pars circumpositae cellulosa telae absque maiore sit, quando arteria aqua repletur. Celeriter congeritur, argumento cito renascentis post acutos morbos obesitatis.

XXI. Sed in venas resorberi docemur per motus musculares, in animalibus imprimis obesis, ad consumendum adipem velocem efficaciam, per febres, quae adipem absumunt, hydropis sanationem, quo aqua

in cellulofam effufa per inteftinorum tubum  
quafi reſorbta educitur, ſudationem venoſam  
ab aqua, oleo, per ſiphonem injecto ubi-  
que in corpore viſam. An nervi in adipo-  
ſas cellulofas diffunduntur? Tranſire certum  
eſt, inque adipe paſſim in minutiffima fila-  
menta dividi, ut ultra nequeas cultello pro-  
ducere, manere non eſt credibile. Nam adeps  
absque ſenſu eſt, & absque irritabili natura,

XXII. Laminarum cellulofae tunicae inter-  
valla undique aperta ſunt, & per totum cor-  
pus in unam continuam cavitatem conſen-  
tiunt. Demonſtrat ſtatus lanionum per unum  
vulnus receptus, et tamen cutem per totum  
corpus elevans; emphyſema, quo aer fraſta  
cute receptus, retentus, totum corporis am-  
bitum tumefacit: tum morbi, quibus in o-  
mnes cellulofas corporis telas deponitur aqua.  
Nullam cellulofam excipi, caſus demonſtra-  
vit, quo, in emphyſemate corpus vitreum  
ipſum aërem recepit, morbus, in quo gela-  
tina hydropica in ipſa corpora cavernoſa pe-  
nis effuſa eſt.

XXIII. Summam dignitatem hujus cellu-  
loſae telae adgnoſcet, qui cogitabit, ab ea ſo-  
la pendere omnium arteriarum, nervorum,  
fibrarum muſcularium, adeoque compoſita-  
rum inde carniū viſcerūque legitimam  
firmita-



firmitatem, stabilitatem: Sed etiam figuræ partium, flexiones, cellulæ, curvitates, a sola cellulosa tela alibi laxiore, alibi duriore, proveniunt. Ea cum vasis, nervis, fibris muscularibus & tendineis (quorum tamen magnam partem ipsa efficit) omnia viscera, omnes musculos, glandulasque & ligamenta, & capsulas conponit. Ab ea sola, ejusque varia longitudine, tensione, copia, proportione, glandularum viscerumque diversitatem oriri, & ab ea denique longe maximam partem corporis ipsius effici certum est, si quidem non totum ex hujusmodi filis cellulosis conponitur.

XXIV. Adipis varia est utilitas, motum musculorum ubique expedit, frictionem minuit, rigiditatem arcet: loca interposita musculis, loca visceribus variis vicina, replet, ut cedat motis, quiescentia fulciat: vasa ducit, defendit: cutem æquabiliter extendit; propulvinare est, pulchritudinem conciliat: acrimoniam quorundam liquidorum forte admistus temperat: bilis materiem principem efficit: ex ossibus per crustas cartilagineas exsudans miscetur liquido articulari; per cutis poros exhalans arcet aeris ficcantem inclementiam; ex mesenterio, mesocolo, omento, circa renes exhalans in vivo homine va-

pore molli viscerum superficiem oblini: concretionem interpositus arcet.

XXV. Deponitur in cellulas adeps per formnum, quietem corporis & animi, & in immensum congestus nocet, conprimendo venas, resistendo cordi, anhelos facit, & apoplecticos & hydropicos. Idem in venas rapitur, & per arterias celerius vectus praetervehitur poros excretorios, motu magno, vigiliis, curis animi, salivatione, febre. Sanguini redditus acutos morbos auget, urinas tingit, & subsidentiae partem magnam efficit. Cito consumtus, brevi renascitur, cum bonis humoribus. In languido corpore non adeps, sed gelatina in cellulas deponitur. Hic ille *ava magna* hydrops, & hydrocele exterior,

### CAP. III.

## ARTERIAE VENAE.

XXVI. Membranas melius singulatim describemus. Arteriarum plurima communia sunt. Canales sunt longe conici, decrescetes, pro ramorum numero. Ubi vero arteriae aliquamdiu sine majoribus ramis sunt, parum evidenter convergunt, aut omnino nihil quidquam, deinde cylindricae sunt, vel lentissime dimi-

diminutae, ubi capillares vocant, & quaecunque uni globo patent; sectione ubique, & absque exceptione, in repleto canale circulari. Coni basis communis omnibus in alterutro ventriculo cordis est: apex coni vel in venae principio, vel in principio cylindricae partis arteriae, vel in exhalante vase, nisi id cylindricum est. Est ubi dilatari videntur, certe repletae & cera distentae latiores fiunt, ob moram forte, quae efficit, ut impulsæ cera eam partem prae reliqua longitudine arteriae distendat. Exempla sunt in vertebrali arteria sub cranio, in splenica, in carotidis flexione per COWPERI experimenta, in spermaticis, nisi omnia me fallunt, arteriis.

XXVII. Membrana arteriarum externa propria & perpetua nulla est. Praestat ipsis externum & incumbens unice tegumentum pleura in thorace, in abdomine peritonaeum. In collo, brachio, femore externa crassior: aliqua cellulosa arteriis circumjacet. Pericardii membrana, quae utique aortam circumplectitur, cito partim in cor cum vasis redit, partim evanescit in cellulosam mutata. In transitu per cranii foramen dura meninx vaginam carotidi circumdat. Sed prima verior membrana tubi arteriosi ubique cellulosa est, & nonnusquam adiposa, ut in thorace.

XXVIII. Ea cellulosa in extrema superficie laxior est, plurimis arteriis picta, venulisque, nervisque percurfa non minimis. Adeo nonnunquam copiosa est, ut ad arteriam extrema strata minus videantur pertinere, & sit quasi aliena, accedens arteriae, tela. Ita in collo se habet, arteriis inguinum, subclaviis, mesentericis, coeliacis, hepaticis. Hae sunt vaginae arteriarum claris viris dictae.

XXVIII. Quo interior, & lumini arteriae propior, eo haec cellulosa densior, solidior, & villo magis est stipato. Non vero differre a cellulosa tela tendineam aliquam membranam arteriae demonstrat maceratio, quae & intima strata arteriosae tunicae in cellulosam mutat.

XXX. Interior luminique propior pars arteriae, fibras in universum circulares habet, ut semper memor sis, nullam ullibi fibram circulum integrum perficere, sed multas, extremis ad latus detortis conjunctas, videri unum anulum exprimere. Eae fibrae in majoribus truncis multorum stratorum sunt, colore subrubello, soliditate satis conspicua. In minoribus sensim minus facile demonstrantur. Sub ista membrana aliqua, sed difficilior demonstratu cellulosa est, in quam concre-

mentum

mentum tophaceum ossescentis arteriae, effunditur.

XXXI. Intima membrana arteriae levis, & sanguinis fluento perpolita, fibras carneas, non satis continuas, una crusta obducit, perpetua, & cavet, ne sanguis in intervalla se insinuet. Levis est undique, & absque valvulis, etsi nonnullibi plicae aliquae ad originem ramorum mechanica necessitate emineant, ut ad ramos, quos aortae arcus producit. In arteriis tamen viscerum intima membrana mollior, laxa, rugosa est, & pene friabilis, maxime in ductu arterioso.

XXXII. Arterias arteriae habent in extremo imprimis celluloso textu, a vicinis undique arteriosis trunculis natas, multas, ramosas, reticulatas, omnes exiguas, in fetu etiam absque injectione plurimas. Nervi passim longe per arteriarum superficiem descendunt, & in cellulosa tela evanescent, exemplo carotidis internae, externae, arcus aortae. An non inde vis aliqua contractilis, spastica, diversa a simplici elatere? Nonne aliquid simile febres arguunt, & animi deliquia? paralyxis cum atrophia? adfectus animi? Sed arteria absque sensu est, & absque conspicua irritabilitate.

XXXIII.



XXXIII. Arteriae dissectae rotundum lumen ostendunt, cum elasticae sint. Haec causa est, quare & ex parvis arteriis dentium funestae haemorrhagiae fiant. In thorace equidem & abdomine aorta, in collo carotis, passimque arteriae in cadavere, ubi minus distenduntur, planae adparent. Teretem tamen naturam, & sectionem circularem injectio ubique restituit. Digitum etiam, quo distenta fuit, sibi permessa arteria elatere suo valide comprimit. In vivo corpore cedit quidem cordi, sed brevi, laxato corde, se contrahit, & ad pristinam diametrum redit. Hic pulsus est, cujus plenam explicationem post cordis historiam sequi oportet, nunc sufficiat dixisse, pulsare arterias omnes, etsi in magnis digitus systolen & diastolen percipiat, in minoribus non possit: & fere in ultima inflexione arteriarum pulsatio evanescat. Nam & minores, paulum aucto motu, valide pulsant, ut in inflammatione.

XXXIV. Robur arteriarum satis magnum est, sed densa & dura cellulosa externa tela, cum vi distendenti cedere recuset, non difficillime rumpitur, & facilius fere, quam venarum tunicae. Inde aneurysma. Debilior autem fere ubique truncus est, rami fortiores, ut fluidi impetus contra truncos plurimum

num possit, in artubus omnium minimum. Hinc aneurysmata prope cor longe frequentiora. Ad pedes robur arteriarum et venarum augetur.

XXXV. Arterias natura ubique in tuto constituit, quod earum vulnera, neque in minoribus absque periculo, neque in majoribus absque vitae jactura esse possint. Cutis breves, & parvos, & multos trunculos habet. Majores trunci defensi cute musculisque juxta ossa repunt.

XXXVI. Ex arterioso trunco quolibet rami prodeunt, ex istis minores furculi, multiplicata divisione, cujus finem vix invenias. Ramorum duorum junctim sumta lumina semper majora sunt trunci lumine, in ratione, quae est circa sesquialteram, aut paulo minor. Truncus omnis super divisionem paulum latefcit. Anguli, ad quos rami exeunt, plerumque acuti sunt, semirecti, aut semirectis vicini, qui angulus etiam in mechanicis longissime projecta ducit. Rectorum, aut proximorum rectis, exempla tamen sunt in lumbalibus, intercostalibus, retrogradorum exemplum in coronariis est, aliud in spinalibus, quas produciunt vertebrales, plura in arteriis artuum tibiali, brachiali. Pleraeque tamen, quas pro retrogradis habeas, in origine

gine sua ad angulos acutos natae fuerunt, ut pharyngea adscendens, palatina descendens, umbilicales, mammae. Caeterum frequens est, magnos ramos minori sub angulo, minores sub majori oriri. Rarum est duas arterias, certe majores, in unum truncum confluere, exemplum tamen est in arteria ex vertebralibus composita. Flexiones plurimis locis frequentes sunt. ut alternis angulis obtusis circa lineam rectam arteria undulata serpat, Id frequentissime fit, ubicunque partis, quam adit arteria, diameter subinde insigniter augetur, in crassis intestinis, utero, facie, liene. Divisio in latiores trunco ramos velocitatem sanguinis frangit. Sic ramorum cum trunco maximi anguli, sic flexio repetita, quae eadem facit, ut arteria, cum exigua distentione, ex brevissima praelonga fieri possit.

XXXVII. Frequenter ita mediis ramis coniunguntur, ut ex arteria ramus prodeat, qui vicinae arteriae simili ramo occurrat, cumque eo in unum truncum confluat. Id in magnis truncis fit in intestinis, in mediocribus in rene, ad uterum, &c. in minoribus ubique, ut nulla sit pars corporis humani, in qua vicini trunculi arteriosi sive ejusdem nominis, sive diversi, non conjungantur

tur ramis intermediis. Anuli ex arteriis lateraliter divergentibus, & in se ipsas redeuntibus, exemplum est in oculo & cerebro. Fines arteriarum cylindrici, aut cylindricis proximi, ramulos producant in eadem longitudine crebriores, plerumque in rete dispositos, ut quilibet ramus minoribus furculis cum utroque vicinorum anastomoses faciat. Ita in omnibus membranis reperitur. Et eo modo fit, ut via a corde ad aliquod arteriae punctum obstructa, per vicinas arterias sanguis ad omnes obstructae arteriae ramos venire possit. Ita gangraena & languor potentissime impeditur, & obstructio facilius solvitur, repulso obstaculo in ampliorem truncum.

XXXVIII. Arteriola minima denique vel continuato canale in ventulam abit, ut ultima arteriola reflexa plerumque, quando angulum reflexionis superavit, jam sit venula, vel etiam ramus ex arteria ad angulum rectum emissus, in ramum venosum trunculo insertum abit, sub eodem angulo. Utramque fabricam microscopium demonstrat. Haec vasa modo plurium globulorum sunt capacia, modo unius.

XXXVIII. In visceribus non adeo vera retia reperias, sed variam fabricam, ramulos confertim descendentes trunco parallelos, peni-

penicillos, arbusculas, serpentulos, villos, varia pro varietate partium ratione.

XL. Alius finis arteriarum est, quo in vasa minorum generum exeunt, quae aliquando continua sunt arteriis verique trunci, ut in ophthalmica arteria. si secutus fueris arterias choroideae tunicae, deinde circulum uveae, denique iridis decolores arterias: inque ejusdem ophthalmicae ramis rubris rete facientibus in conjunctiva, cui continuum esse pellucidum rete, sed arteriosum, inflammationes demonstrant, & rubor partium per vaporem, cucurbitulam, laxatarum, & repletio, & microscopium LIEBERKVHNII in ramis adhibitum, quo visi sunt globuli decolores ex rubra arteria in vas laterale secessisse. Continui etiam arteriis rubris sunt pellucidi trunculi, indeni uriniferi ductus. In hac fabrica liquor ruber in vasa minora facile urgetur.

XLI. Alibi videntur vasa minora ex truncis arteriae rubrae minimae, tamquam rami, lateraliter educi, trunco minores. Ii difficulter per vasa rubra replentur. An haec fabrica fuerit in glandulis plerisque, et in visceribus secretiones facientibus, ubi difficulter liquor ex arteriis in ductus excretorios urgetur?

XLII. Alius finis arteriae est, quo in canalem

lem exhalantem terminatur. Iste finis ubique in corpore frequens est. Tota cutis, omnes membranae corporis humani, quae aliquam cavitatem claudunt, omnes ventriculi cerebri, camera oculi utraque, omnes cellulae adiposae, vesiculae pulmonales, omnis cavitates ventriculi, intestinorum, aereae viae, huiusmodi exhalantibus arteriis scatent. Halant autem tenuem, aquosum, gelatinosum humorem, qui mora, congestione, copia, in aquosam, sed coagulabilem lympham abit, in morbis, aut a morte. Demonstrat sudor aquosus, repletis arteriis adeo facilis demonstratu. Est, ubi non tenuis aliquis vapor exhalat, sed ipse sanguis, argumento cordis, cellularum penis, urethrae, clitoridis, papillae mammae muliebris, in quas sanguis ipse in naturali statu effunditur. Annon ad finis est exhalanti fabricae omnis secretio in glandulas veras sive cryptas?

XLIII. An ubique in corpore humano vasa nata ex rubris, sed sanguine tenuiorem vehentia humorem, alios canales, minora adhuc producturos vascula, producant? Videtur res exemplis non destitui, uti a maximis viris proposita est. Vaporem aqueum secerni ex vasculis, quae generantur ab iridis arteriis decoloribus, valde probabile est. Vasa rubra

cor-



corticis liquidum medullam perfluens intermedio alio vasorum genere separare, pene certum est. Erysipelas, sive inflammatio flava, a globulis flavis in minora vasa inactis similia suadet.

XLIV. An ideo dantur vasa arteriosa secundi generis flava, quae lymphatica tertii generis edant, ex quibus per gradus minorum generum prodeant vascula? Non videtur consentire facilis transitus sanguinis, mercurii, cerae in vasa exhalantia, perspirantia, urinifera, adiposa, cellulas pulmonis, & non difficillimus etiam sanguinis error, in vasa lactifera, lymphatica, lacrumalia, quo non videtur perventurus, si per aliud systema vasorum intermedium, globulis sanguinis angustius, iter ipsi faciendum esset. Neque finit admittere summa ex hac fabrica oritura retardatio liquidi in tertio vasorum genere, perpetuo maior futura in minoribus.

XLV. *Venae* arteriis in multis similes sunt. Perinde ad cordis ventriculos basin habent, apices in extremo quoque ramo, per omnem corporis ambitum, excepto uno in hepate exemplo. Plurimis etiam locis arteriis comites migrant, parallelae & adiectae. Sed varia sunt, quae discrimen faciunt.

XLVI. Tenuis venarum fabrica est, tota levis, aegre in membranas separabilis, in quarari loci sunt, in quibus fibras musculares demonstrares, easque longitudinem sequentes. In ea tenuitate passim satis firmae sunt, neque facillime crepant infarto aere, ipsis arteriis in plerisque exemplis firmiores, si fides his experimentis. Facilius tamen in vita rumpuntur, quod ex morbosis experimentis constat in crure, brachio, facie. Neque se sustinent dissectae, sed collabuntur, et lumine tunc hiant rimae simili, nisi quando a cellulosa aliqua firmiori circumposita retinentur, ut in hepate, utero. Modice iritabiles sunt, neque a solo stimulo, nisi is chemicus fuerit, tunc autem magis contrahuntur, quam arteriae. Non pulsant, nisi obstructo alicubi canale, si fides historiae, aut in morientibus, repulso ex aure cordis dextra in cavas venas sanguine,

XLVII. Ampliores sunt arteriis, et quadrata diametrorum habent dupla, tripla, et quadrupla fere ad sedem vasorum renalium & in vasis renalibus. In divisione passim differunt. Truncos habent numerosiores, pro una arteria in artubus frequenter duos. Rami maiores venarum magis reticulati sunt, ac frequentioribus anastomosibus, nec inter parva, sed inter maxima vasa inter vicinas, dextras

tras & finiftras, superiores & inferiores venas, ubique adparentibus coeunt. Superficiem corporis adfectant, et per artus, collum, caput, longe cutaneae decurrunt, quod in arteriis rarissimam est, a quibus eam ob causam recedunt. Tunc venae superficiem sequuntur absque comite arteria, haec profunda cum aliquo minori ramo venoso meat. In minoribus ramis, retibusque membranosis, viscerumque interiori fabrica arteriae venaeque plerumque conjunctae ambulant. Minus plerumque flexuosae sunt.

XLVIII. Origines sunt, quas in arteriis diximus. Ab arteriis minimis per insertos ramos, per reflexionem recurvi trunci, continuae oriuntur. Aliae a venis minorum generum, aut continuantur, aut radices tamen et accessiones habent, exemplo vasorum lymphaticorum, ductus thoracici. Aliae a venis resorbentibus ex ambitu corporis universo, ex caveis oculi, intestinorum, pectoris, peritonaei, pericardii, ventriculorum cerebri bibulae, nascuntur. Hinc venosus sudor iniecto per truncos venosos liquore aquoso, per totum corpus humanum facile imitabilis: hinc aqua, gelatina, oleum ex vena portarum in cava intestina perpluunt. Sed ea fusius per sua loca repetentur.

XLIX. Parum diversae sunt venae, quae ex tunica cellulari quacunque oriuntur, &  
aqua

aquas hydropicas, vaporem roscidum, adipem solutum in sanguinis massam refundunt: Vel ipsum sanguinem ex cellulosa fabrica penis, clitoridis, papillae mammae post aestum venereum reducant. Et hujusmodi venas in omnes glandulas hiare probabile est, in quibus reforbtus humor tenuis. reliquam massam spissiore relinquat, exemplo bilis, feminis, muci.

L. *Venas minorum generum* rubris similes experimenta, perinde ut in arteriis, demonstrant, ut in oculo iridis venae sunt, & adnatae non pauci trunci, sano homini pellucidi. Earum, quae maximae, rubris proximae, evidentiores arteriis, *lymphatica* vasa vocantur.

LI. Nempe in majori parte corporis humani venae reperiuntur rubello, subflavo, ad ignem concrescibili liquido plenae, vel pene pellucidae, tenera tunica factae, a chemico acri irritabili. Creberrimis valvulis interceptae sunt, ut saepe, ubi turgent, geniculatae quasi adpareant, quae sensim confluentes, aut omnes, ut ego persuadeor, aut pleraeque, in ductum thoracicum conveniunt. Omnes autem in itinere glandularum proprium genus offendunt, conglobatas: has subeunt, ex

venosis conicis convergentibus arteriosae factae, divisae in ramulos: & ex iisdem redeunt, confluxurae in alios trunculos. Repertae sunt in superficie viscerum thoracis & abdominis, in brutis animalibus tamen facilius, in faciei parte inferiori, linguae musculis & vicinia, collo, parte artuum superiorum trunco propiori ad usque cubiti flexuram, omni longitudine mediaestini antici, postici, omnique fede, ubi glandulae conglobatae in collo & thorace reperiuntur, omni regione lumbali aortae contigua, mesocolo, pelvi, testis vasis & superficie, artubus inferioribus ubicunque glandulae conglobatae adsunt. An ultra? an ubique, & in cerebro, oculo, manu, pede, dorso, peritonaei parte anteriori? Non satis certa in homine experimenta, aut non satis copiosa sunt, quae adfirment. Ubique in superficie viscerum, & circa vasa rubra majora reperiuntur.

LII. Valvulae istae sunt gemella vela semicircularia, quae cedunt liquido ad truncos majores venienti, & adplicata parietibus lumen relinquunt liberum. Eaedem valvulae, si liquor ex latiori tubo ad canales tenuiores rediverit, tument impletae, expanduntur, lumen claudunt.

LIII. Sed in majoribus venis sanguineis ejusmodi *valvulae* magna copia reperiuntur. Velare spatium cum progredientis venae pariete intercipiunt, cujus paries exterior ipsa vena, interior valvula est, quae convexitate sua in tubulum venae eminet. Parabolici spatii basis, sive ostium cavi venarum valvulosi, semper ad cor respicit. Reperiuntur in venis subcutaneis omnibus, in artubus, in venis colli, faciei, linguae, in venis penis, ad magnorum ramorum ortum, duae, tres, quatuor, ad quinque usque, ad minores ramos singulae. Nullae sunt in viscerum profundorum venis, nullae adeo in cerebro, pulmone, corde, hepate, & omni systemate venae portarum, renibus, utero, excepta una alterave venae spermaticae valvula, nullae denique in venis minoribus, intra lineam diametrum habentibus. In azyga, sed raro, viae sunt. An in cava ad ostium hepaticarum, renalium? harum loco rugas aliquas vidi.

LIV. In minoribus ramis solitariae valvulae longae & acutius parabolicae sunt, fere eo longiores, quo ramus minor est. Eae potentius, quam majores, sanguinis recursui resistere videntur.

LV,



LV. Commune his valvulis officium est, omnem pressionem, undecunque venae urgeantur, ad cor determinare, dum sanguini venoso, qui truncum semel subiit, omnem spem refluxus in ramos intercipiunt. Cum enim spatia velaria sursum, versus cor, patula sint, subit in ea sanguis a corde rediturus, & expandit. Sic pars earum valvularum, quae in lumen venae libera eminet, accedit ad axin, donec obpositam contingat, tubulum claudit. Docet flatus, ligatura, injectio, neque enim unquam facile contra valvulas liquidum in venam urseris. Non quidem ubique caveam penitus claudunt, sed etiam tunc magna tamen ex parte obturant.

LVI. Alterum valvularum officium esse videtur, sustinere pondus sanguinis, ne superior in inferiorem gravitet, neque sanguis per truncum fluens sanguini per ramos advenienti resistat. Si enim ex lentiore motu sanguinis factum sit, ut pondus sanguinis aliquam majorem ad motum inpressum rationem habeat, & aliqua pars columnae sanguineae incipiat a pondere deorsum moveri, sustinet proxima valvula labentem, facit ne columnam successuram urgeat, tempus concedit vicino alicui musculo, ut concussu suo valvulam liberare, columnam promovere possit. Haec ratio

ratio situs valvularum in artubus, in collo: quae ibi & plures, & robustiores sunt, quam alibi. Haec etiam causa varicum, ubi sanguis valvulas ingressus deorsum urget earum solidum verticem, & descendere, & dilatari cogit.

## CAP. IV.

**MOTVS SANGVINIS PER  
ARTERIAS ET VENAS:  
SIVE CIRCVLATIO.**

LVII. In arteriis & venis haecenus descriptis, continetur vel sanguis vel lympa. Sanguis ruber, cujus natura dicetur, ubi de secretionem agemus, replet arterias & venas vulgo notas, quas rubras, vel primi generis vocamus, & quarum origo in corde est. Ita vero replet in vivo homine, ut modo laxae & imperfecte distendat, modo plenissimas reddat & turgidas. A morte venae sanguine plenissimae sunt, nonnunquam tamen venae minores, maxime diutius a morte, aëre turgidae reperiuntur. Arteriae in cadavere plerumque modicum sanguinis continent.

**LVIII.** Sanguis iste per vasa omnia corporis vivi rapide movetur. Demonstrant vulnera, per quae cito ad mortem usque tantum sanguinis effluit, quantum ad vitam requiritur, quod ex arteriis magnis fere subito, ex minoribus & minimis nonnunquam celeriter saepe, ex venis, nisi maximae sint, aegrius contingit: Neque tamen desunt exempla haemorrhagiae mortiferae ex vulneribus venae angularis oculi, raninae. Experimenta denique in vivis animalibus capta summum inpetum, quo sanguis, inprimis per arterias, movetur, satis adseruerunt. In arteriis majoribus velocissime, ad 74. vel 149. pedes intra minutum primum procurrit, in minimis multo lentius, vigecuplo, vel ultra. In venis magnis in ea ratione tardius, quam per arterias, promovetur, quo arteriarum lumen venoso minus est, duplo pene vel triplo. Argumento etiam est compressa vena, & soluta, ut sanguis a valvula ad valvulam promoveatur.

**LIX.** Motus iste in venis satis aequalis, in arteriis alterne major est, ut modo altius subsiliat, modo remittatur. Id in vivis animalibus oculi usu confirmatur.

**IX.** Directio *motus sanguinis* per vasa rubra hujusmodi per experimenta inventa est. Primo arterias & venas communicare omnes,

certum est, cum ex una, saepe parva, arteria, omnis sanguis ad mortem usque & summum pallorem omnium carniū exiverit, non ejus solum artus, qui percussus est, sed corporis universi. In arteria narium, internarum, gingivae, digiti, dentis, poro cutaneo, puncto lacrumali, cucurbitulae vulnere, hirudinum morfu, tristia experimenta facta sunt. Oportet adeo, ut viae sint, per quas ex venoso systemate in arteriosum sanguis celeriter veniat.

LXI. Deinde in arteriis sanguinem a corde ad extremam partem fluere, demonstrat ligatura in vivo animale. Quaecunque enim arteria vinculo adstricta fuerit, ea tūmet inter cor & partem ligatam, depletur inter vinculum & reliquam, remotius a corde positam, partem arteriae, neque ibi pulsatur, neque laesa ibi sanguinem fundit. Quod vinculum, id morbus facit, tumor conprimens, aneurysma intercipiens motum cordis. Experimenta in plerisque arteriis facta sunt, etiam a nobis.

LXII. In venosi sanguinis motu dubitatum est, omnisque antiquitas persuasa fuit, sanguinem & in venis a corde, vel certe hepate, ad partes omnes fluere. Rari sunt, qui errorem agnoverunt, in vena pulmonali quidem plures SERVETVS, COLVMBVS, VALVER-

DVS, IOHANNES LANGIVS LEMBERGIUS, PIGAFETTA, ARANTIUS, H. CONRINGIVS, MERCATVS, PLATERVS, SPIGELIVS, C. HOFMANNVS, & ipse GALENVS; in vena cava pauciores, & solus ANDREAS forte CAESALPINVS, pro casu vero rariori VESALIVS, & magis dubia fide HELFRICVS DIETERICVS.

LXIII. Primus HARVEIVS per experimenta ita adstruxit motum sanguinis venosi, qui undique ad cor redit, ut nullus dubio locus superfit. Et primo valvulae ad veritatem ducunt. Eae enim omnes flatum, ceram, a minori & remotiori fine venae ad cor celerrime ducunt; eadem cerae, & flatui, a corde ad partes extremas redituro, pertinaces resistunt, & vix cedunt, nisi fractae. Quod in aeris cerae, olei, argenti vivi motu venae efficiunt, id in motu sanguinis muneris praestare necesse est, cum color liquidi fluenti directionem non mutet.

LXIV. Sed etiam eae valvulae, quae in corde dextro sunt, eam habent, quae dicetur, fabricam, ut sanguinem, flatum, ceram ex venosis truncis cavae in cor libere admittant, ex corde nihil finant elabi.

LXV. Deinde ligaturae in vivo homine poterant rem evidentem facere. Arte, casu,  
li-

ligatis cum ipso artu venis poplitis, brachii, tibiae, tumet artus undique sub vinculo, distenduntur venae, turgent, & percussae sanguinem liberaliter fundunt. Nihil hujusmodi super vinculum contingit, neque venae ullae adparent. Idem fit, quando viscera scirrhusa, glandulae tumentes venam conprimunt. A polypis venarum magnarum frequentes tumores.

LXVI. Accuratiores sunt, quae in vivis animalibus facta sunt experimenta. Per ea, etiam nostra, constitit, ligata in vivo animale quacunque vena ad cavam, vel ad pulmonales venas pertinente, semper tumere partem a corde remotiorem, & sanguine retento sub obstaculo distendi, super cor detumescere, pallefcere. Hinc in haemorrhagiis olim veteres ligatis artubus aliquam partem sanguinis, quae ad vitam sufficeret, retinuerunt, ne ad cor & vulneratam arteriam veniret, quodcunque partes omnes continerent. Denique, si & arteriae & venae ligatae fuerint, detumescunt venae, eademque soluto vinculo continuo replentur.

LXVII. Porro ex transfusione sanguinis constitit, sanguinem vitalem unius animalis per venam alterius, omni sanguine exhausti, immissum, ejus cor, & arterias, & venas ita replere



replere, ut totum alacre, turgidum, etiam plethora laboret. Sic porro infusa in venas liquida exserunt effectus suos anodynos & inebriantes in cerebro, emeticos in ventriculo, purgantes in intestinis, coagulantes in toto corpore, manifesto argumento, ea vim suam ad cor, inde in arterias misisse.

LXVIII. Sed ex arteriis minimis in venas minimas sanguinem transire docet injectio, per unum truncum arteriosum replens omnes arterias venasque, facile fere in omni corpore, si liquor aquosus fuerit & fluxilis, facillime in capite, mesenterio, corde, pulmone.

LXIX. Denique microscopium in pellucens animalium caudis, pedibus, mesenterii, extra dubium constituit, sanguinem per arterias ad extrema delatum, vel in continuas reflexae arteriae venas, vel per ramos a trunco arterioso in paralellam venam communicantes, transmitti, per venas ad partem cordi propiorem redire. Fit autem hic transitus tum in minimis unius globuli capacibus venis, tum in paulo majoribus, quas duo globuli perfluunt. Spongia vel parenchyma inter arterias & venas nusquam intercedit: demonstrat microscopium, injectio, quae materiem in massas informes effunderet, si cellulosa spatia arteriam inter, & venam essent.

LXX.

LXX. Itaque inter veritates medicas ab omnibus est recepta *circulatio sanguinis*. Omnis nempe sanguis humani corporis per arteriam aortam a cordis sinistro sinu versus extrema convergentium ramorum arteriosorum ducitur: omnis inde in venas minimas transmittitur, hinc in majores, per eas ad venas magnas, cavamque & cor usque redit, idemque iter perenne legit & relegit.

LXXI. Est tamen, ubi ex adfectu animi, ex subita revulsione per venae sectionem magna, ex convulsione, sanguis ex arteriis minoribus in majores retrocessit. Est vicissim, ubi ex venosis trunculis super valvulas, obstaculo nato, sanguis in extremos ramulos relabi visus est. Sed haec brevia sunt, & in naturale iter cito redeunt.

LXXII. In vasis lymphaticis valvulosis, venosis, itineris naturam ligatura demonstrat, & valvulae. Omne enim vas lymphaticum ligatum, tumet inter minores radículas suas & thoracicum ductum, detumescit inter eum ductum & vinculum. Valvulae omnes, similes venosis, iter liberum ad thoracicum ductum permittunt flatui, argento vivo; contrario itineri, & saepe pertinaciter, resistunt.

LXXIII. Vapor, quo cellulosae telae mudent, halitus abdominalis aliorumque ventrium, ex venis minoribus ad rubras ita vehuntur, ut ad cor liquores suos remittant. Hinc sub vena compressa, ligata, oedema fit, stagnans nempe intercepto itinere vapor. In reliquis minoribus vasis experimenta fieri nequeunt, sed consentit ratio & analogia, & de fluido ex intestinis, ex vesiculis pulmonis, ex cute resorbto experimenta adferentur.

LXXIV. Omnes ergo in corpore humano liquores ex corde in aortam expelluntur, omnes inde per venas minimas ad cor redeunt, iis exceptis, qui extra corporis cavitatem exhalant, aut excernuntur. Supereſt, ut via inveniat, qua sanguis ex dextro corde in sinistrum veniat, sed ea via supponit cordis & vasorum pulmonis historiam.

CAP. V.

C O R.

LXXV. Thoracis fabrica ossibus & cartilaginibus structa in universum conum truncatum refert, ut alibi dicetur. Hujus conilaterales partes sunt duo sacci membranei, superne obtuso fine ad primam costam terminati: vicini ibi & cellulosa aliqua unice distincti.

cti. Obliquitas vero ea est, ut faccus dexter latior sit, & ad medium sternum adhaereat, descendendo vero sinistrorsum inclinetur, sinister non ex sterno, sed ex cartilaginibus costarum descendat. Sacci internae sibi opppositae laminae sunt, quod vocant anatomici *Mediastinum*. Hi sacci nullibi communicant, & potest dexter aperiri, pulmo destrui, sinistro illaeso, Membrana vero, quae hos saccos facit, simplex, densa, extus cincta cellulosa tela, *Pleura* vocatur, peritoneo durior, maxime ad dorsum, anteriorius mollior. Mediastini cavitas, sive intervallum sacci dextri sinistrique superne latius, neque inferius nullum, thymum continet, glandulas conglobatus, adipem, vasa.

LXXVI. Inferius iidem sacci divergendo a se invicem recedunt, medianque in omni dimensione relinquunt cavitatem, quae saccos separat. Ea cavitas pericardium est. Sed sacci pleurae ad latera pericardii, & ante idem & pone descendendo, ultimo in septo transverso terminantur, in quo basin suam oblique truncatam habent, ut anterieus brevis, retrorsum longius descendat, eademque sursum cava sit. In his saccis pulmones sunt. Posterius iidem sacci sibi vicini pariter cellulosa fabrica separantur, quae in pericardio

ter-

terminatur, & arteriam magnam, & oesophagum continet. Hoc est *posterius mediastinum*.

LXXVII. *Pericardium*, sive saccus tertius, quem cellulosa primo, deinde adplicata pleura ubique, tamquam exterior lamina, laxe circumdat, exigua quidem parte sternum contingit, cum pulmo repletus anterieus etiam pene totum cor operiat, seque sterno & pericardio inferius interponat, & mediastinum sensim finistrorsum divergendo, angustum omnino intervallum, sub thymi fine inferiori habeat, ad cuius utrumque latus ipsi pulmones sequuntur, qui quidem situs corrumpitur, ni cautus sis in eo modo, quo thorax aperitur. Basin pericardium habet latam, subrotundam, quae septo transverso tendineo, minorique parte carneo, laxiori in junioribus, strictissima in adultis cellulosa tela adnascitur, & ad dextra latior est, finistrorsum gracilescit. Corde aliquanto majus est, ut libere moveatur. Numquam certo defuit.

LXXVIII. Sursum pericardium sensim angustatur, & supra cor in appendicem conicam, obtusam, abit, quae in magnorum vasorum tunicas ad partem pene supremam sterni adhaeret, altissima ad sinistrum aortae limitem. Nempe pericardium ad octo truncos  
magnos

magnos vasorum, qui ex corde prodeunt, ita adhaerescit, ut cylindrica productione undique vas quodque amplectatur, hinc inter duo vicina quaeque instar septi adpareat. Sed ea vagina, quae vasis circumponitur, exigua longitudine naturam conservat, & continuo cum ipsis magnis vasis, quibus ibi pro externa tunica est, ad cor redit, cellulosam vero fabricam in pulmone vaginae modo, cum vasis magnis arteriosis & venosis mittit.

LXXIX. Pericardii arteriae sunt a thymicis, comitibus phrenici nervi supernis & infernis, phrenicis majoribus, mammariae ramis mediastinis, bronchialibus, oesophageis, mediastinis posterioribus, coronariis, quae cum bronchialibus aliisque inoscuntur. Venarum trunci similes sunt, sed evidentioribus a dextris in sinistras anastomosibus. Nervi, a cardiacis superficialibus.

LXXX. Valida membrana est, quae pericardium proprie efficit, alba, stipata, aorta ipsa robustior, laminis ad minimum duabus composita, inseparabilibus ob cellulositatis mediae densitatem, quam vasa tamen & maxima animalia demonstrant, inter quas nervi cordis & vascula descendunt, plures autem siphon anatomicus separat. Exteriorem superficiem cellulosa circumposita subasperam facit,



facit, interna levissima est, & aquoso halitu undique irroratur. Is halitus, in vivo animale perpetuo mihi visus, parcam, sed aliquam, constituit aquam pericardii, rubellam, subviscidam, quam non bene negant aliqui, morbi vero in inmenſum nonnunquam augment. Natura hujus aquae lymphatica est, cum ad ignem in gelatinam spiffefcat, inque villos & cellulofam pariter naturam in morbis cogatur. Absque glandulis ullis porisve visui conspicuis ex arteriis exhalantibus cordis, pericardii, aurium excernitur. Demonstrat exsudans aqua, gluten, injectum arteriis magnis.

LXXXI. Utilitas pericardii est vaporem, & cor continere, ut firmitatem habeat, ad quam, tamquam fulcimentum, motum fibras adducat, neque vasa magna in motu distrahat, neque in corporis variato situ pendulum fluctuet. Omnibus ideo datum est animalibus, quibus cor verum est. Aquosus vapor irrorat cor calidissimum, rapidissime motum, frictionem, & cohaesionem cum pericardio inpedit. Siccato vapore, idem pericardium adhaeret cordi, aut in aliquo loco, aut ubique.

LXXXII. Venae, quae ab universo corpore ad cor sanguinem revehunt, duae sunt, si a pulmonalibus recedas. *Cavam* vocant anatomici, sed truncus nunquam unus est. Earum magnarum venarum inferior, major, in homine, statim supra diaphragma, dextro quidem pariete adscendit, paulum dextrorsum gibba, ut superiorem cavam contingat, eademque ex parte posteriori faciat septum medium inter hunc dextrum, & sinistram sinum. Sinistra vero pars tubi degenerat in aurem dextram, cujus fibrae cum cavae venae fibris continuantur. Idem de superiori *cava* verum est.

LXXXIII. Ita nascitur cavitas, cujus dexter limes liber, convexus, factus est ex concursu duarum cavarum, plenus fibris carneis inter duas membranas simplices varie intextis. Sed eadem cavitas anterieus, sinisterius, secundum perpendiculum oblonga, pene ovalis, antrorsum dilatatur, & sursum denique in caecum finem acutum, a corde liberum, arteriae magnae incumbentem terminatur. Ea cavitas undique, inter externam cordis membranam & tenerrimam internam, fibras copiosissimas habet, carneas, liberas, pene parallelas, quae & a dextro limite totius cavitatis, & a sinistro ortae, in arcum

parallelorum speciem, circa anteriorem semicylindrum ejus cavitatis, circumducuntur. Eos arcus musculosos minimae obliquae fibrae connectunt. Haec pars anterior, lacertosa *Auris*, dextra vero & posterior & levis, *sinus* vocatur.

LXXXIV. Ubi cava vena inferior in aurem dextram hiat, a columna tumida foraminis ovalis sinistra, oritur lunata membrana secundum naturam integra, ob teneritudinem nonnunquam in adultis reticulata, quae circa limitem inferiorem auriculae circumducta, perpetuo gracilescens, dum dextrorsum redit incurva, fere dimidium auris ambitum circumscribit, & a vena cava aurem tamquam septum separat, *Valvulam* vocant EVSTACHI. Ovale foramen alibi dicitur.

LXXXV. Sanguis duarum venarum cavarum in hoc, ex sinu & aure conpositum, unum tamen cordis *atrium* confluit, ibi expectat cordis relaxationem. Inde propellitur, constrictis musculosis lacertis auris, semicylindrum auris anteriorem ad planitiem reducentibus, dum ad anteriorem terminum sive initium cordis, & ad posteriorem sive sinum, contractae, medium arcum retrorsum ducunt. Ita sanguis venae cavae utriusque mixtus, in cordis ostium, liberum nunc, per

valvularum patentem riuam cunei similis ita inpellitur, ut valvularum dextri cordis ventriculi plana undique ad cordis parietes adplicentur. Ne in inferiorem cavam redeat sanguis contracta aure, & succedens sanguis ex abdomine & valvula EVSTACHII inpedit. Ne sursum redundet, & sequens unda sanguinis & pondus cavet.

LXXXVI. Cor ipsum dimidii coni aliquam speciem habet. Sectio coni per axin ducta, conumque bipartiens, triangularis fere sed fine obtuso, incumbit septo transverso, ad ejus formam conplanata, & ab eo sustinetur. Coni vero superficies convexa, in pericardio sub magnis vasis ita inclinatur, ut crassior semicircularis curvitas sit in superiori & sinisteriori termino, qui *margo obtusus* recentioribus: inferius, anterieus eadem in aciem quamdam extenuetur, sive *acutum* marginem. Hic situs est in homine, in brutis enim cor pene parallelum axi pectoris majori, apice unice septum contingit.

LXXXVII. Cor totum cavum est, & *Ventriculum* quidem *anteriorem* habet auriculae dextrae sinuique, ut vocant, conterminum, latum, semicirculare, minus longum, qui ad bifurcati apicis breviorern mucronem finitur.

tur. Ostium hujus ventriculi, quo ad aurē aperi-  
tur, ellipticum, albo, non tendineo a-  
deo, quam calloso & glutinoso margine, ter-  
minatur, cui fibrarum & carnearum stratum  
incumbit, & extus pinguedo.

LXXXVIII. Ab eo margine porrigitur in-  
tra cor anulus membraneus, ex duplicata  
membrana interna auris productus, in ven-  
triculum fluitans, hactenus continuus. Sed  
ille idem anulus parte ea, quae in ventricu-  
lo natat, in tres partes inaequales trapezias,  
ita finditur, ut aliquo modo possis & *val-  
vulas* vocare, & tres numerare, quae tamen  
sunt unius anuli, unice hic latioris, partes  
continuae. Hae *triglochines* dictae sunt ve-  
teribus.

LXXXIX. Earum valvularum facies, quae  
cordis parietem respicit, tendineis fibris robo-  
ratur, quae eundo collectae, firmissimis funi-  
culis aliquot ordinum, implantantur partim  
in cordis parietes, partim in musculos papil-  
lares, vel cylindricos, ex parte ventriculi  
dextri sinistra dextrorsum adsurgentes. Ma-  
ximus est, qui majori valvulae respondet,  
quae eadem superior est, & respondet vici-  
no ostio pulmonalis arteriae. Minima val-  
vula inferior est & dextra.

**LXXXX.** Hujus valvulae utilitas absque obscuritate est. Contracta aure dextra, constrictis fibris septi inter duas aures medii, sanguis retentus in atrio cordis dextro, ab ambitu ad axin compulsus, separat instar cunei pendulas portiones anuli, quas valvulas vocant, & parietibus adprimit. Ita repletur cordis dexter ventriculus, & una valvula superior (LXXXIX.) obturat arteriam pulmonalem, ne sanguis debili impetu auriculae in eam arteriam subeat, sed corde prius receptus, valida inde contractione violentius in arteriam expellatur.

**LXXXXI.** Hoc sanguine copioso, calente, gravi, irritatur cordis sensibilis caro, & ad constrictionem sollicitatur. Irritatum enim cor contrahi in moriente, in mortuo, demonstrat impulsæ aqua, aura, quæ cor, etiam quiescens, ad motum revocat.

**LXXXXII.** Cordis motus peragitur a fibris muscularibus, quarum in universum origines sunt ab anulis cellulosa firma tela factis, qualem descripsi LXXXVII. & quales omnia vasa majora cordis circumdant. Inde ortæ fibrae obliquo ductu lente descendunt, sinistrorsum, ad apicem, stratis multis & subinde se paulum decussantibus, quorum interiora magis transversa sunt. In plana fa-



cie cordis LXXXVI. paucae sunt, & ita tenues, ut post pinguedinem fere nuda cavea sequatur. Ventriculum, qui sinister dicitur, firmissimae circumdant, & in septo cum fibris dextris leniter decussatae intrlicantur. Earum fibrarum aliquae in cordis caveas descendunt, & carnes illas faciunt, quas dixi ad LXXXIX. Aliae ad apicem in vorticis speciem circumductae, bicornes ventriculos firmo glomere terminant. Et externam superficiem & internam fibrarum tenuis & levissima membrana obducit; externae vero maxime circa vasorum coronariorum ductum plurimus adeps subest. Nihil ego ultra satis distincte in humano corde vidi, cum haec propria cordis fibris sit indoles, ut ramosis appendicibus inter se conjunctae, nunquam possint absque laceratione separari.

LXXXIII. Magni vero viri, quorum & industriam & candorem veneror, fibras istas evolutas & descriptas dederunt. Fibrae nempe cordis externae utrique ventriculo communes descendunt ad mucronem, & in itinere aliae in septum se defigunt, aliae ad mucronem perforant ventriculum sinistrum, atque revolutae contrario ductu ad basin redeunt, per interiorē ejus ventriculi superficiem. Mediae vero inter intimas mo-

do dictas & extimas, etiam descriptas, aliae sunt, quae varie inclinatae, versus basin magis transversae septum constituunt. Alii etiam viri multorum ordinum, quorum extremi intimorum contrarii, intermedii transversi sint, icones & historias dederunt. Quae, uti non maxime a meis observationibus differunt, minime negare sustineo, etsi nunquam satis manifesto vidi, novique magnos anatomicos nihilo feliciores fuisse.

LXXXIV. His fibris sui sunt, ut reliquis musculis, nervi, multiplices, & variae originis. Primi, supremi, in latere sinistro a nervi intercostalis ganglio cervicali supremo, a trunco nervi intercostalis ipso, & a medio ganglio [in dextro fere a solo medio ganglio, non, a supremo] proveniunt et a plexu pharyngis, quem intercostalis nervi molles ramuli cum glossopharyngei surculis componunt. Iidem partim in magnam arteriam utrinque & pericardium descendunt, superficiem secuti; partim, variis prius minoribus plexibus factis, inter asperam arteriam & magnas illas ex corde euntes arterias, plexum faciunt, unum aut plures, ex nervis dextri & sinistri lateris conjunctos, aliquando tamen etiam distinctos. Ab eo plexu, plexubusve, rami alii inter aortam atque pulmonalem arteriam ad cordis dextram ar-

teriam adveniunt: alii trans arteriam pulmonalem, inter eam & aurem ejus lateris, ad coronariam sinistram eunt, alii retro arteriam pulmonalem ad eam coronariam, alii denique retro arteriam pulmonalem dextram ad sinum sinistrum & cordis faciem planam profundissimi descendunt. Ad eum, quem dixi plexum, alii majores nervi accedunt, & a cervicali quinto, & ab inferioribus, & aliquando a phrenico nervo, & a ganglio cervicali infimo nervi intercostalis orti, cui maximae radices a cervicalibus imis nervis accedunt. Hi majores, mollissimi, transversi, miscentur priori plexui. Denique ab octavo pare, & recurrente, ad plexum cardiacum ramuli aliqui incerto loco & numero accedunt, varie inosculati cum intercostalibus, & cum octavo confusi. Quos clari viri a plexu magno abdominis per foramen venae cavae ad cor adscendere viderunt, eos utique nondum vidi, etsi diaphragmaticos eo loco ortos, neque ab iis viris inmemoratos, etiam ganglia propria habentes, facile sit detegere.

LXXXV. Hos nervos ad movendum cor plurimum facere, demonstrat communis natura musculorum, motus cordis ab irritatis nervis octavi paris, aut cerebro, aut spinali medulla

medulla auctus, languores a ligatis nervis, plerumque vel subito funesti, vel certe post aliquot dies, etiam si exiguam nervorum partem vincere liceat, intercostales enim, & magis adhuc a ganglio thoracico supremo ortos non est vincere.

LXXXXVI. Aliquid tamen aliud etiam subesse causae, videntur suadere pertinaces motus cordis nondum sicci, in animalibus homini similibus, ut cane, per tot horas vissi, in genere vero animalium, cui unicus est cordis venter, multo constantiores, etiam in exento corde, a quo omnis nervorum influxus abest. Utut sit, in eo omnia experimenta consentiunt, cor irritatum fotu, vapore, frigida, veneno, & imprimis impulsu flatu, aqueo liquido, cera, sanguine, continuo contrahi, & fibras omnes in motum cieri rapidum, vehementem, modo toti cordi communem, modo alicui particulae proprium.

LXXXXVII. Ergo ab impulsu sanguine venoso cor stimulatum contrahitur. Contractio ista convulsiva, summa celeritate, cum manifesta fibrarum corrugatione fit, & cor totum brevius, crassius, durius redditur, & apex ad basin accedit, quod in vivis brutis dissectis certa fide crebro vidi, ut aliquid fraudi fuisse oporteat Cl. viris, qui cor in contractione

tractione longius fieri adfirmaverunt. Expallefcere autem in animalibus calidi sanguinis non videtur. Ea actione intumefcunt introrfum carnes cordis, atque, uti digitum inmiſſum conprimunt, ita ſanguinem. Accurate vero ſatis cor evacuari demonſtrat & eventus, & monticulis plena ſuperficies interna, quae tubera fulcis undique reſpondentia habet, & reticulatos, craſſos, lacertos ſoſſis interruptos. Caeterum apex paulum in uncum contractus ferit partem pericardii & thoracis proximam, antrorfum praeterea pulſus a ſinu venoſo ſiniſtro, qui eo inprimis tempore repletur. In expiratione valida ſatis vehementer ſurſum & antrorfum adtollitur. Experimento utrumque conſtat.

II C. Sanguis, quem cor contractum urget (LXXXXVII.) undique quaerit effugium. Dum vero a parietibus cordis orta contractio ſanguinem ad axin ventriculi conpellit, ea pars ſanguinis, quae inter anulum venoſum (LXXXXVIII.) fuit & cordis parietes, urget ante ſe anulum, & introrfum ejus fines liberos extendit. Sic, dum idem in omni ambitu fit anuli, extenditur iſte; ſanguinis aliquam partem rejicit in aurem dextram, quae in conum apertae valvulae deſcenderat, deinde obturat oſtium venoſum, eo fortius, quo

quo cordis contractio validior est, & procul dubio valvulas, quae tricuspidēs dicuntur, in aurem urgeret revolutas, nisi musculi papillares (LXXXIX.) retinerent earum oras, & contractione sua, quae contractioni cordis eadem est, eas in ea figura firmarent, in qua & tensi sunt lacertuli innexi valvulis, & tamen non violantur. Expulso corde cor quiescit, ex solo stimuli defectu. Fibris enim propriis dilatari repugnat oculo, qui omnes fibras cordis una & simul videt in contractionem niti, rationi, quae nexas transversis ramulis fibras cordis videt, non posse seorsim operari.

IC. Sed idem sanguinis nixus aliam viam sibi aperit. Dum valvula dextra major (LXXXIX.) ad axin cordis adcedit, a parietibus vero repellitur, deferit id, quod clauderat, ostium pulmonalis arteriae, & sanguis id aperit, valvulas ipsi arteriae adpositas ad parietem ejus arteriae adprimit, in pulmonalem arteriam erumpit.

C. Ex parte nempe suprema posteriori ventriculi, qui dexter dicitur, via ducit in arteriam, celluloso callosoque circulo cum corde valide connexam, quae sinistrorsum adscendit & retrorsum, & retro arcum aortae se recipit. Modica est huic arteria firmitas,



mitas, ut aorta multo debilior sit. In interiori vero superficie arteriae, ex ea parte, quae cum corde connectitur, *valvulae* semilunares oriuntur. Harum quaelibet fit duplici arteriae membrana, ex obtuso, satis plano arcu, sursumeducta; in universum parabolica, margine libero, fluitante. Eum marginem corpusculum callosum, conicum fere, sed ex planis inclinatis compactum, medium plerumque dividit, in ipso nonnunquam fetu, ut, qui margo lunulae figura aliquin foret, in duas nunc lunulas dividatur. Inter duas membranas valvulae fibrae aliquae musculares, vel tendineae adparent, ex ora & firma radice valvulae natae, partim transversae, quarum aliquae etiam valvulam ad proximum parietem cordis firmanant, relictis nonnunquam intervallis, in reticuli speciem. Aliae adscendunt ex basi, corpusculo calloso adnatae, eae valvulam retrahunt & sinum aperiunt.

CI. Earum valvularum quaelibet, cum tumente paulum ibi arteriae pariete, spatium intercipit ad cor caecum, sursum apertum, parabolicum, ut de venosis valvulis diximus (LIII.). Dum ergo sanguis a corde contracto ad axin ventriculi compulsus, secundum eum axin exit, cunei modo inter valvulas erumpit,

rumpit, earum liberos velares margines contra parietem arteriae pulmonalis adprimit, liberrime effluit. Demonstrat fabrica, injectio, vinculum.

CII. In pulmonalem arteriam receptus sanguis porro per pulmonem circulationem obit. Ea arteria primo in duos ramos dividitur, sinistrum minorem, brevem, qui pulmonem suum continuo subit, dextrum ampliorem, longiorem, qui retro aortam transversus ad suum pulmonem migrat. Ex utroque, multiplicata ramorum divisione, minimi ramuli oriuntur, quorum pars exhalat aqueum liquorem in cellulas pulmonis, pars in venulas continuatur. Ea enim directione ire sanguinem demonstrat fabrica, ligatura, quae sanguinem inter cor & pulmonem coercendo arteriam dilatat, polypi, a quibus obstructo ostio arteriae pulmonalis cor dextrum enormiter intumescit, & denique rumpitur, dum sinistrum inane manet, injectio, quae aquam, gelatinam, lac facillime ex arteria pulmonali in venam inque cor sinistrum urget. Anastomoses vero arteriarum cum venis ipsas in ranis microscopium demonstrat.

CIII. Neque relabi potest in cor is sanguis, qui semel arteriam pulmonalem subiit. Valvulae enim (C.) eas mensuras habent, ut explicatae perfecte claudant ostium cordis, & ita firmae sunt, ut longe majori nixu, quam est arteriae pulmonalis contractio, nequeant superari. Utique tamen a magno nixu contractae arteriae callefcunt nonnunquam, aut laceratur altera membrana, & ossea materies in duplicaturam valvularum effunditur. Dum nempe sanguis a contracta arteria versus cor retrogreditur, offendit aperta ostia spatiorum velarium (CI.) ea subit, expandit valvulas, & cogit ad medium axim accedere, quae, ubi expansae sunt, ostium claudunt, ut ne rima supersit, nam & eam corpuscula illa dura (C.) abolent.

CIV. *Venae pulmonales*, alibi uberius dicendae, colliguntur in ramos, in truncos denique *quatuor*, raro duos, quorum loco mos invaluit, ut unicam pulmonis venam nominent. Ii trunci pericardii, a quo vaginam accipiunt, caveam subeunt; & inferuntur angulis quadrati *sinus* sinistri, sive *posterioris*, quem etiam pulmonalem vocant. Superiores venae descendunt, adscendunt inferiores. Venas autem istas sanguinem suum in ea directione ferre, quae ad sinum ducit, ligatura

ligatura demonstravit, qua vena inter vinculum & pulmonem retento sanguine turgida facta est.

CV. Sinus iste variis fibrarum fasciculis inter duas membranas decurrentibus, firmiter conpositus, ad dextra, anteriora communem habet cum dextro sinu parietem (LXXXII.), ad anteriorem vero terminum & sinistrum in adpendicem abit conicam, processibus crenatam & cristatam, quae bis, terve, in serpentem flexa, ventriculo sinistro incumbit, *auris sinistrae* nomine. Sinus iste una cum aure sua dextra aure paulo minor est.

CVI. In hoc sinu sanguis exspectat cordis relaxationem, cum qua sanguinis nixus valvulas venosas impellens, & nixu sinus fortior remittit. Tunc contractus sinus, & una parva auris, sanguinem ea ratione in cordis sinistrum ventriculum impellit, uti auris dextra in suum thalamum eam undam impulit (LXXX.). Nam similis ibi *anulus* valvulosus, ovalis, membranaceus, similes habet productiones, quas valvulas vocant *mitrales*, & pro duabus numerare solent. Longiores etiam sunt, & robustiores dextris. Earum per-

perinde carnei sunt muscoli, cuique suus & unicus, sed multo valentior; frequentius vero, quam in dextris valvulis, ex summo nixu cordis confricata valvula passim tumoribus cartilagineis in principio tendineorum funiculorum abundat.

CVII. Ergo in sinistrum ventriculum sanguis venit, quem cavae venae in dextram aurem miserant LXXXV. haec infuderat ventriculo cognomini LXXXX. is in pulmonalem arteriam pulerat IC. qui, ex ea in venas pulmonales receptus, convector fuerat in sinum sinistrum CIV. indeque in ventriculum sinistrum pulsus est CVI. Haec est minor circulatio, multis nota veterum LXII.

CVIII. *Sinister Ventriculus*, vel posterior, vel superior, cordis semiconici eam partem occupat, quam obtusam esse dixi LXXXVI. Augustior dextro est, & longior paulo, & teretior, minori in universum cavea. Capacitas enim fere duarum unciarum est, dextri ad tres usque. Fabrica intus reticulata similis est, subtilior tamen, & perinde sub ostio arterioso levis, vis major, quod ipse carnem multo validiorem circumpositam habeat.

CIX. Et ipse sinister ventriculus, laceffit ab impulsu sanguine, ex eadem natura irritabili,

ritabili, de qua superius (LXXXVII.) verba feci, contrahitur, & vehementi motu sanguinem suum ad axin compellit, & ad basin, dum conus cordis ad basin accedit. Idemque cum sit valvularum adparatus, sanguis venosum quidem anulum expandit, dextram vero valvulae productionem ab ostio, quod claudebat, aortae arteriae removet, hoc ostium sibi aperit, valvulas semilunares in eo ostio positas contra parietes aortae adprimit, in eam arteriam exit, vehementissimo impetu.

CX. Nihil valde a valvulis pulmonalis arteriae differunt aorticae. Unice, ut osculum majus, ita & ipsae majores, & fortiores sunt, & rarius destituuntur globulis illis callosis. Fibrae etiam valvularum tum transversales, tum adscendentes, paulo magis conspicuae sunt.

CXI. Considerandum vero est hos motus auris dextrae, sinistrae, ventriculi dextri & sinistri non ea successione fieri, secundum quam ordinis gratia eos motus descripsi. Aures enim utique contrahuntur, dum ventriculi laxantur, atque aurium contractio praecedit ventriculorum contractionem, manifesto experimento in moribundis, inque ani-



malibus, quibus sanguis friget. Sed una utraque auris repletur primo momento, una evacuatur utraque secundo, uterque ventriculus contrahitur tertio, sed quod idem primo est, & uterque evacuatus remittitur quarto, quod idem est secundo. Qui alia docuerunt, non satis magnum experimentorum in vivis animalibus fructum ceperunt. Auriculam ante mortem crebro palpitare, antequam vel semel cor contractionem perficiat, certum est.

CXII. Sed quaeri potest, quare cor indefesso motu, tot in vita annis, tot in anno diebus, in hora denique pulsibus, qui in sano homine non multo pauciores sunt, quam 5000, contrahatur, nunquam ferietur, sed repletioni contractio, huic nova repletio succedat in aeternum firmo ordine, neque unquam a tanto labore, quem nullus alius musculus vel paucis horis ferat, lassetur aut doleat. Varii respondebunt varia, desumpta a nervis inter arterias magnas compressis, de arteriis coronariis alterne cum corde repletis &c.

CXIII. Sed summa mihi videtur naturae simplicitas. Repletur auris, quando laxa est, vi musculosa venae proximae: ita cor pariter

contrahitur, quando a sanguine per aurem in-  
vecto irritatur. Ergo idem, ubi sangui-  
nem accepit, vi irritabili, & stimulo, quo  
fibrae in contractionem aguntur, constringi-  
tur, sanguine se evacuat, ideinque stimulo  
liberum quiescit atque relaxatur. Sed nunc  
laxum, ab auricula, quam par stimulus san-  
guinis venosi irritat, contracta repletur,  
cum perennis actio cordis & arteriarum, ad  
aurem continuo sanguinem adpellat. Ita se  
habere demonstrat observatio, quae succe-  
ssionem repletionis & contractionis in vena,  
aure, corde, arteria facile in debiliori anima-  
le distinguit; evidentius vero in iis animalibus,  
quibus unicus ventriculus est, testudine,  
rana, serpente, piscibus, pullo in ovo  
contento, cui pro corde curvus unice canalis  
adeft. Porro haec confirmat cordis quies a  
ligatis venis, cordis motus a solutis, (si haec  
phaenomena satis firma sunt,) certius autem  
ab impulsu flatu, liquore, cordis ranae cir-  
ca bullam aeream inflatam perpetua contra-  
ctio, quam alterne multis horis mittit in au-  
rem & alterne recipit. Hinc est, cur aures,  
& dextra imprimis, ultima omnium movean-  
tur, irritatur enim a sanguine, quem ipsum  
frigus corporis ex contractis partibus eo mittit,  
quo tempore pulmorepirationis praesidio de-

tutus refistit sanguini ventriculi dextri, neque sinister quidquam accipit, hinc non irritatus quiescit. Quem cavae venae motum tribuunt, is auri debetur, repellenti in utramque venam cavam sanguinem, quem cor emortuum non recipit.

CXIV. Neque quidquam ultra requiri credo. Si enim a nervorum compressione quietem cordis derivaveris, repugnant auriculae, quarum nervi non conprimuntur, exemplum piscium & pulli gallinacei, ubi nulla nervorum compressio locum habet. Si ab arteriis coronariis repetieris, experimentum contrarium est, cum valvulis aortae non tegantur, & ex arteriis coronariis sectis tempore systoles cordis sanguis altius exsiliat. Ita vero penitus insidet cordis fibris impatientia stimuli, ut etiam in emortuo pene viscere diversis locis ex punctis quasi radiantibus rugae motusque in viciniam propagati adpareant; deinde evulsum cor, & frigus, conpunctum, inflatum, laceratum, se constringat, & fibrae dissecti cordis orbiculatim se corrugent, nullo nunc nervo, nulla arteria cordi suppetias ferente. Eaque vis irritabilis major & diuturnior cordi, quam ulli alteri corporis parti insidet, ut possit ad motum eo tempore lacerando revocari, quo nullus alius musculus revocari potest.

.. CXV. Qua vero celeritate, & quo inpetu sanguinem cor promoveat, varie disputatum est. Recentiores scriptores calculum ita posuerunt, ut pro celeritate quidem definienda admitterent, ex ventriculis cordis prodire uncias duas, ea celeritate, ut pulsus pars, quae dicitur systole, intra tertiam partem pulsus totius, sive intra  $\frac{1}{225}$  minuti primi perficeretur, aream autem ostii aortae aestimaverunt ut c<sup>u</sup>. 4187. Ita dividendo spatium, quod a duabus unciis sanguinis repletur, (3. 318. poll.) per aream ostii aortae, hunc numerum, nempe longitudinem aortae cylindricae, quam replent duae unciae,  $= 7 \frac{29309}{33180}$  pollicis, multiplicando per 225. sive numerum pulsuum, invenerunt pedes 149. & 2. unc. dec. pro spatio, quod intra minutum primum sanguis percurreret, si ea velocitate pergeret, qua ex corde expulsus est, per arteriam cylindricam. Pondus vero sanguinis, quod cordi incumbit, aestimarunt ex saltu, quo ex arteria majori sanguis in vivo animali prodit, ad 7 pedes, decimas quinque, & ex areae ventriculi (15 unciarum) ratione. Sic prodeunt 1350 unciae cubicae sanguinis, sive librae 51. & 5. unciae, quae contra ventriculum cordis contracti nituntur. Ea ergo velo-

citare cor 51. l. projicit, qua intra minutum  
primum 149 pedes percurrant, idque 4800ies  
intra horam.

CXVI. Etsi multa hic subsunt, neque con-  
fecta, neque forte extricanda unquam, etsi  
incerta sit mensura areae ventriculi, neque  
saltus satis forte altus, si cogitaveris, ex mi-  
nutissimis arteriis sanguinem vehementer  
in vivo animale erumpere, etsi denique non  
possit facile confici, quantam partem totius  
pulsus systole cordis sibi sumat, a quo tamen  
numero mutato maxime calculus omnis mu-  
tatur, interim adparet validam esse machi-  
nam, quam cor vocamus. Consentit expe-  
rimentum, quo demonstratur, difficillime  
injectione anatomica repleri vasa omnia ru-  
bra, minora omnia replere impossibile esse,  
& tamen cor sanguine impulsio non solum len-  
te distendere vasa omnia majora, minora, mi-  
nima, sed magna praeterea celeritate san-  
guinem promovere. Ex minimis certe ar-  
teriis saltum aliquot pedum & parabolam  
descriptam vidi, cujus altitudo esset quatuor  
pedum, amplitudo vero projectionis ad sep-  
tem pedes, & ex aorta testes sunt, qui vide-  
rint ad duodecim pedes sanguinem exsiluisse.

**CXVII.** Deinde, ut vim cordis in vivis animalibus aestimemus, cogitandum est, quantae sint resistentiae, quas cor superat: aestimandum enorme pondus sanguinis totius, quinquaginta & ultra forte librarum, id enim totum, ubi quievit, in motum facile cor solum reducit, exemplo eorum, qui in deliquium animi inciderunt, aut ex aquis sunt revocati. Porro considerandum est maximum decrementum velocitatis, quod a majori lumine ramorum oritur, & omnino vel in intestinis videtur ad 24tam vel 30tam potentiam rationis  $\frac{3}{2}$  aestimari posse. Et tamen

celeriter moventur per minima vasa liquores, argumento perspirabilis Sanctoriani, quod valde velociter fumi modo adscendere vidi in subterraneis cuniculis, & sanguinis in piscibus moti. Cumque frictiones in omni machina maximam partem virium consumant, in humano corpore, ubi liquidum longe aqua viscosius fluit, in adeo angustis canalibus, quos singuli globuli, & ne sic quidem absque mutata figura perfluunt, frictionem maximam retardationem facere, facile intelligitur, magnam ergo vim esse, quae tantam molem, per resistentias & virium decrementsa promoveat.



CXIIIX. Sanguis in aortam impulsus offendit arteriarum coronariarum duo oscula, vicina aorticis valvulis, sed superiora, in ea omnium primo irrui, sic cor sibi ipsi sanguinem supeditat. Eae arteriae fere semper duae sunt, & ex corde angulo prodeunt cum trunco obtuso, quarum *dextra* inter aortam & arteriam pulmonalem, superior & *sinistra* inter aurem sinistram, & aortam exit. Omnes arterias externas multa pinguedo sequitur.

CXIX. Hae arteriae quidem parvis ramulis inter se ubique circa septum cordis & apicem communicant, anulum verum circa cor non perficiunt. Desinunt duplici modo.

CXX. Prior finis in venas est, quarum rami arteriarum focii decurrunt, trunci necessario differunt. Itaque sinistrae arteriae comes est vena *coronaria magna*, quae ad sinistriora valvulae Eustachianae in aurem magno & valvulis protecto orificio inseritur, radicem legit auris sinistrae, & ramos superficiales arteriae dextrae comitatur.

CXXI. Altera vena, sive partem prioris feceris, eadem enim utrique est insertio, per septum cordis in facie plana descendit, *Mediae* nomine digna. *Tertia* auris dextrae radicem transversa legit, & hinc in magnum ostium

ostium venae coronariae CXX. aut certe in viciniam hujus orificii, inde in venam anteriorem aperitur. Dat ventriculi dextri parti in facie plana sitae. Innominatas, proxime dicendas, saepe recipit.

CXXII. Aliae sunt venae aliquot *antiores cordis*, sed una major, quae in ventriculi dextri parte aciei vicina decurrit, & auri dextrae, obliquo itinere, aliquamdiu inter membranas repens, inseritur in partem maxime anteriorem, & nonnunquam in truncum venae cavae superiorem. Ea anterior vena aliam occultam per radicem sinus dextri mittit, quae in ipsa auri substantia tecta migrat, atque iterum inserta coronariae magnae circulum venosum cordis perficit, qualem fere arteriosum, sed mihi ignotum, alii describunt. Nondum tamen aut iste, aut circuli venosi cordis minores satis sunt confirmati.

CXXIII. Sed aliae incerto numero, locoque venae plurimae dantur, quae ad partes profundas, neque vulgo accessas baseos cordis pertinent, inter origines magnorum vasorum reconditae. Eae numerosis osculis aperiuntur in sinum dextrum, auremque, finemque sinistram, sed hae rariores. Ita vidi venam propriam ex sinu in carne auri

E 5

dextrae

dextrae latente fursum ivisse, versus aortam, & arteriam pulmonalem, & insertam ab altero latere fuisse venae coronariae majori: aliam inter ostium venae coronariae & aortam occultam, insertam sinui dextro: aliam per vestigium foraminis ovalis & septum duorum sinuum, huic ipsi sinui insertam, alias ad valvulas venosas pertinentes, aliasque nimis fuse dicendas.

CXXIV. Aliae minores venae, quarum trunculi breves sunt, neque dissectione facile adtingi possunt, osculis brevibus, per omnes illas infinitas foveas ventriculi dextri & sinistri obliquis osculis aperiuntur. Eas demonstrat aqua, flatus, mercurius, post ligatas undique venas coronarias fociis arteriis inprimis inmissus, vel ipsis etiam venis, intercepta majorum orificiorum insertione. Per omnem enim ambitum utriusque ventriculi bullae aerae, guttae aquae tinctae, & argenti vivi erumpunt, etiam absque violentia, quae credi possit venas rupisse.

CXXV. Sunt, qui velint coronarias arterias sanguinem non contracto corde accipere, sed ab aorta subsidente, ob angulum retrogradum, valvulas, ut credunt, tegentes, pallorem contracti cordis. Sed posteriora refutat experimentum, prior ratio sanguinem forte

forte paulum retardat, aut minuit, influxum non impedit: ubique enim in vasis feminalibus, bilariis, flatus, argentum vivum demonstrent, angulos etiam magis retrogrados in canali pleno non arcere liquida ab osculis canalium. Sed etiam in coronaria arteria sanguis contracto corde altiori saltu adscendit CXIV.

CXXVI. De refluxu minus dubium esse potest. Omnis sanguis coronarius refunditur cordis ventriculis & auribus dextris, & sinistris, sed istis parcius, tum majoribus ostiis n. CXX. CXXI. CXXII. tum minoribus CXXIII. tum minimis illis CXXIV. in quae tunc facillime transit injectio, quando venae majores ligatae sunt. Haec circulatio videtur intra brevissimum tempus perfici, ob summam velocitatem sanguinis a corde ipso urgente acceptam. An omnis intra unum pulsus? Non credo, neque enim cordis vasa expallescent, aut ita penitus evacuantur. In adipem via ex arteriis cordis valde libera est. Quae causa venarum minorum CXXV? Reducunt sanguinem arteriarum profundarum, quibus nullae comites venae majores sunt.

CXXVII. Humores cordis, qui sanguine tenuiores sunt, in venas valvulosas lymphaticas

cas redeunt, quae vasa coronaria comitantur, & versus subclaviam ductumque thoracicum adscendunt, rarissima visu.

## CAP. VI.

# ARTERIARVM COMMVNIA OFFICIA.

CXXVIII. Sanguis ex cordis sinistro ventriculo propulsus in aortam arteriam, ex corde primum paulum dextrorsum, deinde sinistrorsum, retrorsum, in arcum valde acutum flexam, incurrit mole sua primo in dextrum parietem aortae, inde reflexus in sinistrum, unde fluento vertiginoso, quantum plenitudo permittit, & illis parietibus & percussus, pergit per arterias.

CXXIX. Eae in vivo homine perpetuo sanguine plenae sunt, cum saliens ex arteria sanguis non alternis interrumpatur in quiete cordis motibus, sed perpetuo filo profluat, & in vivis animalibus microscopium arterias & in diastole & in systole plenas demonstrat, neque arteriae fibrae circulares se omnino restringere, tubum totum evacuare possint. Quare, dum nova sanguinis unda in plenas ar-

terias

terias advenit, etsi parva sit ejus ad totius corporis arteriosum systema ratio, quae duas uncias vix superet, attingit tamen undam priorem, quae remotior a corde lentius promovetur, eam ergo impellit, distendit arterias, convexas partes flexionum extrorsum urget, et spiras facit magis serpentinās, ut injectio demonstrat. Haec arteriae dilatatio, et luminis ex minori circulo in majorem mutatio, *pulsus* vocatur, cujus diastole est arteriae super naturalem diametrum expansio. Ea vitae propria, a corde unice proficiscitur, neque arteriae sibi commissae naturalis est. Hinc intercepto motu cordis pulsus nullus, sive ab aneurysmate, sive a vinculo cordis impulsio occupetur: hinc subita pulsus abruptio a perfosso in vivo animale corde.

CXXX. Dilatationem arteriae sequitur contractio. Nempe cor sanguinem expulit, stimulo se liberavit, hinc quiescit. Arteria vero eo ipso tempore elatere, quem innatum habet & insitum fibris circularibus suis, ab eodem sanguinis impulsu stimulo irritata. (XXX.) constringitur, & tantum sanguinis expellit, quantum super medium suae diametri modum acceperat, Ea quantitas omnis transit in vasa minora, aut in venas: cum retroriventi ex parte aortae proxima resistent valvulae



lae aortae seminulares (CVI.). Quamprimum ea unda se liberavit, remittit de contractili vi non stimolata arteria, & continuo cedit novae undae, quam cor emittit, & nova oritur diastole.

CXXXI. Arteriam constringi, & sanguinem ea vi promoveri, demonstrat ejus indoles contractilis; dilatationis a corde facta evidens remissio; evacuatio arteriae propria vi facta per ramos laterales inter duo vincula; sanguinis per venas in cor reditus, cujus arteria ligata est, quem adeo sanguinem cor non propellit; sanguinis saltus per arteriam etiam major, dum cor quiescit, magnis viris observatus; sanguinis ex aorta ligata sub vinculo valide ejecti vivida projectio; arteriarum per ipsam quietem cordis evacuatio; venarum a morte major, quam arteriarum plenitudo; sanguinis etiam a morte ex arteria majori notabilis ad duos pedes in animale saltus; contractio convulsiva in animale, cui pertusa est; clausio orificii in vulneribus; sphacelus artus, cujus arteriae osseae factae, et venae tunc sanguinem turgentes.

CXXXII. Celeritas sanguinis, qui supra duos pedes intra minutum secundum percurrit, et plenitudo perpetua arteriae, efficit, ut nulla successio in pulsu diversarum arteriarum per-

percipi possit, & videantur omnes in corpore humano arteriae & eodem tempore omnes, & eodem cum cordis ad pectus adfultu micare. Successionem tamen inesse certum est, & videntur aortae contractiones in eodem ordine succedere, quo repletio a sanguine, quem cor expulit, ut primo constringatur pars arteriae cordi proxima, atque ita sensim ad ultima vis contractilis progredietur. Ita exemplum intestinorum demonstrat, & oculus in intestis, quibus longum illud & nodosum cor manifestissima successione a principio ad finem contrahitur. Sed anima observantis anatomici tempuscula minora nescit separare.

CXXXIII. Ubinam finis est pulsus? in minimis, puto, & cylindricis venarum originibus. Certum est, artetias minores lumen ex summa suorum luminum compositum, perpetuo eo majus habere aortae lumine, quo ulterius procedit earum divisio, atque adeo, cum ratio trunci ad ramos semper sit minoris inaequalitatis, etsi variabilis esse queat, maxima erit ad aortae orientis lumen ratio luminis juncti arteriarum minorum, ubi eae minimae sunt. Deinde arteriarum membranae ad sua lumina rationem perpetuo habent majorem, quo sunt minores, donec maximam habeat, quae unum globulum transmittit.

tit. Id demonstrat anatome, impulsus aer, qui arterias semper eo difficilius rumpit, omnibus computatis, quo minores sunt, calculus positus, qui globuli ad duas membranas semicylindricas minimae arteriae magnitudinem determinat. Adde frictionem liquidi per minimos, inflexos, ad angulos convenientes canales, quae frictio etiam in fluxili aqua, per simplices & unice longos canales fluentis, insignissime velocitatem ejus minuit, eo magis, quo ii tubi minores sunt: cum praeterea, quo minor est arteria, eo major numerus globulorum parietem arteriae contingat, radat, contra eum fricetur. Et conica arteriae figura efficit, ut latior a trunco veniens unda sanguinis per angustius rami lumen non absque resistantia transeat, nitatur adeo eum ramum distendere. Sed etiam flexiones & plicae sanguinem morantur, cum semper aliqua pars vis impellentis absumatur in inpellenda parte plicae convexa, & mutanda figura variis flexi. Porro visciditatis in sanguine omnino ratio habenda est, cum sanguis quiete sola continuo in grumos coeat, solo motu circulatorio autem haec adtractio mutua partium superetur, eademque impediatur, ne sanguis ad parietes arteriarum adhaereat, ut adhaeret in aneurysmate, & vulnere, aut inter se coeant

glo

globuli, ut a morte solent. Intelligis summam retardationem sanguinis in vasis minimis. Calculum ponere non facile est, magnam rationem esse facile intelligitur. In vivo animale in truncis sanguis instar torrentis fluit, in ramis minimis globuli solitarii & distantes repunt. In minimis sanguis incipit coagulari. Ex parvo ramo, dum vicinus fit cordi aut aortae, longe periculosius sanguis erumpit, quam in majori & remotiori arteria, chirurgorum experimento. In rana sanguis percurrit in minuto primo, per vasa capillaria, duas tertias pollicis, in anguilla ad quatuor pollices. Confer ista cum LVIII.

CXXXIII. Pulsus ideo fit, quod unda anterior sanguinis lentius, posterior celerius fluat, hinc anterior posteriori fit obstaculo (CXXIX.). Verum cum cordis motus sanguinis inpressus elangueat eundo, arteriarum contractio augeatur, minor erit, & minor perpetuo, excessus celeritatis undae posterioris, quae a corde advenit, super priorem, quam contractio minimorum vasorum promovet, donec locus sit, ubi nullus iste sit excessus, & ibi desinet pulsus fieri, quod eadem celeritate sanguis & prior & posterior, hinc uno filo fluat. Is locus non erit in arteriis

F

teriiis majoribus, in iis enim unda a corde noviter adveniens praecedente velocior est. Demonstrat pulsatio inflammatoria, inprimis minorum arteriarum oculi. In minimis vero arteriis incipit evanescere pulsus. Testatur aequalitas sanguinis in motu per arterias minimas in ove nudo oculo, in rana microscopio saepe observata. Sed in venis, oculo conspicuis, jam nullus pulsus est, & nulla acceleratio sanguinis, dum cor contrahitur, neque microscopio, neque experimento conspicua fit.

CXXXV. Superest, ut in principio venarum omnino desinat impetus cordis, cum & in minimis arteriis exiguus superfit, & in venis inter visibiles minimis nullus reperiatur. Pulsus ab angustiiis minimorum vasorum destrui, demonstrat experimentum, quo siphon in canalem coriaceum aquam subsultim impellens, eandem per spongiam canali extremo circumpositam, absque saltu continuo filo propulit, & aliud experimentum, quo idem evenit, cum arteriis mesentericis alterno pulsu aqua injiceretur. Nam etiam tunc aqua ex venis continuo fluxu prodiit.

CXXXVI. Pulsus est mensura virium, quas cor impendit, cum sit earum virium proximus & plenus effectus. Hinc rarus caeteris pari-

paribus in sanissimis corporibus, ubi nullus stimulus, nulla resistentia, quae pro stimulo est, & cor libere & faciliter sanguinem promouet. Magnum pulsum facit arteriarum praefens plenitudo, cum magna vi cordis conjuncta, paruum inanitas arteriae, & minor unda a corde submissa. Durus designat obstaculum, stimulum, vim cordis auctam cum crassiori sanguine, vel arteria rigidiori, aut obstructa. Celer stimulum, obstaculum, cor sensibile & irritabile. Optime tangitur, ubi arteria nuda, offe fulta est: sed obstructions faciunt, ut alienissimis locis nonnumquam pulsus percipiatur.

CXXXVII. Omni animali pulsus eo rarior, quo majus est, quod cor & pro portione minus sit, quam in minori animale, & ad majorem distantiam sanguinem propellat, & frictionum augmentum majus videatur esse, quam major vis cordis. Hinc parva animalia voracia, magna paucivora, ut balaena, elephas. Homini adulto mane pulsus ad minimum 65. velperi ad 80. sunt, in minuto primo, noctu iterum pauciores, & sensim ad numerum matutinum usque redeunt. Motus enim muscularis, actio sensuum internorum, externorum, cibus & potus venosum sanguinem urgent ad cor, unde frequentior



stimulus, contractiones plures. Haec causa paroxyfmi vespertini in omni febre. Somnus retardat & sanguinem, & motum quemcunque.

CXXXVIII. Frequens pulsus pueris, eoriorior, quo senior quisque fuerit. In puncto saliente 134. pulsus, in pueris recens natis ad 120. in senibus denique ad 60. sunt. Febrilis pulsus a 96. incipit. Mediocris celeritas in febribus & a motu musculari homini adulto est ad 110. 120. maxima circa 130. 140. cum quo numero homo moritur. Hyeme pauciores, differentia 10. pulsuum, aestate plures sunt, plures sub torrida zona, ad 120. Varie turbantur ab animi adfectibus.

CXXXVIII. Per venas minimas sanguis lente movetur, vi aliqua cordis, & aliqua arteriarum contractilium. Illam demonstrat motus sanguinis suscitatus in submersis, quem solum cor suscitatum promovet. Vim contractilem arteriae vero arguunt, quae diximus CXXXI. & vita corde ossescente aut penes consumto superstes, & sanguinis in cauda piscium resecta motus. Tempuscula harum contractionum diversa esse ratio suadet, etsi oculus, cum minima sit diversitas, non distinguat, omnemque diversitatem in majoribus venis confundat vicinorum

muscu-

musculorum, & accumbentium arteriarum actio CXXXI. A morte sanguinem movet pondus, aer elasticus, quem putrescens generat.

CXXXX. In venis majoribus sanguis celerius movetur. Quoties enim vires pellen-tes sufficiunt, & tubuli vehentes angustiores redduntur, motum accelerari necesse est, angustior enim truncus venosus est iis ramis, ex quibus confluit, uti arteriosus angustior est ramis, in quos dividitur. Quare, si nihil decederet interim motui sanguinis venosi, esset ratio celeritatis in vena cava ad celeritatem venae trigesima divisionis, omnino trigesima potestas rationis luminum junctorum omnium venarum minimarum, ad lumen Cavæ venæ. Simul frictio minuitur, & contactus sanguinis ad parietes.

CXXXI. Verum, cum sanguis in vas minimis arteriosis, & nascentibus adeo venulis, valde tarde fluat, & pondus sanguinis passim ejus refluxum mire impediat, & a membrana tenuissima venarum vix magna vis contractilis expectari possit, praesidia varia natura addidit venoso sanguini, ne lento motu stagnaret, cogeretur. Ergo reddidit venis vaporem lymphamque fluxilem, majori quantum videtur copia, quam

F 3

ar-

arteriae amiserunt, ob insignem pulmonis exhalationem.

CXXXII. Adjecit praeterea venas musculis, qui turgendo interpositas venas conprimunt, cumque omnis pressio venosi sanguinis ob valvulas ad cor determinetur (LV.), omnis haec compressio unice inpenditur redditui sanguinis ad cor accelerando. Hinc a motu musculari pulsuum crebritas mira (CXXXVII.), calor, rubor, respiratio velox.

CXXXIII. Porro muscoli, qui omnes partes undique vehementer urgent, quas aliqua communis cavitas continet, venosi sanguinis motum vehementer promovent. Id in abdomine diaphragma praestat, & abdominalium musculorum conjuncta pressio. Denique vicinae ubique venis & parallelae arteriae pulsu suo venosum sanguinem incitant, cum semel demonstratum sit, omnem in venas agentem impulsu unice ad cor sanguinem venosum determinare.

CXXXIV. His praesidiis obtinetur, ut sanguis in homine sano, qui corpus suum, quantum satis est, exercet, moveatur ea velocitate, quae sufficiat, ut tantum sanguinis vena cava cordi reddat omni pulsu, quantum

tum arteria aorta eduxit. Quies vero corporis, & debilitas fibrarum contractilium cordis, & muscutorum, saepissime motum venosum difficiliorem faciunt. Inde varices gravidarum, haemorrhoides, quas defectus valvularum in vena portarum adjuvat. Hinc menses ipsi. Et, cum venis lentius sanguinem cordi remittentibus, subtilis ex vasis minimis vapor ad cor redire impos stagnet, hinc frequentia oedomata languidorum.

CXXXV. Effectus motus cordis & artiarum in sanguinem varii sunt, qui ex prioribus sequuntur, & aestimantur, si sanguinem animalis mortui cum vivo, sani cum aegroto, inertis cum velociter moto comparaveris. Vivi enim sanguis calet, rubet cum coccineo quodam flore, homogeneus videtur, etsi ex mistis principiis compositus sit, totus globulis fit, fluit expedite per minima, halitum, quem fusius describemus, volatilem emittit. In mortuo animale, nulla hactenus admissa putredine, de rubore amittit plurimum, secedit in graviora & tenuiora principia, halitum nullum emittit, venis eductus cogitur aut totus, aut maxima parte sui. Sed etiam in vivo, debili tamen animale, cui pulsus & respiratio aliqua, sed minima sunt, sanguis friget, ad notabilem gradum. Inde, si sanguinem

guinem hominis & corpore & animo quieti contuleris, cum vehementer exercitati hominis sanguine, reperies in isto calorem majorem, ruborem summum, sanguinem magis compactum & specificè graviolem, principia volatilia copiosissima, quae omnia phaenomena videntur manifesto effectus motus cordis & arteriarum esse, cum iis auctis augeantur, minutis minuantur, sublatis desint.

CXXXVI. Ut modus intelligatur, quo haec phaenomena in sanguine producuntur, considerandum est, quis cordis sanguinem expellentis sit effectus, quis arteriarum alterne reprimentium. Et cor quidem sanguinem impellit summa celeritate, quae plerorumque fluminum rapiditatem superat (CXV.). Eum sanguinem projicit in curvos canales confuso ordine, ut globuli dextri in aortae ostium expulsi sinistram partem arteriae feriant, inde repulsi versus dextram inclinentur, atque adeo omnes massulae sanguineae turbinofo confuso motu agitentur. Eundem etiam sanguinem, impulsam contra canales curvos, in parietes impelli necesse est, eos dilatare, in convexitatem majorem mutare; Denique in canalibus minoribus paucorum, unitisve globuli capacibus, in quibus plurimi, deinde omnes globuli parietem arteriae contingunt,

ii parietem ita accurate radunt, ut etiam figuram mutare necesse sit, ut transitum inueniant.

CXXXXVII. Arteriae vero elastica vi sanguinem a parietibus in axin sui canalıs repellunt, in prementem renituntur: denique per ostia circularia minimorum vasorum singulas arteriis massulas transmittunt.

CXXXXVIII. Fit ergo maxima in arteriis frictio, tum a sanguinis globulis ad arterias, tum ab arteriis contra sanguinem tamquam obstaculum contractis, tum a sanguinis moleculis inter se confuso & vorticoso ordine propulsis. Hujus frictionis effectus aestimatur ex natura sanguinis viscida, inflammabili, ex angustis quas percurrit, ex valido impulsu cordis, valido arteriarum renixu, pondere incumbente partium, quas arteriosus sanguis subleuat. Hic frictus generat fluiditatem, dum globulos a contactu cum globulis perpetuo removet, vi adtractili resistit. Hinc sanguis in vasis ante mortem coagulatur, & suscitato cordis motu fluiditas amissa sanguini redditur, experimento in vivis animalibus factu. An etiam calorem gignit, perpetuo in omnibus liquoribus, etiam aere, experimento, magis vero in liquidis animalibus inflammabilibus, aqua densioribus, a



contractili tubo compressis, adtrititis? An id suadet sanguis calidus piscibus, quibus magnum cor est, frigidus iis, quibus exiguum? summus calor avium, quibus cor grandius, pulsus plures? calor auctus ab omni motu, etiam frictorio? In pulmone inprimis calorem animalium nasci alia persuadent, quae eo loco dicentur argumenta. Deinde rotatio & mutuus adfrictus ad sphaericam figuram moleculas sanguinis praeparat, dum particulas ramosas, difformes, detritis eminentiis, sphaerae propiores reddit. Quae vero de eminenti superficie molecularum difformium detrita fuerunt, ea ab ipsa frictione, rotatione, & minorum canalium circularibus luminibus, rotundam naturam induunt.

CXXXXVIII. Ipsa autem diversa indoles particularum, quae conjunctae sanguinem efficiunt, ea facit, ut unius cordis impetus diversus sit effectus in varias sanguinis moleculas. Celerius nempe promoventur, quarum densitas major majorem impetum recipit, figura commoda, & minor superficies minorem resistantiam in fluido reperit, cum quo moventur. Celerius etiam aguntur, quibus per axin moveri contigit, sive ex suo pondere, sive ex directione, qua ex corde exierunt. Porro in convexitatem flexionum fe-

runtur,

runtur, quaecunque motu projectili excellunt, eae vero repunt per concavitatem, quaecunque magis gravitati, aut lentori, minus motui projectili parent. Ita sanguis ad secretionem disponitur.

CL. *Systole arteriarum* primo compactionem efficit, dum contra sanguinem tamquam obstaculum contractae, hunc aliunde viscidum, compressilem, urgent, liquidiora in oscula lateralicia expellunt, puncta contactuum inter globulos augent, crassiora adunant, moleculas planas in densitatem conpingunt. Ab ea densitate rubor imprimis pendere videtur, quem a pulmone non esse piscium exemplum demonstrat, sed a densitate aucta fieri & NEWTONI leges suadent, & experimentum, quo docemur, motu muscolari aucto, imo sola acceleratione saltus sanguinis ex vena in vasculum amplo descensu salientis, densitatem semper una & ruborem incrementum.

CLI. Deinde oscula haec minima, uni globulo pervia, videntur modulus esse, in quo massulae sanguineae detritis angulis ad sphaericam figuram praeparatae, eam nunc induunt, & in perfectas sphaerulas mutantur. Inde denuo densitas, cum sphaera figurarum solidarum omnium sit capacissima,

CLII. *Reticula arteriosa* obstructionis periculum auferunt, dum ad quamcumque sedem arteriae, in qua obstructionem incipere vel sanguinem coire posueris, contrarium flumen admittunt, quod haerentem glebulam contrario ductu in latiore truncum repellat, & inter se, sanguinisque directum torrentem comminuat. Irreparabilem etiam obstructionem, vel jacturam vasis alicujus, supplet vicini canalis major distentio, confirmata in chirurgicis, post resectam ligatamve principem arteriam.

CLIII. Uti velocitatis, ita lentioris motus in vasis minimis sui sunt effectus. Moleculae diversissimae turbido motu inter se rotantur in arteriis majoribus; in minoribus, diminuto motu progressivo, secedunt a rubris & ponderosissimis laxiores moleculae, & ad circumferentiam ramosque expelluntur, dum axin firmiores tenent. Vires etiam adtractrices molecularum sanguinearum augentur, hinc pingues moleculae se adtrahunt, secedunt in hiantia oscula lateralialia, quae & pigrae sint, & magnae: alia tenuiora liquida per ramos laterales gracilioris orificii amandantur, donec in orientem venulam fere solus sanguis ruber transeat. Sed haec omnia, quae sanguinem ad secretionem disponunt, dicentur c. VIII.

## CAP. VII.

SANGVINIS ET HVMO-  
RVM CORPORIS HV-  
MANI INDOLES.

CLIII. Liquidum, quod arteriis pulsantibus, & venis continetur, quae his arteriis respondent, uno nomine *sanguis* vocatur, qui obiter spectatus homogeneus, coagulabilis undique ruberque videtur. Sed experimenta varii generis variam indolem in hoc liquido demonstrarunt.

CLV. Hydrostatica pericula ostendunt, in sanguine primo volatile aliquid & halituosum esse, quod in ipso aere continuo ex sanguine avolet, cum odore quodam inter factorem urinae & sudoris odorem medio. Id, vasis idoneis receptum, aquosum adparet, cum levi alcalinae indolis quasi tinctura.

CLVI. Hoc halitu emissio sanissimi hominis sanguis sponte cogitur in tremulam scissilem massam, in calore vero ebullientis aquae gradu minore, & 150. quidem graduum, accuratius coit. Sed etiam in vivo homine, & in aegro a febris impetu moriente, in gelatinam tremulam per omnes venas coivisse

vifus est. Hujus coaguli pars princeps est *crur*, qui ruborem sibi proprium habet, & reliquis partibus sanguinis communicat. Is in confusam massam ex quiete compactilis, modico frigore, igne 150 graduum, alcohole, acidis mineralibus, mollis tamen est, nisi adtritu vitae, aut aemula concussione induretur. Ponderosus est, & aqua fere una undecima parte gravior, inflammabilis totus, quando ab aqua liberatur. In massa sanguinea media pars, & ultra, *crur*is est. In robore valido serum minuitur ad tertiam partem, in febre ad quartam & quintam reducitur.

CLVII. Sequitur albida subflava portio sanguinis, quae iterum homogenea videtur, cum talis non sit. Ea in universum aqua quidem trigesima octava parte gravior, globulosa vero massa pene duodecima levior, in igne 150 graduum & ab acidis & ab alcohole adfufis, & a motu concussorio coagulabilis, duriora producit coagula, quam ruber *crur*, CLVI. & in gluten irresolubile, membranam, corneamque demum soliditatem coit. Ex ea corium pleuriticum, polypi, membranae artificiales, In eo sero, praeter coagulabile albumen, latet & aqua simplex, cujus maxima est portio, & mucosum aliquid, filum trahens, neque  
tamen

tamen in albuminis modum cogendum ab igne aut ab acido.

CLVIII. Sola vero putredo & vis aeris calentis ad gradum 96 totum sanguinem & serum inprimis resolvit in liquamen faetidum, primo serum, cruorem lentius, donec omnis & cruor & lympa abeat in volatilem faetidumque halitum, exigua faece relictæ. Putredine resolutus sanguis nulla arte spissatur: coactus a spiritu vini nulla admistione solvitur. In morbis malignis sanguinis cohaesio perinde solvitur.

CLIX. Praeter ista, quæ absque ulla violentia adhibita sanguinem videntur constituisse, est etiam in eo talis marini aliqua copia, quam subsalsus sapor & nonnumquam microscopium distinguit. Terram inesse & nutritio demonstrat, & chemica analysis, quæ in fluidioribus partibus, & oleo maxime mista latet. Ferrum magna satis copia inesse in calcinato cruore nuperrimis experimentis ostensum est. Denique aer non elasticus, neque is exigua copia, sanguini mistus est, quem putredo in sanguine & sero demonstrat, & aeris ambeuntis extractio. Non ideo globuli aeræae bullæ sunt, cum specificæ sero graviores sint.



CLX. Chemia ad sanguinis indolem varias vias aperuit. Sanguis recens emissus, neque putrefactus, leni gradui ignis expositus, aquam copiosam stillat, quae totius sanguinis quinque sextas partes efficiat, & ultra, pene insipidam, aliquo tamen faetidulo oleo inbutam, eo magis, quo posterior prodit.

Residuum, fortiori igni subiectum, alcalinos liquores varios fundit. Eorum primus faetidus, acer, rufus, *Spiritus sanguinis* vocari solet, fitque ex sale volatili in aqua dissoluto. Proportio est ad quinquagesimam totius sanguinis partem.

Et ante & una cum oleo sequente prodit sal volatilis ficcus, in flocculos ramosos ad collum vitri adhaerescens. Copia exigua, & circa octogesimam est.

Alter liquor sensim lentior, sensim gravior, flavus primo, deinde niger, tenacitate denique picea, acer, inflammabilis, est oleum sanguinis humani, exigua copia, circa quinquagesimam.

Manet in fundo carbo sanguinis porosus, inflammabilis, qui incensus deflagrat, & cinerem relinquit. Is lixivio facto salem dat, qui ex sale marino & alcalino fixo mixtus est, & terrae fatuae modico. Sal fixus

vix<sup>7</sup> quingentesimam portionem sanguinis efficit, cujus iterum pene quarta pars est alcalina. Ex hoc sale ultima tortura ignis aliquid acidi habetur, quod partim marino sali, qualis etiam in spiritu sanguinis demonstratus est, partim vegetabili ciborum indoli, nondum satis subactae, acceptum referimus. Hinc in animalibus herbivoris perinde, ut in homine, reperitur. Terra vero, cujus centesima forte & quinquagesima portio est, aliquas etiam particulas habet, quas magnes adtrahit. Serum sanguinis destillatum omnino similia dat, qualia sanguis totus, olei tamen minus, plus aquae.

CLXI. Haec analysis demonstrat inesse liquida sanguini alia aliis graviora, tenaciora; alia aquea, alia inflammabilia, & maximam partem ad putredinem & alcalinam indolem sanguinem vergere. Nam idem, dum integer est, & a putredine & ab ignis nimia vitutus, neque alcalescit, neque acescit, sed blandus, subsalsus, in morbis tamen nonnunquam satis acer est, & putredini proximus, exemplo scorbuti, in quo vasa sua erodit, hydropicorum, quorum aqua alcalinae proxima fit. In infectis vero calx alcalescens reperitur, quae cum acidis effervesceat. Ab alcohole & acidis vehementibus

G

fan-

sanguis cogitur, ab acidis mitibus solvitur, tum ab alcalinis salibus, etiam fixis, sed maxime volatilibus, & acidis vegetabilibus, & nitro, aliisque mediis salibus. Cum nullo sale effervesceat. Motus muscularis vehemens, calor externus nimius, febris summa, sanguinem subito in putredinem solvit, in vivo homine.

CLXII. Denique microscopium sanguini recenti, in tubum vitreum recepto, adhibendum, vel sanguini in venis animalis vivi moto, in sanguine distinguit globulos rubros, molles, figurae mutabilis, qui cruorem procul dubio constituunt, dictum n. CLV. An lenticulares potius particulae, ut in piscibus a LEEUWENHOECKIO, in homine nuper inventum? Difficile satis iudicium est, frequens tamen adipis in globulos coactio videtur receptae sententiae favere.

CLXIII. Ii globuli in liquido tenuiori nati, in quo flavos, minores rubris, globulos idem microscopium distinguit, & qui rubri fuerunt globuli, solo calore & fotu in similes minores abeunt, ut totus denique sanguis in flavam materiem, ipso etiam in vivo homine solvatur. Diameter globuli

rubri

rubri a claris in experiendo viris aestimata  
ad  $\frac{1}{3240}$  pollicis.

CLXIV. Quae pallida aqua superest, in qua globuli priores natabant, in ea nonnumquam ultima vis microscopii globulos aqueae pelluciditatis invenit, & salium varia spicula.

CLXV. Ex his experimentis inter se comparatis efficiuntur ea, quae haecenus de sanguine nota sunt. Cruorem nempe globulis componi, qui coacti, per causas CLVI. aucta vi adtractrice in confusam massam con- crescent. Eorum globulorum naturam inflammabilem demonstrat ficcatus cruor, qui flammam concipit, & pyrophorus ex sanguine humano natus, exque iis maiorem partem olei picei, quod ex sanguine per ignis torturam habetur, oriri summe probabile est. Fila vero sanguini nulla insunt, sed in aqua calente nascuntur.

CLXVI. Serum flavescens globulis etiam per clarorum virorum experimenta, ut videtur, constans, in aqua natantibus, idem est, quod CLVII. describitur. In aqueo tenuiori liquamine, cujus particulae distingui nequeunt, & aqua est, & ea pariter, sed pauciora, principia, ex quibus ignis sales alcalinos facit. Argumento sunt destillationes salivae,

livae, mucii, perspirabilis Sanctoriani indoles.

CLXVII. Sanguinis in universo corpore moles non potest ita certo definiri. Humorum quidem pondus multo solida parte majus est. Verum eorum multi circulationem non obeunt, ut gluten partium, adeps. Si ex haemorrhagiis majoribus, & tamen integra vita toleratis, experimentis cum animalibus factis, quibus sanguis omnis eductus est, arteriarum venarumque mole, judicium utcumque ferre licet, erunt humorum, qui in circulum redeunt, minimum quinquaginta librae, quarum minor pars est veri sanguinis. Arteriae quintam fere partem continent, quatuor alias venae.

CLXVIII. Neque perpetuae sunt eorum elementorum, quae hactenus dixi, proportionem. Cruorem, ruborem, vim densabilem, partiumque cohaesionem, feri coacti duritatem, pondus, principia alcalina, auget vita exercitata, aetas virilis, febris. Serum, & in eo mucum, augent contraria, vita prior origini animalis, iners, diaeta aquea, vegetabilis, a quibus cruor minuitur, & aqua abundat. Senium cruorem auget, gelatinam minuit.

CLXIX. Ab his principiis, cum solidae tamen fabricae consideratione conjunctis, temperamentorum diversitates pendent. Plethoram enim globulorum rubrorum copia facit; Phlegmaticam temperiem aquosae partis in sanguine abundantia. Cholericam indolem in humoribus quidem ab acriori sanguinis & magis alcaliscente natura oriri videtur, argumento hominum carnivororum, & anthropophagorum, quos constat ferociore esse iis, qui vegetabilibus utuntur. Melancholia, si quidem omnino vera hujusmodi materia sanguini inest, in terrei elementi CLVIII. abundantia sedem habere videtur. In solidis partibus vis irritabilis major, & duritas cum mobilitate ad cholicum, vis irritabilis minor cum modica magis duritate ad sanguineum, irritabilitas minor cum minori duritate ad phlegmaticum temperamentum refertur. In melancholico irritabilitatem maximam, cum debilitate conjungi adparet. Sed cavendum est, ne nimis haec temperamenta ad systematis modum definiantur, quae in natura non quatuor, aut octo, sed infinitis gradibus distincta sunt.

CLXX. Ruber cruor calori generando imprimis inservire videtur, cum in eadem ratione cum ipso sanguinis calore sit. Idem



vasis primi generis ob magnitudinem sphae-  
 rularum retentus, eorum collapsum impedit,  
 cumque motum a corde communem acci-  
 piat, ob molecularum vero densitatem ma-  
 jorem inpetum habeat, liquoribus minorum  
 generum motum inprimit. Hinc sanguinis  
 rubra parte per venae sectiones nimis diminuta,  
 stagnationes in vasis minoribus succedunt,  
 & obesitas, hydrops. Ab ejus etiam cruoris le-  
 gitima copia reparatio novi sanguinis pendere  
 videtur, eodem argumento. Nam ab hae-  
 morrhagiis sanguis ex rubra densaque natura  
 in pallidam & serosam degenerat.

CLXXI. Serum coagulabile inprimis nu-  
 tritioni partium destinatur, ut adparebit ca-  
 pite IX. Liquida tenuiora varios habent u-  
 sus, ad solutionem ciborum, ad irrorandam  
 superficiem externam, superficiem internam  
 cavitatum corporis humani, ad flexilitatem  
 conservandam in solidis, ad motum nervo-  
 rum, ad visum &c.

CLXXII. Quare neque absque crasso san-  
 guine sanitas consistere potest, cujus portio-  
 ne diminuta omnia in vasis minoribus sta-  
 gnant, pallent, omnia frigent, & debilia sunt.  
 Neque absque minorum generum liquidis aut  
 officia vitae humanae, aut valetudo sibi con-  
 stant, cum cruor privatus portione aquea co-  
 gatur,

gatur; obstruat angustias vasorum, calorem nimium accendat.

CLXXIII. An sit aliqua sanguinis arteriosi & venosi diversitas? Videtur, cum ille pulmonis actionem recenter passus sit. Sed in experimentis alias vix observabilem reperio, vel in colore, vel in densitate, vel aliis notis diversitatem; alias evidentissimam, ut splendidus sanguinis arteriosi rubor, & vis adtractilis insigne ab aquea tenuitate & atrafuscedine sanguinis venosi discrimen efficiat. Ergo repetenda experimenta.

CLXXIV. Ex uno sanguine in aortam expulso generantur omnia liquida corporis humani, quae in certas classes consentiunt. Qua arte ea generatio fiat, ex glandularum fabrica explicari oportet.

## CAP. VIII.

# SECRETIO.

CLXXV. Classes humorum, qui ex sanguine in alia vasa depositi, *secerni* dicuntur, videntur quatuor poni posse. Prima est li-

quorum viscidorum, lymphaticorum, coagulabilium ad ignem & ab alcohole, qui tamen plerumque in vivo homine vaporis instar exhalant, & a morte demum in gelatinam spissabilem coguntur. Huc pertinet liquor s. halitus ventriculorum cerebri, pericardii, pleurae, peritonaei, tunicae vaginalis, amnii, articulationum, capsularum renalium, uteri forte, liquor gastricus, intestinalis, lymphæ denique vulgo nota.

CLXXVI. Altera est liquidorum, quæ partim perinde exhalant, sed simpliciora prioribus CLXXV. & magis aquea, neque ab igne, neque a vini stillatio liquore cogi possunt; partim non exhalant, sed in proprios ductus excretorios deposita, per commune orificium alicujus glandulae proprio loco excernuntur. Ad prius genus pertinet perspirabile Sanctorianum, pars lacrumarum, humor aqueus oculi. Ad posterius lacrumarum altera pars, saliva, succus pancreaticus, urina. Sudor ex perspirabili & oleo subcutaneo mixtus videtur.

CLXXVII. Tertium genus ab utroque priorum differt, lentum, viscidum, sed aqueae indolis, neque in gelatinam spissabile, sed diffusa aqua in crustas potius ficas coituum. Hujusmodi est *mucus* omnis in corpore

pore humano, per viam aeream, cibariam, urinaeque iter & genitalium partium cavitates dispersus, prostaticorum liquor, semen.

CLXXVIII. Ultimum genus est liquidorum inflammabilium, quae recentia quidem aquosa sunt & tenuia, per moram vero distillata aqua in unguen abeunt tenax, oleosum, ardens, saepe amarum. Huc bilis refertur & cerumen, & sebum, unguenque cutaneum, & medulla ossium, omnisque per corpus humanum pinguedo. Lac ipsum, quatenus butyrum continet, huic generi propius est.

CLXXIX. Qui cogitavit in sanguine reperiri serum coagulabile CLVI. aquam exhalantem CLX. mucidum aliquod viscidum CLVII. oleum denique CLX. incipiet percipere, potuisse omnino fieri, ut huiusmodi liquores CLXXV. ad CLXXIX. ex sanguine separarentur, ut qui principia sua in massa sanguinea habeant. Sed quo modo factum sit, ut hoc loco oleum, in alio viscere aqua, alio mucus de sanguine secedat, id indagandum superest, & requirit descriptionem organorum secretoriorum.

CLXXX. Liquores coagulabiles pene ubique ex arteriis absque ulla intermedia machina secernuntur, in canales excretorios ex ar-

teriis continuos. Demonstrat injectio glutinis, & aquae, olei demum tenuioris, quae adeo prompte ex arteriis rubris in omnes caveas exsudat & effunditur, in quibus vapor iste coagulabilis naturaliter reperitur, nullosque intermedios nodos, neque cavernulas moratrices invenit. Sanguis demum per stagnationem, moram, inpetum paulo majorem, absque permanente noxa, in plerasque harum cavitatum effunditur, documento, non longam, nec impeditam viam inter rubra vasa & eos ductus excretorios interesse, uti neque flava lymphæ multum a sanguine distat.

CLXXXI. Inter haec liquida lymphæ est illa venosa, quæ per vasa valvulosa ad ductum thoracicum confluit, dicta LI. Ea perinde ex proximo de arteriis educi videtur, si ulla fides tot experimentis magnorum virorum, quibus constat rubrum sanguinem & argentum vivum, aliaque liquida ex arteriis rubris in ipsas valvulosas venas lymphaticas transivisse. Confirmat fidem ipse rubor lymphæ, cum flavore mistus, qui demonstrat rubros & serosos globulos CLXI. CLXII. lymphæ inesse.

CLXXXII.

CLXXXII. Non quidem dissimulare oportet, huic vasorum generi glandularum proprium genus datum esse, in quas vasa lymphatica utique liquorem suum deponunt, exque iis educunt. Sed in iis glandulis lymphatica vasa non nascuntur. Evidenter apparet, ex pulmone, hepate, intestinis oriri, & aliquo spatio decurrere prius, quam glandulas istas adeant.

CLXXXIII. Hae glandulae videntur aliquid tribuere lymphae chyloque, non satis perspectum. Fabrica earum hoc modo se habet. Oblongae plerumque, *conglobatae*, olivares, saepe congestae, alias solitariae, in cellulosa tela, qua leniter firmantur, nantes quasi & liberae sedent, in plerisque partibus interioribus corporis humani, & multis exterioribus. Incipiunt hinc in facie, in parotidis glandulae parte suprema, & ad maxillae inferioris angulum, inde a fossa jugulari. Descendunt secundum latera colli cum vena jugulari; hinc, diviso quasi agmine, extrorsum quidem cum vena subclavia continuo ductu ad alam exeunt, ibi copiosissimae. Aliquae demum in ipsa flexione cubiti supersunt, in reliquo artu superiori & dorso toto nullae reperiuntur.



CLXXXIV. In pectore cum aspera arteria cumque pericardio magna copia descendunt. Anteriores aliae venae cavae, & cordis involucro incumbunt, ad septum transversum usque. Posteriores undique asperam arteriam ambeunt, circa ejus ramos ludunt, pulmonis limites adtingunt, pericardio adsident, positae in mediastino postico, & cum ductu thoracico ad diaphragma extenduntur.

CLXXXV. In abdomine denique aliae cum magnis vasis descendunt lumbalium nomine, & in plica inguinis insigne agmen constituunt, quod sartorium musculum magnaeque vasa sequens in flexione genu evanescit. Aliae ex eodem agmine in pelvim veniunt, inque cellulosa tela cum vasis magnis hypogastricis & retro intestinum rectum ponuntur. Porro in curvatura majori ventriculi, & minori, in origine utriusque omenti, in portarum aditu, in itinere vasorum lienalium prope lienem, in omni ambitu mesenterii, & mesocoli, similes glandulae reperiuntur.

CLXXXVI. Communis omnibus fabrica est, ut consent membrana externa, firma, levi, multis vasculis rubris picta: deinde substantia molli, cellulosa, sed laxa, & tamen brevi, in cujus spatiosis innumerabilia vasa minora & rubra, & lymphatica decurrunt.

Folli.

Folliculus, musculares fibræ, membranæ duæ perinde mihi ignotæ sunt.

CLXXXVII. Boni aliquid has glandulas vas-  
fis lymphaticis & lymphæ præstare satis cer-  
tum est, cum nullum vas lymphaticum, la-  
cteumve ad suam insertionem perveniat, quin  
in aliquam glandulam ramos prius distribue-  
rit, ramosque ab eadem reduces receperit.  
Chylosus succus, quo hæe glandulæ in junio-  
ribus hominibus & animalibus replentur, &  
niger ille, quo turgent in pectore senili, de-  
monstrat, secerni aliquid de sanguine in his  
glandulis, & adfundi lymphæ chylove, in  
cellulosa forte spatia expulsis. Magnitudo &  
integritas in junioribus, corruptio, & destru-  
ctio in adultis senibusque, suadent hanc se-  
cretionem in juniore animali integerrimam,  
in senio perire. Non alibi crebrior scirrhus.  
Accelerari ergo ibi lympham non probabile.  
Thymus ex conglobato genere est, succo te-  
ste, sed in lobulos divisus: ut alibi etiam &  
in inguine & ala inprimis hujusmodi glan-  
dulæ conglobatæ congestæ reperiuntur.

CLXXXVIII. Aliud coagulabile liquidum,  
ab acidis etiam spiritibus, & ab alcohole in-  
spissabile, est albuminosus articulationum hu-  
mor, qui adipe vero & oleo medullari & li-  
quore exhalante mistus linimentum consti-  
tuit

tuit mollissimum, lubricandis cartilaginibus, & minuendae frictioni aptissimum. Huic fecernendo conglomeratae quaedam peculiaris fabricae glandulae datae sunt, quae in foveis ossium articularum asperis ita sedere solent, ut modice conprimi possint, elidi nequeant.

CLXXXIX. Harum glandularum peculiaris fabrica est. Majores lata basi ossi fere haerent, in aciem vero cristatam extenuatae extenuissimo limbo ex patulis ductibus liquorem deponunt. Multa miscentur pinguedine, & ex minoribus acinibus manifesto componuntur. Aliae minores passim & in vaginis tendinum, & inter fibras dissidentes ligamentorum sitae, fere de glandularum simplicium indole esse videntur, flavo mucoso fero turgidae.

CLXXX. Liquores non coagulabiles CLXXVI. prioris generis eadem ratione fecernuntur, uti spissabiles illi CLXXV. nempe ex arteriis exhalantibus, quae nullo medio folliculo ex rubris arteriis nascuntur. In vasis perspirationem cutaneam fundentibus, lacrumalibus prioris generis, humore aqueo, injectio aquea vel glutinosa tenuior ex arteriis ita exsudat, ut nullum dubium superfit. Etiam

tiam his arteriis irritabilis natura est, ut ab acri tactae multo plus liquoris, quam sanae, in dato tempore stillent.

CLXXXI. In posteriori vero genere, salivali, secretio fit ope glandularum *conglomeratarum*, quas ex ipso acinoso habitu veteres imprimis distinxerunt, & pro glandulis habuerunt. Eae fiunt acinis, sive lobulis subrotundis, laxa cellulosa fabrica conjunctis in unam majorem molem, quae saepe densa aliqua cellulosa, tamquam communi involucre extus obducitur, exemplo parotidis, maxillaris glandulae. Per intervalla acinorum vasa migrant arteriosa, satis hic ampla, & venosa. Pleraque vero conglomeratae glandulae liquidum ea lege ex sanguine separant, & amandant, ut quilibet acinus *ductum excretorium* emittat, is conjunctus cum sui similibus in majorem trunculum, denique venoso more in unum canalem coeat, qui liquorem in ea glandula separatum aufert ad loca destinata, cavitatem oris, intestinorum, superficiem oculi &c. Est, ubi hic ductus excretorius aut nullus est, aut certe nondum inventus, exemplo glandulae thyreoideae, capsulae renalis, *glandulae pituitariae*, thymi.

CLXXXII. *Acini* ipsi cellulofam durio-  
rem limitantem circumpositam habent, & in  
minores acinos dividuntur, teste oculo, micro-  
scopio. Quis finis divisionis? An simplex qui-  
vis acinus, in medio cavus est, & in follicu-  
lum sudantem ex arteriis humorem accipit,  
per ductum excretorium amandat? An hanc  
fabricam suadent grandines, hydatides, renes  
scirrhis rotundis pleni? An viscera majora se-  
cretioni praefecta sunt conglomeratae glan-  
dulae? an in hepate, liene, rene, teste, cor-  
tice cerebri, suadent hanc opinionem mor-  
bosa rotunda concrementa? an animalia mi-  
nora, quibus ea viscera acinosa adparent?  
An in ipsa cellulofitate, quae omnia in corpo-  
re humano etiam extrema vasa ambit, spatio-  
la cava sunt, & areolae, in quas secretus li-  
quor effunditur?

CLXXXIII. Nihil hujusmodi obtinere  
videtur. Ea acini quidem viscera animalium  
componentes lobi sunt, non elementares, sed  
magni pro suis bestiolis, & compositi. Mor-  
bosa concrementa fere omnia in cellulosa te-  
la placentae, & in ipsis artubus a suspitione  
glandulosae fabricae remotissimis, sedem ha-  
buerunt, fiuntque oleo, halitu, terra, in ca-  
vum aliquod minimum cellulofum effusis,  
stagnant

stagnantibus, conprimantibus vicinos folliculos, & proprios sibi parietes parantibus. Sed etiam aquea fluxilis natura liquidi hic secreti CLXXVI. suadet, nullam fuisse in ejus secretionem moram, nullum locum, ubi stagnaverit. Quae enim liquida quiescunt in corpore humano calido, pleno resorbentibus vasculis, ea omnia inspissantur, & ad mucis, oleivae naturam accedunt. Deinde injectio anatomica difficilius quidem ex arteriis in ductus excretorios penetrat, quae, si crassa fuerit, retineatur, si tenuis, exhalet in cellulosa tela. Summo tamen artificio magnorum virorum factum est, ut crassa satis & cerae similis materia transiverit ex arteriis glandularum salivalium, hepatis, in continuatos ductus excretorios, neque nodulos interpositos repleverit, ut oportebat ex theoria CLXXXII.

CLXXXIV. Quare acini videntur componi ex arteriis venisque divisis, subdivisis, multa cellulosa tela reticulum distinguente connexis, donec, ea tela sensim duriori facta, rotundam aliquam figuram imitetur. Suadent analogia loborum pulmonalium, loborum thymi, insectorum fabrica, & imprimis testis, cui manifestissime lobuli ex vasis excretoriis in fasciculos mollissima membrana connexis componuntur. In cellulositatem ve-



ro liquida glandularum non videntur effundi, unde aut nulla, aut difficillima via ad ductum excretorium sit.

CLXXXV. Liquor tenuis, non spissabilis, neque tamen exhalans, sed aqueus, alibi etiam absque acinosis conglomeratis glandulis generatur. Ita urina ex arteriis rubris in fistulas membraneas manifesto continuatis deponitur, facili via pro aere, aqua, argento vivo. Ea etiam, etsi occultior, ratio videtur esse liquidi nervosi, quod in cerebro secernitur.

CLXXXVI. Tertium genus liquidorum *mucosum* CLXXXVII. pene ubique ex sinubus, aut glandulis cavis secernitur. *Glandulae verae* folliculive in universum ea sunt fabrica, ut amplam cavitatem nactae sint, membrana undique circumscriptam, ita tamen, ut frequenter pro altero, clauso, hemisphaerio folliculi, ipsa caro ejus partis sit, cui glandula adhaeret. Ea cavitas rotunda plerumque, nonnumquam tamen longa est, & oblique inter vicinas partes repit, exemplo urethrae virilis, folliculorum sinus muliebris. Irritabiles sunt, & ab acri laceffitae secretionem accelerant.

CLXXXVII. In hos folliculos arteriae minimae vel carnis, cui innata crypta est, vel  
men-

membranae, quae cryptae convexam partem perficit, finibus in cavitate cryptae productis aperiuntur, suumque liquidum exhalant, quod folliculo receptum, ob angustiam ductus excretorii moram nectens, spissatur, aquae parte resorpta per venas, arteriis exhalantibus similes. Ita docet fabrica folliculorum simplicium linguae, in quibus & efferens ostium, & advehentes pori etiam oculo conspici possunt: tubuli ventriculorum avium, in quibus villus secretorius in caveam manifesto propendet; injectio, quae decolorem ceram in glandulas simplices emittit.

CLXXXVIII. Sive longus sit sinus mucosus, sive rotunda glandula, ostium excretorium habet, plerumque satis amplum, ut tamen in rotundis glandulis non magnam rationem ad glandulae cavitatem habeat. Hoc ostiolum non raro absque ullo medio ductu in communem illam amplam cavitatem hiat, in quam mucum oportet effundi. Ita se habet in dorso linguae, in glandulis simplicibus ventriculi, intestinorum. Has *cryptas* vocavit RUYSCHIUS. Sinus saepe simili sunt fabrica, & absque alio ductu aperiuntur, ut in urethra virili.

CLXXXIX. Aliud harum glandularum genus est, ubi multi folliculi simplices uno communi involucro excepti, ostiis suis amplis in unum communem sinum hiant, absque vero excretorio ductu. Ita in tonsillis fit. *Conglutinatas* vocant.

CC. Aliae glandulae simplices *ductum excretorium* nactae sunt, per quem suum mucum effundant, vasculum nempe membraneum, cylindricum, angustum, orificio suo posteriori hians in cavitatem glandulae, anteriori in communem cavitatem, cui mucus destinatur. Hujusmodi ductus excretorii alicujus longitudinis sunt imprimis in glandulis subcutaneis, asperae arteriae, palati, sebaceis. Est ubi porum & ductum manifestius, quam folliculum demonstrares, ut in naribus, larynge, intestino recto.

CCI. Alias pluresculi hujusmodi ductus ex suo folliculo orti, singuli confluent, uti rami venosi solent, in unum grandiolem excretorium ductum, qui pluribus folliculis communis sit. Huc pertinent glandulae compositae intestinorum, sinus urethrae aliqui majores, sinus caecus linguae, & in brutis animalibus tubuli ventriculi fibri, avium, caecae ventriculi piscium appendices: Hujusmodi glandulae *ex simplicibus compositae* vo-

eari possunt. Ubi vero unice vicinae sibi sunt, *agminatas* solemus vocare vel *congregatas*: ut in intestinis, ventriculo, faucibus.

CCII. Liquida inflammabilia (CLXXVII.) secernuntur in diversae fabricae organis. Adeps & medulla ex arteriarum exiguis ostiolis in tunicam cellulosam deponuntur, absque glandula. Idem adeps subcutaneus per exiguos ductus porosque passim exit, absque glanduloso folliculo. Sed cerumen, sebumque cutaneum per glandulas secernitur, easque variorum generum. Plusculae, sebacei generis, osculo in cute nudo adparent, & absque ductu alicujus longitudinis sunt, ut in auriculis, nymphis muliebribus, vallecula inter eas & labia pudendi intercepta, praeputium penis, clitoridis, area mammarum. Hae nihil valde diversae sunt a cryptis (CLXXXVII.) nisi materia, quam secernunt.

CCIII. Aliae sebaceae habent ductum excretorium alicujus longitudinis, ut cutaneae fere omnes, ut, quae in cellulosa tela posita, ductum necessario sint nactae, qui cutem perforet. Ita in facie imprimis notissimum est, & longitudinem ductus metitur expressus vermiculus, qui ipsa sua magnitudine demonstrat, folliculum graciliori poro subesse.

CCIV. Aliae denique sebaceae glandulae ex eo sunt genere, quod dixi CCI, in quo multae cryptae exiguis ductubus in unum excretorium majorem ductum consentiunt. Ita in facie passim pori majores multis cryptis communes sunt. Ita se habent sebaceae illae intestinula palpebrarum : ita in organo secretorio moschati animalis americani glandulae unguinosae.

CCV. Lac, quod ex aqua & oleo mistum, & sui generis est, in glandula conglomerata secernitur, qualis dicta est CLXXXI. & forte ex adipe resorbto. De bile contrahitur. Sed ibi vasculosam fabricam obtinere, & absque medio folliculo ex vena portarum in radices felleas bilem deponi, multa suadent, maxime vero injectio Ruyschiana, quae ex vena portarum in eas radices penetrat, neque intermedios moraturos nodos offendit. Sed & lac, & bilis, multo tenuiora, aquosiora, sunt sebo folliculorum, adipe.

CCVI. Superest, ut inquireamus, quomodo factum sit, ut ex una communi sanguinis peni suis semper locis constanter eadem peculiaria liquida generentur, neque lac in renibus, in thymo bilis, in sebaceis glandulis mucus secernatur unquam. Hoc vero

problema perfecte is demum solvet, qui intimam fabricam organorum secretoriorum perspectam habebit. Interim propono, quae certa fide hactenus nota sunt.

CVII. Primum sanguis ipse, ex quo liquidum aliquod parabitur, variis locis eum proprium characterem induit, ut plures in eo sanguine particulae sint ejus indolis, quam in liquido ibi secernendo regnare NATURA voluit. In hepar sanguis venosus advenit, lente motus, plenus adipe, plenus vapore semiputrido intestinorum. Ad testes sanguis fertur lente per flexos, graciles, longos, minimo angulo ortos canales, sub cute, loco frigido. In carotides probabile est nitidiores sanguinis partes, ut aquosius sit, quodcumque descendit in abdomen renesque, & salivam pancreatis, succum gastricum, & intestinalem separat.

CCVIII. Deinde praeparat ad secretionem ipsa retardatio sanguinis in vasis minimis, qua fit, ut sanguinis rubra pars & densior axini sui canalisiola teneat, expellantur ad laterales ramos reliqua liquida pigriora, leviora, minus velociter mota, occurrant osculis secretoriis ex latere canalisi exeuntibus, his visco-re suo adhaereant.



CCIX. Haec ostia varia forte diametro, semper tamen angustiora sunt, quam ut sanguinem in statu naturali transmittant. Hinc aucto cordis impetu, utique multa sanguinem recipiunt, ut ex arteria rubra continuo oriri, neque valde minora esse rubris globulis, probabiliter concludere possis. Hinc eadem ostia secretoria ceram, sebumque crassius repellunt, tenuiora liquida arteriis injecta plerumque recipiunt. Quare haec prima & simplicissima est secretionis machina, ut lumen osculi excretorii solas eas moleculas admittat, quarum diameter maxima diametro luminis minor sit. Hac sola ratione fit, ut arteria flava sanguine purum liquorem vehat, ut ductus urinifer sanguinem excludat, serumque coagulabile. Unica non est, cum grandia animalia similes cum parvis liquores generent.

CCX. Ea lex multis modis secreta liquida variare potest. Nam, tenuissima oscula sola ultimae tenuitatis liquida recipiunt, ut in cerebri vasculis: crassiora aquam, gelatinam, crassissima adipem admittunt. Deinde, si multa secretoria organa ex ordine ex arteria secretrice provenerint, eaque majoribus osculis donata fuerint, ultima, quae ab eadem arteria exeunt, sola tenuissima liquida admittent.

tent. Si contra tenuia fuerint, quae prima in ordine ex arteria secretrice provenerunt, ultima sola crassa liquida recipient.

CCXI. Huc pertinet omnino, quod secretionem quidem pleraeque fiant per vascula ex rubra arteria absque medio oriunda, XLIV. Eae crassa liquida, & coagulabilia, & aquea separant, exemplo adipis, urinae, succi enterici, gastrici. Aliae vero secretiones teneriorum liquorum fiunt per vasa ex arteriis non rubris, sed tenerioribus oriundis; ad quarum adeo ostia non solum non sanguis, sed neque serum, neque adeps, neque crassa ulla liquida accessum inveniunt. Ita puriora tenuiora secerni necesse est. Exemplum est in oculo, in cortice cerebri.

CCXII. Nonnihil forte ad secretionem facit *angulus*, quem ramus secretorius cum trunco intercipit. Facile enim est demonstratu, ad angulos rectos, retrogrados, viscida sola & pigra expelli, per vim particularum fortiorum medium canalem tenentium; in angulos vero semirectos exitura esse liquida, quae velocitatem suam conservant. In vivis enim animalibus velocitatem in acutis angulis majorem, in rectis angulis minorem veraces viri viderunt. Effectum vero

horum angulorum in secretionem aliquem esse, vel ipsa suadet corporis fabrica, cum alios in aliis partibus ramorum ex truncis angulos, alia retia reperiamus. Arbusculas enim passim referunt vasa minima, trunculis utrinque ramos fundentibus, sed variis sub angulis, parvis in intestinis crassis, majoribus in tenuibus. Aspergillum in liene referunt arteriolae rubrae, confertim ex trunculis oriundae, penicillum in intestinis, serpentes in renibus, stellam in hepate, cincinnum in testis, circum in uvea efficiunt. Non frustra vero fabricae hanc diversitatem a CREATORE factam esse, merito recipimus.

CCXXIII. *Flexiones* canalium minimorum motum insigniter retardant, in quibus adeo evidenter impulsione a corde acceptae pars major in mutanda figura canalis absumitur. Repetita ergo flexio arteriae secretricis viscida colligit, quibus mora tempus concedit, quo se adtrahant. Rectitudo celeritatem, hinc copiam secretionis, facilitatem, impuritatem praeterea facit, ut in urina.

CCXIV. *Densitates* arteriarum minimarum diversas esse posse, nihil repugnat, & suadet in majoribus ramis certa observatio. Quo densiora autem erunt vasa capillaria, eo magis solas validas particulas admittent,  
ad

ad leviores, minori impetu motas, connivebunt.

CCXV. Denique velocitatem insigniter auget, si ductus excretorius ex majori arterioso trunculo, supra finem ortus est: minuit, si arteria secretrix longo ductu cylindrica, capillaris fuit, & a frictione maximam partem sui motus sanguis amisit. Undecunque demum orta sit diversitas, velocitas major educit liquida ponderosa, crassiores, impurioresecrectiones facit: tarditas adtractionem, visciditatem juvat, & forte puritatem liquidi secreti, quia similia corpuscula sibi vicina opportunius quiete data se adtrahunt, in magno canale manent, tenuiora vero per minores ramos exeunt. Hinc solus nimius cordis impetus omnes secrectiones confundit.

CCXVI. Ex his omnibus incipimus intelligere, cum omnino sint in sanguine particulae aliae lentae, mucosae, aliae coagulabiles, sed fluidae, aliae rubrae, crassae, aliae aquaeae tenues, aliae adiposae viscidae CLXXV. seqq. inter eas particulas, quaecunque densissimae sunt & maximae, ut cruor, eas tenere axin canalis, truncunque, hinc continuo ductu ex arteria in venam rubram transire XXXVII.

CCXVII. Quae pigrae sunt & lentae, & magnae, ut adeps, eas decedere convenit per ostia ampliora, ex canali rubro laterali-ter exeuntia, in ductus breves, cum lentor olei in longioribus stagnaret. Phaenome-na secretionis adipis cum hac descriptione consentiunt XX. Quae moleculae coagula-biles sunt, specificè graviores mere aqueis, & tamen, dum vita valet, fluidae, eae ex ar-teriis rubris in arterias non rubras, sed con-tinuas rubris, minoresque transeunt, five eae in trunci speciem producantur alios datu-rae ramos, ut arteriae minorum generum XL. five abrupto fine exhalent, ut vasa CLXX.

CCXVIII. Liquida tenuia & aquea per vasa quaecunque continua rubris, aut tenuio-ribus XXXXVIII. exire adparet, dummodo ea minora fuerint, quam, ut crassa liquida recipiant: five ex lateribus vasorum majo-rum prodierint, five amandato per canales majores omni crasso liquido, tenuior canalis trunci loco productus fuerit, exemplo oculi. His liquidis simplicissima fabrica sufficit, & ipsa directa arteriae secretrici in ductum ex-cretorium continuatio, ut in urina adparet. Recta ergo hic & simplex, & absque multis fle-

flexionibus fabrica, & velocitas hæcenus factis integra hic locum habent.

CCXIX. Quae aquosa, hinc levia, sed viscida simul, hinc pigra & immobilia, sunt, ea facile per fistulas appensas rubris vasis breves, & angustiores, quam pro pinguedine, exeunt; eoque majori copia in aliqua corporis parte de sanguine decessura esse adparet, quo velocitas a corde accepta minor, arteriae flexio crebrior, longitudo capillaris arteriae major fuerit.

CCXX. An sua singula partibus fermenta, pori, pondera specifica, filtra, quae determinant naturam generandorum humorum? Consideret, qui haec admittit, diversitatem summam, quae est in liquido ab eadem parte corporis secreto, pro varietate aetatis, generis vitae &c. Bilis fetui dulcis generatur, semen tenue absque vermiculis, lac vel nullum vel aquosum, urina aquea mucosa infipida, mucus uteri albissimus, cutis vasa rubro succo plena sunt, humor aqueus ruber, adeps gelatinosus est. In iisdem organis adulto homini separatur bilis acris, semen crassum, lac butyrosus, urina flava, alcalescens, tenuis, sanguis menstruus, humor aqueus limpidissimus. In ipso homine, quam diversa urina aquea, urina cocta, urina febrilis pon-



ponderosior, salibus, oleis plena. Adfectus animi, qui nihil mutant, nisi nervorum stricture, miras secretionum mutationes faciunt, sanguinem per cutis vasa expellunt, bilemque. Adde frequentem secretionum turbationem, commutationem ex levibus causis, ut velocitas major alia & alia liquida per idem organum separet: sanguis enim transit fere in omnes vias liquorum omnium, sudoris, lacrumarum, muci narium, muci uterini, lactis, feminis, urinae, adipis. Lac verum per glandulas femoris secerni visum est. Urina, quae ob vesicae, ureteris, renum vitium, non separatur, exhalat in cutem, ventriculos cerebri, cellulosam totam. Perspirabile Sanctorianum, adeo tenue, frigore ad vias urinae, medicamento adhibito, metu, ad intestinorum villos excretorios deponitur. Exhalans illud viscidulum telae cellulosae in eodem organo, alternatim cum adipe, adeo diverso, secernitur, resorbetur, XIX. &c. Salivatio exhalans fluidum Sanctorii, exhalans internum subplet. Bilis resorbta in oculorum vasa conspicua transit. Adparet, nihil esse in fabrica quacunque cujuscunque visceris aut glandulae, quod indolem secreti liquidi figat, aut ita determinet, quin velocitas major, minor, stric-  
stric-  
turi

strictura nervorum mutata alia in integerrimis organis liquida fecerni faciat.

CCXXI. Supereſt, ut inveniatur, quomodo purae ſecretiones, in ſano homine, fiant. Nempe omnia liquida recenter ſecreta, nullo excepto, ne oleo quidem, multum habent admixtae aquae, neque craſſiores liquores generari poſſe videtur, qui nihil de tenuibus habeant: qui ſit adeo, ut exuta nimia aqua ſemen, bilis, oleum, mucus ſuam propriam viſcedinem, aliasque dotes conſequantur?

CCXXII. Ergo NATURA glandulas, folliculos, magnos parvosque, ſabrefecit pro liquoribus, ex quibus aquam ſeparari oportebat, ut reſiduum viſcidius, meracius, fiat. Mucoſa leniter aqua & parum haecenus diſverſa a perſpirabili vapore, aut lacruma, deponitur in folliculos narium, aſperae arteriae, inteſtinorum. Non continuo excernitur, quia oſtium excretorium folliculo anguſtius

CLXXXIX. ductus excretorius nonnunquam longus & gracilis, liquidum retardat, ut vix exeat, niſi aliunde preſſum: neque forte niſi irritatus copia, acrimonia, folliculus perſtaltico motu incommodum ſuccum exprimat. Demonſtrat matutina emunctio, egeſtio muci pulmonum, ſternutatio poſt nocturnam ſtagnationem. Interim venae in cavitatem folliculi

liculi productae, patulae, resorbent de muco tenui partem aqueam, ut magis spissetur, quo diutius retinetur, quem aqueum exprimit tenuemque, si vis stimuli continuo excernit, postquam secretus est. Exemplum in urethra, in naribus, in ipso cerumine habemus, tum in bile, quam hepar aquosam, parum amaram, non valde flavam, separat. Eam ergo vesicula retinet, calor fovet humanus, diffilatur per venas resorbentes tenuius liquidum per ipsas membranas, reliquum amarius, magis oleosum, spissius fit. In semine idem est mechanismus, id in vesicula feminali conservatur, ibi spissescit, & in repetita venere fluidum, in castis viscidissimum exit. Est, ubi natura haec receptacula duplicavit, triplicavit in eodem organo, quoties viscidissimum liquorem quae-rebat. In seminis via rete testis, finis epididymidis amplius canalis est, & ampla vesicula, angusta vasa testis, ductus deferens, ductus prostaticus.

CCXXIII. Hinc nusquam verae glandulae, nisi pro liquido viscido fecernendo. Et, si viscidus liquor ex arteriis absque folliculo separatus fuerit, semper in folliculo majori stagnat. Semen, bilis, liquor articularis, adeps, exempla praebent.

CCXXIV.

CCXXIV. Potest etiam in receptaculo liquor adfuso novo liquido mutari. Semen spissescit adfuso liquido prostaticae, chylus adtenuatur admista saliva pancreatis, fero gastrico, intestinali, acalescit bile adfusa: albumen articulare temperatur duplici pinguedine CLXXXVIII.

CCXXV. Sed ea summa utilitas est folliculorum, receptaculorum, ut possit liquor quicumque reservari ad ea tempora, quibus solis vitae humanae servit. Bilis ad digestionis tempora, semen ad legitimam venerem conservatur, mucus narium noctu congeritur, ut aeris perflantis vim interdiu temperet.

CCXXVI. Hinc uti NATURA machinas fecit, quae liquidum in folliculis magnis vel parvis morentur, ita fecit alias, quae suo tempore ejiciant. Musculos proprios dedit glandulis nonnullis, maxime brutorum testibus, vesicae urinae, vesiculae felleae, intestinorum, ventriculi. Vel vicinos adjecit musculos, qui liquorem promoveant, ut biventer, masseter, musculi abdominis, septum transversum. Vel irritabile genus nervosum adjunxit, quod, stimulo ineffabili in actionem excitum, vias clausas

fas aperiat lacti, femini, lacrumae, aut ab acri tactum, uti dictum, celerius liquorem destillet, quo bilis, liquor ventriculi, intestinorum, sebumque pertinet.

CCXXVII. Singula liquida, quae ex sanguine prodeunt, cum suis organis accuratius describemus. Sed prius, quam ad singulares secretiones perveniamus, omnium amplissima secretio primo loco dicenda est, quae in omni parte corporis humani fit, alibilis nempe lymphae, ejusque adaptatio ad loca, quae amissae particulae corporis humani deferuerunt.

## CAP. VIII.

## NUTRITIO.

CCXXVIII. Corpus humanum componitur ex fluidis partibus firmisque (1.). Illarum major portio est, si consideraveris originem ex cibis fluidis, copiam sanguinis (CLXVII.), proportionem luminum vasorum ad sua fluida, repletionem vasorum ceraceam, exiguum pondus, ad quod redit corpus humanum morbo, putredine, destillatione chemica, fluidis suis liberatum.

CCXXIX.

CCXXIX. Fluida perpetuo consumi facile demonstratur. Quae aquea sunt, promississime de corpore decedunt. Perspiratio Santoriana, perspiratio pulmonalis, trium & quatuor in singulos dies librarum est. Coagulabilia vero ipsa & crassa liquida perpetuo resolvuntur calore illo 96 graduum, qui in sani hominis corpore est, frictu ad parietes & globulorum inter se ipsos (CXLVIII.) donec & ipsi volatiles avolent. Sed & urina non aquea unice, aut ciborum recrementis plena, verum nostris humoribus etiam mista est, cum alcalescat, oleumque & spiritum sanguinis oleo & spiritui adfinia contineat. Bilibis etiam & succi intestinalis portio ad aliquot uncias quotidie alvo exit. Consentunt emaciationes per motum muscularem, purgantium vim, & febrium.

CCXXX. Sed etiam firmas partes corporis ipsa vi vitae consumuntur. Id per ipsas causas facile demonstratur, sanguis enim impetu magno cordis projectus in convexitates flexionum vasorum, ea extendit, in rectitudinem exporrigit, deinde paulo post vasa elastica contracta in flexionem sibi innatam redeunt, id fit centies millies intra singulos dies, eo impetu ipsa adteruntur ligna, metalla: Ea ergo frictione aequum est consumi partes



corporis nostri, ex terra friabili, parum cohaerente, & glutine, conpositas (c. I.) quod ab igne, putredine, resolvi posse constat. Id in totis canalibus fit, & inprimis in minimis enormes frictiones fieri constat, dum fibrae in longitudinem extenduntur, gluten intermedium, pariter extensum, de vi attractrice amittit, ut oporteat, si vel exigua portione vis impellens vim adtrahentem superaverit, expelli gluten de intervallis elementorum terreorum, & foveolam nasci. Consentunt aortae membranae in fenibus ruptae.

CCXXXI. In extremis resectis vasis exhalantibus, cutaneis internisque, solutionem a vi sanguinis & liquidi fieri, demonstrat laxa libertas ultimi aperti elementi fibrae, cujus unus finis ad reliquum canalem cohaeret. Inde sordes a consumpta epidermide, velox pilorum, unguium, neque valde lentum incrementum in dentibus.

CCXXXII. Cellulosam fabricam vasorum non in sola cavitate, sed undique adteri constat, si cogitaveris parum cohaerentem, sola maceratione dissolvibilem (XI) confricari a magno impetu sanguinis contra vicinos musculos, tendines, ossa subjecta. Mollit hanc frictionem circumpositus adeps, non tollit.

CCXXXIII.

CCXXXIII. Cellulosam eam telam, quae membranarum, viscerumque partem solidam efficit, necesse est solvi & in fluorem redire, abruptis fragmentis vi arteriarum, quae a nulla parte humani corporis longe absunt. Musculorum motus impetuosus, fere perpetui, fibrarum flexiones magnae, crebrae, huc faciunt. Demonstrat ipsa rei natura, cum nihil efficacius durissima corpora solvat, quam repetita flexio, efficacissime vero ea ratione nostram cellulosa solvi necesse sit, quae fibris fiat mollibus, nuper ex glutine natis, distinctis plurimis vacuis caveis, & medio fluido (X).

CCXXXIV. Ipsorum ossium firmitatem a resolutione lenta ea non defendere, eaque perpetuo mutari, novaque stamina in durissimis ossibus nasci, demonstrat dentium in scorbuticis morbosa turgescencia: fibrarum dentium circa glandes plumbeas inflexio: dentium, quibus nullus opponitur, mira productio in homine brutisque animalibus observata. Deinde succum osseum mutari, novumque succedere veteri, demonstrant, fani durique ossis in carneam mollitiem degeneratio: tophi venerei, a corrupto succo osseo nati: lordosis superveniens ex vitio humorum: eadem sanata per interna medica-

I. 3

menta

menta: color ruber ossium animalium rubia pastorum: eorundem color ad naturam ex mutato victu redeuns. Tandem vere decrefcere ossa senum, magnorum virorum experimenta confirmant.

CCXXXV. Quare totum corpus vivum in perpetuo statu consumptionis est. Liquidæ partes exhalant, expelluntur. Solidæ adtritæ, in minima ramenta resolutæ, in vasorum majorum caveam, inhalantium oscula receptæ, sanguini redditæ, efficiunt terram urinae, calculi materiem, & ossium præter naturam formatorum. Haec consumptio maxima est in juventute, ubi omnia mollia, aquæ & glutinis plurimum, terræ parum est. Minuitur cum ætate, semper tamen aliqua superest.

CCXXXVI. Necesse ergo fuit, ut huic jacturae provideretur. Et fluida quidem quomodo reparentur, demonstrabitur, si recipias ex tractatione de viribus digestricibus alimenterum, in sanguinem chylum venire lacti similem, cui inest & adiposum tenerum oleum, & succi gelatinosi vegetabiles insunt, imprimis animales. Ex adiposis particulis, quæ globosæ sunt, laxæ vero & aqua leviores, per densitatem productam per vim contractilem canalium arteriosorum, per vim adtractricem in minimis, ubi globuli paucio-

ri aqua distinguuntur, per figurantem denique sectionem vasorum minimorum in globulos determinatae diametri fiunt.

CCXXXVII. Globulos rubros ex adipe nasci demonstrat indoles inflammabilis CLXV. fieri vero ex densatis globulis chyli demonstrat lactis solius ad sanguinem optimum reparandum potestas in fetu, pueris, confirmant experimenta LEEUWENHOEKII, qui globulos chyli majores, laxiores, vidit sanguineis, & demonstrat experimentum, quo chylus aliquot a pastu horis distincta forma & colore sanguini innatat, paulo post vero evanescit, & uniformis adparet sanguinis indoles, ut necesse sit, in naturam liquidorum humanorum interim chylum abiisse.

CCXXXVIII. Ut lymphæ coagulabilis generetur, id difficultatem vix habet. Ea enim parata dudum & perfecta inest carnibus animalium, ovisque, ut nihil hic vires corporis nostri faciant, nisi, quod ex solidis partibus lympham extricatam sanguini misceant. Hinc firmissimum cibum & vires continuo restauraturum præbet victus animalis. In vegetabilibus minus quidem hujus materie viscidæ, gelatinosæ inest, hinc parcius nutriunt. Inesse tamen in vegetabilibus glutinosum quid, quod solis viribus ani-

malibus in lymphan coagulabilem abeat, demonſtrant animalia herbivora, quibus plurima ex ſolis plantis & optima lymphæ glutinoſa præparatur: tum natura viſcida farinae vegetabilis cum aqua miſtae, ſuccorum plurimorum ex plantis indoles.

CCXXXIX. Reliquos humores humanos ex lymphæ generari ſuadet exemplum pulli, qui totus ex albumine coacto cum omnibus ſuis ſolidis fluidisque partibus componitur: illuſtrat lymphæ in calore 96. & 100. graduum mutatio in aquam evaporabilem, ſubalcalinam, qualis eſt in perſpirabili omnis generis.

CCXL. Neque valde difficile eſt exploratu, quomodo partium ſolidarum jactura reparetur. Viſcida lymphæ eſt, & facile adhaeret, exemplo polyporum, & in fibras, membranas, ſeroſum gluten promptiſſime cogitur ictibus repetitis, ablata aqua. (CLVII.) Quare foveolas quidem in vasis ex deletō intermedio terreis elementis glutinæ factas, ab ipſo impulſu ſanguinis inſacta lymphæ replet, inque cavitates partium recepta lata ſuperficie cum ſolidis cohaeret, & ab impetu arterioſorum humorum contra circumferentiam pellente compingitur, figuratur, ad-

gluti-

glutinatur. Magnae videntur hic partes esse aeris, quem humana fluida advehunt, & qui, haerens solidis partibus, in iisdem uberior, pro glutine terrae & aquae esse videtur, cum nulla solutio fiat, nisi extracto & in elasticas bullas reparato aëre.

CCXLI. Decrementum, quod in extremitatibus liberis vasorum fibrarumque est, id videtur mera protrusione sarciri, dum extremitatis deletae sedem paulum producta fibra proxima occupat, sic fit, quod CCXXIX. dictum est, & nascuntur inter protractas fibras intervalla, quae novum gluten lymphaticum replet.

CCXLII. Cellulosam telam amissam ros ipse lymphaticus exsudans XX. refarcit, qui, deleta aliqua parte cellulosae fibrillae, locum nactus effunditur, cumque coagulabilis sit, ab arteriae propriae vicinaeque ictibus, & musculorum pressione coactus, effugiente aquea parte, in cellulosam telam mutatur. Illustrant morbosa filamenta, in pectore ex vapore, ex pure nata, succi vegetabilis in pulpam, deinde in cellulosam veram mutatio.

CCXLIII. Quomodo fibrae musculares, tendineaeque alantur, tum demum recte di-



ci poterit, quando earum fabrica perfectius cognita erit. Adparet tamen ex comparatione musculi fetus pulpofi, mollis, & undique pene carnei, cum musculo tendineo ex carni hominis adulti, ex vasis copiosissimis circum fibras musculares ludentibus, ex clarorum demum virorum experimentis, fibram muscularem aliore lymphatico effuso in cellulofam fibrae circumpositam, cumque ea coalito vi pressionis musculosae & arteriosae.

CCXLIV. Vt ossium fabrica notior, ita nutritionis ratio faciliior est. Fiunt ea fibris primum membraneis, sensim vero durescentibus, & interjecto inter fibrarum intervalla ossesciente glutine. Hunc *succum osseum* demonstrant fissurarum, per quae vasa in fetu decurrebant, inter laminae repletio, quae in adulto fit; exorbitantia tubera ossium; circumnatae ossibus lapideae crustae inorganicae; frequens ancylosis a confuso osseo concremento inter duo ossa exsudante, & coagulato: exempla, in quibus ossium totae fistulae succo osseo uberiori repletae fuerunt. Gluten autem verum eum succum esse, & de coagulabilis lymphae natura, gelatina ostendit, quae ex ossibus, ebore, cornubus, in igne exsudat, adeo viscida, ut quindecuplum aquae consistere cogat, qua ablata os friabile

le redditur: eadem vero putredine resolvitur, & tota avolat, ut lymphæ, certis experimentis. Possè denique, succum, qui fluidus fuit, & viscidus, in naturam ficcam & friabilem mutari, demonstrant exempla testarum in ovis, in cancris, cochleis, & animalibus testaceis: denique in carnibus & in ipsis demum ossibus cruenta, viscida, gutta de osse exsudans, & in duritiem cito mutata, & calcis ossium cum gelatina in osseam duritatem reparatio.

CCXXXV. Adparet, quomodo corpus conservetur, quale est in sano homine, & quomodo jactura reparetur, quam vita ipsa perpetuo facit. Sed dantur in hominis diversis aetatibus alia nutritionis stadia. In infantia plus additur corpori humano, quam decessit, in senio minus. Illud *incrementum* vocatur, hoc *decrementum*.

CCXXXVI. Fetus in primordiis suis guttula fere limpidi liquoris est, ut alibi demonstrabitur, & post mensem merae adhuc membranae sunt, quae olim ossa erunt. Ex hac exiguitate, quae omnem oculorum aciem fugit, rapide augetur fetus, succo recepto lacteolo, ut intra novem menses, duodecim fere librarum, multis adeo myriadibus se ipso  
major

major fiat. Ab eo tempore, aeri expositus, lentius homo increfcit, & intra viginti annos duodecuplum fere fui pondus acquirit, cum longitudine tripla & quadrupla. Causa dicenda eft hujus incrementi, & velocitatis, quae in primis initiis fuit; tum ratio danda, quare ea velocitas perpetuo decrefcat.

CCXLVII. Extensilitatem quidem miram fetus facile demonftrat natura vifcida, mucofa, totius corpusculi, terra in fetu paucior, aqua abundans, vasorum denique innumera-bilis copia, quam demonftrat oculus, injectio, in offibus, membranis, oculo, quibus ubique infinita vafa funt, in cartilaginibus, vasorum tunicis, cute, tendinibus, ubique, quorum vasorum loco in adultis densam cellulofam vel effusum succum offendas. Quoplura autem vafa funt, eo facilius incrementum. In ea enim ex corde proximo, coercito impetu & majori, liquida adferuntur. In cellulofam effusa liquida flagnant fere, vique extendente minori aguntur.

CCXLVIII. Oportet tamen aliam etiam causam subeffe, cordis nempe in ratione ad fluida humana & vafa primigenia majorem vim & impetum. Id demonftrat punctum falienſ jam vividum, quo tempora reliqua in

fetu

fetui viscera, solidaque nulla adparent; pulsus in junioribus animalibus frequentior: cor notabili ratione majus, quo animal junius est, ut in homine fere proportio in puero ad adultum sesquialtera sit. Qui enim cresceret animal, si roboris in tenero corde ad tenerum fetum eadem esset proportio, quae cordis adulti ad adultum hominem? Multum, ni fallor, hic ipsa irritabilitas facit, quae a sanguine venoso est, major fetui, minor adulto. Nam omnia organa sensibilia adulto occallescent, fetui sunt tenerrima, sensilissima, exemplo oculi, auris, cutis, cerebri ipsius. An eadem ratio porro explicatur a majori capite fetus, majori adeo nervorum ad reliquas partes ratione, quae in junioribus est?

CCXLIX. Ergo cor forte, contra mucosa vascula nitens, ea facile, unaque cum ipsis extendit circumtensam cellulofam telam, fibrasque musculares varie vasis irroratas. Facile vero ea omnia cedunt, quia terrae rigidae parum habent, plurimum connectentis cedentisque glutinis. Inde haemorrhagiae puerorum & juvenum, quibus cor fortius, vasa nondum rigida. Ossa vero ita generantur, ut primo succus glutinosus, inter duo

vasa

vasa parallela compactus, in fibram abeat membraneam, ex repetito pulsu osseam. Incrementum vero ossa jam natis fibris, dum vasa adtensa fibrae, in longitudinem a cordeeducta, secum fibras ossis trahunt, elongant; sic cartilaginem, qua undique terminantur ossa, & quae cellulosum aliquid sed elasticum est, repellunt, interque utramque epiphysin in longum excresecunt, ut eae sensum breviores, sed solidiores reddantur. Sic longitudo partium corporis augetur, nascuntur vero intervalla inter elongatas fibras osseas, cellulosas, terreas. Ea intervalla replentur per CCXLIII. XX. liquidis, quae juniori animali viscidiora, magis glutinosa sunt, quam adulto, facilius ergo adhaerent, adfinguntur in foveolas.

CCL. Viscidam magis indolem in ossibus junioribus esse, quam senum, demonstrant flexilitas in ipsis ossibus superstes, consolidatio facilis, feri glutinosi major copia, & gelatinae ex juniorum animalium artubus, & cartilaginum ad ossa magna ratio.

CCLI. Sed lentius, quo adultius est animal, incrementum procedit. Demonstrat ipsa partium rigiditas, quae fetui flexiles fuerunt: ossum plurima pars vere nunc ossea, quae cartilaginea

tilaginea fuit. Multa enim vasa evanescunt, elisa a pulsatione interna magni canalis, cui vicina sunt, cujusve tunicas percurrunt, quorum locum solidae partes occupant, magna ratione robustiores, fuccus nempe osseus in rimis inter fibras osseas, cellulosa densa in membranis omnibus, & tunicis vasorum. Sed ubique in corpore, diffusa magna aquae copia, cellulosa fila propiora facta, se validius adtrahunt, cohaerent arctius, resistunt distentioni. Simul gluten illud ossibus, solidisque partibus ubique adhaerens, ficcatur, expulso per tot compressiones ab arteriis, a musculis, aqueo principio. Hinc terrae ratio augetur.

CCLII. Donec terminus aliquis est, in quo cordis vires non sufficiunt extendendis ultra solidis. Hic terminus adest, quando epiphygium in ossibus longis cartilaginea ita sensim extenuatae sunt, ut ultra extenuari nequeant, sed tenuissimae, durissimaeque simul sibi resistent cordique. Eodem tempore, & per easdem causas, ubique in corpore, exceptis paucissimis partibus, omnes cellulosae telae, omnes arteriarum membranae, fibrae musculares, nervi, eam sensum duritatem



attigerunt, per causas CCLI. ut a vi cordis ultra nequeant extendi.

CCLIII. Cedit tamen cellulosa tela, laxa, plurimis cavitatibus intercepta, impulso adipi, impulso nonnunquam sanguini, & passim intumescit, ut statura non longior, sed quadrata fiat. Id vero vel ideo contingere sequitur, quod incremento desinente, minor pars humorum ex sanguine exeat, adeoque plus materiae ad secretiones superlit, & quod resistentia in transitu per vasa minima aucta, ob eorum indurationem, pigri liquores ex arteria minima facilius in diverticula decedant. Lentas vero inprimis secretiones augeri inde necesse est, quod cordis vis comparativa, ut vocant, minor facta sit. Rigiditas enim partium resistentiam auget, cordis vero vis ab ea rigiditate augeri non videtur. Cor enim musculus est, cujus flexilitas, nervei liquoris copia comparata ad solidum, ipsa rubra sanguinis portio plurimum ad robur faciunt, ut suo loco dicetur. Ea omnia senium ita non auget, ut etiam minuat.

CCLIV. Sed corpus humanum, quod creditur in statu esse, vere non est, neque quiescit unquam. Perpetuo aliqua vasa pergunt eli-

elidi, in solidas fibras fieri, prouti pressio ponderum, musculorum, cordis in varias partes magis agunt. Hinc rigescunt eae partes, quae cuique opifici in frequentiori usu sunt. Perpetuo etiam densantur omnes cellulosae telae, duriores fiunt, gluten ipsum siccius & magis terreste redditur. Hinc rigiditas ossium senilium vulgo nota, cartilaginum in osseam naturam mutatio, deletio glutine flexili, durities omnium partium, etiam cellulosae telae, cerebri, cordis, arteriarum, pondus specificum majus in toto corpore & partibus, & ipsa lente crystallina.

CCLV. Denique & ipsa glutinosa adtractilis vis liquidorum in corpore humano minuitur, per introductos cibos salinos, potus inflammabiles, & errores diaetae omnium generum, atque sanguis in friabilem, neque gelatinosam, & acrem indolem degenerat. Eam demonstrat lenta consolidatio vulnerum, fracturarum, faetor animae, urinae, sanguinis sales aucti, aqua inminuta, opacitates humorum olim pellucidorum.

CCLVI. Quare exsiccata, indurata, ossifaceta ligamenta intervertebralia sensum vertebrae antrorsum contrahunt, rectitudini, staturae corporis detrahunt: tendines, deleta

magna parte interpositi glutinis, splendidissimi, durissimi, cartilaginei fiunt: musculosae fibrae expulso intermediarum vasorum sanguine, in tendineam, siccam, albam, naturam abeunt: Vasa, & imprimis arteriae, expulsa aqua, duriora, saepe pene ossea redduntur, cellulosae laxae telae in speciem membranarum duriorum contrahuntur; Sic vasa excretoria undique compressa, halitiosa oscula elisa, siccitatem faciunt, sanguinis necessariam depurationem minuunt. Augetur hinc rigiditas, inde sanguinis temperies siccior, & ita terrestris, ut ubique in cellulas corporis partes veram terram pro vapore deponat. Exemplo sunt indurationes, effusae osseae crustae in arteriis, membranis, in superficie ossium plerorumque, maxime vertebrarum, mollissimisque nonnunquam partibus, in toto corpore visae.

CCLVII. Sic ad mortem naturalem itur, quae succedet, quam primum cor callosum, robore non auctum, dum omnes resistentiae augentur, succumbit oneri; pulmo minus explicabilis nimis resistit dextro cordi, tum omne arteriarum capillarium systema, quod alioquin resistentias plurimas cordi opponit.

CLX. Ita sanguis sensum lentius motus, tandem quiescit, & imprimis in corde dextro congeritur,

geritur, dum per pulmonem via clausa est: donec palpitans aliquamdiu cordis machina, quiescente, grumefcente jam sanguine, quiescat obruta.

CCLVIII. Eum terminum natura fere omnibus animalibus suum posuit, cujus rationes non satis notae sunt. Homo longaeuum animal, bove & equo vitam facile duplo longiorem naturaliter adtingit, cum ad centesimum annum non rarissime, nonnunquam ad centesimum quinquagesimum annum vivat. Aves, ut per certa experimenta constat, vivaciores sunt: pisces & istas superant, & ob cartilagines pro ossibus ipsis datas, crescunt perpetuo.

CCLIX. Neque potuit evitari, secundum corporum leges nobis natas, moriendi necessitas, etsi terminum mutet varia cordis ad solidam proportio, vis coctrix alimentorum, indoles sanguinis, calor externus aeris. Quia enim vasa minora a majoribus conprimerentur, quin gluten sensim exhalante aqua durius fieret, quin eadem aqua diffolata fila cellulosa sensim se acrius adtraherent, omnino evitari non potuit. Retardat tamen rigescentiam solidorum, sanguinis intemperiem ficcam, & acrem, inite vitae genus, non ni-

miis exercitum adfectibus animi, motibusque corporis, victus & potus vegetabilis, evitatio omnis excessus, ipsum frigus externum.

CCLX. An nova vasa, partes novas, in corpore humano nasci, aut renasci credibile? An id suadet renascens per vulnera polypus, vermiumque fere genus & urticarum; chelae cancerorum reparabiles, ventriculus quotannis novo mutabilis: an caudae lacerti? vera ossa pro amissis? An huc trahenda reparatio naturalis capillorum, qui minime inorganici sunt, unguium, plumarum? tum vulnerum novae carnes, renata cutis, scrota reducta, calli ossium? Difficilis quaestio. Insectis, quibus simplex fabrica, & glutinosa, commune privilegium videtur, quod lenti humores non effluant, sed adtracti adhaereant reliquo corpori. In homine, quae nascuntur in hydatidibus membranae, aut carnes in vulneribus, calli in ossibus, non fracturas solas, sed amissa integra ossa sarcientes, fiunt ex liquido glutinoso, pulsu proximarum arteriarum compacto, a productis intra vulnus extremitatibus periostei, vasorum resectorum. Deinde ex refartis nasus, labiisque, ex dentibus repositis & convalescentibus, necesse est vasa resecta resectis vasis opposita

posita nervosque nervis haerentes coalescere. Sed partem aliquam majorem organicam renasci inauditum est, neque finit cordis in homine robur, humorum stagnantium indoles putrescibilis, composita fabrica corporis a simplici illa insectorum natura diversissima.

CCLXI. Persecuti sumus, quae vasa omnia in corpore humano communia habent. Transeundum est ad ea, quae cuique arteriae propria sunt officia. Primam pulmonalem ponimus, quia ex dextro corde prodit, neque quidquam habet Aorta, nisi quod debet illi CVII. arteriae. Sed ejus arteriae munera requirunt descriptionem pulmonis, organorum respirationis.

## CAP. X.

## R E S P I R A T I O.

CCLXII. Saccos pleurae LXXV. LXXVI. replent *Pulmones*. Hoc nomine veniunt viscera duo, dextrum sinistrumque, figura ea quae saccorum est, inferne nempe lata basi, superne obtuso ad primam costam cono terminata. Facies anterior plana, lateralis convexa, postrema rotundior, media sive interna



cava est, ut cor comprehendat. Major est pulmo dexter: itemque frequentius in tres lobos semisectus, sinister rarius. Liberi ex magnis vasis suspenduntur, nisi ligamentum velis, quod membrana externa pleurae, ad pulmonem abscedens, ad septi transversi sedem efficit. Inter pulmonem & pleuram vapor aquosus, coagulabilis reperitur, ut in pericardio LXXX. qui ex pulmonis superficie sudat. Is in hydropem augetur, aut in fibras pulmonem revincientes coagulatur.

CCLXIII. Pulmoni *membrana externa* simplex, tenuis, pleurae continua, ex adhaesione magnorum vasorum cordis undique super pulmonem spargitur, integra tamen flatum, facile, etiam separata a pulmone sustinens. Eadem tegit, pontis instar, intervalla lobulorum.

CCLXIV. Fabrica pulmonis fit ex lobis, per media intervalla divisis, in quibus cellulosa laxior est; divisione prima in duos majores mediumque minorem lobum, cohaerentes tamen, inde longa serie in minores minimosque: donec lobuli resolvantur in cellulas membraneas exiguas, aere in adulto homine plenas, variae figurae, quae inter se undique communicant. Neque adeo unico orificio

orificio in ampullam ovalem ex aspera arteria aerem vesiculae recipiunt, sed exhalantem ex ejus arteriae minimis ramulis aerem ita admittunt, ut in irregularia spatiola effusus, a qualibet pulmonis particula in omnes, libere meet remeetque. Id flatus demonstrat, qui in quemvis, etiam minimum, lobulum impulsus per suum asperae arteriae ramum, in omnes transit. Neque intervallorum cellulosa fabrica seclusa est a pulmonalibus vesiculis, neque lobis peculiaris membra circumdatur.

CCLXV. Aerem in eas vesiculas adducit *arteria aspera*. Ea a larynge oritur, alibi dicendo, exque eo aerem unice habet. Pars prima unica, simplex, cui sinisterior oesophagus subjectus est, fulta latis planisque colli vertebri, partim carnea est, partim cartilaginea. Nempe intra cellulosa telam, quae asperam circumligat, sequitur canalis, alterne ex circellis factus cartilagineis, carneisque. Illi tenues, elastici, anterieus planiusculi & crassiores, extremitatibus suis posterioribus tenuioribus conjunguntur & circulum perficiunt, adhaerentibus utrique libero fini fibris muscularibus, transversis, valentibus. Inferiores circelli minores sunt.

CCLXVI. Anuli carnei, cum cartilagineis alterne positi, fiunt fibris musculosis rubris. Earum aliae transversae anulorum fines liberos conjungunt, aliae ab anulo superiori ad inferiorem quemque descendunt. Aliae vero fibrae musculares ab ipsa deorsum cricoidea cartilagine descendentes, & infra divisionem bronchiorum deductae, in pulmone evanescunt. Transversae arctant asperam arteriam, longae breviorē reddunt. In pulmone, inter imperfectos anulos, aliquid etiam musculosi reperitur, minus uniforme.

CCLXVII. In cellulosa tunica, quae musculari circumponitur, sed maxime posterius in intercapedine cartilaginum CCLXV. sedent innumerabiles glandulae simplices, quae per exiguo ductu, pori simili, aperto in cavitate asperae arteriae, mucum in eam cavitate deponunt, pellucidum, aquosum, in lenas non coagulabilem, lenissimum, cujus summa est utilitas in membrana sensilissima defendenda ab aere impuro, pleno corpusculis mechanice molestis, & chemice acerbis. Denique internum asperae arteriae tubum perficit membrana, oris membranae continua, levis, pulposa, valde irritabilis.

CCLXVIII. Vasa hujus partis integræ asperæ arteriæ sunt, in collo a thyreoideis inferioribus, in thorace ab aliis etiam ramulis subclavioꝝ truncorum, aut mammariorum, & bronchialium proprie dictorum. Nervi a recurren-te, ab intercostali, copiosi.

CCLXIX. Ad supremum thoracem finditur aspera arteria in duos trunco similes ramos, perinde imperfectis cartilaginibus factos, glandulis similibus instructos, quorum uterque in suum abit pulmonem, dexter autem brevior & major est. Ubi in pulmone sunt, anuli cartilaginei abeunt in fragmenta magis & magis difformia, gnomonica, angulosa, triquetra, majori portione membranae mista, donec decrescente cartilagine, ultimi ramuli *bronchiorum* membranei fiant. Glandulae, quae supra dictae. Conglobatae aliae & trunco, & ramis asperæ arteriæ & pulmonibus adsidentes lymphatici generis sunt CLXXXIII. seqq. neque ad asperæ arteriæ naturam faciunt.

CCLXX. Ejus ultimi rami, invisibiles, exhalant aerem, in cellulosa spatia pulmonis adulti, atque ab iisdem spatiis recipiunt vaporem arteriosum, expirantem.

**CCLXXI.** Vasa bronchiorum sunt *arteriae venaeque bronchiales*: Illae fere duae, ut una ab intercostali aortica suprema prod-eat, & dextro vel utrique pulmoni prospiciat, altera a trunco aortae ad sinistrum pulmonem eat. Aliquando plures visae, ut tres sint, accedente secunda aortica. Alias unica, communis est. Venae bronchiales duae, constantiores, dextra ab azyga, sinistra a venae subclaviae proprio ramo. Haec vasa cum asperae arteriae ramis migrant, in membranas eorum descendunt, & arteriae cum arteriis pulmonalibus communicant, venae cum venis. Est ubi vena pulmonalis ipsa pulmoni dedit ramos minores, asperae arteriae, superficiei pulmonis.

**CCLXXII.** Sed alia majora vasa pulmoni data sunt, arteria, dicta, C. CII. & vena CIV. Hi trunci & sibi comites & asperae arteriae, incedunt in pulmone, multa cellulosa circumdati, quae aucta ultimo ipsum pulmonem constituit. In ea dividuntur & aerea vasa, & levia, & in cellulosae ultimae spatiosis minimae arteriolae venaeque repunt, intertextae in retis speciem, ibique & arteria vaporem (CCLXI.) copiosum in pulmonis aereas cellulas exhalat, & vena ab iisdem vaporem aquosum recipit. Hinc aqua tincta, serum

serum lactis, cera tenuior impulsa pulmonali arteriae cum spuma in asperam redit, & vicissim ex aspera in pulmonalem arteriam venit. Eademque ratione ex vena pulmonali in aspera vasa, ex his in venas, & denique ex arteriis rubris in venas pulmonales libere liquor injectus it reditque.

CCLXXIII. Vasa lymphatica, ut alibi, in superficie pulmonis reticulum faciunt, a quo rami ad mediastini posterioris caveam, glandulas adsidentes oesophago, & ductum thoracicum veniunt. Nervi exigui anteriores, posteriores, sunt a nervo octavi paris; & aliquid a recurrente etiam, & a cardiacis plexibus, cum vasis magnis accedit.

CCLXXIV. Maxima, quae pulmonem subit, est sanguinis portio, aequalis illi, quae totum corpus eodem tempore adit, & forte major, demonstrat ergo aliquam summam utilitatem esse hujus visceris. Ea ab aere manifesto pendet, ex consensu totius naturae, in qua nullum facile animal absque respiratione reperitur; ex fetus fabrica, in quo inutilis pulmo, ob aeris absentiam, minorem tantum partem ejus sanguinis recipit, quem arteria pulmonalis ex corde effert. Dicenda est ergo respiratio, sive aeris in pulmones attractio, & expulsio.



CCLXXV. Aer, ex phycis, est fluidum invisibile, elasticum, soniferum. Sed aer, quem vulgo pulmone recipimus, impurus est, copiosissimis aqueis vaporibus aliisque, seminibus animalium, vegetabilium, alienisque aliis minutiis plenus, gravis, ut tamen pondus octingenties quinquagesies, quam aqua, minus habeat. Hic aer circumfusus undique terrae, pressus ab incumbenibus superne columnis, pressus a lateralibus, subit ubicunque minus resistitur, vi magna, ut demonstrant experimenta in vacuo spatio facta, phaenomena antliarum.

CCLXXVI. Ab omni corpore humano excluditur aer ambeuns cute densa, aeri, etiam ubi sicca est, impermeabili, subiecto adipe, angustis vasorum resorbentium, aequali resistantia. Pulmonem aere in homine adulto alioquin semper plenum, hinc aequa vi atmosphaerae toti renitentem, cur subeat aer, videndum: semper vero aerem continere demonstratur, quod, utcunque presseris, levior sit aqua, etiam post paucas inflationes, & innatet, qui in fetu, aere nondum admissio, fundum petebat.

CCLXXVII. Sublato aequilibrio, aer in locum, qui minus resistit, descendit ubique,  
per-

perpetuo CCLXXV. Ergo ut aer in pulmonem veniat, faciendum, ut pulmo minus resistat aeri, quam prius, nempe ut rarefiat aer, quem pulmo in cellulosa sua fabrica retinet; id autem obtinebitur, si dilatetur pectoris cavitas, quam pulmo replet. In id amplius spatium diffundit se aer, qui pulmoni nunquam non inest: ita, dum in majus spatium effunditur, debilitatur, aeri externo minus resistit. Ergo ex eo aere externo, ea portio descendit in pulmonem, quanta sufficit, donec aer, qui pulmones nunc replet, eandem densitatem cum aere externo recuperaverit.

CCLXXVIII. Dicendae ergo vires, quae pectus dilatant. Pectus aut thoracem vocamus cratem mistum ex ossibus, cartilaginibus & carnibus, qui coni obtusi, superne angustioris, fere elliptici figura est, antrorsum tamen compressi, posterioris eminentia divisi. In ejus cratis parte laterali sedent pulmones, mediam, inferiorem, primo pericardium, deinde viscera abdominis occupant.

CCLXXIX. Fundamentum praestant thoraci lateraliter costae duodecim, in media parte anteriori sternum, in posteriori & media vertebrae. Harum firmitas, tum ob spinas spinis inpositas, tum ob connexionem cum costis,

costis, invicta est, & solidam basin costis praebet. Istae in universum in arcus modum flexae sunt, sed irregularem, cui posterius & lateraliter magna curvatura sit, in anteriori sede in rectam lineam explicetur. Costarum osseae partes inter se utcunque parallelae sunt, pars maxima ossea est, posterior crassa, teres, anterior plana, tenuis. Reliqua costae pars anterieus perficitur cartilagine, quae in universum figuram ossis continuat, lata, conplanata, sinui difformi osseae partis innata.

CCLXXX. Posterior ossea, crassaque pars costarum, in capitulum terminatur, quod foveolam ingreditur, in supremæ & imarum duarum costarum corpore, in reliquarum duarum quarumcunque vicinis marginibus insculptam. Ligamenta vertebrae costis revinciunt firma, quorum praecipuum a quavis costa in vicinam vertebrae radiatim dividitur: alia processum transversum ad tuberculum costae revinciunt, alia ipsas proximas costas, & una processus transversos inter se colligant. Deinde inter angulum curvaturae & articulationem cum vertebrae, quaelibet decem superiorum costarum tuberculum educit, quod processui transverso vertebrae cuiusque planiuscula superficie conjunctum, brevibus,

vibus, fortibusque ligamentis ita ad eum processum revincitur, ut lenis aliquis costae adscensus & descensus, sed cum magna stabilitate, liber relinquatur.

CCLXXXI. Inter anteriores illas cartilagine, septem superiores ad sternum perveniunt, & foveas laterales, cartilagine incrustatas, hujus ossis ingrediuntur, brevibus etiam ligamentis confirmatae. Reliquarum, quae quinque sunt, superior septimae, deinde inferior quaeque superiori adglutinatur firma cellulositate, ita marginem continuum efficiunt, qui & ipse in sterno firmatur: imae duae liberae sunt, solisque cum musculis connectuntur. Eae cartilagine inferiores inter se & cum sterni ligamentis firmis uniuntur.

CCLXXXII. Directio costae supremae descendit, secunda fere ad angulum rectum sterni committitur, reliquae adscendunt, & ad vertebrae, & ad sternum, hic vero magis. Ipsa vero pars ossea costarum ita dirigitur, ut supremae planities anterior valde declivis antrorsum, pene transversa sit, proximis ad perpendicularum ponatur, mediis inferius paulum antrorsum emineat. Praeterea firmitates costis valde diversae sunt. Superiores breves, sterni connatae potius, quam dearticulatae

ticulatae, transversae, firmissime resistunt. Inde mobilitas ad inferiora augetur, donec ima costa, carnibus folis innata, mobilissima sit.

CCLXXXIII. Sternum in universum tenue & spongiosum os, in adulto unicum, fetui varie multiplex est. Superna octogona, latior pars, & a claviculis firmatur, quae triangulari capite, & valde arcta articulatione sterni committuntur, & a costa utrinque prima. Latera sterni costas in proprias angulares cavitates recipiunt. Ima pars in liberam, partim osseam, partim cartilagineam mutabilis figurae appendicem, continuatur, quam ensiformem vocant.

CCLXXXIV. Ut dilatetur ergo pulmonis sedes, adeoque ea nascatur conditio, qua data aer externus in pulmonem descendit, thoracem elevari necesse est. Ita omnes sectiones thoracis rectos angulos faciunt, capacitatem crescunt. Eum motum varii musculi praestant, qui vel constantius vel rarius operantur. Perpetuo ergo costas elevant *Intercostales* omnes. Hoc nomine intelliguntur viginti duo musculi, quorum undecim externi sunt, five cuti propiores, totidem interni, qui a pleura solo adipe & cellulosa te-

la separantur. Externorum initium est ad costarum posteriorem articulationem CCLXXX. finis in ossea parte costarum anterieus, ad aliquam a cartilagine distantiam, ut reliquum spatium inter cartilagine ad sternum usque musculorum loco aponeurosin habeat. Directio ea est, ut a margine inferiori costae superioris, in marginem superiorem costae inferioris antrorsum descendant. Elevare costas omnes fere auctores consenserunt, quod a costa superiori, firmiori, ad inferiorem mobiliorem ita descendant, ut pars inferior ab articulatione cum vertebis, sive hypomochlio vectis costarum, remotior sit.

CCLXXXV. Sed interni intercostales ad aliquam ab ipsis vertebis distantiam oriuntur, fere ad exteriora tuberculi CCLXXX. Inde pergunt ad sternum usque, cui primi hujus generis superne inferuntur. Directio contraria prioribus est, excepta primi musculi interni parte anteriori, ut a costae superioris margine inferiori ad inferioris costae superiorem marginem retrorsum descendant. Quare de actione ambigitur: cum pars musculi inferior in eam costae sedem inferatur, quae propior est articulationi cum vertebis, adeoque immobilior esse videatur. Sed elevant tamen. Lon-



ge enim major est excessus firmitatis costae superioris, ex articulatione, pondere, ligamenti nata, quam mobilitas illa orta a majori ab hypomochlio distantia. Demonstrant vivorum animalium sectiones, quibus constat, in elevatione costarum internos musculos operari, in depressione quiescere: fila sceleto humano flexili adfixa, & adtracta secundum directiones intercostalium musculorum internorum, quae costam inferiorem semper & ubique ad superiorem adducunt: firmitudines costarum supremarum, quae inferioribus pro puncto fixo sunt, cum primae costae octuplo & duodecuplo reliquis veris firmiores sint, diversitas vero distantiae ab hypomochlio vix sit vigesima pars totius vectis: experimentum in cadavere, cujus thorace elevato intercostales interni intumescent.

CCLXXXVI. Horum ergo musculorum actione thorax elevatur, costae, circa suas articulationes rotatae, extremitatibus suis descendunt, angulos & cum sterno & cum vertebra majores faciunt, in mediis vero arcubus adscendunt, marginem suum inferiorem antrorsum erigunt. Una sternum antrorsum a vertebra a costis conjunctis educitur. Ita costae, & a vertebra removentur, & dextrae

a sinistris recedunt, & diameter utraque a dextris ad sinistras, & a sternum ad vertebrae augetur, utrumque ad duas fere lineas: & adeo, cum in omni imaginabili sectione thoracis idem contingat, satis ampliter pectoris cavea dilatatur. Id in feminis fit inprimis, & in viris paulum anhelantibus. Sed neque sufficit haec dilatatio sano homini, neque in viris fere manifesta est, etsi etiam tunc muscoli intercostales retinendo costas & elevando, inspirationem plurimum taciti adjuvent, dum punctum fixum septo transversum praestant, ut vim omnem, non deprimendis costis, sed proprio velo deprimendo impendat. Major pars ergo spatii, quod thorax acquirit in inspiratione, est a *septi transversae* actione.

CCLXXXVII. Eo nomine musculus venit, in planum curvilineum expansus, qui in universum faccos pulmonales ab abdomine ita distinguit, ut pars fere media altissima sit, & pericardium fulciat, partes laterales, quae a partibus solidis thoracis & lumborum oriuntur, undique humiliores sint, humillimae tamen, quae postremae. Carnes hujus musculi oriuntur a cartilaginis ensiformis facie interna sive posteriori, a costa septima, octava, nona, decima, undecima, apice duo-

L 2

deci-

decimae: tunc intervallum aliquod sequitur, in quo nuda pleura peritoneum contingit. Inde porro septi musculosae appendices, multo validiores, & in teretes musculos duos, tres, quatuor utrinque collectae, oriuntur carnae a processu transverso vertebrae lumbalis primae, a secundae corpore lateraliter, tendineae demum a secundae, tertiae, quartae corpore medio.

CCXXCVIII. Fibrae istae omnes CCXXCVII. in tendineam naturam mutatae, efficiunt centrum septi transversi, quod obtusum gnomonem refert, medioque latiori angulo pericardium fulcit, lateralibus alis, quarum sinistra angustior est, retrorsum descendit. Liberior hoc centrum est, sed media in parte tendinea, & vicina carnea cor resistit, laterales alae & quae vicinae sunt carnes, eae mobilissimae sunt.

CCLXXXIX. Foramina in septo duo sunt, quorum dextrum quadratum in tendinis dextra parte quatuor fasciculis validis tendineis cingitur. Sinistrum ellipticum ponitur inter carnes dextras & sinistras, a mediis corporibus vertebrarum lumbalium ortas, sub foramine se semel & bis decussantes, superius vero in tendinem abeuntes. Quare hoc stringi

gi in actione septi, illud in eadem immobilitate esse probabile fit. Tendines enim in motu musculorum minus mutantur.

CCXC. Fabrica, vivorum animalium sectio, demonstrat, septi transversi carnes, cum undique a partibus firmis adscendant ad medias & mobiles, eas ipsas deprimere, atque adeo laterales faccos thoracis LXXV. quibus pulmo inest utrinque, deorsum ducere, sic diametrum perpendicularem pectoris insigniter augere, abdominis viscera omnia comprimere, contra resistentes musculos abdominis pelvisque parietes osseos impellere. Solum fere septum in viro sano, quieto, respirationem perficit. Ipse pulmo unice obedit aeri, septo costisque, his appressus, ut per amplum vulnus: integris omnibus, per pleuram septumve pellucidum adparet.

CCLXXXI. In majoribus inspirationibus, quas copia sanguinis pulmoni adpulsi exigit, aut difficultas in pulmone obiecta, accedunt ad dilatandum pectus vires elevantes thoracem variae, vel thoraci, vel claviculis, vel scapulae insertae, scaleni muscoli, massoidei, trapezii, cervicales descendentes, ferati superiores, pectorales, tum levatores parvi, quos ex anatome oportet repetere.

CCLXXXII. Habemus vires, quae secundum omnes tres diametros pectoris capacitatem augeant CCLXXX. & CCLXXXVI. superest, ut aer CCLXXV. gravis, & ab incumben-  
 tibus atmosphaerae columnis pressus, subeat pectus, eo majori vi, quo minus aeris in pulmone est, maxima, si nullus adfuerit. Ergo hac actione, quae inspiratio vocatur, bronchia undique augentur, longitudine, latitudine, cum ad omnes diametros pectus augeatur, pulmo vero inflatus absque ullo intervallo pleuram contingat. Una vasa, quae cellulosa vagina cum bronchiis conjungit, longiora fiunt, extenduntur, anguli parvi fiunt majores, hinc circulatio facilior. Deinde, dum vesiculosa pulmonis caro aere plena fit, spatium augetur, in quo vasa capillaria pulmonis migrant, compressio vicinorum minuitur, liberius ergo sanguis in majora, minimaque vasa pulmonis irruit, & acceleratur. Hinc pulsus in inspiratione frequentior. Pressionem vero aeris in sanguinem, in tanta ejus levitate, negligere possumus, quae aerem numquam in sanguinem urgeat, quod siphon non difficulter potest.

CCLXXXIII. An aer inter pulmonem est & pectus? an is aer rarefit in inspiratione, idemque restitutus, comprimens pulmonem,

nem, facit expirationem? An hanc sententiam confirmat avium exemplum, ubi omnino vera est? Omnia contra hanc opinionem consentiunt. Retro pleuram animalis quadrupedis vivi, aut cadaveris, pulmo nudus oculis distinguitur, nullo spatio diremtus. Perforata pleura pulmo se, quamprimum ab aere adtingitur, ad vertebrae recipit. Majora vulnera, aere in unum cavum thoracis admissio, respirationem minuunt, in utrumque recepto subprimunt. Sub aqua apertus thorax nullam in aquam emittit aeris bullulam. Spatium imaginabile inter pulmonem & pectus vapor replet, vel aquula. Pulmones, si adhaeserint, modice respirationem laedunt, quae nulla superesset, si aer inter eos & pectus ad respirationem medius requireretur. Aer denique externus omnes in corpore humano membranas admissus corrumpit, nisi plurimo muco defendantur, is autem a pleura abest.

CCLXXXIII. Postquam, per causas suas CCLXXX. & CCLXXXVI. pectus undique dilatatum fuit, quantum potest, vel quantum certe sufficit sani hominis necessitati, aer in loco perpetuo calidiore a sanguine incalescit. In Europa septentrionali medius gradus caloris atmosphaerici est  $48^{\circ}$ , medius gradus caloris



loris aeris de pulmone expulsi 94. diversitas adeo 46. quo toto discrimine aer intepest, cum anima ipsi cuti calere videatur. Quare aer, expansis ad summum cellulis, quarum dilatatio nullum in pectore spatium invenit, rarefactus per  $\frac{1}{12}$  circiter partem voluminis

sui, incipit nunc elatere suo sanguinem morari, vasa minima conprimere, ita nova resistentia nascitur sanguini a corde perpetuo advenienti, & in diuturnioribus spiritus retentionibus, ut in nixu, sanguis venosus, maxime capitis, stagnat ante clausum cor dextrum, quod se in pulmones evacuare non potest, faciem tumefacit cum rubore, rumpit aliquando venas cerebri, colli, intestinorum, renum, pulmonis demum, auremque dextram. Haec causa mortis in aere compresso, in submersis, in strangulatis. Ergo illi, quae a sanguinis itinere suppresso oritur molestiae, ut homo vivus obviam eat, relaxat vires inspirationis, & ciet in actionem vires expirationis, quae aere nimis rarefacto pectus liberent.

CCLXXXV. Vires istae sunt inprimis musculi abdominis, obliqui, deinde recti, & transversi. Eorum priores aliqua parte sui firmantur ad costas inferiores, alia reti-  
nentur

nentur ad os pubis, iliumque immobile, si cum pectore compares. Quare contracti, re-  
cti quidem arcum illum, in quem viscera a  
diaphragmate depressa abdomen expulerunt,  
contrahunt, convexitatem abdominis recti-  
tudini propiorem faciunt, viscera abdominis  
retrorsum, sursum, contra septum transversum,  
quod solum cedere potest, inpellunt, id in  
thoracem urgent, eum breviorum faciunt.  
Obliqui similibus causis laterales etiam par-  
tes abdominis constringunt, hepar, ventri-  
culum, sursum premunt. Omnes denique  
costas detrahunt, ab intercostalibus elevatas.  
Transversus costas non detrahit, introrsum  
tamen paulum ducit spuriarum cartilagine,  
abdomen totum vehementer angustius reddit,  
viscera eadem contra septum urget. Sic pe-  
ctus per conversam CCLXXXVI. angustius  
omni modo & brevius fit, expellitur de pul-  
mone pars aeris tanta, quanta sufficit ad tol-  
lendā molestiam CCLXXXVIII. Una fabri-  
ca musculosa bronchiorum contra aerem di-  
stendentem nititur, adjuvat expulsionem: &  
iplae costae, quarum articulationes requirunt  
eum situm ad quietem, qui est in expiratione,  
resiliunt dimissa vi flectente, seque in sta-  
tum expirationis spontaneo elatere reponunt.  
Hinc exspiratio faciliior, hinc velocior inspi-  
ratione

ratione in ratione :: 3. 2. Hinc in moribundo ultima superest. Triangularis etiam sterni musculus elevatas costarum verarum cartilagines & una sternum, retrorsum reprimat, & deducit.

CCLXXXVI. In validioribus respirationibus, quando inspirationes majores factae sunt, majores expirationes aliquae aliae causae adjuvant, ut sacrolumbalis musculus, longissimus, quadratus. Ea vi efflationis glandes plumbeae drachinae & ultra pondere ad 363. pedes projiciuntur, eaque vis tertiae parti pressionis atmosphaerae aequalis est. Sed in sano homine soli musculi abdominis sufficiunt, neque pulmo ita, ut in efflatione, evacuetur.

CCLXXXVII. Effectus expirationis sunt, comprimere vasa sanguinea pulmonis, angulos bronchorum acutiores reddere, vasis reticularibus pondus vicinorum vasorum inponere, sic partem sanguinis arteriolis capillaribus in pactam ad cor sinistrum per venas propellere, parti vero sanguinis resistere, quae a corde dextro advenit. Nam vasa pulmonis, nisi inflentur, non bene replentur, omnium vero optime, si respirationem vitalem imitemur. An ideo sanguis celerius in pulmone, quam in reliquo corpore fluit?

An

An id finit verum esse brevitās itineris, quod inter dextrum & sinistrum ventriculum is sanguis percurrit?

CCLXXXVIII. Ita nova necessitas respirationis renascitur, dum sanguini a corde dextro aliquoties expulso, collapsa vasa pulmonis resistunt. Ea causa mortis altera in iis animalibus est, quae in spatio aere vacuo pereunt. Pulmones iis diutius in vacuo morantibus aere educto densi, solidi, aqua graviores, hinc sanguini immeabiles redduntur. Similis est eorum animalium mors, quae in cavernis charoniis & a fulmine exstinguuntur. Quare vi sapientissimae fabricae, ad primum sensum incommodi ab impedito transitu sanguinis nati, laxatis viribus expirantibus, inspirantes in motum cientur, motus sanguinis per pulmonem liberatur & acceleratur. Diutius toleratur aer densior, rarior minus. Nam ille facile sponteque sua pulmonem subit & distendit, hic resistantiae bronchiorum & aeris interni superandae impar excluditur. Sed etiam raritatem, quae dimidium pene pondus aeris subtrahat, illaesi toleramus.

CCIC. An aliae causae alternae respirationis? An aliquid sperandum a compressa vena sine pari, nervo phrenico, a sanguine ad cerebrum non misso. Repugnant haec

anatomiae comparatae, quae absque ullo simili nervo, venave, ubique eam alternationem respirationis reperit. An ab alterna tractione antagonistarum musculorum, inter quos expiratorii inspiratorios relaxant, isti priores? sed ea ratione omnes in corpore humano muscoli perpetuo in motu alternarent.

CCC. Ex prioribus satis constat, respirationem homini sano & adulto perfectae necessitatis esse. Nam sive in inspiratione pulmo manserit, sive in expiratione, perinde perit CCXCVIII. CCLXXXIII. Hinc nullum animal, quod pulmonem nostro similem habet, postquam respiravit, aeris usura supra pauca minuta horae carere potest, quin vel pereat, vel certe in eum statum incidat, qui a morte sola suscitabilitate differt.

CCCI. Sed ab ea necessitate differt utilitas respirationis. Illam natura evitasset pulmone aut nullo facto, aut tali, qualis in fetu est. Utilitatem ergo respirationis magnam esse oportet, quum omnia animalia aut pulmonem nacta sint, aut branchias, aut asperam arteriam per corpus omne divisam.

CCCII. Ut eam utilitatem eruamus, comparemus sanguinem adulti hominis cum fetu

tus sanguine, & cum piscium liquido vitali. Adparet in fetu deesse sanguini ruborem floridum, densitatem solidam; a piscium sanguine ipsum calorem abesse, densitatem vero ibi minorem, & tenerum crassamentum reperiri. Utramque proprietatem sanguinem in pulmone acquirere natura rerum ipsa suadet.

CCCIII. Quare in pulmone calor imprimis nascitur. Omnia animalia, quae pulmonem habent duosque cordis ventriculos, calorem in suo sanguine concipiunt, qui mediocrem atmosphaerae calorem media parte superat. [CCLXXXIII.] In eodem septentrionali mari vividissimi & vehementissime moti pisces, si absque pulmone fuerint, frigent: pigerrimi, & somnolenti, dum respirent, calent ut homo. Non ergo cor, aut reliquum corpus absque pulmone calori generando sufficit. Nonne id fit ab alterna extensione & contractione, relaxatione & compressione vasorum pulmonalium CCXCII. & CCLXXXV. unde perpetuo solidae partes inter se ipsas confricantur, & sanguinem confrietae adterunt in expiratione, uti ab eo in inspiratione rapidius adveniente teruntur. Neque impedit, quod negent a sola frictione

ne



ne aquam incallescere. Nam id non satis verum est. A vento, a frictu aqua, lac, utique intepescit, & sanguinem, qui inflammabilis fit, multo majorem calorem concipere necesse est. Neque ab effervescentia calor nascitur. Nam a solo motu muscutorum, etiam a solo organorum respirationis exercitio aucto, augetur calor, minuto minuitur, suppresso. definit.

CCCIV. Densitas quidem adjuvatur exeunte de pulmonis vasis copioso aqueo vapore, quo separato reliqua massa specificè gravior fit. Sed imprimis videtur huc idem adtritum facere, quo sanguis per modulos minimorum vasorum alterne retardatus, alterne velocius transactus, figuratur, sphaericus fit, hinc densior, plus nempe ponderosorum globulorum, levis liquidi minus. Neque nihil potest vena pulmonalis angustior socia arteria, in qua adeo propius ad se invicem accedunt globuli, & augetur vis adtractrix. A densitate vero notissimum est, per NEWTONI experimenta, ruborem augeri. Hinc una calor, rubor, densitas sanguinis augentur a motu musculari, cum quo motus pulmonis necessario increfcit. Levem vero diversitatem esse multa arguunt, & summum frigus sanguinem exigua portione condensat: Aliquam esse declaratur

ex piscium tenui, aquoso, levique sanguine.

CCCV. An ergo aer ipse in sanguinem recipitur in pulmone, & ibi oscillationes facit necessarias? An id demonstrat resistentia corporis contra pondus aeris externi: aer in sanguineis vasis, telis cellulosis, & cavitatibus corporis humani repertus: strepitus in articulationum extensione: aer in multorum animalium corda manifesto ex tracheis effusus, ut in locusta: necessitas oscillationis vitalis in sanguine? rubor auctus sanguinis pulmonalis.

CCCVI. Imo nihil aeris elastici in sanguinem hic recipi demonstrant exilitas vasorum inhalantium, mucus perpetuo illinens vesicularum parietes, aeris elastici natura ad iter per vasa capillaria minime idonea, repulsio ab aqua, qua impeditur, ne per chartam, linteum, pellem madidam aer transeat. Idem impulsus asperae arteriae non transit in cor, & tunc demum transit, quando nimia vi inpellitur: Aer in vasis humanis, & in humoribus ex non elastico fit elasticus gelu, putredine, vacuo externo. Is autem aer in omni liquido nest, cum cibis, cum vaporibus advenit, leniter mistus & difficulter. Nulla unquam in vi-  
vo

vo calido animale bulla aerea in sanguine visa est. Animal, cui aer in sanguinem inflatur, perit certo & velociter. Neque quidquam satis certi est in sanguinis venarum pulmonalium aucto rubore.

CCCVII. An refrigeratur in pulmone sanguis? An id docet mors animalis in aere, qui eo gradu calet, quo animal, ut creditur constituisse in diebus aestivis fervidissimis, ventis aestuosis orientis? An ideo minores arteriis pulmonis venae? Refrigerari in pulmone sanguinem hactenus verum, quod aerem contactu calefaciat CCLXXXIII. aliquid ergo ipsi de suo calore tradat. Sed eum finem naturae non fuisse, demonstratur, cum nemo sanguinem venosum arterioso calidiorem dixerit, frigidiorum invenerint aliqui, nemo cor sinistrum dextro frigidius viderit. Sed venosus sanguis in pulmonem venit. Si ibi refrigeratur, sequitur, ut arteria adhuc frigidior accipiat. Eum ergo, quem amittit, calorem, & ultra sanguis recuperat, & omnino in aere multo calidiori vivi potest, quam sanguis ipse est. Amplitudo arteriae pulmonalis dextrique cordis receptaculum esse pro mora saepe necessaria adparet, & angustia venae aliquid ad accelerandum sanguinem confert.

CCCVIII.

CCCVIII. An utilitas pulmonis est re-  
forbere nitrum sanguini de aere? An inde  
rubor floridus, qui in placentae sanguineae  
superficie adparet, dum pars fundo proxima  
atra est. Acidum volatile in aere aliquod  
inesse certum est, quod cum terra propria  
nitrum facit. Terrae enim nitratae exhau-  
stae, aeri expositae, nitro iterum impraegnan-  
tur. Sed idem acidum cum alia terra & vi-  
triolicum salein, & alumen, & marinum de-  
nique componit, per certa experimenta. Nam  
caput mortuum falis marini a destillato spiri-  
tu superstes recipit ab aere eam vim, ut no-  
vum spiritum fundat destillatum: & in nive  
sal cubicus est: Marcasitae vero vitriolo efflo-  
rescunt, & colcothar spiritum, quo orbatum  
fuerat, recuperat, & alcali abit in tartarum  
vitriolatum. Non ideo haec utilitas respira-  
tionis est. Nimis exigua est copia, qua hi  
sales aeri insunt, & optime respiratur in mon-  
tibus altissimis, ubi parcissimi sunt, neque  
in sanguine nostro notae nitrosi falis ullae re-  
periuntur. Et grumi pars superior nitet flo-  
rida, quod globuli ibi sphaerici, laxius dis-  
ponantur, pars ima nigra est, quod ibi con-  
primantur ab aliis, & nimia densitate sibi  
incumbant.

CCCIX. Cur diu vivunt absque aere testudines, ranae, lacerti, cochleae, erucae, insecta plusscula. Illis pulmo non ad praeparandum adeo sanguinem, quem paucum recipit, quam ad natationis perfectionem datus est. Hinc ipsis pulmonibus ex cava venae, ex aorta arteriae. Insecta aerem inhalant, exhalant per stigmata. Cur perit animal omne in aere non renovato, etiam parvum, etiam avicula? Quia aer, quem semel pulmonibus hausit, redditur inquinatus vaporibus aqueis non elasticis, vaporibus alcalinis, ideoque nocet; non quod levior fiat, parum enim cadit argentum vivum in aere non renovato, qui animal occidit. Hinc iterum diutius supervivit animal, si is aer naturali magis compressus fuerit. Nam ibi proportio elastici elementi major est, hinc aer serius corrumpitur. Sed & alioquin inclusus aer in venenum abit sola stagnatione, repletus vaporibus. Cur turgent in vacuo spatio animalia? Ab expedito ex sanguine aere, qui inerat non elasticus.

CCCX. Conventus aliquis est pulsui cum respiratione. Ordinaria naturae lege tres pro una respiratione pulsus numerantur, aut quatuor. Si plus sanguinis ad cor advenerit, augetur numerus pulsuum, respirationum. Haec causa

causa anhelationis in homine corpus movente, incitante sanguinem venosum CXXXII. Si major resistentia facta fuerit in pulmonibus, neque sanguis ex corde dextro expedite transiverit in sinistrum, augetur numerus, & magnitudo inspirationum, ut expediatur iter. Haec causa suspirii, oscitationis. Neque tamen semper respirationum numerus cum pulsu crescit, experimento a febris sumto, in quibus pulmo liber est. Cur animal moribundum suscitatur inflato aere? Causa mortis proxima CCLVII, est nata sanguini per pulmones transituro nimia resistentia, ut aorta nihil accipiat. Sed inflatio pulmonis sanguini viam aperit CCLXXXVI.

CCCXI. Mucus obliniens sensilem membranam bronchiorum molestus fit copia, acrimonia: visus est suffocasse in hydrope pulmonico. Quare copiam, adhaesionem, acrimoniam vindicat tussis: irritato nempe systemate respiratorio, alternis magnis inspirationibus, magnis expirationibus velociter sibi succedentibus, ictibus musculorum abdominalium, solvitur, expellitur mucus, calculus.

CCCXII. Risus a tussi differt causa, quae fere in mente est, aut certe in titillatione ner-



vorum aliquorum cutaneorum: deinde, quod post unam majorem inspirationem crebras, sed imperfectas expirationes faciat, per glottidem arctatam, nec aerem plene evacuet de pulmone. Inde risus aliqua salubritas, quod unius inspirationis plenae loco plures in eodem tempore inspirationes & expirationes fiant, & concussio major sit. Inde periculum a stagnatione sanguinis, quia exspiratio non plena fit, atque adeo sanguis in pulmonalem arteriam admittitur, non vero emittitur. Fletus cum risu communes habet expirationes parvas, sed finitur magna expiratione, quam continuo inspiratio sequitur. Hinc eadem fere & bona & mala habet, & anxietates a tristitia modicus levat. Sternutatio unica, sed maxima, inspiratione, unica etiam, sed fortissima expiratione continetur.

CCCI. Utilitates accessoriae respirationis plurimae sunt. Exhalat aliquid, & noxium forte, de sanguine, cum id ipsum suffocet, si in aere haeserit. Perpetua etiam vis ea est, qua abdomen cum suis visceribus conprimit, ventriculum, intestina, vesiculam felle, vesiculam chyli, vesicam urinariam, intestinum rectum, uterum evacuat, cibos conterit, sanguinem per hepar, lienem, mesenterium



terium urget. Porro inspiratio odoratas particulas ex aere adtrahit, ad sensorium ducit. Eadem aerem adducit, miscet cibis, in quibus subigendis, diffringendis, plurimum potest. Sed etiam suctio, adeo necessaria homini modo nato, inspirando fit, & parando spatium amplius, in quo aer contentus ore rarefcat, ut nixus aeris externi lac in eam minus resistentem sedem inpellat. Denique vox ab aere est, quam hic videmur opportunius describere posse.

## CAP. XI.

## VOX ET LOQUELA.

CCCXII. Vocis princeps organum est *Larynx*, eo enim laeso, aer ex aspera arteria absque voce exit. Eo nomine venit coagmentata ex cartilaginibus cava machina, quae a faucibus aerem recipit, & in asperam arteriam mittit, sibi per ligamenta, fibrasque musculosas connexam. Harum cartilaginum, quae majores sunt, anularis & scutiformis, in adultioribus offescunt. Anteriorem partem ampliorem hujus laryngis, pene subcutaneam, duae cartilagines faciunt *thyroidea* & *cricoidea*, ad quas etiam lateralis laryngis

gis pars ita pertinet, ut semper eo major portio sit cricoideae, quo altior quaeque sedes est. Posteriores partem primo eadem annularis facit cartilago, deinde connexae per musculos arytaenoideae. Epiglottis super laryngem leviter cum thyreoidea connexa aut erigitur, aut inclinatur. Vasa sunt a thyreoideis superioribus: nervi, copiosi, inferiores a recurrentibus, superiores ab octavo pare varie inosculati, aliqui etiam ab intercostali. Illum celebrem reddidit ortus ex thorace, reflexio circa arteriam aortam, & subclaviam dextram, origo quam praestat nonnullis nervis cordis, experimentum, quo constat hoc nervo ligato vocem tolli.

CCCXIII. Omnes istae cartilaginee variis ligamentis & musculis ita inter se conjunguntur, ut mobilitatem totius cum firmitate partium aliquarum, & summa mutabilitate aliarum una possideat. Et *scutiformis* quidem sive *thyreoidea* cartilago, anterior, ex duobus fere quadrangularibus planis fit, ad se invicem ad angulum obtusum inclinatis, qui anterior est. In his planis nonnumquam pro vasis laryngis internis foramen utrinque unum reperitur, sed rarius. Superiores processus hujus cartilaginis, sine tumidiori terminati, retrorsum, sursum, inclinati, propriis

priis fortibus ligamentis, nonnunquam offe-  
mistis, cum ossis hyoidis cornubus conjun-  
guntur. Inferiores, breviores, cricoideae  
cartilaginis parum cavis & pene planis facie-  
culis adaptati, firma valde articulatione con-  
junguntur, ob brevem, solidamque, quae  
utramque unit, cellulositatem. Media pars  
anterior firmis perforatis ligamentis in me-  
diam anularem cartilagineam immixtis unitur:  
aliisque superioribus ex cornu descendente  
scutiformis in partem superiorem anularis  
cartilaginis euntibus.

CCCXIV. Cricoidea cartilago antè  
crassa, duraque, retrorsum in speciem anu-  
li inaequaliter truncati, augetur, & media  
perinde eminente linea in duas foveas sepa-  
ratur. Firmior ista est & pene reliquarum  
basis. Ab ea in asperam arteriam & muscu-  
lares fibrae longitudinales descendunt CCL-  
XVI. & ligamenta. Pharynx cum utraque  
harum cartilaginum multis stratis mu-  
sculosus conjunctus, laryngem in saccum  
suum recipit.

CCCXV. *Arytaenoidae* duae cartilagi-  
nes compositae valde figura sunt, & in duas  
quaeque partes sponte secedit. Earum infe-  
rior, major, modice cava basi cum tumente

cartilagine cricoide mobili articulatione committitur. Sursum eadem effertur triquetra, hedra posteriori cava, anteriori convexa, tribus sulcis distincta, & sursum gracilescit, donec capitulum cartilagineum, ovatum, crassiusculum, inpositum eam perficiat. Pars inferior earum cartilaginum multis fibris musculosis, partim transversis & partim obliquis, ita conjungitur, ut utramque directionem videas, musculos separare nequeas. Aryarytaenoideos vocant. In superiori parte cartilago arytaenoidea dissidet a sua sodali, rima ad perpendicularum posita, quam non bene passim glottidem dixerunt.

CCCXVI. Cum thyreoidea cartilagine committuntur arytaenoideae, transversis ligamentis, satis fortibus, & elasticis, sed mucosa tamen communi laryngis membrana obvolutis, quae inferuntur in angulum planum thyreoideae cartilaginis CCCXIII. Ea ligamenta possunt a se invicem diduci, remotis a contactu cartilaginibus arytaenoideis, & conjungi iterum, iis ad se invicem accedentibus. Haec vera *glottis* est, continua, sed ad angulum rectum cum rima illa CCCXV.

CCCXVII.

CCCXVII. Ex eodem angulo thyreoideae cartilaginis, sub hilo, ex firmito ligamento educitur cartilago, utcunque ovalis, retrorsum cava, antrorsum convexa, quae suo elatere ita erigitur, ut retro linguam recta surgat, ita vero inclinari potest a linguae retrocedente dorso, ut transversa facta omnem aditum laryngis claudat, protegatque, qui inter hanc *epiglottidem* & arytaenoideas cartilagineas deorsum ducit. Cum lingua fibris membraneis, pallidis, cum osse hyoide multa membranacea expansione conjungitur. Musculosas vero a thyreoarytaenoideis, ab aryarytaenoideis fibras, vel nullas habet, vel mis, pro elatere suo, exiguas.

CCCXVIII. Ad latus ligamentorum glottidis CCCXVI. alia duo ligamenta superiora, molliora, minus aut tendinea, aut elastica, parallela exeunt a cartilagine arytaenoidea quaque ad scutiformem. Inter haec duo ligamenta utrimque CCCXVIII. & CCCXVI. cavitas propria sive *ventriculus* descendit, qui compressi parabolici spatii figura inter duplicem membranam laryngis deorsum producit, ore perpetuo in laryngem patente, elliptico.

CCCXIX. Denique omnis interna cavitas laryngis eadem mucosa, molli, irritabili membrana obducitur, quam in aspera arteria descripsimus CCLXIII. Eam vero plurimae hic glandulae irrorant. Supremae parvae, coacervatae ex simplicibus CCI. insident anteriori dorso epiglottidis, & per ejus varia foramina sinusque propagines in faciem cavam emittunt, pares ibi in acinos duriusculos continuatas. Deinde dorso anteriori sulcato arytaenoidearum CCCXV. cartilaginum insidet glandula utrinque, laxè conglomerata, fere gnomonica, ex acinīs rotundulis composita, procul dubio mucifera, cujus quaedam dissoluta pars utrinque descendit ad usque annularem cartilagine[m]. In ventriculis sinus mucosi plurimi sunt. Denique omnis interna superficies laryngis plena est poris mucosis, grandiusculis. Omnes eae glandulae tenuem, aquosum, sed cum viscore, mucum separant.

CCCXX. An huc aliquid facit *Thyreoidæ glandula*, conglomerati generis, sed mollis, lobulorum involucris multo, quam in salivali genere tenerioribus, perampla, cartilagini thyreoidæ, cricoideæ, asperæ arteriæ antè insidens, & lateralibus cornubus



bus conplectens latera thyreoideae, medio vero gracili processu antè adscendens fere ad os hyoides usque. Plena est seroso, flavescente, leniter viscido humore. An eum in asperam arteriam emittit? an in oesophagum? Neutri ductus satis certo innotuerunt. An omnino succum retinet, inque venas refundit, ut cognatus ex fabrica Thymus? An est de genere conglobatarum? Non ignobile certe officium esse, quod praestat haec glandula, demonstrat insignis magnitudo artèriarum, quas & ex carotidibus, & ex subclaviis inferiores habet. Venae ad jugulares, ad subclavas redeunt. Musculus proprius, non perpetuus, ex margine ossis hyoidei, & nonnunquam a cartilagine thyreoideae inferiori sinistro fere margine, azygos descendit, & super hanc glandulam fibras tendineas diffundit, cui alioquin sternohyoidei & sternothyreoidei musculi instrati incumbunt.

CCCXXI. Totus larynx una cum conjuncto osse hyoide insigniter elevari potest, & ad semipollicem, supra median altitudinem. Id praestant biventres musculi, geniohyoidei, genioglossi, styloglossi, stylohyoidei, stylopharyngei, thyreopalatini, hyothyreoidei, vel omnes vel aliqui. In ea elevatione  
glot-



glottis angustatur, & ligamenta CCCXVI. propius ad se invicem accedunt. Ita vero, accedente vi muscutorum arytaenoideorum, obliquorum & transversorum, glottis accurate claudi potest, ut incredibili vi toti innitenti atmosphaerae resistat.

CCCXXII. Idem larynx totus deprimi potest, ad semunciam fere infra medium situm, per sternohyoideos, sternothyreoideos, coracohyoideos, ut vocant, & his agentibus per cricothyreoideos utrosque anteriores, posteriores. In eo motu cartilagine arytaenoideae a se invicem recedunt, & glottis amplior fit. Eandem rimam diducunt muscoli lateraliter inserti arytaenoideis cartilaginibus, cricoarytaenoidei postici, laterales. Thyreoarytaenoidei incumbendo conprimere possunt ventriculos laryngis CCCXVIII.

CCCXXIII. Haecenus anatomicae. Sequitur, ut demonstremus, quam actionem producat aer ex pulmone in expiratione expulsus a viribus CCLXXXV. CCCXCV. per asperam arteriam in laryngem, inde per glottidem in os varie figuratum expressus. Is effectus vox est, & loquela, & cantus. Et vox quidem unice nascitur, quando aer per contractam glottidem

ita velociter expellitur, ut illidat in ligamenta glottidis, adeoque larynx in tremorem cieatur, quem reddit, contremiscens ex elatere, & auget. Ex tremore tunc ligamentorum CCCXVI. & cartilaginum laryngis conjuncto, sonus oritur, quem *vocem* vocamus, & animalium singula genera proprium sibi habent, qui totus a larynge & glottide unice pendet. Absque tremore *susurrus* oritur.

CCCXXIV. In voce robur facit quantitas aeris efflati cum angustia glottidis: ergo pulmo amplus, bene dilatabilis, aspera arteria & larynx amplus, exspiratio valens. Sed acutum & gravem tonum videmus a variis causis pendere. Illum angusta glottis efficit, & tensa: hunc laxa & dilatata: Inde enim eodem tempore aer pluribus undis in angustæ glottidis ligamenta incidit, plures eodem tempore tremores excitat, & in dilatata glottide contraria fiunt. Quare ad acutam vocem elevatur totus larynx, & antrorsum ducitur, eo majori conatu, quo requiritur acutior, ut ipsum etiam caput resupinetur, quo plenae vires sint musculorum laryngem elevantium. Confirmat experimentum: Digitus admotus laryngi in sonis acutis, qui adscensum, & quidem dimidii pollicis

licis fere pro octava, facile percipit: anatomicè comparata, quae arctissimas glottides & cartilagineas invenit in avibus canoris, latas in animalibus raucis, mugientibus, mutis: exemplum huc facit sibili, ubi vox acuta manifestissime ab arctatione oris provenit, instrumentorum musicorum, in quibus angustia foraminis aerem dimittentis, & celeritas efflati aeris acutos sonos faciunt.

CCCXXV. Gravitationem contraria faciunt, descensus laryngis per causas CCCXXIII. glottis lata, larynx peramplus. Demonstrat digitus, qui in canentibus manifesto descensum laryngis percipit, perinde ad semipollicem pro quavis octava: vox in virili sexu: gravior degeneratio vocis gravissimae in mutum efflatum.

CCCXXVI. *Cantus* dicitur, quando vox per varios gradus acutiei & gravitatis modulata, ex suspenso inter vires contrarias & tremente larynge expellitur, qua inprimis nota a loquela distat. Hinc laboriosus est, ob perpetuam actionem muscutorum laryngem aequilibrantium: hinc calefacit, quod acuti toni angustam glottidem, tardam adeo expirationem, & tamen multum aerem ad robur CCCXXIV. hinc magnam inspirationem

requirant. Hinc mire siccat asperam arteriam, ob aeris celeriore transitum: & mucum plurimum requirit. Inde tot mucii apothecae in larynge, quibus valde suspicor ventriculos CCCXVIII. accensendos esse.

CCCXXVII. *Loquela* fit larynge quiescente, tonis acutiae & gravitate parum diversis, sed voce per organa oris varie mutata. *Loquela* canora varietates habet in tonis, & praeterea vocis temperationes per oris organa.

CCCXXVIII. Omnis loquela refertur ad pronuntiationem litterarum, quae variis gentibus variae, in plerisque tamen in omni orbe terrarum conveniunt. Earum eae dicuntur *vocales*, quae fiunt voce unice pre os expressa, absque linguae adlisione ad ullam partem oris. *Consonantes* vero fiunt a linguae adlisione ad aliquam partem oris, labia, dentesve. Plura vetat instituti ratio, quae pulcherrimam artem non finit enarrare. Ea, raro in physicis exemplo, plenas causas corporeas litterarum omnium ita liquido detexit, ut etiam absque auditu, ex sola inspectione & tactu organorum, dum litterae pronuntiantur, agentium loquelam docuerit imitari.

CCCXXIX.

CCCXXIX. An omnis in tono diversitas unice in longitudine ligamentorum glottidis, quam augeret antrorsum tracta cartilago scutiformis, tum retrorsum ductae arytaenoideae? ea lege, ut acutissimi toni sint, qui fiunt a ligamentis maxime tensis, celerius adeo vibrantibus? Ita per experimenta a claris viris etiam repetita recentiores aliqui anatomici, qui viderunt, chordis sive ligamentis glottidis tensis, aere in asperam arteriam inflato, produci animalis cujusque sonum; eam vocem magis tensis ligamentis acutiorem, remissis graviorem fieri: stricto toto ligamento vocem subprimi: stricta media parte, alteram, liberam, dare sonum una octava altiore, stricta tertia parte, Quinta altiore &c. Non licet definire de rebus per mea experimenta nondum satis definitis, & gravia videntur, quae contra moveri possunt dubia, desumpta ab avium cartilaginea & ossea demum glottide immobili, non extensili: a voce certissime acutiori in sibilo ex mera angustia labiorum: ab exemplo feminarum, quibus cum breviori larynge & glottide acutior tamen vox est quam viris: ab experimento, quo certo constat sonos acutiores fieri glottidis ligamentis ad propiores contactus adductis: ab experimentorum novorum indubium vocata

fide:

fide: ab absentia perfecta machinarum, quae antrorsum cartilagineam scutiformem ducant: ab evidente suspitione auctorem experimen-  
ti scutiformem cartilagineam antrorsum duci credidisse, dum vere elevabatur. Et tamen testimonia sunt gravium virorum, quae experimentorum fidem confirmant, neque sinant contra sentire, donec propria habeamus.

## CAP. XII.

## DE CEREBRO.

CCCXXX. Reliquas actiones corporis humani secundum ordinem, quo sanguinem accipiunt, considerabimus. Coronarias arterias in cordis historia diximus. Proximae ex aorta prodeunt carotides.

CCCXXXI. Aorta, quae anterior a corde prodit CXXVIII. ut ad vertebrae thoracis se conflat, insigni arcu, & angulo rotundo quidem, sed non magno, flectitur retrorsum una & sinistrorsum. Ex ejus arcus convexitate tres rami prodeunt. Primus dextrorsum adscendit, & absque mora finditur in duas magnas arterias, quarum inferior in trunci directione est, & subclavia vocatur. Altera  
N ad-



adscendit secundum asperam arteriam, & caput adit, vocant *Carotidem dextram*. Sinistra carotis, sinistrorsum paulum inclinata, ex ejusdem aortae arcu proximo prodit: ut tertia, quae inclinata magis, subclavia fit sinistra, minor compare. Sub originibus horum ramorum aortae proximus limbus crassior est, & paulum sinisterius eminet. Varietates raras sunt.

CCCXXXII. Carotis arteria multa & densa cellulositate cum vena jugulari & nervo octavi paris revincta, plerumque absque ramo venit ad cartilaginis thyreoideae supernam sedem. Ibi in duos truncos secedit. Anterior, quem *externam* vocant *Carotidem*, magis in trunci directione est, & potius major: ea dat *thyreoideam superiorem*, & flexuosam *lingualem*; deinde *Labialem*; & ex facie posteriori divisioni proxima *Pharyngeam adscendentem*, quae praeter pharyngem & veli palatini musculos, etiam ad duram matrem per foramen venae Jugulari & nervo octavi paris commune ramum non minimum offert, ad sedem ossis petrosi, formini magno vicinam, & processum cuneiformem ossis multiformis divisum.

CCCXXXIII. Deinde ex margine exteriori Carotidis externae prodit *Occipitalis* arteria, quae etiam per proprium foramen durae matri in angulo ossis petrosi a mammillari portione abscedentis, ramum mittit, qui sedis cerebelli prospicit: alius super atlantem ad duram matrem & sub cranio & in cranium venit, tertius nonnumquam per fossam jugularem ad duram matrem it. Proxima arteria *auricularis* adit partem auris posteriorem, membranam tympani, tempora.

CCCXXXIV. Quod superest de arteria carotide externa, per parotidem glandulam ascendit, & datis ramis ad eam glandulam, faciem, palpebras, edit inprimis *temporalem*, insignem. Truncus carotidis inclinatus retro maxillam inferiorem se recondit *maxillaris internae* nomine.

CCCXXXV. Ibi magnum continuo truncum durae membranae mittit, qui per proprium alarum magnarum pterygoidearum foramen, ad sedem mediae fossae cerebri venit, & latissime per tempora &incipit in dura matre regnat, ad finem usque falciformem. Aliquando duplex est, nec raro ad glandulam lacrimalem oculi conspicuum ramum dedit. Eadem arteria maxillaris porro superior-

riorem partem narium triplici trunco subit, ibi absumta, postquam dedit maxillae inferioris, & superioris dentibus, & infraorbitalem, ramum ad partem aliquam faciei, & palpebrarum, & palatinam osseo palato, & minutos ad duram meningem furculos, tum per minores poros alarum magnarum, tum cum tertio & secundo Quinti nervi ramo, & cum dura denique matre faciente fissuram orbitalem inferiorem.

CCCXXXVI. Sed alter truncus, posterior vulgo *interna* Carotis CCCXXXII. absque ramo adscendit. Ea arteria, insigni prius serpentina flexione facta, per foramen proprium ossis petrosi subit, circumdata ibi vagina a dura matre, qualis per omnia cranii foramina exit, sursum, deinde antrorsum inclinata, in caveam cranii penetrat, adscendit flexuose incurvata secundum sellam equinam, in medio sinus cavernosi sanguine, parvis ad nervum Quintum, duram matrem, infundibulum, ramis datis, majori ad oculum, cuius pars proprio foramine in durae membranae partem redit, quae orbitis incumbit media.

CCCXXXVII. Truncus vero hujus Carotidis internae super sellae partem anteriorem

se effert, & retrorsum incurvus, arachnoidea membrana receptus, datis in pontem & crura cerebri ramis, & ad plexum choroideum misso furculo & nervi optici comite, finditur in ramum anteriorem & posteriorem. Ille sodali junctus brevi anastomosi, secundum corpus callosum retrorsum sursum incurvatur, & cerebri parti mediae prospicit, ramosque nonnunquam falciformi processui dat, exque ipso ortu ventriculo tertio, fornici, thalamisque. Iste anastomosi mediocri cum vertebralis arteriae ramo junctus, nisi ea ex trunco indiviso carotidis nascitur, porro ad partem cerebri lateralem longe per fossam SYLVII adscendit, idemque dat choroideo plexui. Omnes rami carotidis, qui cranio continentur, tenui, solida, fragili magis, quam reliquae arteriae substantia sunt.

CCCXXXVIII. Sed arteria vertebralis ex subclavia sui lateris fere oritur, ut tamen sinistra ex trunco aortae visa sit oriri, loco recondito, & absque ramo subit foramen processus transversii vertebrae colli sextae, & porro alterne flexuosa per reliquos vertebrae colli processus adscendit: in singulis intervallis ramis quidem minoribus ad musculos cervicis exeuntibus, cum thyreoidea infe-

riori communicat, aliis paulo majoribus posterioribus nervos singulos ad medullae spinalis piam matrem comitatur, anterioribus vero non ita multis, sed amplioribus, in eadem medulla spinali cum ejus arteria priore communicat. Ad secundam vertebrae denique minori, magno vero flexu circa primae processum transversi flexa, editis ibi ramis notatu dignis duobus ad musculos colli, parvis vero in ipso transitu per magnum foramen ad duram matrem magni foraminis cranii, & proximae caveae cerebelli missis, porro per id foramen caveam cranii subit. Ibi, dum secundum oblongatam medullam ascendit, dexter truncus sinistro sensim propior, conjungitur sinistro, rarissimo exemplo, in unam arteriam *basilarem*, quae subtenso ponti Varolii in pia matre suspenditur. A vertebralibus, prius quam conjungantur, aut conjunctis demum exeunt arteriae superficiem *inferiorem cerebelli* adeuntes, & profunde ventriculum quartum subeuntes, & intimam substantiam cerebelli. Hae dant arterias spinales. Est ubi ex conjuncto trunco veniunt, aut ex trunco in uno, ex ramo in altero latere. Deinde basilaris producit, praeter ramos ad medullam oblongatam & crura cerebri, arterias cerebelli inferiores alias. Inter

eos ramos etiam nascitur arteria comes nervi auditorii. Ultimo finditur basilaris in anteriori termino pontis in duos utrinque ramos, unum ad *superiorem cerebelli* partem, ad ventriculum quartum, ad crura medullae cerebelli, nates, testesque & glandulam pinealem; alterum *profundum cerebri* ad plexum choroideum, plexum incumbentem pineali glandulae, eam glandulam, thalamos, corpora striata, forniceam & totum ventriculum anteriorem divisum.

CCCXXXIX. Ex hac arteriarum cerebrum adeuntium historia apparet, magnam vim sanguinis quolibet pulsu ad cerebrum adscendere, quae sit sanguinis in corpore humano omnino sexta pars, & ultra, ex truncis cordi proximis, a convexitate flexionis erumpentibus. Validas hinc particulas, & motus sui tenaces, caput adire non improbabile. Nonne id demonstrat argenti vivi effectus in solo fere capite: Spirituum inebriantium velox in caput potentia: camphorae vis stuporem brevem excitans: calor faciei & sudor frequentior, quam in ulla parte corporis, mihi summe volatilius in facie eruptio? Locus tutus, quo arteriae capitis adscendunt, defendit ab injuria magna & necessaria vasa.



Anastomoses frequentes utriusque trunci, qui caput adit, & ramorum inter se mutuo, obstructionum periculum minuunt. Hinc ligatis carotidibus non ideo perit animal, & nequidem valde laborare videtur. Flexiones insignes arteriae vertebralis & carotidis inserviunt moderando impetui sanguinis ad cerebrum advenientis, cum magna pars velocitatis a corde acceptae in mutanda figura flexionis consumatur. Hoc in loco paulo ampliores esse aliqui idonei auctores observarunt.

CCCXXXX. Cerebri historia ab involucris merito incipit. Tenerae parti, ad vitam necessariae, ossea sphaera primum circumdatur, ex multis partibus composita, hinc extensilis, pressioni autem omni efficaciter objecta. Huic sphaerae undique interius adnascitur membrana firmissima, ex duabus laminis satis distinctis composita, toti osseae superficiei infinitis vasculis, tamquam pedunculis, pertinaciter adnata, & in sano homine nullibi separabilis, paulo levius ossibus tenuissimis, tenacissime vero adhaerens iis ossium cranii commissuris, quas ex figura futuras vocant. In junioribus corporibus ita cranio adhaeret, ut una adnexas fibras avellas. In adultis,

adultis, multis vasis deletis, minus inseparabilis, non sine vi tamen dura membrana a cranio separatur. Inde guttulae sanguineae, quae avulso cranio adparent. Hinc vana omnia, quae de motu durae matris dicta sunt; quem vero in vulneribus viderunt motum observatores, is fuit ab arteriis pulsantibus in loco non resistente, dum reliquum cranium cordi immobile obnitebatur. Eadem absque sensu aut irritabilitate, & absque nervis est.

CCCXXXI. *Lamina externa* est, quae ossibus cohaeret, & est pro periosteo, eademque cum nervis vasisque per omnia foramina cranii exit, atque cum periosteis capitis, vertebrarum, totius denique corporis cohaeret, unde nomen *matris*, a barbaris inpositum, derivatur. *Lamina interna* plerisque locis continua priori, nonnullis tamen secedit, ut in alis magnis sphenoides, ad sellae equinae latus, ubi plurimus inter utramque sanguis effunditur, & in sede sellae equinae: Eadem, deserta externa lamina, quae ossi adfixa haeret, duplex descendit ad generandam *falcem*, quae ab osse multiformi retro cristam galli, deinde ab ea crista, porro ab omni conjunctione duorum ossium frontis & sincipitis, denique a media posteriori parte ossis

N 5

occipi-

occipitis oritur, & retrorsum latior, cerebri mediis haemilphaeriis interposita, imminet corpori calloso antè remota, proxima in parte posteriori. Fibras in ea splendentes, & a conjunctione cum tentorio ramorum palmarum specie versus sinum longitudinalem dispersas adesse, certum est, non ideo motrices futuras, inter quas non raro nulla membrana superest, sed foramina naturalia interponuntur. Cum medio tentorio jungitur falx, & continuatur. Pari ratione, situ tantum alio, lamina eadem falcem cerebelli brevem, lobos separantem producit, & fortissima *tentoria*, quae a cruce occipitis orta, transversa se cerebro & cerebello interponunt, & ultimo petrosi ossibus & processibus clinoidis anterioribus adnata, ovalem, pro medulla spinali, viam liberam relinquunt. Hae propagines durae membranae efficiunt, ut nullo in situ cerebri pars ulla reliquo cerebro incumbere, neque concussio cerebro lobum lobum comprimere possit. Hinc agilissimis quadrupedibus, ubi metus a concussione major, septum cerebri & cerebelli offeum.

CCCXLII. In piae matris superficie exteriori, non longe a sinu falcis, sedent glandulae,

dulae, in reticulo durae membranae, & partim finum respiciunt, cavitati obverlae, ut nonnullae caveam sinus contingant, partim ad insertiones magnarum venarum in pia membrana ita ponuntur, ut cum prioribus, modo dictis, continua agmina faciant: modo molles, ovaes albae, modo rubrae, durae, verrucarum similes. Vapor autem, qui ex piae membranae superficie exhalat, non a glandulis istis est: nam ubique, ubi nullae sunt, etiam in ventriculis, copiosus halitus expirat ex arteriis minimis, argumento ducto ab injecta aqua, glutine, quae ab omni superficie piae sudant.

CCCXLIII. Alterum involucrum cerebri, multo propius, & cerebri figuram exprimens, ut illud cranii cavitatem, est, quod a tenuitate *arachnoideam* dixerunt. Undique cerebro circumponitur, aquose pellucens, tenuissimum, & quantum fert ea tenuitas, firmulum, inaequalitates cerebri supergrediens, vasisque majoribus ita circumjectum, ut ea inter arachnoideam & piam media sint. Non est piae lamina, a qua situ differt, & exemplo medullae spinalis, etsi in cellulosa naturam inter cerebri hemisphaeria resolvitur.

CCCXLIV.

CCCXLIV, Tertia *pia* est, five mollior cerebri meninx. Haec cerebri superficiem omnem undique convestit proxima, tenera, vasculosissima, pauca facta cellulositate, quae plurima vascula continet: ea vero vasa ordinata cerebro porrigit inserta, tamquam radículas. In anfractus omnes descendit, inque fissuras cerebri, cerebelli, medullae spinalis se infinuat. In internas cerebri cavitates suscepta, mutata fabrica, mollis fit & pene medullaris, maxime ubi paulo longius a morte cadaveris culter anatomicus accessit, ut tamen ipsa vasa eam facile demonstrent.

CCCXLV. *Venae cerebri* non ea ratione se habent, qua in aliis corporis humani partibus. Neque enim valvulas habent, neque arteriis perinde sociae decurrunt, neque truncos habent vulgaris, quae alibi dominatur, fabricae. Ergo ex intimis quidem cerebri caveis, venae, quae jugis striatorum corporum incumbunt, venae plexus choroidei, septi lucidi, ventriculorum anteriorum, colliguntur in truncos, unamque denique majorem venam, saepe duplicem, quae plurimis arteriolis plexus choroidei comitata, retrorsum descendit ad septum cerebri & cerebelli CCCXLII. Ibi recipit venas a posteriori

ri & inferiori parte cerebri adscendentes, & aliquas cerebelli, & finum offendit, venam nempe inclusam duplici laminae internae cerebri, in eum mutata plerumque in minorem longitudinalem finum descendit, qui frequentius est sinistri lateris: alias utrique bifurcatus inmittitur.

CCCXLVI. Venae superiores & superficiales cerebri magnae sunt, & instratae gyris, quibus cerebrum undique abundat: iis venis per totam cerebri superficiem inferuntur aliquae venae durae matris, quum aliae peculiaribus ostiis finum falciformem subeant. Inde sensim collectis truncis antrorsum pleraeque, paucae aut recta aut retrorsum euntes, eaeque fere maxime priores, inmittunt se, sinibus oblique resectis, in *sinum falciformem* longum, qui fit a laminae internae durae matris dextro folio & sinistro, inferne in falcis superiori dorso convenientibus. Triangularis hinc est, superne convexus; initium gracile ducit a sede foraminis caeci, quod ante cristam galli est: adscendit, sequitur iter falcis, & ubi eadem cum tentoriis conjungitur, plerumque quidem dextrorsum inclinatus, nomen induit *sinus transversus dextri*, perque foveam propriam ossi occipitis  
tem-



temporumque inpressam, transversam, deinde incurvatam, in foramen jugulare venit, ubi amplissimus, recipit petrosos sinus inferiores, & occipitales, & in jugularem effunditur. Sinister vero sinus transversus, similis priori, & pariter ducens in jugularem, inseritur potius dextro, quam trunco continuatur. In eum quartus ille CCCXXXV. se inferere solet, & occipitalis. Est ubi haec omnia contrario modo se habent, ut in sinistrum finem finiatur longitudinalis. Tunc dexter quartum & occipitalem recipit. Alias aequaliter in duos truncos *transversos* finditur. Alias medius sinus transversos conjungit.

CCCXXXVII. *Falcis inferiorem* crassioram oram legit gracilis *sinus* & teretior, & irregulariter huic orae parallelus, venae finilior, & a falce ipsa venas habet, etiam in superiorem finem communicantes, & a cerebri vicinis sibi hemisphaeriis, & a calloso corpore. Ubi tentorii anteriori parti falx cohaeret, ibi in quartum finem pariter effunditur.

CCCXLVIII. *Venae cerebri inferiores*, quae basin cranii respiciunt, varie inseruntur. Anteriores, ex fossa venientes Sylvii, in aliquot

quot truncos collectae, inferuntur in sinum cavernosum, sive intervallum illud triangulare externae & internae laminae durae membranae, quod ad latus sellae equinae est. Aliae, ab ipso ponte venae, ducuntur in sinum petrosum superiorem. Aliae posteriores ex lobis posterioribus cerebri ortae, in sinus transversos in tentorio numerosae inferuntur.

CCCXLIX. *Cerebelli venae* superiores in magnos truncos confluentes partim in sinum quartum se inmittunt, partim in sinus transversales. Inferiores & a cerebello & a medulla oblongata inmittunt se in sinum petrosum superiorem.

CCCL. Sinus, praeter eos quos diximus, numerosi supersunt. Eorum maxime anterior est, qui saepissime *circuli similis*, anterieus tamen gracilis, posterius latior, ambit glandulam pituitariam, & inter processus clinoides cum cavernosis sinubus communicat, & cum petrosis inferioribus, inter eos processus & carotidem, & denuo per viam nervi sexti cum petrosis superioribus, retro quintum nervum. Est ubi venam ophthalmicam recipit: est ubi *transversus* conjungens cavernosos, aut pro circulari, aut una cum ipso adest.

CCCLI.

CCCLI. *Superior petrosus sinus* in fovea ossis petrosi retrorsum ducitur, ortus in ultimo fine anteriori sulci ossis petrosi, communicans ibi cum cavernoso, recipit intertas venas durae matris, & nonnunquam venas anteriores cerebri dictas CCCXLVIII. & inferitur angulo sinus transversi, ubi flecti incipit. Alia vena per petrosi ossis dorsum incedens in angulum etiam transversalis sinus inmittitur. *Inferior petrosus*, brevior, amplior, legit radicem cognominis ossis, & cum sodali retro processus clinoideos communicat, & bis cum cavernoso, & cum superiori sub nervo quinti paris conjunctus, inferitur ultimo fossae jugulari. Etiam aliquas a vertebrarum fede venas recipit. Ad eandem tendit *occipitalis* uterque, qui majusculus, legit oram foraminis magni & ad falcem cerebelli veniens CCCXLI. citius seriusve cum sodali plerumque conjunctus inferitur, in quartum sinum, & cum eo in sinistram transversalem, vel in hunc sinum ipsum: vel denique, sine etiam diviso, in utrumque transversum. Hic sinus venas durae matris inferiores posteriores & aliquas ex vertebrae recipit.

CCCLII. *Occipitalis anterior*, irregularis, multiplex, partim transversus, partim descendens

scendens ad magnum foramen, petrosos inferiores varie conjungit, a quo cum nervis noni paris, vel proprio etiam foramine, emissaria in venam vertebralem externam communicant, alii autem rami deorsum euntes in circulos venosos medullae spinalis aperiuntur. *Cavernosus* vero *sinus* durae matris CCCXLV. multa fartus cellulositate, praeter sinus CCCXLIX. CCCL. venas majores, jam dictas accipit, idemque propriis venis cum nervo primo, secundo, tertioque Quinti, cum arteria durae matris majori CCCXXXV. cum carotide interna CCCXXXVI. & per foramen non perpetuum alae magnae emittit emissaria, quae cum venis extra cranium positae, ad jugulares pertinentibus, & imprimis cum plexu maximo venarum nasalium pterygoideo anastomoses habent. Magna vena durae meningis, cujus rami arteriam comitantur, saepe duplices, in emissarium aliquod respondet, eorum quae dixi. Ita per foramina parietalia venae pericranii in sinum longitudinalem, per canalem mastoideum venae occipitales in transversum, per canalem anteriorem ossis occipitis, vertebrales externae venae in fossam jugularem se inferunt: aliaeque ab occipitalibus anterioribus nervum nonum comitantur. Ita fit, ut infinitae viae

O

san-

sanguini pateant, quae ex sinubus, in quos nimis frequenter congeritur, effugere possit, varia directione, prouti quaeque pars laxior, declivior fuerit. Hinc una vena, etiam magna, ligata, aut utraque jugulari vena constricta filo, nulla magna symptomata.

CCCLIII. Copia sanguinis, quae cerebrum adit, inpetus in arterias carotides major CCCXXXIX., absentia omnis compressio- nis in parte ab ossibus defensa, tardior motus sanguinis per viscera abdominis & pedes, sensuum & cerebri perpetua officia, quae determinant ad eas partes adfluxum sanguinis, aliae causae, faciunt, ut ab omni augmento circulationis continuo caput sanguine mire repleatur. Hinc rubor faciei, oculorum turgescencia, scintillatio, dolor capitis, pulsatio major, haemorrhagiae narium, a motu aucto adeo frequentes. Quare, si venae tenues, teretesque in cerebro fuissent, facile adparet, non potuisse evitari periculum summum rupturae, etiam nunc frequens, & apoplexiae. Ergo natura venis, ad quas cerebri sanguis confluit, dedit aliam figuram, facilius dilatabilem, quia inaequaliter resistit, aliamque & durissimam fabricam, difficillime dissilituram, maxime

majoribus sinibus, & qui trunci sint loco, minores enim aut teretes sunt, aut semicylindrici, aut irregulares. Intus trabeculas dedit ex forti membrana factas, a dextro pariete sinus imi in finistrum euntes, quae in distentione majore sinus angulum acutum, qui plurimum distenditur, firmant, a crepatura vindicant. Dedit iis venis anastomoses innumeras inter se ipsas, cum vasis medullae spinalis & externi capitis, quo se deplere nimio sanguine possent facilius. CCCLII.

CCCLIV. An etiam arteriosus sanguis in sinus cerebri effunditur? an pulsant ab eo sanguine animati? Non pulsare in confesso est, cum dura mater ubique quidem cranio adhaereat, longe tamen firmitus in sinuum sede. Ab arteriis liquores injectos utique recipiunt. An exhalantem per vasa tenuia? An per venas prius obeuntem circulum? Id utique multo magis credibile est.

CCCLV. Omnis ultimo sanguis cerebri in venas jugulares confluit, valde dilatabiles; ob eandem rationem, valvulis defensas a regurgitatione sanguinis ex cordis auricula, plurima cellulosa circumposita firmatas. Nam parum est, quod a capite ad vertebrales ve-

nas

nas convenit. Jugulares autem e directo ita respondent ramo utrique magno venae cavae superioris, ut rectissima via ad cor sanguinem reducant.

CCCLVI. Lymphatica vasa an visa satis certo in cerebro? Descripta legas in plexu choroideo majori, inter nervi olfactorii fibras, in pia matre. Sed ego quidem nunquam vidi; & nulla adesse probabile fit, cum glandulae conglobatae a cerebro absint, quae nunquam longe ab his vasis removentur. Quae de glandula pituitaria, de infundibulo, de ductibus inde in venas capitis euntibus, aequam de ventriculis resorbentibus, varie dicta sunt, nullo experimento anatomico confirmantur, ut probabile fit, in sano homine vaporem ventriculorum pro ea, quae secretus est, portione, venis inhalantibus recipi, & si quid abundat, id ex imis ventriculis descendere in basin cranii, ipsamque medullae spinalis laxam cavitatem. Id fieri demonstrant hemiplegiae post apoplexias, tumores aquosi imae medullae spinalis in hydrocephalicis. Ea vero, quam dixi, glandula, insertum sibi conum, qui mihi corticalis, aliis medullaris visus est, forte solidum, utique recipit. Eadem molliissima, cerebri similior,



milior, incertissimi usus est, neque ulli glandulae similis, neque in eadem cum cerebro ratione diversis animalibus data.

CCCLVII. Supereſt, ut de encephalo ipſo dicamus. Multiplex eſt partium numerus, quae hoc communi nomine comprehenduntur. *Cerebrum* magis proprie vocamus, ejus viſceris, quod cranio continetur, partem ſuperiorem, quae anteuſ ſola eſt, poſteriuſ ſubjectam ſibi partem alteram habet, quae in reſeſſu poſteriori inferiori oſſis occipitis, ſub tentoriis ſedet, & *cerebellum* dicitur. Inferior, media, alba pars cerebro ſubpoſita, cerebello anteuſ adjecta, partim *pons*, partim *oblongata medulla* dicitur.

CCCLVIII. *Cerebri* figura fere diuidiuſ ovi eſt: quod per mediam longitudinem profunde dividitur, non tota, ſed plus quam media parte ſuae longitudinis. In ſuperficie, & ſuperiori & inferiori, gyrorum eſt plurimum, qui alternis rotundis angulis profunde ſatis cerebrum in undulatos lobulos dividunt. In eorum lobulorum ſuperficie, molliſſimus *cortex* eſt, ex ſubflavo & ſubrubello cinereus, omnium in corpore humano partium teneriſſimus: interiora occupat *medulla* fere alba,

in fetu rubicundior, quae plurimis vasis arteriosis perforetur, rectilineis, & simplicibus, solidior, magis figurabilis in mollitie sua, copia quam cortex majori. Arteriae carotidis major ramus posterior CCCXXXVII. dextram, & perinde finistram cerebri medietatem in lobum anteriorem minorem, majorem vero posteriorem dividit.

CCCLIX. Fabrica corticis diu in controversia fuit. Satis nunc constat per anatomicas injectiones, longe maximam partem ex vasculis constare, quae a piae matris ramulis ubique, pediculorum modo, dimissa, in corticem immerfa, liquorem sanguine subtiliorem vehunt, & nonnunquam in morbis, a strangulatione, & in brutis, avibusque imprimis, verum sanguinem recipiunt. Reliqua pars, quam nulla injectio replet, vel venosa est, vel teneriorum vasculorum, nihil enim in cortice integro dissimile adparet, unde suspiceris partem aliquam tubulosam esse, solidam alteram. Glandulas communis consensus deseruit, neque ullibi certe minus probabilis fuit opinio, quae admisit.

CCCLX. Ut medullae natura cognoscatur, considerata est anatome interior cerebri,

bri, comparata cum brutorum animalium, & piscium cerebris. Ergo cerebri pars, quae sub supremis gyris sequitur, alba, sensim latior, uberior, denique sectionem *cerebri ovalem* totam efficit, solis in ambitu corticalibus gyris exceptis. Ibi hemisphaeria duo cerebri, quae dixi, non tota divisa esse, media medulla cohaerent. Ea pars medullaris, quae sub falciformi est processu, sed remotior, *callosum corpus* vocatur. In ejus superficie duae striae albae parallelae decurrunt, ab arteriarum pulsu factae, antè divergentes & ad commissuram anteriorem terminatae, postè perinde divisaе. Corporis vero callosi anterior finis cum crurum cerebri parte a lobis cerebri anterioribus veniente confunditur, posterior, latior, cum pedibus hippocampi. Tota porro superficies hujus corporis transversis fibris striata est, quae in cerebri proximam etià medullam adtenuatae continuantur.

CCCLXI. Difficiliora sunt, quae sequuntur. Cerebrum nempe non solidum est, sed ab ima parte medullari, quae ossi multiformi incumbit, qua parte crus cerebri majus exit de cerebro, cavea incipit, sola tecta pia membrana, quae sensum retrorsum adscendit,

dit, deinde conversa, antrosum & sursum pergit ire. Tunc, ad finem fere posteriorem corporis callosi, finditur, & una parte breviori, posteriori, in lobum cerebri posteriorem exit, sine introsum verso. Anteriori autem longe ad latus corporis callosi producitur horizonti parallela, & cornu extroverso lateſcente, definit in lobo cerebri anteriori. Hujusmodi cavitas, una utrinque neque conjuncta, vocatur *Ventriculus anterior* sive *Tricornis*: Eum naturaliter vapor replet, qui frequenter admodum in aquam cogitur.

CCCLXII. Haec cavea plena est, ut congruant inter se supernae cerebri partes & inferiores. Inferius ipsi pavementum varie figuratur. Anterius quidem cornu fit inferius colle modice convexo, longo, membrana tecto valde vasculosa, externe cinereo; *Striata* corpora vocantur, quod alternas intus in multo cortice albas strias ovales ostendant, posterius longiores, tenuiores, praeter minores maculas & micas quasi medulloſas. Inferius, posterius, duo alii colliculi similes, versus ventriculum tertium & alibi magna parte extus cinerei, obscurius striati, sibi ita accumbunt, ut etiam frequenter cortice confuso superne cohaereant: qui introsum

trorsum euntes, per cornu ventriculi anterioris descendentes ad basin cranii, generant *nervos opticos*, quorum *thalami* dicuntur. Inter striata corpora & thalamos istos media alba stria medullaris est, quae *centrum semicirculare geminum* vocatur, nata a *commissura anteriori*, & fornicis non raro cruribus, ipsaque inprimis ante thalamos cerebri medulla. Ea commissura lata, robusta, partem anteriorem cerebri ante thalamos conjungit. Geminum centrum posterius latius multis fibris in pedis hippocampi cum cerebri medulla conjunctione oritur. Corpora vero striata inprimis *crura cerebri* medullosa constituunt.

CCCLXIII. Sed callosum corpus medium horum ventriculorum communi axi inminet. Posterius fornici contiguum incumbit. Anteriorius, ad thalamorum concursum usque cum striatis corporibus descendunt ab eo corpore duo similes parietes medullares, quos *septum pellucidum* vocant, inferius uniti medianque caveam anonymam includentes. Hoc septum inferius continuatur *fornici*, quadricorni nempe medullari trabeculae, cujus anteriora initia ex basi cranii & a commissura quam diximus, & retro eam sub thalamis inprimis,

& a gemino saepe centro, & a linea flexa thalamorum est. Is fornix incumbit intervallo corporum striatorum, deinde intervallo thalamorum, & degenerat partim in latam *fimbriam* tenuem, & partim in alia tubera & fornici continua & calloso corpori, semicylindrica, quae fimbriam appositam habent. Ea descendunt in cornua inferiora anteriora, ventriculorum, & ultimo extrorsum convexo arcu decem fere sulcis percurso, quos ipsi cerebri gyri inprimunt, & quasi multifulco pede terminantur, unde nomen *pedum Hippocampi*, qui exterius tenerrima lamina medullari teguntur, intus corticales sunt. Ad principium divisionis pedis hippocampi taenia definit in albas strias duas, longam brevemque, huic pedi & cerebro insertas aut unam, inmissam ungui intimo. Simile tuber in cornu posterius ventriculi venit, ultimo introrsum curvum, calcari avium simile, cui continua columna postremam sedem cornu descendentis ventriculi tenet. Inter discedentia crura posteriora fornici pars medullaris retro plexum medium ventriculorum transversis plerumque & palmatis striis picta, quas arteriis tribuo, *Psalterium* dicitur.



CCCLXIV. In ventriculorum parte anteriore inferiori incipit utrinque *plexus Choroideus* sola pia meninge inclusus, caetera in cavitate cranii nudus, factus ex plurimis arteriis CCCXXXVII. CCCXXXVIII. & venulis a trunco illo magno CCCXLVI. natis, quae vasa plurima pia matre conjuncta, multipliciter plicatum velum referunt. Multae saepe, neque tamen semper, miscentur glandulae pellucidae, rotundae, hydatidum similes. Ubi ad finem anteriorem thalamorum pervenerunt hi plexus, ibi cohaerent & continuantur cum plexu vasculoso egregio, qui per lacunar ventriculi tertii ad glandulam pinealem usque leniter descendit, & in piam matrem lorum posteriorum cerebri continuatur. Inde calor interni cerebri, & procul dubio exhalatio, & inhalatio. Plexus vero choroidei latissimi, ubi ventriculi anteriores descendere incipiunt, deorsum sensim contractiores, in fine imo anteriori ventriculi sola pia matre tecti eminent.

CCCLXV. Inter thalamos, recta fere superficie sibi adplicatos, fissura naturalis est, quae cruribus cerebri convenientibus in basi cranii terminatur, *tertium* vocant *Ventriculum*. Antrorsum declivi infundibulo in columnam



lumnam medullarem ducit, in brutis animalibus cavam, in homine minus evidenter fistulosam, innexam pituitariae glandulae CCCLVI. Posterius thalami conjunguntur, in fundo ventriculi, media fascia medullari, five commissura posteriori, cui utrinque in arcum flexa stria alba superior imminet, quae supra & ante fornicis finem incipit, & cum gemino centro & cum cruribus fornicis continuatur, & super commissuram posteriorem & ipsas thalamos unit, nonnunquam pineali glandulae inserta. Anterius & superius tuberculum thalami eminent, quod fornix triangulus facit duobus thalamis interjectus.

CCCLXVI. Nempe posterior thalamis applicatur medullaris, transversa, figurata eminentia, quae loborum posteriorum cerebri dextri & sinistri medullam conjungit. Ea posterius quatuor ovatis, extrorsum gracilescuntibus, eminentiis exsculpitur, quas *nates & testes* vocant, & quibus extus medulla, intus aliquis cortex inest. His insidet corticalis glandula, ex ovata conica, multis vasis, in quae plexus choroideus degenerat, irretita, *pinealis* illa celebris. Inter hanc quadrigeminis jugis sculptam eminentiam, & crura medullae oblongatae, canalis ex tertio ad

ad ventriculum quartum, *aquae ductui* similis ducitur, manifesto apertus.

CCCLXVII. *Universa cerebri medulla* inferius in basi colligitur, in duas crassissimas columnas compressas, per superficiem secundum longitudinem lineatas, intus aliquid corticale habentes, *crura nempe cerebri*. Ea retrorsum coeuntia, tecta a cruribus cerebelli subjectis, manifestis fibrarum stratis in corpora pyramidalia medullae oblongatae inferuntur, aliisque profundioribus, quae fibrae transversae interiores a cerebello venientes a prioribus separant, initium componunt oblongatae medullae, una cum cerebelli medulla.

CCCLXVIII. *Cerebellum*, ut minus, ita simplicius est. Duo ipsi lobi sunt, sed nusquam profunde distincti, verum superius & inferius medio anulo uniti, similis fabricae, eum *vermem* vocant. Huic parti encephali plurimus est cortex, cum pauciori medulla. Et cortex quidem etiam in ambitu ponitur, sed inscriptus gyris potius parallelis, arcus circulares facientibus. Ita lobuli definiuntur non profundi, qui singuli suam medullam edant, & multis sensum medullaribus striis collectis

lectis in unum truncum, arbuscularum effigies nascitur. Ea medulla, collecta in magna *crura cerebelli*, triplicem finem habet. Una pars adscendit versus natium sedem, ibique cum cerebri medulla unitur, *transversa* autem medullari *stria* dextra cum sinistra conjungitur, retro nates. Ab eadem fibrae aliquae distinctae extrorsum adscendunt, & fibris transversis *pontis* se adiungunt. Altera descendit in spinalem medullam, & in propria tubera terminatur, quibus alia corticalia adjacent, utraque anonyma. Tertia, major, intus serratis lineis corticalibus varia, deorsum transversum euns, subjicit se cruribus cerebri, eaque amplectitur, bis alternata cum fibris eorum medullaribus CCCLXVII. transversis ipsa fibris, & parte magna cum ipsis confunditur.

CCCLXIX. Ita nascitur ex cruribus cerebri supra *crura cerebelli* descendantibus, & ex medulla cerebelli circa cerebralem transversum eunte, *pons* primo, ovalis fere, in medio depressus, fibris undique transversis inscriptus. Deinde continua ponti, in medio separata sulco proprio, *medulla oblongata* fit, intus aliquo cortice variegata & striata, quae conica, versus magnum foramen decli-

vis est. Ea ante pontem duo paria tuberculorum habet, externum *olivari* figura, internum *pyramidale*, nempe deorsum conice diminutum: medius ea sulcus dividit, quem pia meninx subit. Sed inter eam medullam & vermem cerebelli cavitas nascitur, primo angusta, super tubercula CCCLXVIII. latior, rhombi figura, *ventriculum quartum* dicunt, quem posterius claudit *valvula magna*, sive medullare velum, uniens processus a cerebello ad nates euntes, atque vermem, cum stria transversa testibus subiecta, & ventriculum posterius claudens CCCLXVIII. Is ventriculus modicum sulcum habet, inscriptum medullae oblongatae, & respondentem canali, quem nates testesque tegunt, & quem *aquae ductum* vocant CCCLXV. In eo ventriculo similis, ut in prioribus, plexus choroideus est, sed minor, & sulcus anterior, quem calamus dicunt. Uterque sulcus per medullam spinalem continuatur, tum anterior, tum posterior. In illo transversae fibrae tum in oblongata, tum in spinali medulla, a dextro latere ad sinistrum abeunt. Striae vero transversae quarti ventriculi, duae tresve, in nervum mollem abeuntes, ab eminentiis sulcum intercipientibus nascuntur: aliae similes ad crus cerebelli adscendunt.

CCCLXX. Medulla omnis cerebri & cerebelli per diversa foramina cranio exit, ad locos destinatos. Minores fasciculos *nervos* vocant, majorem *medullam spinalem*, quae oblongatae CCCLXVIII. est continuatio. Nervi vero fasciculi sunt medullofi, in origine mollissimi, facti fibrarum funiculis distinctis, rectis, parallelis. Ii funiculi, post aliquem progressum, pia matre obducti, rubella, firmula, in magis constantem fasciam uniuntur, atque divisi vicinique, ad suum in dura matre foramen properant, per ejus canales & intervalla decurrunt, donec foramen in cranio reperiant, & per infundibulum durae membranae exeant. Elapsus ex cranio nervus plerumque dura matre cingitur, & robustus fit & solidus. Sic in optico, quinto, aliisque fit, nam in aliis nulla dura membrana satis certo nervo circumdatur, ut in auditorio molli, olfactorio, nervo intercostali. Nudus nunc, interque musculos minus defensus nervus, funiculos suos constituentes habet, quibus sua medulla est, suaque involvens pia mater. Hujusmodi minimi funiculi in alios majores conveniunt, quos multa cellulosa tela unit, per quam arteriolae & venulae plurimae decurrunt, & nonnunquam adeps ipse effunditur. Universale vero involucrum

lucrum funiculis omnibus dura aliqua cellulosa tela praeſtat, quae contineat omnes, & in unum nervum uniat.

CCCLXXI. Omnibus nervis capitis commune eſt, quod ab inferiori parte medullae cerebri aut cerebelli proveniant. Ab intervallo loborum anteriorum cerebri fibra laterali, recta vero a medulla lobi anterioris, provenit olfactorius. Opticus magna ex parte ex thalamis CCCLXXII. ſed aliqua etiam a cerebri medulla, in ipſa baſi cranii, prope eminentias mammillares: Tertius a cruribus medullae cerebri, retro corpora mammillaria: Quartus ſimplex aut bifidus, a latere proceſſuum cerebelli ad teſtes prodiit. Quintus a pedunculis cerebelli evidentiffime naſcitur. Sextus ab imo ponte, profunde inter medullam oblongatam pontemque, ex fulco CCCXLVIII. Septimus altera parte molliori ex medulla oblongata, exque ipſo quarto ventriculo, duabus tranſverſis ſtriis; altera du-riori a parte cruris cerebelli proxima ponti. Octavus ab intervallo corporum olivarium & pyramidalium, & ſecundum aliorum, clarorum, virorum experimenta, ex ventriculo quarto. Nonus, ab olivaribus corporibus. Decimus eſt nervus cervicis, ob duplicem ra-

P

dicem,



dicem, arcum cum superiori & inferiori vicino, locum exitus. Nullus ergo ex cerebello proprie ramus prodit, nisi quintus, & quartus, ex cerebro vero solo anteriores nervi, olfactorius, opticus, tertius, reliqui exiis locis, ubi utraque medulla conjuncta est.

CCCLXXII. *Spinalis medulla* funiculus medullosus est, qui a medulla oblongata ad secundam usque lumborum vertebra[m] descendit, ubi fine ex rotundo conico terminatur. In collo antè & postè plana, ad latera gibba est, in dorso undique fere quadrata. Pia mater ipsi propria est, ut cerebro, quae utramque fissuram CCCLXVIII. profunde subit, & medullam pene bipertit. Corticem intus obscurum habet: arteriam autem anteriorem majorem, a vertebralium ramis in cranio natam, retrogradam, per omnem longitudinem piae matris descendentem, perpetuis flexibus alterne sinuosam, quae secundum nervos, non tamen omnes, anastomoses habet, cum vertebralium, intercostalium, lumbalium, sacrarum ramis, donec ultimo, propria vagina a pia matre obducta, ad coccygem exeat & evanescat. Similes, sed minores, posteriores arteriae duae a ramis inferioribus cerebelli veniunt, magis serpentinae



& frequenter sibi inosculatae. Venae spinales ab ipso cerebro cum arteriis descendunt, & ramis pariter nervorum fociis exeunt, in tot circulares sinus in dura matre positos, quot sunt vertebrae, qui omnes ita inter se communicant, ut quilibet cum superiori & inferiori recto utrinque ductu consentiat, extrorsum vero dato ramo cum vertebralibus, intercostalibus, lumbalibus, sacrisque venis uniatur. Supremus sinus cum occipitalibus anterioribus CCCLII. anastomoses habet.

CCCLXXIII. Sed laxè & remote circumdatur medullae spinali alterum involucrum, nullis pictum vasculis, aquosè pellucidum, firmulum, *arachnoideam* vocant, quae longior pia membrana, ad imum os sacrum producta, nervos ibi solos in fasciculum sibi accumbentes continet. Quomodo cum nervis exeat, nondum dictum est.

CCCLXXIV. *Dura* denique *membrana* spinalis medullae, cerebri continua, circumdata arachnoideae, & perinde ad imum os sacrum descendens, in principio, in imo collo, & lumbis amplior, in dorso gracilior, ultimo filamentis pluribus ad os sacrum adnatis in gracilem conum evauescit. Dum per

P 2

eam

eam membranam nervi exeunt, exterius ipsis circumponit involucrum, & continuo cum iisdem in *ganglion* intumescit, durum nempe, ovalem, rubellum nodum. Huic durae meningi intus ad intervalla nervorum omnium *ligamentum denticulatum* adhaeret, ex cranio ortum, prope nervi noni paris iter, & triangularibus productionibus arachnoideam cum dura, in singulis nervorum intervallis, inter anteriores & posteriores fasciculos conjungit ad ima usque. Exterius durae matri pingue aliquid unguinosum circumponitur, deinde involucrum internum vertebrarum, eaeque ipsae, ita in canalem adaptatae, ut in nulla flexione medulla spinalis conprimi queat.

CCCLXXV. Medullae spinalis fibrae in hydropicis, in animalibus, distinctae adparent. Eae prodeunt ex omni & anteriori, & posteriori planitie spinalis medullae, solentque in universum anteriores funiculi, pia matre obducti, radiatim convergere in fasciculum majorem, cui simillimus alter ex posterioribus filis conjunctus accedit, & in unum nervum coalescit, qui per foramen durae membranae, inter duas quasque vertebrae exeuns, porro nervum generat. Numerus,  
qui

qui vertebrarum, ad triginta. Eorum breves, valentes satis, sunt, quos collum, sed imprimis infimum producit, parvi dorsales, magni iterum lumbales, & sacri primi, minimi sacrorum ultimi. Longissimi sunt, qui lumbos & sacrum os adeunt, cum ab ipso dorso oriantur. Ii, pia sua membrana vestiti, arteriis comitati, arachnoidea inclusi, funiculum faciunt, quem vulgo *caudam equinam* vocant.

CCCLXXVI. Hi nervi quidem ad omnes partes corporis distribuuntur, ratione valde composita, neque hic enarrabili. Haec tamen omitti nequeunt. Omnes nempe nervi spinales, vix uno alterove in collo excepto, egressi de vertebra, posteriorem & anteriorem truncum habent. Ille musculis unice datus est. Iste producit radicem nervaeam, quae juncta sodalibus, & addito exiguo furculo, qui a sexto nervo cerebri advenit, unum principem corporis humani nervum efficit, qui cum fere omnibus aliis nervis totius corporis conjunctus, ad cor, & abdominis viscera omnia ramos nerveos educit. Idem tot ganglia, quot a medulla radices habet, nisi ubi plures in unum ganglion conveniunt: cum cruralibus, brachialibus, diaphra-

phragmaticis, vagis nervis nonoque pare varie communicat. Alter primarius nervus *octavus* est, *vagusve*, cerebialis iste, in imo collo, pectore, & abdomine cum intercostali conjunctus: is triplici funiculo ex cranio exit, quorum, qui major est, laryngi, gulæ, cordis ipsis plexubus LXXXIV. pulmōni, oesophago, ventriculo, hepatis ramos mittit. Tertius *Phrenicus* est, ex plerisque nervis inferioribus colli ortus, & a brachialibus, & nonnunquam a nono radice auctus, descendit secundum pericardium, & in superiorem faciem septi se immittit. Inferior enim ramos ab intercostalis nervi maximo plexu habet. Ultimo *accessorius* a sex septemve primis nervis posterioribus cervicis, & a medulla oblongata, plurimis radiculis ortus, ad octavum accedit, in cranium retrogradus, & videtur aliquem consensum inter eum nobilem nervum, & spinalem medullam efficere. Denique artuum nervi, plexuosi isti in origine, & ob longitudinem duriores, multoque quam in visceribus majores, ad manum quidem ex quatuor imis colli nervis, dorsali vero primo veniunt, ad pedem a lumbalibus & sacris.

CCCLXXVII. Nervi vasorum modo ramosi, acutis tamen angulis & saepe manifeste retrogradis divisi, sensim mollescentes, sensim diminuti, ultimo fine raro visibili in pulpam terminari videntur, depositis, quae circumdata habebant, involucris, exemplo optici nervi. Fibrarum rectitudo ab ipso cerebro continuata tanta est, ut in divisione nulla findatur, sed unice secedant, quae cellulosa fabrica conjunctae erant. Demonstrant determinata vitia partium non omnium, sed singularum, a cerebri vitiis nata, aphoniae, surditates, mutitates, paralyses singulorum muscutorum. Cellulosa tela cum vicinis partibus conjuncti, vix elastici, dissecti non resiliunt, sed medullam expellunt, contractis involucris. Plurimi musculos adeunt, multi cutem, pauciores viscera, paucissimi pulmones. Anastomoses inter se, ut vasa, frequentes faciunt, & in concursu ramorum ex diversis truncis ortorum inprimis ganglia reperiuntur, duri nempe tumores nervei, plerumque vasculosi, firma membrana inclusi, incertae hactenus aut fabricae, aut utilitatis, in quibus fibrarum nervearum rectitudo interrumpitur. In sensoriis unice nervis non reperiuntur, & nulla sunt octavo, phrenico, nervis artuum,

artuum, spinalibus vero & intercostali, qui vere spinalis est, & quinto propria.

CCCLXXVIII. Anatome haec fere de cerebro & nervis docet, sequitur, ut utilitates harum partium physiologicas eruamus. Ergo nervus omnis irritatus, a causa quacunque, sensum doloris acerrimum facit, & si causa major fuerit, continuo ii, quos adit, muscoli, convulsivo motu agitantur, fortiori, quam in naturali motu, nulla voluntate coërcibili. Id etiam a morte, sed brevi tempore interposito, fieri visum, & in aliis musculis omnibus, & in corde. Dissecto vero nervo musculi, quos adit, paralytici resolvuntur, & plerumque lento marcore contabescunt. Si nervus peculiari sensui praefectus fuerit, perit is sensus, compresso, vel dissecto nervo. Soluta & liberato vero nervo musculi robur redit, nisi laesus fuerit in vinciendo. Omnes isti effectus ita se habent, ut partes eae a laesione nervi patiantur, quae a cerebro sunt remotiores, nihil eae, quae propiores cerebro, nisi enormis irritatio fuerit. Experimenta haec facta sunt in nervo recurrente, octavo, phrenico, nervis artuum, nervo quinti paris dentali inferiori, nervis artuum variis.



CCCLXXVIII. Sed cerebri medulla vellicata, irritata, late per omne corpus dirae convulsiones regnant, nec ulla est exceptio a partis irritatae diversitate, neque in cerebro, cerebello, callosove corpore ulla praerogativa. Idem fit, si medulla spinalis irritatur. Encephalo vero ipso compresso, ubicunque id fit, pars aliqua corporis motu sensuque privatur, quam eam omnino esse, quae nervos habet a compressa parte cerebri, arguunt experimenta in vitis determinatae sedis cerebri, in quibus compressa origine nervorum, in exemplo opticorum, visus perit, auditorio morboso facto, auditus, aut motus alterius brachii, cruris, lateris pharyngis alterius, ab aliquo cerebri vitio perit. In medullae spinalis laesionibus evidentius est, eam partem aut convelli, si irritata, aut resolvi, si compressa fuerit, quae nervos habet, ortos a parte laesa medullae. Majori vero aliqua parte cerebri compressa, a sanguine, aqua, scirrho, osse in tacto, causa mechanica, aut sequitur perpetuum in animae operationibus vitium, delirium, vertigo, mania, stupor, aut immedicabilis sopor. Eadem omnia mala abeunt remota causa comprimente. Denique laesa medulla spinali in collo, continuo

nuo mors consequitur, cum ab ista sede in-  
primis oriantur cordis nervi (LXXXVIII.).

CCCLXXX. Non videtur his positis du-  
bium esse posse, quin omnis motus in cor-  
pore humano causa oriatur a cerebro, & con-  
nexis cum eo cerebello atque medulla spina-  
li, indeque per nervos ad omnes musculos  
partesque in corpore humano perveniat. Ne-  
que adeo in partibus singulis habitat causa  
motus, cum alioquin superesset cerebro de-  
lecto, neque augeretur, cerebro irritato, ne-  
que langueret, eo compresso.

CCCLXXXI. Neque hoc obscurum est,  
*sensum* omnem oriri ab objecti sensibilis in-  
pressione in nervum quemcunque corporis hu-  
mani, & eandem per eum nervum ad cere-  
brum pervenientem tunc demum repraesen-  
ri animae, quando cerebrum adtigit. Ute-  
tiam hoc falsum sit, animam in proximo  
per sensoria nervorumve ramos sentire. Re-  
futant enim hanc sententiam dolores post  
amputationem superstitēs, interruptio doloris  
omnis a nervo compresso, vitia sensuum a ce-  
rebri malis,

CCCLXXXII.

CCCLXXXII. An princeps aliqua in cerebro sedes est, in qua omnium motuum origo, omnium sensationum finis sit, ubi anima habitat? An ea est in calloso corpore? an id demonstrant vulnerum in ea parte major ad necanda animalia potentia, morborum in corpore calloso funesti effectus? An satis connexum cum nervis hoc corpus est? An existant experimenta, quae inde deducant nervum quintum, septimum, aliosve? Annon eadem lethalitas, aut major, vulnerum medullae spinalis? quae tamen non est animae sedes, cum ea compressa, deleta, diu homo supervivat integerrimis mentis functionibus. Imo plurima repugnant, aves quibus nullum callosum corpus est, vulnera ejus corporis nihilo magis funesta, quam alterius in cerebro particulae.

CCCLXXXIII. An ubique animae sedes, ubi initium est nervi cujuscunque? ut omnium nervorum junctae primae origines efficiant verum sensorium commune? an ibi sensationes animae repraesentantur, & oriuntur motus voluntarii aut necessarii? Valde hoc probabile videtur. Neque enim infra originem nervi motus origo videtur esse posse: gratis enim aliqua pars nervi immobilis

bilis aut insensibilis adsumeretur, adeo similis reliquo nervo. Neque superius in arteria poni potest motus origo (CCCLXXX.), cum arteria neque sentiat, neque motu voluntario cieatur. Superest, ut ea sit sedes animae, in qua primum nervus incipit.

CCCLXXXIII. Ratio, qua nervi sensuum & motuum organa sunt, explicanda venit; quae, cum lateat in ultima elementari fabrica fibrae medullaris, supra sphaeram sensuum & rationis poni videtur. Conandum tamen per experimenta ut accedamus, quantum licet. Et primo demonstratur, nervos a medulla cerebri oriri, cum id sit manifestissimum exemplo nervorum cerebri omnium, inprimis olfactorii, optici, quarti, septimique, qui longo ductu medullarem naturam puram retineant prius, quam induantur piae matris involucro.

CCCLXXXV. Quaerendum ergo, quid medulla sit. Fibrosam esse, sive filis factam parallelis, secundum longitudinem sibi accumbentibus, infinita demonstrant, maxime exempla corporis callosi, striati, thalami optici, medullae spinalis, piscium denique cerebra. Fibras cerebri cum fibris nerveis continua-

tinuari, & in unum continuum corpus produci, constat exemplo paris septimi, quarti, quinti, valde evidenter.

CCCLXXXVI. Incipit controversia in natura hujus fibrae, quae cum sui similibus & medullam, & nervos componit. Eam fibram solidam esse non pauci inter recentiores adsumserunt, ut unice adluatur vapore exhalante in cellulosam fabricam, fibris nerveis circumpositam.

CCCLXXXVII. Non finunt eam sententiam amplecti validae, quas adducemus, rationes. Cortex cerebri undique vasculosus est, idemque continuus indiviso inextricabili nexu medullae cohaeret, ita manifesto, ut nemo possit vel cavillo rem dubiam facere. Deinde sanguis plurimus ad corticem cerebri venit CCCXXXVIII. & denique medulla & cortex perpetuo in eadem proportionem secundum omnem dimensionem crescunt. His rite pensitatis conficio, vascula corticis, quibus totus constat CCCLVIII. continua esse fibris medullae, quibus eadem tota componitur: neque adeo eas solidas esse; cum, ea fabrica posita, liquor copiosissimus ad corticem cerebri per carotides, & vertebrales adpulsus  
redire

redire deberet inutilis, repulsus a solida medulla: corticis denique analogum cum medulla incrementum manifesto ponat utriusque incrementi causam communem. Ea enim per CCXXXIX. est vis cordis major, quae vasa sanguinea longiora facit. Superest, ut etiam medulla vasis fiat, quae ab eodem cordis impulsu distendantur.

CCCLXXXVIII. Neque fiunt solidae esse fibras nerveas, phaenomena nervorum vulneratorum. Si enim concutitur nervus irritatus, & id fit chordae elasticæ modo, quae tremit correpta, oportet nervum duris fibris fieri, & per extremos fines ad firma corpora adligatis, & tensis, nec enim aut molles chordae, aut non tensae, aut non firmatae tremunt. Sed nervi omnes in origine sua medullares sunt, & mollissimi, & ab omni tensione remotissimi: ubi per tutos canales transeunt, molles iidem manent expectesque membranarum, ut in intercostali, in nervis quinti paris secundis, aliqui etiam per totam longitudinem suam, quanti sunt, nusquam non molles sunt, exemplo nervi mollis olfactorii, acustici, de quo tremorem imprimis speraremus, soni exemplo. Deinde, ut duri sint nervi, mollescunt tamen in visceribus,



ceribus, musculis, sensoriis, priusquam operantur. Quare fibrae nerveae nec in principio, nec in fine tensae, non possunt elasticè tremere. Sed eadem in propriis & nobilissimis exemplis tremere nequeunt, quod magna parte itineris sui pertinaciter ope cellulosae fabricae ad duras partes sunt revinctae, exemplo nervorum cordis ad arterias magnas, ad pericardium firmatorum. Denique ab omni elatere nervos alienos esse demonstrat experimentum, quo nervus resectus non brevior fit, neque dissectos fines ad partes solidas retrahit, sed paulo longior prae laxitate redditur, & medullam suam in tuber expellit. Et mollissima cerebri medulla omnia phaenomena doloris, convulsionis, quae nervus edit, absque ulla de tensione suspicione.

CCCLXXXVIII. Adde nunc vim nervi irritati nunquam sursum propagari, nunquam superiores super sedem irritationis musculos convelli, ut ut firmior sit ibi chordae nervosae truncus. Id omnino ab elastica natura alienum est, chorda enim plexa ad utrumque a loco percussione finem perinde tremores suos propagat. Sic probabile fit, liquidum esse, quod a cerebro adveniat, in nervos descendat, ad extremas partes effluat, cujus

cujus motus ab irritatione acceleratus, secundum directionem fluenti sui unice operatur, neque fursum convulsiones remittere potest, quibus novum a cerebro adfluens fluidum resistit.

CCCLXXX. Cavas ergo esse fibrillas nerveas pene certum esse credo, nec elatere suo, sed motu sui liquidi exercere functionem suam. Neque quidquam contra experimenta proposita potest tenuitas fistularum, quas nullum microscopium attingit: absentia tumoris in ligato nervo, non satis vera, & hujus modi argumenta, quae debilitatem sensuum nostrorum demonstrant, contra spirituum nervosorum veram praesentiam nihil valent.

CCCLXXXI. Sed de natura liquidi dubitatur. Eam enim multi, maxime recentiores, summe aut duram aut elasticam volunt, aetheream, electricam denique: priores aqueam potius, incompressilem, albuminosam tamen. Neque dissimulandum est, valde multa esse, quae neutram sententiam hactenus nos sinant admittere. Electrica materia quidem potentissima est, & ad motus excitandos aptissima. Sed ea non coërcetur

tur nervis, totum enim animal communicata penetrat, carnesque perinde & adipem ac nervos vi sua replet. Verum in vivo animale soli nervi, aut partes, quae nervis percurruntur, tremunt irritatae. Oportet adeo hujusmodi liquidum esse, quod nervos perfluit, ut in nervorum fistulis contineri possit.

CCCLXXXII. Aquea & albuminosa natura plerisque liquidis humanis communis est, & facile cogitari posset inesse nerveo, exemplo aquulae exhalantis ventriculorum cerebri, ex iisdem vasis natae, gelatinosi liquoris effluentis ex dissecis cerebris piscium, & nervis animalium majoribus, tumoris in nervis ligatis oriundi. Verum an sufficit ea natura explicandis stupendis viribus convulsorum nervorum, quas vivorum animalium, etiam minimorum, dissectiones demonstrant, viresque maniacorum, hystericarum? An aliquid valet exemplum illud hydrostaticum de tubis gracilibus? quod equidem robur in motu utcumque explicat, a celeritate vero refutatur.

CCCLXXXIII. Quare in universum certum esse videtur, ex vasis corticis separari in cavas medullae fistulas liquidum aliquod, quod in nervosos tubulos continuatum, ad extremos nervorum fines propulsum, causa sit, cur nervus

Q

maxi-

maxime, inter omnes partes corporis humani, irritabilis fit, & sensus motusque aut unicum, aut primum organum. Natura vero hujus liquidi nondum nota esse videtur. Mobilissimum esse satis demonstratur a natura sanguinis, qui ad cerebrum venit CCCXXXIX. a phaenomenis, ab ipsa tenuitate, quae vires corporum intendit ex NEWTONI observationibus. A liquore vasculorum in intervalla funiculorum nerveorum exhalante, viscido, visibili, omnino oportet distinguere.

CCCLXXXIII. Quoniam abit liquor nervosus, quem magna copia non potest non generare sanguis copiosissimus, celeriter motus, si compares cum uberrima secretionem lentioris sanguinis, a corde remotioris, in minori renali aut mesenterica arteria? Exhalare per nervos cutaneos non est improbabile. Exhalare in cavitates varias corporis, ventriculum, intestina, multis placuit. In venas sanguineas redire non valde analogum videtur, nisi minimas venas subponas, quae lente in magnas confluant. Ex cavitatibus vero resorberi nihil repugnat. An in cerebrum redit, ut venae spirituosae sint in eodem nervo, ut arteriae? an inde sensus?

CCCLXXXV. Quae causa tot diversorum collium in cerebro, quis finis ventriculorum, natium, testium, distinctionis cerebri a cerebello, tot funiculorum transversorum, communicantium ab una parte cerebri, cerebelli, medullae spinalis, ad oppositam?

CCCLXXXVI. Ventriculorum necessitatem videtur fecisse necessaria ad magnos usus distinctio partium. Ut corpora striata, thalamive separatam medullam retinerent, oportuit vaporem intercedere, qui coalitum impediret, eademque in cerebro & cerebello est ratio. Forte etiam necessitas introducendi in crassam medullam caloris, peperit necessitatem cavitatis, per quam arteriae subirent, copiosae & confertae.

CCCLXXXVII. Tuberum plerorumque utilitates ignoramus, eamque oportet discere ex morbis, ex anatomicis in animalibus homini similibus captis experimentis. Sed exigua spes est, in partibus exiguis, profundis, absque funesto vulnere vix unquam violandis. An totidem ibi habitant distinctae idearum provinciae? exemplo thalamorum opticomum? sed plerique colliculorum nullos nervos producant.

CCCLXXXVIII. Striae ductusque interni fere communicationem aliquam motuum forteque sensuum videntur facere. Aliqui cerebellum cum cerebro conjungunt, alii medullam spinalem cum nervis cerebri, ut accessorius, plerique dextras & sinistras partes inter se uniunt, exemplo commissurae anterioris CCCLXII. posterioris duplicis CCC-LXV. callosi corporis CCCLX. striae inter processus a cerebello ad testes CCCLXVIII. trabecularum medullarium in imo ventriculo tertio, in medulla oblongata & spinali CCCLXVIII. Manifestum enim videtur inde fieri, ut per infinita exempla, dextro latere cerebri laeso, potius sinistri lateris nervi per totum corpus relolvantur, & contra. Deinde ea ratione videtur natura obtinuisse, ut quacunque parte cerebri laesa, non ideo perpetuo nervus inde ortus inutilis reddatur. Si enim & a suo, & ab alterno cerebri hemisphaerio per communicantes funiculos, fibras suas nervus habet, potest sui lateris fibris destructis, aliquam integritatem functionis a fibris lateris alterni retinere. Hinc tot exempla vulnorum, etiam cum majori cerebri jactura, quae nulla secuta est in ullo nervo, ulla animae facultate constans jactura. Multas caeterum, subtiliores strias & nervorum



imagines, & tubercula ipsa necessitas produxit & accumbentium vasorum pulsatio, incumbentium partium figura.

CCCLXXXIX An distinctae vitalitatis & animalitatis provinciae? An cerebellum nervos cordis & vitales alios producit, cerebrum nervos sensuum & motus voluntarii organa adeuntes? Elegans systema a tota anatomie refutatur. A cerebello nervus quintus evidentissime producitur. Sed is adit linguam, musculos pterygoideos, buccinatores, temporales, frontales, auriculam, oculum, nares, partes omnes aut a voluntate motas, aut destinatas sensui. Deinde idem nervus, ut octavus, vitales ramos dat cordi, pulmmoni, animales & voluntarios laryngi, sentientes ventriculo. Denique ne quidem verum est, vitia cerebelli ita certam & celerem necem inferre. Nam & vulnera & scirrhus cum vita superstitie tulit, per certa experimenta, etiam nostra, neque multum est, quo a cerebro distat, quo mollius est & tenerius. Cur cerebrum insensibile videtur, neque ejus pressio ad animam pervenit? Ex eo ipso, quod omnis sensus per medullam cerebri ad animam veniat, eaque compressa & impedita

is ipse etiam pressioni sensus nullus percipi  
 queat.

CCCC. Si nulla in hac hypothese firmitas, quae causa est perpetui motus in corde, intestinis, quae nulla nostra voluntate aut indigere videntur ad motum, aut mota coerceri ullo animae imperio? Cur superest in apoplexia pulsus cordis, deleta systemate, a quo motus voluntarii & sensus universi pendent? Ita simplex causa videtur, ut forte vel ideo praetervisa sit. Ea organa perpetuo operantur, quae ad motum paratissima, & valde irritabilia sunt, & denique perpetuo irritantur. Cor a venoso sanguine, quem ipsum emittit, perpetuo laceffitur CXII. CXIII. Idem ad motum etiam a morte constantissimum, carne solida, reticulata, virium insignissimarum, ergo mobilissimum est: & irritabile imprimis per experimenta LXXXVII. Intestina & sensilia valde sunt, ut suo loco dicetur, & nervosa, & ob fibras circulares ad contractionem potentia, argumento omnium partium, quibus haec fibrarum series contigit, & irritantur pene perpetuo a chylo, ab aere intus rarefacto, a bile quam hepar mittit, a scybalis. De respiratione alibi diximus, cujus alternationem  
 non

non video explicari posse nisi ab anxietate, quae & inspirationem sequitur & expirationem, & post utramvis mutationis necessitatem inducit CCLXXXIII. CCLXXXVIII.

CCCCI. Nervos organa esse diximus sensus motusque. Motum, qui simplicior sit, & uniformis, & magis perpetuus, cum in fetu ante plerosque sensus fuerit, visum est praemittere.

## CAP. XIII.

## MOTUS MUSCULARIS.

CCCCII. Fibrae musculosae in corpore humano vocantur filorum rubrorum fasciculi, a quibus motus omnis perficitur. Quando multae fibrae, eaeque evidentius rubrae, coacervantur, tunc *musculus* vocatur. Fabricae simplicitas summa fecit obscuritatem in intelligenda ratione, qua tanto robore molles, & exiguae, carnes, motus producant maximos, tum in homine, tum omnium maxime in crustaceis insectis.

CCCCIII. In omni musculo reperiuntur *fibrae* longae, graciles, molles, cum aliquo  
Q 4
elatare,

elaterè, ferè semper in universum parallælae, quae multa cellulosa tela cinctae in lacertulos colliguntur. Isti, laxiori revincti tela, & plerumque pingui, in majores fasciculos coeunt, quos semper striae cellulosae & septa membranacea dividunt: donec plurimi lacerti aut paralleli, aut inclinati, membrana cellulosa tenui, cum septis continua, circumdati, & crassiori paulo cellulosa a vicinis carnibus separati, pro uno musculo habeantur. In fibra ipsa visibili qualibet adparet series filorum, quae detortis finibus, conglutinata cum sui similibus, in fibram majorem conjunguntur.

CCCCIV. Plerisque musculis, maxime vero omnibus, qui ossibus inferuntur, & omnibus, qui ab aliis potentibus carnibus incumbentibus premuntur, fibrarum non unum genus est. Carneae enim illae fibrae cccciij. in medio musculo crassitiem solent, quam vocant *ventrem*, collectae efficere, caedemque in utroque muscoli fine degenerant sensim & gracilescunt, & durescunt, & deposito rubore splendorem argenteum induunt, & propius sibi adpositae rara cellulosa tela & brevi colliguntur, & paucioribus vasculis pinguntur, & indolentes sunt, & aegre irritabiles,

& *tendinis* nomen accipiunt; si collectae fuerint in angustiore, teretem, fasciculum, *aponeuroseos* vero, si in amplam planamque superficiem. Carneas enim fibras vere in tendineas mutari demonstrat comparatio fetus, cui paucissimi tendines sunt, cum puer, cui longe plures, hujus cum adulto & fene denique; cui plurimi. Musculi nulli ossi innati plerumque tendines non habent, ut cor, sphincteres, musculosae membranae viscerum, vasorum. In tendines autem imprimis longos abeunt, ubi circa articulationes & epiphyfes decurrere oportet, & in eo extremo, quod mobilius est. In fetu manifestum est, musculos soli periosteo inferi; in adulto, homine ubi periosteum intime cum osse conjunctum est, cum periosteo confusi in foveolis ossis ipsius adhaerent.

COCCV. In cellulosa tunica fibris circumposita dividuntur arteriae, venaeque, & retia rectangula faciunt, fociae plerumque & vicinae: Inde vapor, adeps, in cellulosam tenuem, crassam, effusi, inde resorbt. Lymphatica vasa per musculos linguae, colli, faciei, decurrunt, in artubus aegre demonstrantur. Sed etiam nervi, & copiosiores quidem, quam alibi, cum vasis per cellulosam musculorum

distribuuntur: verum deposito duriori involucro, molliores, prius evanescunt, quam ad fines ultimos prosequi possis. Multis locis musculus eundem subeunt, nec ullum peculiarem aditum adfectant. In tendinibus aegerrime demonstrantur. Neque ullae sunt fibrae nerveae, quae lacertos ambeant & constringant. Qui descripserunt, nihil viderunt, nisi telam cellulosam.

CCCCVI. Fibrae minimae, quae musculo pro elemento sit, fabrica in homine, & animalibus, microscopio, investigata, semper similis fuit majorum fibrarum fabricae, & praeter minima fila, cellulosa tela inter se conjuncta, nihil certa fide apparuit. Nullae ergo vesiculae, neque catenulata rhomborum series locum habet. An cavae fibrae sunt? an continuae arteriis? an ea diversitas carnearum a tendineis, quod istae, elisae, expulso fluido, solidae factae sint? Non probabile esse demonstrat tenuitas fibrarum, quae globulis rubris minor est, albedo muscoli, postquam sanguis elotus est, rationes physiologicae  
CCCCXI.

CCCCVII. Musculo naturale est, brevior se reddere, extrema ad medium ventrem  
ad



adducere. Ut ex data fabrica potentia motrix eruatur, phaenomena musculi contracti consideravisse juvat. Musculus ergo omnis in actione sua brevior & crassior fit. Haec in brevitatem contractio varia est, in aliis minor, in aliis major, in nonnullis satis magna, exemplo sphincterum, iridis, septi transversi, & intercostalium, ut longe infra tertiam partem longitudinem musculi diminui adpareat, quae mensura ab erronea hypothese profecta est. Latior una fit musculus, & durior, & undique per omnem circumferentiam turget, exemplo cordis, masseteris. Deinde hic motus in vivo animale cum convulsiva rapiditate fit, & una fibrae, lacertique, ex levitate simplici in rugas contrahuntur, undulatas, & lacertis, & elementalibus fibris inscriptas, ut omnino motus muscularis omnis positus videatur in retractione fibrarum in se ipsas, quae alterne magis contractae minusque, aliquam partem sursum receptae longitudinis, latitudini intervalli duarum contractionum addat. Lacertos etiam distrahi video, ut angulos alios inter se & cum ossibus motis faciant, atque anguli recti in inaequales mutantur. Pallefcere non video, in tot experimentis, in tot musculis. Potest & totus musculus moveri, & ejus pars aliqua. Tumet etiam, si vi externa in eum  
situm

fitum artus ponatur, in quo is musculus agit.

CCCCVIII. Porro, ut causam motus muscularis eruamus, in ipsa quidem fibra musculari, etiam mortua, vim contractilem reperimus, ut flexa, hinc dimissa, se brevior reddat, unde resecti muscoli, etiam cadaveris, fibrae hiant, & intervallum retractae relinquunt. *Irritata* vero fibra aut a frigore, aut a cultro, aut a veneno, constringitur, palpitat, alterne agit & remittitur. Haec irritabilis natura a cellulositate omnino abest, in membranis, ut ex cellulositate natis, in ligamentis, tendinibusque debilissima reperitur, musculus vero, cordique & intestinis inprimis maxima infidet, ut & diutius a morte naturam irritabilem, quam aliae corporis partes conservent, & vehementiorem exerceant, & facilius suscitari possint. Neque dissimulandum est, avulsa de corpore parte aliqua irritabili, nervis remotis, a commercio cum cerebro seculsis, nihil valde de irritabili natura decedere, cordi inprimis, & intestinis. Eam irritabilem indolem latissime per fibram animale regnare polyporum aliorumque insectorum exemplo constat, quibus nullum cerebrum, nervi nulli, summa tamen ad omnem stimulum in-

pa-

patientia est, plantarum denique adfinitas, quarum plurimae flores & folia pro vario frigoris calorisque gradu aut aperiunt aut contrahunt, aliae etiam celerrime, ut nihil cedant animalibus. Haec vis ab omni alia hactenus cognita proprietate corporum diversa & nova est. Neque enim a pondere, neque ab adtractione, neque ab elatere pendet, cum in molli fibra sedeat, a durefcente evanescat.

CCCCIX. Sed a nervis causam motus in musculos advenire tamen adparet, per experimenta CCCLXXVIII. seq. Nervus enim solus sentit, solus dictata animae defert, cui nihil quidquam aut imperii in eam partem, aut ab ea perceptio est, cujus nervus ligatus, aut resectus, aut nullus fit. Nervo nempe, medullave spinali irritata, etiam in mortuo animale, musculus vel musculi, qui ramos ab iis partibus nerveos habent, vehementissime convelluntur. Ligato, resecto nervo musculi cujuscunque, aut compressa sede medullae spinalis, cerebrique unde nervus ejus advenit, languet resolutus musculus, & nulla vi ad motum, vitali similem, revocari potest. Soluta nervo, musculus vim, qua in motum cietur, recuperat. Irritato, sub ipsa sectio-

sectione nervo, musculus, ad quem nervus spectat, contrahitur. Experimenta plurima facta sunt, maxime in phrenico & recurrente.

CCCCX. An aliquid ad motum muscularem arteriae conferunt? argumento paralyticos artuum inferiorum, quae sequitur ligatam aortam? Nihil omnino, nisi quod integritatem musculi, & mutuum partium habitum conservent, vaporem, adipemque fcernant, & nutriant. Nam arteria dissecta musculus non resolvitur, neque ligata, nisi longo post tempore, destructis a gangraena musculis: & paralytis crurum a ligata aorta visa, non satis perfecta, pertinet ad amissam medullae spinalis integritatem. Irritata arteria nihil in musculo mutat. Deinde fieri non potest, ut motus peculiarium musculorum explicetur a causa, quae a corde adveniens, aequa vi in totum corpus operatur. Denique in nervos voluntati imperium est, non in arterias, neque in partes firmas corporis.

CCCCXI. Sed ratio, qua nervi musculum in motum cient, ita obscura est, ut de ea eruenda fere desperari possit. Vesiculae nerveae, quae celerius advecto spiritu turgent, repugnant anatomicae veritati, quae si-

bril-

brillas cylindricas demonstrat, nusquam veficarias, celeritati qua motus muscularis perficitur, muscoli, dum agit, moli potius diminutae, quam auctae. Catenulae rhombique inflatae fibrae repugnant perinde anatomicae inspectioni, celeritati. Denique nullo modo demonstrari potest fibras, adeo multas, oriri a nervis, adeo paucis, & alia directione fere transversa ad fibras distributis. Nervi circumplicati arteriosae fibrae, eamque elatere suo constringentes, ponunt falsam fibrae fabricam, nervosque sumunt, ubi cellulosa fila sola demonstrantur. Et ostendunt iterum animalium phaenomena, quae absque cerebro aut medulla spinali sunt, ad motum perinde aptissima, fabricam musculorum etiam absque nervis motui sufficere posse. Bullae sanguineae aëre plenae, indeque deductae explicationes falsam ponunt sanguinis naturam, aërem nempe elasticum inesse, qui nullus est. CCCVI.

CCCCXII. Id unum certum est per superiora, nervos non contractione mechanica, quam debilissimam habent, sed vi influentis cum summa celeritate liquidi agere. Is ergo musculus contrahitur, in quem dato tempore plus liquidi nervosi advenit, sive id a volun-

luntate fiat, five a causa in cerebro nata, five a stimuli potentia in nervo ipso: five nunc nervus is spiritus unice irritabilem naturam, aut innatam adtractilem vim, elementorum fibrae musculosae augeat, five alia, ignota ratione, brevitatem musculo inducat. Ultra nihil video. Remittit idem musculus, quando haec accessoria celeritas in motu spirituum remittit, & nervi eam unice copiam adducunt, quae in aequilibrio superest.

CCCCXIII. Effectus motus in musculo est, breviorum reddi, hinc tendines fere quiescentes adducere, utrinque ad mediam carnem, tamquam centrum omnis motus, hinc ossa partesve, quibus tendines innexi sunt, ad se invicem adducere, uti musculus de corpore resectus fines suos ad ventrem medium retrahit. Si earum partium altera firmior fuerit, tunc ea, quae mobilior est, magis adcedit ad firmiorem, in ratione inversa firmitatum. Si immobilis altera est, mobilis unice adcedit ad immobilem. Eo solo in casu voces originis & insertionis tolerari possunt, quae alioquin plerumque in errorem ducunt.

CCCCXIII. Robur hujus actionis insigne est, & in omnibus hominibus, & imprimis in



in phreniticis, & in quibusdam valentioribus mortalibus, cum pauci saepe muscoli pondus elevent, toto corpore humano multo majus. Et tamen nixus sive potentiae, quae a musculo exercetur, semper longe maxima pars absque effectu visibili perit. Nam omnes muscoli propius hypomochlion inferuntur, quam pondus adpenditur, atque adeo in ea ratione debilius agunt, qua vectis partem breviorē, quam pondus, movent. Deinde plerique muscoli omnino in ossa, artuum maxime, ad angulos valde acutos parvosque inferuntur, atque adeoque iterum effectus agentis musculi nixu, quem exserit, tanto minor est, quanto sinus anguli inter musculum & os interceptus minor est sinu toto. Iterum media pars omnis nixus musculosi perit, quia pro chorda trahente haberi possunt, quae oppositum pondus ad punctum suum fixum adtrahit. Porro multi muscoli jacent in angulo duorum ossium, a quorum uno orti alterum movent. Eo ergo osse moto flectuntur, & chordae flexae novo impetu egent, quo extendantur. Multi supergrediuntur aliquot articulationes, quarum singulam aliquantum flectunt, ut minor pars totius nixus supersit, qui destinatam articulationem flectat. Ipsae fibrae musculorum carnae cum suo ten-

dine totali angulos saepissime intercipiunt; unde denuo pars magna efficaciae perit, & tantum ea superest, quae est ad totam, ut finis anguli insertionis, ad totum. Ultimo muscoli pondera sua opposita cum summa velocitate & expeditissime movent, non adeo solum aequilibrium superant, sed praeterea magnam superantem velocitatem addunt.

CCCCXV. His dispendiis omnibus computatis, adparet vim, quae a musculis in actione inpenditur, valde magnam esse, & ab omni mechanica ratione remotam, cum effe-

ctus ejus vix sit  $\frac{1}{60}$  totius nixus a musculis e-

diti, paucique hic musculi, & paucarum librarum, elevent vere pondera aliquot mille pondo, & cum summa celeritate elevent. Neque ideo non sapiens institutum Creatoris est. Nam omnes istas jacturas requisivit corporis concinnitas, motus muscularis, & necessaria celeritas, & directio, quae omnia contraria poscit compendiorum mechanices. Sed id omnino inde concluditur, potentissimam esse actionem liquidi animalis CCCLXXXII. quod in tantillo organo vim aliquot millibus librarum aequalem, etiam diu, etiam per integros dies exserat: neque videtur aliter expli-

cari posse, nisi per incredibilem celeritatem, quae ad voluntatis imperium influxui hujus liquidi accedit. Unde vero haec velocitas nascatur, dici nequit, & sufficit scriptam legem esse, ut ad datam voluntatem, data celeritas in liquido nerveo noviter producat.

CCCCXVI. Adjuvat motus muscularis facilem remissionem *antagonistarum* opera. Ubique nempe in corpore humano, musculus quilibet aequilibratur vel pondere obposito, vel elatere, vel mulculo, vel liquido, quod cavo musculo expellenti renititur. Ea causa, quaecunque sit, operatur perpetuo, etiam dum musculus agit, & quam primum accessoria ea celeritas remittit, quae a cerebro advenit, obtinet conando, ut artus aut pars quaecunque in statum priorem reponatur, in quo statu aequilibrium est inter musculum, causamque obpositam. Quoties antagonismus a musculis est, adcedit, quod nullus musculus possit contrahi, quin extendatur antagonista, unde, distentis nervis, nato sensu incommodi, etiam magis ad restituendum aequilibrium nitatur. Hinc dissecto flexore, extensor operatur, etiam in cadavere, & contra,

CCCCXVII. Sed & alia adminicula sunt, quae motum muscularem tutum, certum, & facilem reddunt. Musculi magni, longi, a quibus magnae flexiones perficiuntur, includuntur vaginis tendineis, firmis, quas alii musculi tendunt & adtrahunt: ita musculus, dum artus flectitur, extensus tamen, & ossi appressus manet, & magnum virium decrementum vitatur. Tendines vero longi, incurvi, ut super flexos in motu suo articulos extensi, recipiuntur propriis armillis, quae suos lubricos canaliculos inscriptos habent, & tendinem cum mobilitate firmant, ne aberrare, sub cute rigere possit, cum dolore, jactura motus. Similia alibi ipsi perforati musculi praestant. Alibi tendines vel circa eminentia ossa ducuntur, ut ad majorem angulum se in os inmittant, quod movent, vel alteri ossi inferuntur, ex quo alius tendo, longe majori sub angulo, in os movendum descendit. Alibi musculos ex loco opportuno repetitos, contraria directione, & quasi circa trochleam, ad partem movendam NATURA deduxit. Undique musculis denique circumposuit adipem lubricantem, & fibrillis, & fibris, & lacertis, & musculis vicinum, qui compressus, inter tumentes musculos fibrasque effusus, fibras oblinat, flexilitatem conservat.

CCCCXVIII. Deinde unius musculi efficacia determinatur societate aut oppositione aliorum, qui vel partem alteram firment, a qua oritur musculus, vel una flectant, vel musculi actionem a recta in diagonalem mutant, concurrente sua actione. Quare nullius omnino musculi actio ex ejus unica consideratione intelligi potest, sed omnes una considerare oportet, qui alterutri parti, cui musculus inhaeret, & ipsi inseruntur.

CCCCXIX. Ab his musculis, varie inter se consentientibus & repugnantibus, perficiuntur gressio, statio, artuum flexiones, extensiones, deglutitio, reliqua omnia vitae humanae munera. Sed actiones musculorum etiam publice utiles sunt. Venosum enim sanguinem accelerant, elisis & vicinis intertumentes musculos venis, & musculo propriis, inter turgidos lacertos, ejusque pressio- nis vi per valvulas unice ad cor determinata, adipem sanguini reddunt, arteriosum sanguinem conquassant, conterunt, pulmone velocius subministrant, hepatis, mesenterii, uteri &c. sanguinem, bilem, contenta, promovent, stagnationis periculum minuunt, ventriculi robur augent, suo addito, sic digestio- nem

nem adjuvant, ut omnino iners & sedentaria vita contraria sit naturae destinationi, & morbos invitet a stagnatione humorum, & cruditate alimentorum pendentes. Multa vero actione & ipsi muscoli indurantur, tenduntur undique, & partes, quibus adponuntur, cartilagineas, membraneasque in osseam naturam mutant, ossium processus & asperitates augent, plana apposita excavant, cellulas ex diploe dilatant, curvant ossa in partes suas.

CCCCXX. Musculorum classes hae vulgo constituuntur, ut alii sponte sua quiescant, & a sola voluntate in actionem ciantur: alii sponte operentur, & neque a voluntate incitari, neque retardari possint, cordis exemplo, & intestinorum: aliqui misto subsint imperio, & modo spontaneo motu agitentur, modo arbitrario, Causa hujus diversitatis varia ponitur, sed ad eam quaestionem credo responsum esse n. cccc.



## CAP. XIV.

## SENSUS. TACTUS.

CCCCXXI. Altera nervorum & cerebri operatio est, *sentire*, sive ab impressionibus corporum externorum mutationes & in corporis percussis partibus pati, & analogas alias in animae repraesentationibus. Ergo singulatim primum sensus persequemur, deinde id considerabimus, quod omnibus commune est, & mutationes sensoriorum in anima sequitur.

CCCCXXII. TACTUS duplici modo sumitur. Ita enim in universum vocamus omnem nervorum mutationem, natam a calore, frigore, asperitate, levore, pondere, humiditate, siccitate, corporum externorum, in quacunque demum corporis parte ea mutatio oriatur. Eo sensu tactus fere omnibus corporis humani partibus tribuitur, magis quidem aliis, aliis minus; & ea ratione dolor, voluptas, fames, sitis, anxietas, prurigo, sensus reliqui, ad tactum pertinent.

CCCCXXIII. Sed alio paulum sensu magisque proprio tactus dicitur, mutatio a corporibus externis, quae in cute orta, animae

repraesentatur, & inprimis in digitorum manus apice. Ibi enim qualitates tangibiles omnes longe accuratius distinguuntur.

CCCCXXIII. In ipsa cute quidem sensus non facile ullam particulam distinguit, quae non sentiat. Cum tamen tactus soleat peculiariter papillis tribui, fabrica cutis dicenda erit. Quae ergo vere *cutis* dicitur, ea densa tela ex cellulosa stipatissima componitur, cujus fila intricata, intertexta sunt, hinc extensilis, contractilis, porosa. Eam percurrunt arteriae ex subcutaneis advenientes, neque longae, neque magnae, sed plures nonnullis locis, ubi rubet cutis, ut in genis, alibi pauciores. Venae a rete subcutaneo copiosissimae nascuntur: nervi vero in cute uberrimi sunt, sed nimis cito evanescentes, ut extremos fines eorum difficillime definias. Inter cutem & musculos cellulosa fabrica est, in quam cutis sensim laxata degenerat, plerisque locis adipe plena, cujus colliculi cuti foveolas inprimunt, nonnusquam tamen absque pinguedine, in pene, labiorum parte rubra &c. Rari sunt in homine loci, ubi continuo cuti fibrae musculares succedant, nulla separatae pinguedine. Nam dartos non est nisi cellulosa, neque fibras musculares habet.

bet. Est ubi tendinosae fibrae cuti inserantur, ut in palma manus, pedis planta.

CCCCXXV. In cute quidem universa, remota epidermide, plerisque in corpore humano aut maximi animalis locis, aegerrime aliquam asperitatem reperiās, nisi *granula* velis minutissima, vix ulla visibili altitudine elata, obtusa. Sed in apicibus digitorum majores paulo, & aegre tamen oculis exhibendae, *papillae* rotundulae, sedent in foveolis epidermidis, & nervos aegre conspicuos recipiunt, monticuli nempe ex vasis facti, & nervulo uno pluribusve, & conjungente tela. In labiis post macerationem longae, & villosae adparent, in lingua evidentissimae, ex cujus fabrica per analogiam ad cutaneas papillas concluditur.

CCCCXXVI. Cuti circumponitur aliud involucrum, ab aëre minime violabile, quod cum cute infinitis vasculis & pilis transeuntibus cohaeret. Hujus involucri exterior superficies, cornea quasi, sicca, inputrescibilis, insensilis, vasculis nervisque destituta, determinato modo rugosa, squamosa, *Epidermis* dicitur, quam innumeri pori majores, sudoriferi, minores, vaporiferi, perforant.

rant. Tritu, uſtione, epidermis craſſeſcit, & novae laminae ſe priori addunt, inter eam cutemque enatae, callum vocant. Sed absque morbo in Aethiopibus duae lamellae diſtinctae adſunt.

CCCCXXVII. Interior ſuperficies epidermidis magis pulpoſa, ſemifluida, & quaſi ex muco concreta, aegre in Europaeo, facile in Africano aethiope ſeparatur, ubi vere membranacea, & ſolida, & ſeparabilis eſt, tum in palato brutorum. Incumbit cuti, papillas in molles alveolos recipit. *Rete* vocant *Malpighianum*: Sed cribri conſpicuo modo perforatum non eſſe, certum eſt.

CCCCXXVIII. Et iſtud rete quidem ex coaſto aliquo humore, de cute exhalante, conponi, valde probabile videtur. Epidermidis fabrica in obſcuro eſt. Nam vaſis cum deſtituatnr, & regeneretur, & indolens ſit, non videtur ad organicas corporis partes pertinere. An ſit coagulata pars exterior muci Malpighiani c c c c x x v i i. ab aëre, a tritu? quam infinitis locis perforent ductus exhalantes, inhalantes, oſculis circumfuſo coaſto glutine unitis. An hoc ſuadet mucoſa membranula in membrana tympani? diſſolutio in

aqua clavis viris observata, ab aliis, in aethiopiis, negata?

CCCCXXIX. Ad cutis porro historiam pertinent glandulae *sebaceae*, simplices & compositae CCII. CCIII. CCIV. quae plurimis locis sub cute sedent in cellulosa tela, eamque ductu suo excretorio perforant, adfundunt cuticulae, molle, semifluidum sinegma, in facie durius, in inguinibus, alis, magis oleosum, quo obuncta nitet cutis, & ab aëre, a frictione defenditur. Reperiuntur, ubicunque aëri corpus se magis nudum necessario offert, ut in facie, ubi multae de composito genere sunt, vel ubi frictio major evitari non poterat, in mamma, ala, inguine, penis glande, nymphis, ano, poplite. Pilos non raro edunt. An ubique etiam in cute reperiuntur hujusmodi folliculi? Etsi anatome eos non demonstrat, probabile videtur adesse utique, argumento sordium, quae circa totum corpus colliguntur, & sebacei generis esse videntur. Aliud autem genus unguenti oleosi ex ipsa pinguedine, absque glandula, per suos poros super cutem effunditur CCII. maxime ubi capillos producit.

CCCCXXX. Sed etiam *pili* ad cutem pertinent, & ungues. Illi per totum fere corpus, vola & planta excepta, sparsi, sed plerisque locis molles, brevesque, longiores in cranii cute, genis, mento, pectore virili, artuum antica facie, alis, inguinibus, pube. Ex cellulosa prodeunt, ex bulbillis ibi orti, membranaceo, vasculoso, ovali, sensili, in quo bulbillis cellulosa medulla succusque diversi coloris continetur, vel ex sebacea glandula. Bulbi involucrum, medulla continua factum, in cylindrum productum, cinctum cellulositate pingui, exit ex foramine cutaneo, epidermidem impellit in similem vaginam, unde constantia pili incorruptibilis: & tunc involucrum quidem a cortice ultra separari nequit, spongiosa vero & cellulosa materies per omnem pili longitudinem continuatur. In cellulosa subcutanea secundum naturam, per morbos etiam alibi in adipe nascuntur. Continuo crescunt, & resecti renascuntur, a medulla a cute sursum propulsa, epidermide protrahata. Ea medulla in senio destituti pili siccantur, finduntur, pereunt. Ab ea color. Per apicem videtur exhalare, [ & forte per omnem pili superficiem, ] argumento protrusionis in medulla continuæ, quam finem invenire oportet, plicae Polonicae, luminosae striae



*Striae ex pilis animalis exeuntis, cui electrica natura communicata est. Viam pili pinguitudo subcutanea sequitur & exhalat.*

CCCCXXI. *Ungues de epidermidis fabrica & ingenio sunt, & cum ea delabuntur, pariter insensiles, & renascibiles. Reperiuntur in extremis digitis manus pedisque, inque iis dorsi sedem occupant, averfi, & subiecti papilloso apici tactili, quem fulciunt, ad objectum adprimunt. Oriuntur quadrata radice inter cutis stratum interius cum periosteo mistum & exterius, paulo ultra articulationem ultimam: exeunt ex cutis exterioris lunata rima: ibi epidermis partim contra unguis radicem, cui connascitur, retroit, partim exterior ungui adjicitur, & cum ungue antrosum producta, ipsi pro involucre est. Ipse unguis, mollis, ubi primum natus, & in parte cute tecta; per aetatem, & ubi nudus aeri exponitur firmior, corneus, solidus, elasticus, fibris longis fit, glutine unitis, fulcis distinctis, fissilibus, multorum ordinum. Ita factus ad extremum digitum exit, perque hoc totum iter interiori lineatae superficiei subtenditur sulcata cum periosteo confusa cutis, cujus fila primo brevia, inde longiora, ccccxviii. longissima vero sunt, quae prope apicem unguis*  
ad-

adhaerent. Ea radici unguis pertinaciter ne-  
ctuntur. Ultra unguis adhaerentem partem  
cutis iterum libera est, & ungui distincta sub-  
jacet. Tendines ad unguem non perveniunt.

CCCCXXXII. Cellulosa subcutanea pau-  
cissimis locis ob necessarium cutis motum ma-  
cilentia est. Ubi adipem recipit, calorem in-  
ternum defendit ab aëre, cutis mobilitatem  
super musculos tuetur, foveas musculis inter-  
positas replet, formam, alborem, auget: Cu-  
tis, & Malpighianus mucus, & epidermis,  
non solum extremum corporis limitem un-  
dique obducunt, sed, ubi perforatae videntur,  
introrsum susceptae sensim demum degene-  
rant. Nam epidermis in ano, vagina mulie-  
bri, urethra, cornea oculi membrana, mea-  
tu auditorio, ore & lingua manifestissima,  
ne ipsi quidem ventriculo, aut intestinis de-  
est, mutata tamen ob perpetuam emollitio-  
nem fabrica, & in villosam tunicam laxata.  
Sic vera cutis cum palati, linguae, pharyn-  
gis, narium internarum, vaginae, interna  
fabrica continua, in albam ubique, pulposam,  
crassulam, *nerveam* vulgo dictam harum par-  
tium tunicam abit.

CCCCXXXIII. Quae haftenus dicta sunt, ad tactum intelligendum sufficiunt. Papillae ultimi digiti in sede volari paulo majores, regulariter dispositae in spiralibus plicis, per attentionem animi forte paulum erectae, argumento horripilationis, papillarum muliebrium, appressae objecto tactili, frictu leni, recipiunt inpressionem ab objecto, in nervosa sua fabrica, transmittunt truncis nerveis, & cerebro. Hoc *tangere* est. Ita cognoscitur inprimis asperitas objecti, quam ita nonnunquam callide homines senserunt, ut etiam coloratae superficies a solo tactu distingui visae sint. Calorem etiam percipimus, quando corpus externum digitis nostris magis calet; pondus, quando pro mole sua plus solito premit. Humiditas judicatur a praesentia adhaerentis aquae, mollities a cessione objecti, durities a cessione digiti, figura a limite aspero circumscripto, distantia a confuso calculo, per experientiam facta, cui longitudo brachii pro mensura est. &c. Reliquorum sensus aberrationes corrigit.

CCCCXXXIV. Mucus Malpighianus moderatur actionem corporis tactilis, papillarum integritatem, mollitiem, conservat. Epidermis aërem a peritura cute arcet, inpressiones

siones corporum temperat, ut ad sensum excitandum sufficiant, dolorem parere non possint. Hinc usu crassior tollit tactum, mollior justo nimis dolorificum patitur. Pili cutem a frictione defendunt, calorem generant & conservant, occultanda tegunt, partium membranas reddunt irritabiles, quas oportet a subeuntibus insectis defendere, forte aliquid excernunt non utilis, viam praebent exhalanti oleo. Ungues tactui praesunt, dum resistunt tactili objecto, ne papillae cedant retroflexae: & robur apprehensionis augent, & rerum minutiorum tractationem adjuvant. Animalibus plerisque loco armorum sunt, & homini forent, nisi refecaret.

CCCCXXXV. Neque tamen haec sola cutis praestat. Magnum enim emolumentum hujus tegumenti est, exhalare de corpore magnam vim humorum, aliosque de aere resorbere. Ergo cutis omnis superficies per infinitas arteriolas tum in papillas productas, tum in cutē sedentes, sudat vaporem, qui ex respondentibus epidermidis poris exhalat, situ vero vasorum mutato inter epidermidem & cutem effunditur. Has arterias injectio aquae, vel glutinis piscium, facile demonstrat, quae in arterias facta est. De universa enim

cute infinitae guttulae sudant, quae sub epidermide, a morte immeabili, effusae, hanc in vesicas elevant.

CCCCXXXVI. In vivo homine haec exhalatio multis modis demonstratur. Speculum purissimum, oppositum cuti calenti, nudaque, fuscatur vapore humido. In cuniculis subterraneis, ubi densior aer est, manifestissime, ex omni parte superficiei corporis, abit in auras conspicua, & densa nebula.

CCCCXXXVII. Quoties sanguinis motus incitatur, & una cutis laxa est calensque, pro invisibili vapore *sudor* de cutis porulis exit, minutissimis guttulis, sed conspicuis, quae cum sui similibus in magnas guttas confluunt. Sudant autem inprimis loca calidiora, caput, pectus, plicae partium corporis. Experimentum ccccxxxv. & ipsa naturae simplicitas, & perspirationis pulmonalis atque cutaneae ccccxxxvi. conspicua crassities, suadent, sudorem per eadem vasa excerni, per quae perspiratio exhalabat, & copia unice & celeritate differre: tum admisto liquore glandularum sebacearum, ccccxxvii. & oleoso subcutaneo, qui, dilutus arterioso liquido, copiosius secreto, pingui flavaque specie effluit, & sudoris odorem, coloremque in-

S

pri-

primis efficit. Hinc faetidior in alis, inguinibus, qua glandulae istae copiosiores adsunt.

CCCCXXXVIII. Quae natura sit perspirationis, inquirendum est per experimenta, & analogiam perspirabilis pulmonalis, quod similiter, sed frequentius, in aëre frigido conspicuum fumat. Aquam esse inprimis, quod ita avolat, experimenta demonstraverunt, in quibus anima coërcita magnis vasis in guttas collecta est. Consentunt, crustae in speculo teneritas, natura avolabilis, repercussae perspirationis in diuresin, in diarrhoeam familiaris mutatio, potuum calidorum facilis derivatio ad perspirationem cum calore, cum frigore ad urinam. Aqua ista a potu est, qui magnam partem perspirationis efficit, & ab inhalatione. Saepe etiam ciborum odores in perspiratione distincti supersunt.

CCCCXXXVIII. Sed volatile aliquid alcalinae indolis admisceri demonstrant, & nostri sanguinis natura, & in canibus sagax discrimen herorum, & noxae insignes a retenta perspiratione, in morbis acutis evidentes, quoties ea introrsum conversa pallidas urinas facit, & aëris demum corruptio a respiratione. Hoc alcalinum volatile est a sanguine.



guinis particulis, diuturno tritu, calore, extenuatis, in aerem naturam mutatis. Hos odores canes sequuntur: Huc atmosphaera electrica, & non raro lucens, circa homines & animalia visa.

CCCCXXXX. Copia perspirantis liquidi insignis est, five magnitudinem organi secretorii, five vaporis de unico pulmone halantis ubertatem, five experimenta Sancto- riana spectes, per quae de cibi potusque octo libris quinque, per alia vero pericula 60. unciae perspirare videntur, quae neque ponderi corporis accedant, neque per ullam visibilem excretionem amittantur, ut tamen salivam, sudorem, mucumque narium, de eo pondere demas. Imo longe majorem esse exhalationem constat, quae non solum tantam cibi copiam difflet, sed etiam ea, quae per inhalationem sanguini adcesserunt [CCCCXXXIII], iterum expellat. Multum tamen hic possunt variae conditiones aëris, corporis. In regionibus calidis, in mensibus anni aestuosis, in juvenili corpore & exercito, plus transpiratur, minus per urinam decedit. In frigidis regionibus, mensibus temperatis & gelidis, corpore senili, quieto, plus per urinam abit, quam per insensibilem dissectionem.

In temperatis regionibus tamen, totius anni computo inito, aliquanto plus perspiratur, quam per urinam decedit. Distantia a pastu aliquid etiam mutat, & ea regula obtinere videtur, ut eo tempore copiosissime perspiretur, quo cibi maximam partem subacti, sanguine recepti, ad difflationem idonei sunt. In somno etiam in fervidis regionibus naturaliter minuitur, augetur vero a calore stragulorum.

CCCCXXXI. In universum bonum signum valetudini praefert perspiratio copiosa, aequabilis, & una robustum corpus. Nam nimia, cum debilitate, magis quam nulla nocere dicta est, si satis vera sunt, quae in eum sensum scripta leguntur. Ratio signi, quod libertatem vasorum per omne corpus dispersorum denotet, & ciborum subactionem perfectiorem, quorum pars magna in halitum resoluta sit. Minuta strictionem cutis, languorem cordis, cibi coctionem debilem indicat. Nimia forte ipsos spiritus amittit. Augetur motu musculari modico, ad sedecuplam portionem perspirationis quieti hominis, & ad integram in hora, & denique in semihora libram. Magis autem augetur, si una adfuerint, vasa libera sed densa, potus aquosus, leniter spirituosus, calens, cibus facilis concoctionis,

coctionis, aër gravis neque frigidus, lactitia. Contrariis minuitur & tollitur. Neque tamen adeo superstitiose integritas vitae ab hac excretionem pendet, quae per leves causas adeo facile & absque noxa, augeatur & minuatur, & in multis gentibus, oleo cutem perpetuo obducentibus, inque animalibus adeo multis exigua sit.

CCCCXXXII. Sudoris natura evidentius falsa est, etiam sapore teste, & crystallis, in vitriariorum vestibis conspicuis, & destillatione, qua alcalina natura demonstrata est. Quare per eam viam non raro pessimorum morborum iniasinata deflagrant. Sed ipse sudor semper a naturali statu recedit, semper ab homine sano abesse debet, nisi corpore validius exercito sibi morbum brevem conciliaverit. Et nocet saepe in acutis, distillando aquam de sanguine, ut reliquus inspissetur, sales exasperentur. Nimio motu aut calore regionis faetidissimus, tandem sanguineus redditur. Electricus nonnunquam lucet.

CCCCXXXIII. Utilitas perspirationis est sanguinem liberare aqua, alcalinis ramentis sanguinis, per diuturnam circulationem acrioribus redditis, oleo forte ex eodem sanguine

ne parato fuimine volatili. Eadem perspiratio mitigat epidermidem, & emollit, papillarum necessariae teneritati praeest.

CCCCXXXIII. Sed eadem cutis, quae vasa habet in aërem exhalantia, perinde repletur vasis, quae tenuem de aëre humorem resorbent, aut perpetuo aut certe moderato frigore, in aëris temperie humidiori, nocturna, cum quiete, adfectu tristi, & contrariis conditionibus earum, quae perspirationem intendunt, dictae ccccxix. Demonstrat has venas injectio anatomica, quae per venas perinde, ut per arterias exsudat, si aquosa, & tenuis fuerit: deinde effectus manifesti medicamentorum per aërem obvolitantium cutive applicatorum, vaporum, mercurii, terebinthinae, croci, aquae in balneis, emplastrorum quae argentum vivum recipiunt, aut nicotianam, colocynthidem, opium, cantharides, arsenicum, venenorum per cutem resorbitorum funesta efficacia, ut venerei veneni: animalium absque potu infervidis, sed humidis, insulis vita superstes; in iisdem sudor & urina copiosa absque valde tridere potu: denique casus rariores in morbo, in quibus egesta urina longe superavit potus copiam. Mensuram dare difficile est; in

in plantis magnam, sed nocturno tempore, esse, certis constat experimentis.

CCCCXXXV. Et inhalantia vasa, & exhalantia, vi nervea & stringi possunt & laxari. Demonstrat efficacia affectuum animi, qui veloces & laeti, laxant exhalantia vasa impetu ipso sanguinis irruentis aucto, & remissione nervorum, unde rubor cutis & mador & tumor. Qui tardi & tristes sunt, constringunt vasa exhalantia, argumento siccae inde cutis, *anserinae* a terrore, & diarrhoearum a metu natarum. Idem inhalantia vasa patefacere videntur, unde facilius a metu contagium variolarum, pestisque.

## CAP. XV.

## GUSTUS.

CCCCXXXVI. A tactus organo id modice differt, quo *gustus* exercetur, & quod praecipue in lingua poni per certa experimenta constat, neque enim vel sapidissimum corpus, alteri cuicunque oris parti applicatum, vel minimum saporis sensum in mente excitat, nisi acrimonia aliqua penetrabilis ipsi infederit. Qui sensus in ventriculo, oesophago, faucibus,

bus, a cibis regurgitantibus nonnunquam excitatur, & ipsi ad linguam pertinere videntur, quo vapores sapidi remittuntur.

CCCCXXXVII. *Linguae* sola pars superior, & lateralis margo, gustui exercendo idonea est. Nomen hoc inponitur musculo-fae parti, in ore latenti, obtusae, homini latissimae, medio sulco obscuro divisae, cujus pars posterior, & inferior, vicinis ossibus & musculis varie adhaeret, anterior & superior mobilis est. In ea parte, quae gustat, cutis musculosae carni innascitur, continua cuti faciei, & oris, sed pulposa, mollis, in perpetuo madore, & calore. Ex ea cute efflorescunt innumerabiles *papillae* nerveae, conspectiori, quam alibi, mole. Earum plura genera sunt. Primum earum est, quae in postrema linguae parte, ad utrumque latus foraminis caeci, in lineam disponuntur, septem, aut novem. Hae fovea circumdatae, tanquam circulo, fere inverse conicae sunt, & in medio sinum profundum habent, durae caeterum, & parum ad gustandum idoneae. Similes aliquae per dorsum linguae ante priores sparsim reperiuntur.

CCCCXXXVIII. *Alterum* genus est *fungiformium*, quae ex ovato cylindricae, per superfici-



perficiem superiorem linguae sparsim reperiuntur, minores prioribus & teneriores, & antrosum semper acutiores, donec circa margines linguae confertiores fiant, & in lineas divergentes ordinentur. *Tertium, conicarum* est, quarum longe maximus numerus regnat inter priores, & linguam late occupat. Harum anteriores in apice linguae magis inclinantur & fluitant, in marginibus imprimis plurimae, aliquae tamen etiam posteriores caeco foramine sunt. Hae acerrime sentiunt, & verum gustus organum constituunt. Qui intercurrent arteriosi & venosi villi exhalatorii & inspirantes, nihil cum gustu commune habent, nisi, quod liquidum solvendis salibus, & emolliendis papillis idoneum separent de sanguine, & adfundant dorso linguae. In parte linguae superiori, posteriori plurimae sedent glandulae simplices inuciferae, uno pluribusve foraminibus apertae, rotundae, quae velo membraneo hemisphaerico & carne linguae perficiuntur. Earum aliquae in obscuram, *caecam* & parum certae figurae cryptam aperiuntur, quae media papillis maximis CCCCXXXVIII. interponitur.

CCCCXXXVIII Has papillas, praeter  
vala numerosa, adeunt nervi, quos eo in  
S 5 tuajori-

majoribus papillis deducere licet, & qui majori numero ad linguam veniunt, quam fere alibi exemplum reperiatur. Praeter enim octavi paris nervum, qui uno ex praecipuis tribus ramis suis basin linguae, secundum os hyoides profunde subit, tectus ceratoglossus: adit & linguae musculos, & linguam nervus insignis noni paris, qui facta cum primo cervicis nervo, & cum magno ganglio cervicali anastomosi, datoque deorsum ramo, saepe cum octavo pare, perpetuo vero cum secundo & tertio colli conjuncto, musculos a sterno adscendentes adeunte, neque raro cum phrenico communicante, reliquo trunco linguam adit. Communicat in ceratoglossus musculo multis ramis cum Quinto, & consumitur imprimis in genioglossum. Quinti denique paris ramus tertius, data sursum vel accepta chorda tympani, aliisque ramis ad pterygoideum internum biventrem, glandulam maxillarem, his ganglion facientibus, sublingualem, praecipuo trunco suo trans ceratoglossum, ubi cum nono conjungitur, ad linguam venit, comes arteriae profundae, & una ad apicem pertingit, ibi cutaneus. Huic ergo nervo, si aliqua praerogativa est, sensus gustus imprimis debetur, etiam morbis confirman-  
tibus. Caeterum papillis duriuscula natura  
est,

& cellulofitas firma, pulpofa, nervulos arteriolasque & venulas conjungit, in tubera conglomerata, quorum multa unam papillam majorem conftituunt.

CCCCCL. Super papillas in homine unicum ducitur involucrum mucofum, femipelucidum, quod pertinaciter ipsis adhaeret, & pro epidermide eft. In animalibus rete perforatum papillas recipit, quae cavas vaginas & quafi cornua epidermidis fubeant.

CCCCCLI. Sub papillis fubeft mufculofa linguae caro, in homine vix extricabilis, quam mufculi varii componunt: Inferiorem partem ex magna parte perficit geniogloffus mufculus, a commiffura menti extrorfum ductus, & radiatim in linguam diftributus. Superiorem & lateralem ftilogloffus facit, cujus fibrae ad apicem linguae excurrunt. Mediam inter utrosque proprius mufculus *Lingualis* conftituit, & ex fe ipfo ante pharyngem, & a ftilogloffo ortus, fed profundior, antrorfum euns, ibique & in geniogloffum terminatus, & inter eum & ftilogloffum non exiguam partem linguae efficiens. Partem poftremam furfum retrorfum euntibus fibris ceratogloffus definit inter ftilogloffum & lingualem

gualem inclusus, & diversus omnino chondroglossus, qui ex ossiculis parvis ossis hyoidei, & proxima basi ortus, extrorsum euns, stratis lateralibus genioglossi tectus, accedens styloglossus, in lingua evanescit. Horum musculorum ope lingua in omnem partem & tota mobilis est, & propriam carnem potest figurare, cavam facere elevantibus styloglossis, explanare iterum per ceratoglossos, arcuatiorem reddere & quasi cylindricam per fibras transversas linguae, cum quibus & alii ordines adsunt, in homine inextricabiles, multa & viscosa pinguedine mistas.

CCCCCLII. *Arterias* lingua numerosas habet, majorem profundam, serpentinam, per inferiora ad apicemeductam, a carotide externa: Minorem superficiale, accumbentem glandulae sublinguali, priori inosculatam, vel ab ea ipsa ortam, vel a labiali: posticas parvas, varias, a labialis ramis propriis, aut tonsillaribus. Venae valde plexuosae, aegre enarrabiles, alia profunda, comes nervi noni, alia superficialis, comes arteriae mentalis, & cum priori conjunctim rami nam edens: omnes autem ad venam magnam confluunt, quae jugularis internae altera a cerebrale propago est. Cum plexibus vicinis tonsillaribus, thyreoideis, pharyngeis, cutaneis,

neis, varie communicant, & in dorso linguae ante epiglottidem a dextro ad finistrum latus reticulatae conveniunt.

CCCCLIII. *Papillae* linguae majores cutaneis, molliores, perpetuo humectatae, accuratius tactu defunguntur, quam cutaneae, siccae, parvaeque; hinc lingua acriter dolet. Deinde sales, papillae cutaneae non aliter nisi sub doloris aut humiditatis sensu percipiunt. Sed linguae papillae ad gustandum adrectae & paulum eminentes, a salibus in aqua, aut saliva solutis, admotis ipsarum apicibus, in latam superficiem, ita adficiuntur, ut mens peculiares eorum classes, qui *sapores* dicuntur, distinguat, acidum, dulcem, acerbum, amarum, salsum, urinosum, spirituosum, aromaticum, acrem varii generis, fatuum, putrem, aliosque, partim pure salinos, partim ab admisto oleo subtili vegetabili, aut animali, mutatos & compositos. Acrior autem quisque sal pro sapore dolorem excitat. An a diversitate figurarum in salibus sapores alii aliique? An id demonstrat figura cubica marini salis, nitri prismatica, alia vitrioli, sacchari? Non videtur. Nam & insipidis crystallis suae figurae sunt, & nimis similes in diversissime lapidis & alienissimarum virium salibus, & in iisdem inconstan-

tes,

tes, nitri exemplo, quod *cubicum* arte fit. Videtur adeo ratio saporis sedere in interiori, neque sensibus conspicua, elementorum fabrica.

CCCCLIII. Multum ad saporum perceptionem confert natura involucris papillarum, salivae, liquidorum humanorum, ciborum in ventriculo latentium: ut neque quaevis aetas ab eodem sapore perinde adficiatur, neque omne temperamentum, neque idem homo, prouti sanus, morbidus, adsuetusve fuerit. Et in universum insipidum videtur, quod minus, quam saliva, salis habet.

CCCCLV. Spiritus, inprimis vegetabiles, vel in ipsas papillas, vel in linguae forbentes villos resumuntur, ut adparet ex veloci virium instauratione a potu hujus generis, nondum in ventriculum recepto.

CCCCLVI. Sapores natura voluit distinguere, ut animal eos cibos dignosceret, qui ipsi saluberrimi essent. Neque enim in universum aut insalubris aliquis cibus grato est sapore: neque ingrato, qui alendo homini convenit. Nam de nimia ingurgitatione sermo non est, quae potest & in saluberrimo cibo nocere, neque de fossilibus, quae natura

tura



tura homini non obtulit, sed ars ipsa elaboravit. Sic natura hominem & dolore, qui fames vocatur, & voluptate, quae a sapore percipitur, ad necessariam alimentorum adfunctionem invitavit. Animalia vero bruta, quae ab exemplis & aliorum institutione minus discere possunt, sapes adcuratius distinguunt, & ea ipsa nota moniti ab insalubribus cibis cauta abstinere: Hinc illa, herbivora maxime, quibus summa diversitas pabuli offertur, nocentibus stirpibus misti, adeo longas papillas, adeo elegantem fabricam linguae nacta sunt; qua homo minus indiget.

## CAP. XVI.

## O L F A C T U S.

CCCCLVII. Ad eundem usum distinguendi noxios cibos, etiam olfactus inservit, quo & praesentium noxiam indolem sagiamus, priusquam cum periculo gustentur, & putredinem inprimis, nobis pestilentissimam, in cibis evitemus, & gratos, utilesque investigemus: etsi consuetudo fecit, ut ea utilitas olfactus conspectior in bestiis, quam in homine sit. Sed homines sibi commissi, neque ex summa varietate odorum callosi, vim  
istam

istam sagacem in explorandis eminens ciborum facultatibus, certa fide visi sunt retinuisse. Iptae demum vires medicatae stirpium haud alia ratione rectius aestimantur, quam simplicissimo gustus & olfactus testimonio. Hinc omnibus animalibus in vicinia oris olfactus organum positum. Hinc odoratus validus, & organa maxima in iis, quae vel e longinquo praedam vestigant, vel ex similibus herbis noxias debent seligere.

CCCCLVIII. Exercetur olfactus, membranae ope, pulposae, mollis, vasculosae, papilloesae, porosae, quae omnem internam narium cavitatem convestit, crassior in septo, & nasi cavea principe, in sinibus tenuior. In eam nervi subeunt satis numerosi, mollissimi, medii quidem a primo pare [CCCLXXI.] qui per foramina cribrosi ossis in septum descendunt, ut aegre tamen ad finem suum septumque eos deducas. Alii laterales nervi oriuntur a secundo nervi quinti ramo ejusque furculis, qui in pterygoideo canale transversus it, & qui per palati canales descendit: in sinu vero maxillari, ab infra-orbitali ramo, & dentali. Deinde septi pars anterior furculum habet ab ophthalmico primi quinti ramo.

CCCCLVIII. Arteriae plurimae nares adeunt a maxillaris internae ramis variis, nasalibus tribus, suprema, & lateralibus, a carotidis internae ramo ophthalmico, a ramulis palatinae arteriae, ab infraorbitali in sinibus, a dentali superiori. Venae sociae in maximum plexum coeunt in pterygoideo externo musculo, cum sinibus durae matris communicant, & denique in jugularis internae ramum externum conveniunt. Arteriae nutrimentum, calorem, mucum praestant.

CCCCLX. In rotunditatem coactum caput, maxime humanum, angustam facit organi olfactus superficiem. Ut ea laxaretur, internae nares miris modis cavernosae & compositae factae sunt. Et primo *Nares* vocamus multiformem caveam, quae ab anterioribus nasi foraminibus incipit, & sub cribroso osse, super caelum palati, transversa retrorsum migrans, terminatur ad faucium cavitatem. Hanc caveam *septum* saepe inaequaliter bipartit, superius osseum, a lamina cribrosa descendens, inferius a vomere factum, anteriùs triangulari cartilagine absolutum, cujus latissima, & valde sensilis superficies est.

CCCCLXI. Deinde lateralem superficiem narium augent recessus spirales ossium *turbi-*

T

na-

*natorum.* Et suprema quidem parvi sunt gyri spirales posteriores & superiores ossis cribrosi. *Media* ad idem os pertinent, instar conchae longa, introrsum convexa, extus cava, utrinque acuminata, tota aspera foveolis, & internis spongiosis recessibus, transversim suspensa, fulta propriis eminentiis ossis palati & maxillae. *Ima*, similia mediis, mytuli testae pariter figura, longiora, plerumque a prioribus distincta sunt, nonnunquam conjuncta lamina ossea, cujus natura frequentius membranacea est. Eadem appendix sursum missa, quadrangula, finem maxillarem perficit.

CCCCLXII. Deinde dilatatur magis cavitates narium sinuum ope, qui varii narium recessus sunt, & quasi appendices. Et supremi quidem frontales, inconstantes, irregulares, in sede eminentis supercilii, inter anteriorem & posteriorem laminam ossis frontis intercepti, fetui nulli, nasci videntur ex actione musculi corrugatoris aliorumque, qui anteriorem laminam distrahunt, diploen augent in cellulas, exemplo mastoidei processus. Aperiuntur in supremis naribus in anteriorem aliquam ossis papyracei cellulam.

CCCCLXIII. Nempe secunda sedes est *sinuum ethmoideorum*, qui quatuor pluresve utrinque, in exteriori parte cribrosi ossis fa- vorum similes adsunt, superius a cellulosa media parte ossis frontis perfectae, anterieus ab osse unguis, inque summam narium ca- veam, transversa linea, multis tubulis aperiun- tur. His continuae cellae in pavimento *or- bitae*, & plano, & maxillari ossi insculptae extrorsum continuantur. Tertio loco est contigua etiam, & parte aliqua ad cribrosium & ad os palati pertinens magna utrinque *cavi- tas multiformis ossis*, quae & ipsa siccata car- tilagine, quae in fetu ibi plurima adest, ex solido osse sensum sub turcica sella nascitur, ampla, unica, vel divisa, antrorsum forami- ne suo patula in supremum narium meatum.

CCCCLXIII. Ultimus, imus, sed am- plissimus sinus est, qui in fetu aliquis, in a- dulto adtenuatis laminis osseis peramplus est, & insculpitur *ossi maxillae* maximo. Ejus ad nares ostium os unguis, & palati, & lamina propria turbinati ossis infimi, & membrana, ita arctant, ut rotundo hiatu ad intervallum medii & imi ossis spongiosi pateat.

CCCCCLXV. Nervos narium pene nudos oportebat defendere ab aere, qui per nares, toto die, ad respirationis usus traducitur, & efflatur. Mucum ergo loco crassioris cuticulae natura naribus dedit, viscidum, insipidum, insulsum, fluidum dum recens est, ab aëre spissabilem in densas siccasque crustas, crassiorrem hic, quam alibi in corpore humano. Eo muco defenduntur nervi a siccitate, dolore. Eum fundunt arteriae narium plurimae, & deponunt partim in ductus cylindricos frequentiores, partim in rotundas visibiles cryptas. Idem effluit super omnem superficiem membranae olfactoriae, eam undique inungit. In septo longus sinus, plurimis poris muciferis communis, antrorsum longe decurrit. Mucus noctu collectus, interdum compressis naribus, deinde confertius eliso spiritu, excernitur nimius, vel irritat siccitate sua & asperitate sensilissimos nervos, & sternutatione nata ejicitur. Sinus autem multo muco fertiles eum evacuant pro vario hominis situ, ut semper aliquis sinus se liberare possit, sive erectum caput sit, sive antrorsum declive, sive in latus recumbat, ut tamen omnino maxillaris sinus, & sphenoideus difficilior evacuentur. Sed & lacrimae per proprium



prium canale in nares descendunt, eas humectant, mucum diluunt.

CCCCLXVI. Naribus extremis nasus praefectus est, simili intus membrana vestitus, officulis duobus, cartilaginibus fere sex compositus, quarum duae continuantur medio septo CCCCLX. Nasus per suos musculos mobilis est, ut a musculo cum labro superiori communi elevari & dilatari, a compressore proprio, & a depresso, & a septi medii detractore arctior reddi queat. Ita in aërem exit organum, & occurrit odoribus, & potest pro copia majori aeris forbenda dilatari, dumque ea abundantia expellitur, vicissim claudi.

CCCCLXVII. Itaque aër plenus effluviis corporum, tenuissimis, invisibilibus, oleosis, & falsis, volatilibus, per inspirationis vires [CCLXXXII.] in nares receptus, eas particulas adducit ad nervos late nudos, semper molles. Ab iis excitatur in his nervis tactus species, quae *olfactus* vocatur, & cujus ope varia genera oleorum saliumque distinguuntur, confuso sensu, aegre ad classes reducibili, aegre in memoriam revocabili, sed hactenus ad usus nostros sufficiente. Sensus monet de noxia putredine, de acrimonia ni-

mia, de utili blandaque natura. Et, cum sal cum oleo saporis objectum sit, & oleum etiam cum sale odores efficiat, adfinitas intelligitur utriusque sensus, quam conjuncta utriusque utilitas poscebat. Sed volatilia magis olfactus, fixa potius sapor distinguit, forte quod multa mucosa epidermis, quae linguam obducit, impediat efficaciam salium teneriorum, qui nervos minus tectos & molliores narium facilius adficiunt.

CCCCLXVIII. Magna, sed brevis vis est odorum, cum tenuissimae particulae nudis nervis in tanta cerebri vicinia adplicentur. Inde venenata vis, & recreabilis odorum, quibus homines in deliquio animi languentes, aut submersi, efficaciter revocantur. Inde vehementissima ab acribus sternutatio: alvus mollita a purgantis medicamenti odore: vis antipathiae. Inde nimiae sternutationis perniciosi eventus, & imprimis caecitas, in tanta societate nervorum. Inter narium vero partes varias septum imprimis, & ossa turbinate, ad organum olfactus spectant, cum ista in animalibus sagacibus multiplicentur, & in quadrupedibus in pulcherrimas spiras, in piscibus in laminae parallelas, eleganter pectinatas, formantur.

## CAP. XVII.

## A U D I T U S.

CCCCLXVIII. Olfactus corpuscula in aëre obvolitantia distinguit, auditus aëris ipsius elastici tremorem. Quare diversa ratione a reliquis sensuum organis factum auditus sensorium magna ex parte aut elasticis cartilagineis, aut durissimis ossibus factum est, ut tremorem receptum exquisite redderet.

CCCCLXX. Externum organum hujus sensus *auricula* est, cartilago nempe per fortem cellulosam telam, & ligamenta propria antè, & postè ad os temporum, cum mobilitate revincta. Cartilaginis figura composita est. Eminentia extima, *Helix*, superius a ligula libera incipiens, gyro circumducto in liberam pariter cartilaginem terminatur. Infra eam *anthelix* bifida eminentia in unum, priori contentum monticulum, & brevem linguam definit, quae dicitur *Antitragus*. Reliqua pars auris antrorsum cava, postè convexa, sensim profundior, media linea percursa, *conchae* nomine cum auditorio meatu connectitur, quem rotunda fere appendice mobili protegit, *Tragi* nomine.

ne. Tota haec auricula cute tenui, & macilenta cellulositate unice obducitur, multasque habet sebaceas obungentes glandulas. Eam muscoli regunt, plerumque ex consuetudine, modoque vincendi, inutiles, quos aequum est creditu, a natura propria officia nactos esse. Superior tenuis a frontali & ab aponeurosi cranii ortus, latus innatat temporalis musculi aponeurosi, & auriculae infigitur, ad sedem cavitatis innominatae. Posteriores duo, tres, pluresve aut pauciores, magis robusti, fere transversi, & ab ea aponeurosi orti, & ab osse mastoideo, conchae convexae innissi, hanc procul dubio aperiunt. Anterior minimus est, innatat & ipse aponeurosi musculi temporalis, & fere transversim inferitur helici origini. Sed minores carnes, breves, aegre conspicuae, rubellae tamen, aliquid forte in auricula mutant. Transversus auriculae, longe conjungens helicem anthelici, aperit auriculam. Antitragicus ab anthelici radice ad antitragum descendens, laxat conchae aditum. Tragicus incumbens trago, aperturam dilatat. Musculus incisurae majoris, inter duas meatus cartilagineas medius, eas adducit, & meatum reddit magis elasticum. Reliqui, major & longus helici musculus, & minor, vix quidquam magni possunt.

possunt. Aliquid forte conferunt, quoties acutius audituri debilem sonum, tendimus organum auditus, & meatum auditorium duriores reddimus adductis cartilaginibus.

CCCCLXXI. Concha connexum sibi habet *auditorium meatum*, teretem, compressum, introrsum inclinatum, eundo gracilescens, in medio antrorsum flexum, magna parte osseum. Anterius tamen & exterius sit partim imperfectis tribus anulis, a concha & a trago ortis, inter se connexis & carne & membrana & media cartilagine, & ultimo ossi ipsi innatis. Superius & posterius meatus nuda membrana perficitur. Ita in adulto homine idem se habet, nam fetui & recens nato unice cartilagineus meatus est, ossea vero pars sensim subnascitur.

CCCCLXXII. In hunc auditorium meatum continuatur epidermis, & cutis vera, sensim extenuata, super os accurate tensa, hinc ad pruritus, voluptatem, dolorem perinde sensilissima, pilis plena irritabilibus, qui moneant de congesta forde, irrepente infecto. In cellulosa vero tela duriuscula, quasi reticulata, maxime partis membranae CCCCLXXI. numerosi sedent folliculi flavi,

rotundi, qui brevi ductu in caveam meatus auditorii liquidum deponunt, primo pingue, deinde sensim spissius, amarius, ardens, quod oblinit sensilem cutem tympanique membranam, & ab aere tuctur, & infecta fugat & retinet, collectum vero in sordidis & pigris hominibus surditatem facit.

CCCCCLXXIII. In istam auriculam incidunt undae sonorae aeris, quas ex physicis recipere necesse est. Aer elasticus recipit tremores sonoros, & transfert vel solus, vel primario, si omnino aqua absque aere tremores perfert. Hinc in aëre compresso sonorum vis intenditur, in vacuo exspirat. Habet autem eos tremores vel a corpore contra aërem moto, vel a corpore, contra quod ipse movetur, vel a corporibus inter se collisis. Oportet autem, ut id corpus, quod sonum producit, in omnibus suis, etiam minimis particulis, contremiscat & oscillet. Hic tremor inpellit undam aeris proximam, sic anterior aeris pars compressa, quamprimum elater impulsus superat, resilit, retroagit aërem versus corpus sonorum, ubi aer nunc laxior & rarior est, idque comprimit; & eadem anteriorem aeris vicinam portionem perinde inpellit, ut erat a corpore tremulo compressa;



pressa; quae & ipsa resiliens suo tempore, & retrorsum ad corpus tremulum aerem repellit, & antrorsum, ut novam undam concitet. Ita oscillationes oportet velociter sibi succedere, ut exaudiri possint, neque rariores esse in minuto secundo, quam triginta. Prouti vero in dato tempore frequentiores sunt, eo sonus quisquis acutior vocatur, idemque fortius nos adficit, donec is inter audibiles sonos acutissimus sit, qui 7520. in minuto secundo tremores habet.

CCCCLXXIV. Sonos acutiores in universum reddunt corpora duriora, fragilia, vehementer percussa, graves contraria. Medium inter acutos & graves sonos nullum est, vel arbitrarium. *Unisonae* dicuntur chordae, vel quaecunque corpora, quae eundem numerum oscillationum in dato tempore producant. Octava distant, quarum una duplo plures quam altera oscillationes facit. Aliae rationes alia nomina habent. Acutissimos sonos chordae brevissimae producant, & contra, in ratione inversa longitudinum. Acutiores etiam, quae magis tensae, in ratione subduplicata tensionum, sive ponderum tendentium. Experimenta in monochor-

nochordo facillime fiunt, aut chordarum systemate, quae ponderibus tenduntur.

CCCCLXXV. Quicumque sit sonus, acutus vel gravis, debilis fortisve, celeritate ea per aerem fertur, ut fere 1038. pedes parisinos in aere percurrat in minuto secundo, constante velocitate, nec in magnis distantis remittente. Ventus contrarius, ut multo lentior, paulum soni iter retardat, & fere duodecima parte totius velocitatis. Sic aeris densitas & siccitas sonos auget, laxitas, humiditas minuit. Calor aestivus celeritatem auget. In Guyana sonus 1098. pedes intra idem secundum minutum percurrit.

CCCCLXXVI. Sonus omnis in omnibus vicinis corporibus, etiam in aqua & mercurio, particulas reperit, quas ad similem tremorem excitat, non unisonas solas, quae evidenter equidem sonum reddunt, sed etiam alias, aliisque rationibus contremiscentes. Hinc omnis sonus, quem audimus, mistus est ex primitivo sono, qui ex tremente corpore nascitur, & ex secundis, quos ambeuntia corpora elastico tremore mota generant. Augetur robur soni, si ita celeriter primario sono secundi successerint, ut ab aure distingu

gui nequeant; Echo oritur, si adeo tarde, ut auris eos separet: id vero requirit minuta tertia horae fere sex, five centum & decem pedum distantiam, inter corpus sonum red- dens, & aurem.

CCCCLXXVII. Sonus ad angulos aequales angulis incidentiae resilit a duris corporibus. Idem emissus in liberum aerem per vastissimam sphaeram diffusus debilitatur, in cylindro promotus robur retinet, in focum ellipseos collectus augetur, exemplo tubae stentoreae, ex foco parabolae exeuns parallelis, neque dispersis radiis exit.

CCCCLXXVIII. Quare undae sonorae per aerem impulsae auriculam nostram, alto loco positam, & naturaliter antrorsum, extrorsum, exstantem, feriunt: ab ea, quae elastica sit, reperiuntur, & alternis reflexionibus colliguntur in concham, inque meatum auditorium, tanto robustiores ibi, quanto auriculae superficies lumine meatus amplior est. Per eum meatum, utcumque cylindricum, conservati introrsum pergunt, aucti novis sonis, quos elasticae cartilagines, & dura ossa percussa excitant, & cum primitivo sono confundunt.

CCCCLXXVIII. Sed meatus auditorii finem internum terminat *membrana tympani*, in adulto oblique adposita, subrotunda, sed cum superiori appendice, introrsum ita prominens clypei modo, ut pars supra mediam a meatu cava in umbonem ad caveam tympani protuberet. Hujus membranae laminae plures sunt. Prima alba, inucosa non satis vera membrana. Inde epidermis: tunc vera cutis, continua membranae meatus, vasculosa. Tertia sicca, strepens, splendida & pellucida, & exsanguis. Intima est vasculosum periosteum tympani. Intercedunt tenerae cellulosae telae. Nullo, quantum ullo modo invenire potui, foramine naturaliter pervia est, & fabulosa est fumi transmissio. Ita perpetuo tenditur in fulco anuli, quo continetur, ut nihil in corpore humano magis aut tensum, aut tremulum reperias. In eam membranam, & maxime in conicam cavitatem introrsum ducentem, illidunt undae sonorae, post ultimam in meatu auditorio reflexionem, & elasticam ejus naturam oscillare cogunt.

CCCCLXXX. Praetenditur ea membrana caveae ossis petrosi, quae *tympanum* dicitur, figurae utcunque subrotundae, sed difformis.

Eam

Eam medium promontorium bipertit: & posterius adfidentes in adulto homine cellulae mastoideae augent, quae fetui nullae sunt. Sed & anterius & superius tympanum cellulosum est. Membrana vasculosa obducitur, cujus ramuli sunt a carotide interna, a ramo meningae, qui per fissuram aquaeductus subit, a tympanicis externis, a stylo-mastoidea. Mucoplenum esse solet, quem tuba fundit. Membranis variis in cellulas quasi dividitur.

CCCCCLXXXI. In hac cavea *officula auditus* tria majora, quartum minus ponuntur. Et *malleus* quidem capite suo superiori, rotundo, sedet in lacunare tympani. Inde manubrium longum, secundum tympani membranam, inter lamellam siccam, & eam quae ad tympanum pertinet, ad medium descendit, accurate innexum, sine inprimis lato, extrorsum curvulo. Idem praeterea proprio una cum crure longiori incudis ligamento sustinetur: alia membrana prope processum longissimum malleum firmat. Super manubrium brevior conicusque processus membranam tympani extrorsum inpellit. Ex eadem sede antrorsum, in sulcum tubae, processus exit, longissimus, compressus, latiusculus. Cum incude malleus articulatur capitis duabus lineis

neis eminentibus, medio fulco, obliquis omnibus.

CCCCLXXXII. Tres in malleo muscoli vulgo describuntur. Primus *internus*, *tensor tympani*, maximus, tubae in proprio fulco insidet, cui parallelus incedit, & circa trochleam reflexo extrorsum tendine inferitur initio manubrii. *Alter* a fulco etiam tubae adjecto, sed externus, brevior, eadem fere ratione retrorsum ductus, sed absque reflexione, longe innascitur processui longissimo, & ipse suspectus, neque a pulposa rubra membrana fatis diversus. *Tertius*, quem a meatu auditorio oriri, per sulcum interrupti anuli tympanum subire, juxta processum brevioris mallei inferi, & membranam laxare dicunt, neque a me, neque a clarissimis viris fatis certo visus est. Caeterum tensor, mallei ope, membranam tympani ad audiendos sonos debiles praeparat, alter, si adest nimios sonos moderatur, dum malleum ab incude abducit, propagationem adeo tremoris sonori interrupt. Rupta tympani membrana, officulis loco motis, auditus primo gravis, deinde perfecta surditas succedit, ea parte auditus reliqua, quae per ossa cranii propagatur.



CCCCLXXXIII. Malleus inpressos a membrana tympani tremores reddit *incudi*, ossiculo breviori, crassiori, posterius sibi lata superficie duobusque fulcis, & media eminentia coarticulato. Hujus ex brevi corpore fissae crus brevius, incisum, ex ligamento suspensum, firmatur in sulco ossis proprio. Longius descendit, parallelum malleo, & sine introrsum curvulo adaptatum, recipit ossiculum quartum, hinc convexum, inde planius, & infidet stapedi, cui tremores suos inperit.

CCCCLXXXIII. *Stapes*, apte ex figura dictus, capitulo cavo, quod incudem recipit, cruculis curvulis, sed posteriori magis, basi ovali, sed inferius rectiori, inclinatus jacet, & basi replet foramen sibi congruens, quod *fenestram ovalem* vocare solent. Crura intus sulcata junguntur membrana densa, cavulae basi adfixa. Regitur stapes musculo suo, qui in ossea papilla inclusus, tendinem emittit exiguum, capiti stapedis sub incude insertum. Ita stapedem adtrahere videtur, ut posterius fenestram ovalem altius subeat, antea ex ea exeat: ita & a basi stapedis premittitur nervea pulpa vestibuli, & ab aere tympani. Tota sedes stapedis membranula propria a reliquo tympano separatur.

CCCCLXXXV. Varii ex tympani cavea canales exeunt. Major est, qui ab anteriori termino antrorsum prodeuns, inter os multiforme & temporum ex ossibus emergit, & respondet in ellipticum divergentem conum, partim duabus cartilaginibus fultum, partim membraneum, qui retro nares in faucium caveam patet elliptico amplissimo sine, introrsum & antrorsum verso: in eum membrana subit porosa, cryptis plena, narium membranae continua & similis. Haec *tuba* est, quam adpositi muscoli tumendo compri-  
mere, circumflexus palati mobilis forte laxare paulum potest & aperire. Per hunc canalem aer inspiranti in tympanum subit, & renovatur, & mucus ossiculis defensus circumfunditur. Neque repugnat, cedere per tubam aerem, dum soni fortes tympanum introrsum premunt. Sonos etiam ore receptos, ad auditus organum ducit. Inspiranti membranam tympani aer extrorsum premit. Inde in oscitante bombus & obscurior auditus: aer enim majori copia in tubam tympanumque receptus, resistit tremoribus externi aeris.

CCCCLXXXVI. Alii duo exitus ex tympano ducunt ad *labyrinthum*, sive auris interna, Et *fenestra* quidem *ovalis* (CCCCLXXXIV.)  
nulla

nulla membrana tecta, ducit in *Vestibulum*, rotundam nempe cavitatem, petroso ossi praeduro insculptam, quae interior tympano adjacet. In eam aperiuntur quinque ostia trium *canalium semicircularium*. Hi in fetu distincta duraque testa facti, quam ambit spongiosum os, in adulto inscripti durissimo petroso ossi, semicirculo paulo majores, ostio sunt ampliori. Eorum major, posterior, inferior, perpendicularis est; medius, superior, ad perpendiculum etiam positus; externus, idemque minimus & horizontalis. Ostium superioris internum cum superiore posterioris in unum conveniunt.

CCCCLXXXVII. Magis adhuc admirabilis est cochlea, quae in anteriori parte ossis petrosi inclinata sedet. In ejus alteram cavitatem vestibulum patet, in alteram *fenestra tympani rotunda*, quae in imo tympano, protecta promontorio, recondita ponitur. Ipsa cochlea fit ex nucleo osseo, conico, apice suo introrsum inclinato, medio sulco diviso, & in basi, & per omnem longitudinem, numerosis foraminulis perforato, in tubos, qui dicuntur *scalae*. Circa hunc nucleum canalis in fetu distinctus, & propria testa factus, in adulto homine cum vicino osse con-

na-

natus, circumvolvitur duabus spiris cum dimidia, conice a duobus modo dictis orificiis versus apicem nuclei diminutus. Hic canalis bilocularis est, & septo dividitur, quod *laminam spiralem* vocant. Id parte majori osseum est, &, ex nucleo enatum, ad rectos angulos in cavum canalem producit, striatum, undique periosteo interno tamquam vagina inclusum. Pars alia, exterior, membrana est, quae porro canalem dividit. Ita duo semicanales distinguuntur, quos *scalas* vocant. Eorum interior, posterior, a fenestra rotunda incipit, membrana ibi clausus, alter anterior a vestibulo. In apice cochleae, ex nucleo, tertia cavitas infundibuli modo nascitur, quae cum scalae exiguo utrinque foramine communicat, multis autem cum modiolii cavea, quae nervo plena est.

CCCCLXXXVIII. Vasa organi auditus externi ad auriculam sunt a temporali, ab auriculari propria; ad membranam tympani vel a stylo mastoidea, vel a temporali, vel ab utraque; ad meatum auditorium ab his ipsis; ad tympanum qualia dicta sunt n. CCCCLXXX. ad vestibulum, canales semicirculares, & cochleam a vertebrali, a stylo mastoidea.

CCCCLXXXVIII.

CCCCCLXXXVIII. Superest, ut nervos describamus, qui auditui praeficiuntur. Princeps est, quem *septimum* vocant (CCCLXXI.). Hic in sinum auditorium internum ossis petrosi subit, & in ejus caeco fine dividitur. Et minor quidem nervi pars per superius in sinu foramen canalem subit, transversum, deinde retro tympanum flexum. Dum ibi descendit, ramum per proprium canalem in tympanum mittit, qui inter malleum & incudem adscendens, per fissuram, retro articulationem maxillae inferioris, exit tympano, & in nervum lingualem se inmittit (CCCCXXXXVIII.), ut arcanae hujus commissurae obscura causa sit, manifesto autem sequatur consensus dentium cum sonis acutis cum unctionibus auriculae &c. Reliquus nervus, elapsus ad latus processus styloformis, per auriculam, parotidem, magnam partem faciei, & supremi colli, & cutaneus & muscularis distribuitur, & in facie numerosas inter se, & cum Primo & Secundo, & Tertio Quinti ramo, & cum octavo, & cervicali tertio anastomoses habet. Ad organum auditus vel nullos, vel exiguos ramos mittit. Auricula vero alios etiam nervos habet anteriores a tertio Quinti, posteriores a secundo & tertio cervicalium.

CCCCCLXXXX. Sed *mollis ramus*, major & obscurior, ex ipso ventriculo quarto ortus (CCCCCLXXI.) valde minutis filamentis, per subtilissima in intimo sinu auditorio foramina partim vestibulum subit, partim ad cochleae sulcum. Et illi quidem rami in vestibulo pulposam tenerriam membranam efficiunt, quae per canales semicirculares undique continuatur. Alter, qui cochleae sulcum adit, obscurum finem habet.

CCCCCLXXXI. De eo nervo, qui vestibulum & canales semicirculares adit, minime dubium est, quin feriat a tremoribus aeris externi ad stapedem propagatis, qui per fenestram ovalem pulsam nudi nervi contingunt. Quae pars cochleam adit, ea tota obscurior est. Probabile fit, ramulos inde erumpere per foraminula (CCCCCLXXXVII.) & periossteum cochleae adire, & laminae spiralis partem membraneam. An omnino filamenta nervea, transversa, ex nucleo cochleae per laminam spiralem exeunt, successive breviora? An id organum auditus est? Anatome vix eo pervenit, & repugnare videtur animalium exemplum ex avium, pisciumque genere, quae absque cochlea accurate audiunt. Utcunque id se habeat, spiralem tamen lamina

minam, nervis plenam, in tremorem agi probabile fit, a membranae tympani oscillatione, quae aerem cavi tympani exagitat, ut fenestrae rotundae membranam feriat, haec cochleae internum aerem.

CCCCLXXXII. Elegans conjectura est, cum lamina spiralis verum triangulum sit, cui peracutus in vertice angulus est, innumeras in ea lamina cogitari posse chordas, continuo breviores, quae adeo ad sonos varie acutos, & graves, harmonice consonent (CCCCLXXXIII.) ut numerosissimis sonis contremiscant, longissimae nempe in basi cochleae cum gravibus, brevissimae, & apici propiores, cum acutis. An in canalibus semicircularibus mediis sonus percipitur? Sed eos legimus desiderari in elephante.

CCCCLXXXIII. Ad nervos auditivos tremores elasticos aeris adparet venire, per auriculam, meatum auditorium, tympani membranam; inde divisa via, accuratius per contigua ossicula in vestibulum: confusius neque absque jactura roboris, in illo copioso tympani mucos, per aerem tympani, in fenestram rotundam & cochleam. Ultra nihil scitur. Sed, per certa experimenta, tremor etiam fo-



norus elasticus & per tubam, & per dentes, & denique per omnia ossa cranii nervo auditivo efficaciam suam inprimit. Distinctio sonorum procul dubio pendet a velocitate tremorum in nervo acustico, sibi in brevi tempore frequentius aut tardius succedentium. Eos non necesse est numerari ab anima, sufficit alias & alias mutationes in cogitatione excitari, uti is numerus alius est. An gratia sonorum a consonantiarum numero? an anima, sui nescia, numerat consonantiarum gradus, & in earum facilitate & frequentia sibi placet? Negant expertissimi musici, & gratiam sonis minime consonantibus, & in difficili proportionibus positis, plurimam inesse confirmant. Quare intolerabiles soni nimis acuti? Videntur nervulos nostros in lamina spirali ita tendere, ut etiam rumpantur, exemplo scyphorum, quos acutior sonus frangit, & sibilorum acutissimorum, quos reddunt incolae Canariensium insularum, & a quibus auditus fere perit.

## CAP. XVIII.

## V I S U S.

CCCCLXXXIV. Auditus aeris tremores percipit, visus luminis. Illius organum osseum est, quod resonet, hujus major pars in humoribus ponitur, qui refringant. Compositam vero naturam fecit necessaria defensio tenerrimorum organorum, multiplex humorum series, suis continenda involucris.

CCCCLXXXV. Extimam tutelam oculo praestat *supercilium*, tumor cutis musculis fultus, in ima fronte, plenus pilis densis, imbricatis, quem, & una frontalem muscolum, corrugator & orbicularis deorsum ducere, & in luce nimia umbram oculo superponere possunt. Ubi supercilium officio functum est, elevatur ab inserto frontali musculo, tenui, carnosio, cuti continuo subiecto, ad galeam aponeuroticam cranii firmato, quam ipsam longe quadrangularis occipitis musculus versus posteriora detrahit. Curam praeterea detractio supercilii, elevatio tranquillitatem & serenitatem animi designat. Sudoris flumen ab oculo avertit, insecta retinet.

CCCCLXXXVI.

CCCCLXXXVI. Propius praesunt oculo *palpebrae*: plicae cutaneae, quas cutis faciei efficit, tenerior facta, in aciem procurrens, contra se ipsam revoluta, & vestigia relegens prioris laminae, a qua cellulositate aliqua separatur, indeque jam membranea, vasculosa, hinc rubra, tenuis, ante oculi globum ducta, & insternitur anterieus scleroticac cum *conjunctivae* nomine, & denique corneae. Epidermis eam ubique sequitur, etiam ubi corneae tunicae adglutinatur. Superior palpebra major, mobilior, inferior parva, obsequiosa potius est, quam propriis viribus mobilis. Sensilitatem palpebris nervi praestant numerosi a primo quinti paris, & a secundo & a duro septimi ramo. Arteriae copiosissimae sunt, ab ophthalmicis, temporalibus, maxillaris internae ramis, infraorbitalibus, facialibus.

CCCCLXXXVII. Ut accuratius palpebrae claudantur, habet utraque in eo margine, quo se contingunt, cartilagineum arcum, qui *tarsus* dicitur, gracilem, lunatum, extorsum gracilem, qui tendit palpebram, ne plicas agat, dum aut elevatur, aut deprimatur. Priorem motum in palpebra superiori proprius musculus perficit, ortus a dura mem-

membrana, ubi a nervo optico in periosteum orbitae degenerat, sensim latefcens, ad tarsum expansione sua productus. Adjuvat insigniter frontalis, varie orbiculari innexus, eumque sursum distensurus. Deducit superiorem palpebram *orbicularis*, ut vocant, latus musculus, late & orbitae circumpositus, & palpebris instratus, ad utrumque angulum oculi circumductus, cui pro fixo puncto ligamentum est, innatum ossi frontis, ubi cum maxillari conjungitur, tum fibrae sunt, ossi frontis & proximo ossi maxillae insertae. Inferiorem palpebram idem elevat, oculumque ita obvolvitur, ut ab omni luce in somno, & ab omni illapsura sorde defendatur. Inferiorem palpebram depriimit duplex fibrarum fasciculus, superiori labro insertus. Denique, ne tumidulus margo palpebrae malignius coniveat, *cilia* habet, pilos nempe extrorsum rapandos, ex margine palpebrarum multiplici ordine exeuntes, qui decussati umbram & obscuritatem augent. His usus est in accuratiori visione, ubi puram imaginem quaerimus, a qua extranei radii excludantur.

CCCCLXXXVIII. Ne collisae palpebrae doleant, faciunt *Meibomianae glandulae sebaceae*: intestinula in utraque palpebra triginta &

& ultra, in universum secundum longitudinem palpebrae ordinata, nonnunquam ramosa, ex peculiaribus caecis sinubus composita, qui in unum majorem, serpentinum, ductum consentiunt, cui osculum in ipso margine palpebrae est. Sebum excernunt, molle, inungens, quod lacrumis commistum abstergitur.

CCCCCLXXXVIII. Sed perpetuam a palpebris ante oculum adscendentibus & descendentibus factam confrictionem tollit, teneritatem membranae corneae conservat, insecta & illapsa corpuscula acria eluit *lacruma*: liquor salis, pellucens, evaporabilis, qui nunquam non super oculi anteriorem faciem effunditur, super genas autem non defluit, nisi per proprias causas collectus. Eum partim arteriae conjunctivae tunicae exhalant, argumento injectionis aquosae naturam imitantis: partim creditur deponere glandula, in recessu cavo ossis frontalis posita, conglomerata, duriuscula, pinguedine mista, multis ab ophthalmica, a maxillari interna vasculis picta, multisque percursa nervis, a proprio ramo primi trunci Quinti paris ortis. Ab ea glandula *lacrumali* in bove ductus conspicui tres, quatuor, sex & ultra descendunt, aperiuntur

in facie interna conjunctivae palpebralis. In homine nondum satis certo, neque mihi unquam visi sunt. Secretionem lacrumarum auget contractio musculi orbicularis frequentior, ab irritatione, ab adfectu tristi, idemque lacrumam, super oculum omnem diducit, & conjunctivae superficiem eluit.

D. Officio functa lacruma, cujus pars ab aere abstersa avolat, reliqua, ne in inmensum aucta noceat, propellitur ab orbiculari musculo ad ejus originem, quae propior naso est, & ad partem commissurae palpebrarum intimam, quam nullus tarsus adit, non perinde ergo conniventem. Ibi *caruncula*, sebaceis, piliferis folliculis plena, oblonga, palpebris se interponit, & separat coituras, & oblitit sebo suo partem palpebrarum, quae absque ductibus Meibomianis est. Ante eam tertia quasi palpebra, exigua, ad perpendiculum descendit, utramque veram palpebram conjungit. Ad principia vero hujus spatii palpebris interpositi, quo lacruma colligitur, in margine utroque eminent papilla, in qua foramen unum est, callosa carne circumdatum, perpetuo, nisi convulsive claudatur, apertum. Hoc foramen, quod *punctum lacrumale* dicitur, haurit lacrumam ex loco, in quo stagnat, tum

tum tractione, tum impulsione ab eodem musculo continuata. Si haustum obstructum fuerit, lacruma genam inundat, excoriat.

DI. Ab eo puncto ductus proprius, multo latior, tenuis, in cute inclusus, super carunculam, & alter magis transversus sub ea introrsum migrat, qui ad se invicem adcedunt, & duobus ostiis se inmittunt *sacco lacrumali*, non penitus summo. Ita cavea vocatur, in ossis unguis & maxillae sulco inscripta, vestita primo ligamentosa membrana, deinde altera rubra, pulposa, a narium tunica continuata, exhalanti rori pervia, figura paulum ovali. Ab eo sacco continuus ductus lacrumalis paulum retrorsum descendit in nares, & in inum meatum, tectus osse spongioso infimo, aperitur foramine oblique oblongo. Eo lacruma superflua descendit, & nares ex parte irrorat CCCCLXV. Musculum nonnulli tribuunt, non satis confirmatum.

DII. *Oculus* globosus, anterieus compressus, non tamen eodem semper modo, longior paulum quam latus, ponitur in orbita, osseo cavo, fere conico, ex septem ossibus conposito, posterius & exterius magnis fissuris interrupto, antrosum latescente, a quo undique



undique defenditur. Cum vero oculo amplius fit, multa undique globus oculi circumfusus pinguedine, mollissima, cum mobilitate caveam replet.

DIII. Princeps oculi nervus est, ex cujus tunicis oculi tunicae componuntur. Originem diximus CCCLXXI. Progressus trans crus cerebri, ad conparem alterni lateris accedit, & multa medullari substantia longe cum eo cohaeret, ut tamen non misceatur, sed dexter dextrum, sinister sinistrum oculum adeat, per certa experimenta. Subit ergo orbitam, paulum flexuosus, teres sed compressus, & parti non mediae globosi oculi, sed naso paulo propius inseritur.

DIIII. Ubi oculum adtigit, durae matris suae internam laminam, in foramine sphenoidis ossis acceptam, exuit, & pro primo involucri oculo circumponit, crassiore factam, vocant *scleroticam*. Altera lamina, externa, durae matris, secedens, orbitae periosteum facit. Pia vero, in hoc nervo distincta, vasculosa, intus scleroticam oblinat, fusca tota, & tenuis. Reliqua, medullosa, pars intima nervi, cerebro continua, sed cellulosis septulis distincta, contrahitur in conicam papillam, albam,

albam, depressam: ea, per foramina circuli albi choroideae penetrans, iterum expansa, intimam oculi membranam, *retinam* gignit.

DV. *Scleroticae* in universum alba, parum vasculosa, tenax, stipata, cuti similis natura est, figura satis perfecte globosa, antè tamen compressa, crassities postèrius major: Ei antèrius orbiculari foramine pertusae praeponitur, oblique adfixa, pars magis convexa, pellucida, multis facta laminis, aqua pellucida ebriis, vasis aegerrime demonstrabilibus, sensilis, circularis fere, sed tamen ad nasum circularis, ad tempora ovata, *Corneam* vocant, per quam lux ad intima oculi admittitur. Ea aquam avide inbibit, iterumque exsudat. Ante anteriorem, planiorem, partem scleroticae, & ante corneam, conjunctiva a palpebris demittitur, & cellulosa propria, inflabili, cum sclerotica conjungitur CCCCLXXXVI. plena vasis partim rubris, partim continuis cum rubris, sed pellucidis.

DVI. *Choroideae* initium est albus circulus, substantiam nervi optici terminans, ubi ex eo retina & arteria retinae centralis exit, perforatus multis foraminibus. Inde concentrica expanditur intra scleroticam, cum qua & cellulosa

lulosa aliqua forte tela, & multis vasis conjungitur, quae ab ea ad choroideam veniunt. Extus fusca, intus sature pulla, & pene nigra est, ut utramque superficiem maceratione separare, & interiorem a RUYSCHIO nominare possis, per aetatem vero exalbescit. Ubi ad originem pellucidae corneae pervenit, multa ibi cum sclerotica cellulosa tela accurate conjungitur, albi fere circuli, quem *orbiculum ciliarem* vocamus, specie, & porro aliam in directionem abit. Quae nempe sphaerice expandebatur, nunc subtendit corneae arcum circulo, paulum antrorsum convexo, imperfecto, cum de eo medio circulus parallelus ablatus sit, quod foramen *pupilla* dicitur, propior naso, & ad tempora major. Hic anulus antè *Iris* vocatur, posteriori superficie, quam ab anteriori maceratio separat, ob pigmentum nigrum, quo obducitur, *uvea* nominatur. In utraque facie numerosae striae adparent, radiatae, ramosae, coloris varii in varietate hominum. Orbiculares fibras, concentricas pupillae, neque oculus, neque microscopium, ne in bove quidem mihi demonstravit, sed unice in uvea circulum internum obscurioribus radiis distinctum. In fetu humano & pullo pupilla clausa est, & iris producta perfectum circulum absolvit. Pars ejus pupillae

X

ob-

obducta perinde vasculosa est. Inde sensum retrahitur, evanescit, radiis iter liberius relinquit.

DVII. Retro uveam, ab eodem circulo, in quo choroidea cum sclerotica cohaeret, exterius quam cornea, striae crassae, eleganter plicatae, ex choroidea ortae, albae, vasis substratae sibi parallelis, sine pendulo plumolo, laxa & tenui retina conjunctae, multo nigro pigmento undique obductae, ad modum perforati anuli introrsum de choroidea tunica secedunt, & incumbunt vitreo humori, & denique lentis capsulae adhaerent, *ciliarium ligamentorum* nomine. Pigmenti origo ignoratur, neque repertae sunt, quas aliqui posuerant, secretrices glandulae.

DVIII. Sed *Retina*, vera continuatio medullae nervi optici, hinc tenerrima, mucosa, diffilabilis, intra choroideam in similem concentricam choroideae sphaeram expanditur, & proxime amplectitur corpus vitreum. Ubi vero retina ad processus ciliares pervenit, sequitur eorum ductum, estque arteriolis eorum striisque pro fundamento, & ad lentem properat, in hujus capsulam innata, & huic obducta, si fides quorundam experimentis ha-

beri potest. Plicas in retina radiatas potius, quam fibras distinguo. Vasa, quae multa, etiam rubentia habet, & nerveam albam substantiam sparsa contegunt, a recentibus aromaticis pro propria membrana habentur.

DVIII. Has, bulbosae radices similes, tunicas fulciunt, & sphaericam figuram oculi conservant *humores*, quorum unus solidum corpus refert, molle alter, & tertius verum liquorem. Ergo retinae primo cavam faciem undique replet, praecipuus humorum, *vitreus*; Huic in propria, tenui, membrana, pellucida, cellulosa fabrica est, in cujus membranosis intervallis pellucidissimus, & ne in senio quidem facile degenerabilis, liquor continetur; ad ignem perfecte difflabilis, aqueo congener, paulo aqua densior. Vasa, in oculo manifesta, sunt ex retinae vasis.

DX. Sed antè, retro uveam, vitreum corpus depressionem orbiculatam habet, satis profundam, quae sinu suo *lentem crystallinam* recipit, etiam minus bene humoribus accensam. Huic figura ex duabus portionibus convexitatis ellipticae composita, anterior planior, posterior magis gibba est. Fabrica ex laminis sibi succedentibus est, quas ipsas elegantissi-

X

me figuratae fibrae, suo intortu componunt. Inter folia lentis continetur liquor etiam pellucidus, sed per senium naturaliter in flavum colorem abiturus. Intimae laminae propius sibi incumbunt, & quemdam quasi duriores nucleum lentis constituunt. Vasa sunt a retina, perforantia vitreum humorem, claris viris dicta, & a venis comitibus ligamenti ciliaris DVII. Tota vero lens continetur firma, elastica, crassa, anterieus firniori pellucida membrana, quam posterius uvea tunica oblinet, & circumjecti processus ciliares sustinent DVII. Circulus cellulosis lentem circumdat, qui fit a vitrea membrana, quae & posterius paulum, & anterieus capsulae crystallinae lentis adnascitur, ita enim spatium fit, quod flatu recepto anulum exprimit.

**DXI:** Denique in exiguo triangulari curvilineo spatio inter uveam & lentem, & in majori illo segmento cauae sphaerae, quod inter iridem & corneam est, *humor aqueus*, fluidissimus, pellucidissimus, effusus natat, post effusionem reparabilis. Exhalare videtur ex arteriis iridis, uveae, processuum ciliarium, resorberi in venas similes, & aliqua  
pars

pars in corneam resorbta per eam exhalat. Eodem liquore irrigatur uvea, & lentis capsula.

DXII. Ita fabricatus oculus musculos extus adnatos nactus est, quibus regitur. In circulo nempe scleroticae, qui proximus corneae est, quatuor recti muscoli inseruntur, orti a dura membrana optici nervi, ubi secedens a nervo, cum periosleo orbitae cohaeret, ex uno fere circulo, & circa bulbum oculi ventribus antrorsum euntes, terminati aponeurosibus suis confluentibus in alium circulum. Elevator minimus omnium est, abductor potius longissimus. Horum musculorum officium in singulis quidem manifestum est, cum circa convexum bulbum oculi, tanquam hypomochlion flectantur; necesse est ergo oculum elevare, deprimere, ad nasum ducere, & ad tempora. Deinde bini conjuncti possunt in diagonalem oculum convertere, sursum introrsum, sursum extrorsum, & sic porro. Denique, quando omnes quatuor recti muscoli una contrahuntur, vix videtur dubitari posse, quin oculum totum intra caput ad suam originem reducant, ita lentem ad retinam propius admoveant.

DXIII. Sed *obliqui* duo muscoli oculi magis composita fabrica sunt. Eorum *superior*,  
cum



cum rectis ortus, longior, gracilior, antrorsum venit ad sulcum ossi frontis insculptum, quem in foramen integrum perficit duplex ligamentum, cartilagineum utrinque, in medio excavatam, fere quadrangularem sustinens. Per hunc canalem transit tendo obliqui, & reflexus, retrorsum deorsum, vagina propria inclusus, retro rectos musculos in globum oculi inseritur. Eum antrorsum, quasi ex orbita, & sursum ducit, ut majorem campum visu comprehendat, pupillam deorsum introrsum convertit. Alter *obliquus minor* a sinu foraminis lacrumalis, in osse maxillae, proxime os unguis extrorsum adscendit circa oculi globum, & scleroticae suo tendine inseritur, retro externum rectum. Adparet partem suam oculi extrorsum deorsum, sic contrariam pupillam sursum ducere & introrsum.

**DXIV.** Sed alii subtiliores musculares motus in oculo peraguntur, qui ponunt nervorum cognitionem. Et de optico dictum est **DIII. DIIII.** Quartus unice obliquo majori, sextus recto externo providet. Tertius & Quintus oculi nervos praecipuos generant. Et Quinti quidem primus ramus, Ophthalmicus, edit ab ingressu orbitae nervum ad lacrumalem glandulam & palpebram, & cum  
secundo

secundo Quinti, & cum ramo temporali Terti Quinti conjunctum. Truncus vero orbitam lubeus in duos finditur. Superior, major, bifidus, ad frontem, palpebrasque consumitur. Sed inferior, supra nervum opticum introrsum abeuns, longum & tenue ad exteriora hujus nervi filamentum emittit, quod cum alio filamento tertii *Ganglion ophthalmicum* constituit. Idem porro dato nervo nasali recurrente CCCCLVIII. in varias partes interni anguli oculi consumitur.

DXV. Sed *Tertii paris* praecipua dignitas est, quod sursum quidem ad rectos oculi & palpebrae misso ramo, trunco sub optico nervo progreditur, & una tres emittit ramos, ad inferiorem, ad obliquum minorem, ad internum musculum: deinde vel prius ex trunco, vel nonnunquam ex ramo obliqui inferioris alium brevem, multo crassiorē, quam Quinti radix DXV. & nonnunquam solum, qui sub abducente musculo, in optico nervo, *ophthalmicum ganglion ovale* perpetuum efficit. Ex eo ganglio, & nonnunquam etiam a trunco Tertii, Quintive, quatuor vel quinque ciliares nervi flexuoso ductu circa opticum ludentes, globum oculi adeunt, perforant scleroticam pene mediam, cum arteriolis longiori-

ribus venisve, recti decurrunt per choroideam, & iridem conspicui adeunt, & processus, <sup>ut</sup> videtur, ciliares. Ab his nervis pendet manifesta primo iridis sensibilitas, quae ad omnem lucis majorem gradum constringitur, ad omnem minorem dilatatur, hinc etiam ad remota videnda latior, ad proxima angustior redditur. Dilatationis causa videtur remissio virium resistentium humori aqueo, argumento dilatationis, quae a debilitate, syncope, morte, succedit. Constrictio obscurior est, & forte unice pendet a fortiori adfluxu humorum in vasa decolora iridis, quo ea vasa extenduntur, & una iris longior redditur, majoremque partem pupillae claudit. In pueris evidentius movetur & constringitur pupilla, sensum in senis occalescente oculo pene immobilis redditur. Alii minimi nervuli, ex eodem ganglio nati, in sclerotica manent.

DXVI. Alter occultior & demonstrationem minus admittens motus est ciliarium processuum, qui (DVII.) incumbentes vitrei membranae fulcis, actione sua videntur id corpus retropellere, sic lentem antrorsum promovere, a retina longius separare. Quem alii Cl. viri sphincterem pupillae, aut corneae constrictorem posuerunt, aut quas alii suspicati sunt

sunt lentis crystallinae motrices fibras, anato-  
me non confirmat, neque lentis, & corneae  
in multis animalibus constans duritas ad-  
mittit.

DXVII. Ad historiam oculi pertinent prae-  
terea vasa hujus partis, quibus pulcherrima  
fabrica est. Oriuntur autem ea omnia, quae  
oculi proprias partes adeunt, ab *ophthalmi-  
ca* arteria, propagine internae carotidis CCC-  
XXXVI. Ea sub nervo optico erepens princi-  
pales ramos edit, ciliarem superiorem; infe-  
riorem, unam pluresve; lacrumalem, unde  
nasalis recurrens posterior, & arcus tarsei  
pars externa; muscularem inferiorem; nasa-  
lem anteriorem recurrentem; musculares su-  
periores; palpebralem, unde cum priori ra-  
mo arcus tarseus. Denique in faciem exit,  
ad frontem, nasumque & viciniam. Sed  
ophthalmicae rami, qui ad internum oculum  
pertinent, sunt ciliares posteriores, & me-  
diae, quae, ex truncis jam excitatis ortae, cir-  
ca opticum nervum quatuor & ultra truncu-  
lis ludentes, serpentine flexis, partim proxi-  
me ingressum nervi optici, partim longius  
& propius mediam scleroticam, viginti &  
ultra arterioli choroideam adeunt, faciunt in  
ejus externa superficie arbusculas pulchre ra-  
mosas, circumscriptione rotundas, in interna

vero lamina rectiora vasa, & aliquot etiam ramis veniunt ad cohaesionem iridis DVI. corneae & choroideae. Ibi quilibet ramus dextrorsum & sinistrorsum fissus, occurrens sui similibus, *circulum* denique perficit uveae.

DXVIII. Verum ad eum circulum constituendum plurimum faciunt aliae arteriolae *ciliares anteriores*, quae a ramis muscularibus ophthalmicae ortae, proxime ortum corneae pellucidae, duodecim & ultra ramulis sclerotica perforant, & una circulum pupillae constituunt. Ab eo circulo, sed etiam ab arteriis modo dictis ciliaribus anterioribus absque medio circulo, & ad anteriorem iridem & ad posteriorem uveam, & in ciliares processus vasa distribuuntur recta, ramosa, illa naturaliter caeruleo liquore plena, alias fusco, haec multo nigro pigmento obducta, sponte alba, a quibus ad lentem rami ramosi veniunt, ut certo vidi.

DXVIII. Sed ab eadem ophthalmica, ejusque trunco, vel ramo lacrumali aut ciliari aliquo, ramus unus nervum opticum subit pluresve. Unicus ille princeps in ejus nervi medullam penetrat, & ex apice papillae DIII. exeans centrum retinae adit, indeque porro  
per

per retinam ramosus ambulat. Minor nonnunquam ramus secundum centrum ad retinam venit, perinde per eam ramosus. Ab iis ramis venire ramos vasculosos vitrei tunicae ex animalibus certum est, tum arteriam lentis posteriorem. Harum arteriarum intima est celebris ille *porus opticus veterum*.

DXX. *Venae oculi* in universum arbusculas in choroidea similes, circulum uveae parem habent. Oriuntur a vena ophthalmica, quae hinc a faciali vena provenit, orbitam subeunte, inde in sinum cavernosum inferitur. Venae internae oculi mediam scleroticam paucioribus, majoribus truncis perforant, faciuntque arbusculas majores & anteriores arteriosas : alia centralis nervi optici retinam adit similis arteriae. Vasa aquosa a sanguineis non differunt. Lymphatica dicuntur in retina visa esse, non satis repetito experimento.

DXXI. Haec ad Anatonien. Sed oculi actio a physicis experimentis lucem unice accipit, per quae in summam evidentiam constituta est, paucissimis dubiis exceptis. Et *lux* quidem materia est vel eadem igni, vel proxima, subtilissima, fluidissima, per omnia corpora

pore penetrans, rigidissima, nulla itineris longitudine fatigabilis, velocissime mota, ut orbem magnum intra sedecim fere horae minuta cum medio percurrat. Ea in nostro planetarum systemate vel a sole pendet, cujus potentia materiam lucis, alias confuse sparsam, in lineas rectas ordinare videtur, vel ab alio puncto lucido. Ab eo, tamquam centro, spargitur radiorum modo in omnes sphaerae partes, in omnium corporum superficiem; indeque reflexa, ad angulos aequales angulis incidentiae in oculum illabitur, & ea corpora, unde advenit, colorata reddit, & visibilia.

**DXII.** Per experimenta confirmatum est, lucem fieri radiis, absque fere physica latitudine rectis, qui tamen singuli in septem radios tenuiores, constantes, & immutabiles separari possunt. Eorum radiorum hae notae proprietates sunt, ut omnes conjuncti jubar album constituent, a corporum autem minimis superficieculis refracti, & separati, in rubros, constantiores, duriores, minus refrangibiles, hinc in aurantios, flavos, virides, caeruleos, indicos, & violaceos dividantur, quorum ii semper debiliores sunt, & magis restringuntur, qui a rubris



in ordine magis distant. Umbra a defectu reflexorum radiorum oritur. Haec cum variis radiis composita colores componit. Colores vero corporibus proprii inde proveniunt, quod minimae corporum superficieculae partium solidarum, limitantes poros, quae radios lucis refringunt, pro diverso gradu crassitiei suae, certum imprimis genus radiorum uberius reflectant: reliquos radios receptos in substantiam, internis, repetitis, refractionibus maxima parte suffocent, ut crassissimae & validissimae particulae album, proximae rubrum, tenuissimae superficieculae demum violaceum colorem reddant. Opaca corpora sunt, quae radios omnes retinent, nullos remittunt, ob foramina magna, ad quorum parietes lux adtrahitur, & ea plena materie, quae vim refringentem diversam a vi refringente partium corporis nacta sit. Haec interim ita recipimus, donec nova theoria, qua colorum diversitates vibrationibus celerioribus, aut tardioribus adscribuntur, confirmata sit. Neque enim haec definire nostri est.

DXXIII. Hi radii, dum oblique illapsi per liquores varie densos transeunt, varie etiam ad perpendicularum vel accedunt, vel ab eo rece-

recedunt: id vocant *refringi*. Et in universum, quo densius medium est, eo propius radium ad perpendicularum curvat, solis exceptis inflammabilibus liquoribus, qui peculiari vi radios ad perpendicularum adtrahunt, magis quam pro sua densitate. Rationes anguli incidentiae ad refractionis angulum satis constantes sunt, ut sinus anguli refractionis radii ab aere in aquam illapsi sit ad sinum anguli incidentiae, uti 3. ad 4. & in radio ab aere in vitrum illapso, incidentiae sinus ad sinum refractionis, ut 17. ad 11, ex aqua in vitrum uti 51. ad 44.

**DXIII.** Radii per aerem advenientes, parum divergentes, quales ob imminensam distantiam habentur solis radii, & in universum a centum fere pedum distantia adveniunt, in corpora sphaerice convexa, aere densiora illapsi, ita refringuntur, ut in unum punctum conveniant, quod *focus* vocatur. Id punctum jacet in axi, sive radio perpendiculariter in superficiem illapso, hinc immutabili, & in sphaerica aquae bulla radiorum ex aere venientium focus distat a sphaera semidiametro, in vitreo globo quarta parte diametri; in lente vero convexa vitrea, quae sit sphaerae portio, non minor quam triginta graduum, aequae con-

xa, pariter semidiametro; ut tamen non in punctum, sed in circellum radii uniantur.

DXXV. Ergo radii lucis aut recti, aut reflexi, ita incidunt in corneam oculi membranam, ut ex puncto lucido in ejus membranae superficiem dispersi, conum faciant acutissimum, cujus basis cornea est, vertex in puncto radiante, ut tamen ejus coni omnes radii pro parallelis absque sensibili errore habeantur. Inter eos radios reflectuntur a cornea, neque ejus superficiem penetrant, quicunque ad majorem angulum, quam quadraginta graduum, in eam membranam incidunt. Alii, qui corneam perforant, ad angulos tamen adhuc valde magnos, inter uveam & lentis latera illapsi, suffocantur in atro pigmento, quod uveam DVI. & processus ciliares oblnit DVII. Ii vero soli in lentis superficiem incidunt, qui parvis angulis, & non valde a nullo diversis, fere ad 28. gradus, in corneam illapsi sunt. Ita fit, ut ii omnes radii excludantur, ad quos concentrandos in retinam, alioquin non suffecisset vis refringens humorum oculi: qui adeo latam imaginem, & confusam in retina pinxissent.

DXXVI. Ii ergo radii, ex aere, adeo tenui, advenientes, per corneam, quae sphaerae segmentum est, crassam, aqua omnino densiorem, hinc magis refringentem, quarta forte parte, transeuntes, insigniter ad perpendicularum confringuntur: in aqueo vero humore, non multo, & aquae fere simili & potius leviori, paulo minus quam prius convergentes, incidunt, absque facto foco, ob nimiam propinquitatem, in pellucidissimae lentis superficiem, parallelis proximi, & potius convergentes, cum eorum divergentiam corneae vis refractilis abunde correxerit. Praeterea cornea, cum convexa sit, & ipsa sclerotica magis gibba, plures radios recipit & colligit, quam planior, cui minor esset superficies.

DXXVII. Lentis vim refringentem, quam aquae majorem esse, ex duritate, & ex pondere intelligitur, & per quaedam experimenta tanta aestimatur, ut instar adamantis, finem anguli refractionis dimidium faciat finem anguli incidentiae, per alia, si lens cum vitro comparetur, paulo minorem subsesquialtero. In ea ergo, & imprimis in posteriori, valde convexa superficie, vehementer convergunt radii, & in vitreum corpus cadunt.

DXXVIII.

**DXXVIII.** Id corpus, densius aqua, ut in ea fundum petat, lente crystallina rarius, pergit radios ad perpendicularum conſlectere, etſi minus quam lens, donec, in oculo bene conſtituto, hi radii, ex puncto viſionis diſtinctae advenientes, in quam minimam particulam retinae concentrati, ibi imaginem objecti pingant, unde advenerunt, inverſam, ob neceſſarias decuſſationes. Eam imaginem in oculo artificiali, vel in naturali oculo cui pars ſcleroticae poſterior demta eſt, inſpiciens phyſicus videre poteſt. Cadit autem ad exteriora ingredientis nervi optici, in axis viſus terminum, neque punctum eſt, ſed aliquam habet latitudinem, cum multa objecta ſimul videamus, quorum imagines oportet diverſis in punctis pingi. Ibi diſtinctiſſima viſio, quod radii perpendicularibus proximi eo veniant. Saepe in duobus oculis non eodem loco ponitur. Lente deſtructa ſolus vitreus humor, hinc debilius, radios conjungit.

**DXXVIII.** Cum vero vitae humanae neceſſaria munia requirant, ut non ii ſolii radii, qui ex unica data diſtancia adveniunt, diſtinctam in retina imaginem pingant, ſed ex variis & valde diverſis locis, magis minusve diſtantibus advenientes radii diſtinctam  
 Y ſui,

fui, unde veniunt, objecti ideam excitent, hinc lens mobilis facta est, per vires supra ad DXII. & DXVI. recensas, absque ea vero mobilitate aut remota aut proxima obscurissime vidissemus. Eam artem experiundo discimus, neque nota est iis, quibus cataracta nuper deposita est. Etiam in artificiali oculo actionis hujus commoda & necessitas perspicui possunt. Radios ergo nimis divergentes, quales ex proximo objecto adveniunt, corrigit lentis a retina major distantia, qua obtinetur, ut remotior ille focus ex divergentibus radiis natus, in ipsam incidat retinam, qui alioquin retro eadem demum radios univisset. Vis enim refringens oculi eadem posita, quae focum radiorum a distantia trium pedum perfecte in retinam facit cadere, non potest radios a trium pollicum distantia venientes in idem punctum colligere, & magis divergentes radii, non majori vi collecti, ferius coibunt.

CXXX. Qui vero ex valde remotis locis radii adveniunt, & pro parallelis possunt haberi, ii ante retinam convenirent in vitreo, & ex puncto concursus, ex natura radiorum, tamquam ex lucido puncto, iterum separarentur. Ergo vires DXVI. lentem a cornea

remo-

removent, ad retinam adducunt, ut radii ad certam distantiam a lente conventuri, eam distantiam talem metiantur, quae in ipsam retinam cadat. Nam denuo oculus, qui a septem unciarum distantia advenientes radios in retina colligit, citius colliget & ante retinam, eos qui a tribus pedibus adveniunt. Ut omnino, necesse sit, siquidem in variis distantiiis distincte videmus, ut oculum nostrum mutabilem nacti simus. Punctum visionis distinctae est, in quo positum objectum in retina in minimo possibili spatio depingitur. Vires radios unientes saepe in ejusdem hominis duobus oculis diversissimae sunt, ut alter presbyopi, myopi alter vicinior sit.

DXXXI. Sed hoc auxilium non in omnibus hominibus sufficit. Dantur enim, frequentiores nunc quam olim, homines sedentarii, & in minutis objectis magis occupati, quibus cornea convexior, densior, lens perinde gibba magis & solida, oculus ab incumbente humorum pondere longior, reliqui forte humores etiam magis densi sunt, & quorum oculo vel unum horum vitiorum, vel plura insunt, vel omnia. His hominibus iris in parva luce sensibilis est, hinc a con-

niven-



nivendo *myopes* dicuntur. Punctum visionis distinctae in istis oculis valde propinquum, & inter unum septemque pollices ab oculo est, remotiora obscure vident, neque partes distinguunt. Ratio evidens est. Nam a causis modo recensitis fit, ut major debita vis refractilis humorum radios remotos, hinc parallelos, ante retinam concurrere cogat, unde separati ex foco in multis punctis in retinam incidunt. Sic etiam sano oculo proximorum corneae objectorum confusa sensatio. Radii inde advenientes per totam retinam sparsi nullibi colliguntur.

**DXXXII.** Remedium vitio nascenti est in remota loca prospicere, abstinere objectis minutis, vitrisque concavis, videre per foramen exiguum, quo lux debilitatur. Solatium inalo jam nato, uti vitro concavo, quod tantum de vi refringente humorum, corneae, lentisque demit, quantum ipsum cavum est, & objectorum remotiorum focum ita a cornea remotiorem reddit, ut in retinam cadat. Diameter sphaerae, cujus pars id vitrum est, debet aequalis esse distantiae visionis distinctae oculi nudi, ductae in distantiam visionis distinctae oculi armati, divisae per differentiam utriusque distantiae. Spem aliquam

quam myopi ipsa aetas facit. Nam pueri fere myopes sunt, senescendo oculus, dum a solidarum partium robore explanatur, brevior fit, & conſectens vis corneae lentisque minor eſt.

DXXXIII. Aliud vitium contrarium prioribus, moleſtum eſt hominibus in remota plurimum inſpicientibus, ſenibus inprimis & familiare & inſanabile. In eo cornea, & lens planiores ſunt, & humorum oculi vis refringens minor. Hinc objecta propiora, quorum radii valde divergentes in corneam illabuntur, confuſe ipsis adparent. Non enim ſufficiunt vires conſectentes oculi, ut penicillus radiorum in retinam cadat, hinc radii diſſoluti eo perveniunt, & focum retro retinam habent, unde confuſa viſio. Remota bene diſtinguunt, quorum radii alioquin pene paralleli ad oculum veniunt. Punctum viſionis diſtinctae presbyopi a 15 pollicibus ad triginta.

DXXXIII. His hominibus medela aliqua eſt, in nigris tubis oculo praepoſitis, quorum uſu retina intenereſcit; & radii paralleli ad oculum veniunt. Solatio eſſe poteſt lens vitrea convexa, quae radios cogat convergere, ut maturius in focum conveniant, & in  
Y 3 ipsam

ipsam retinam. Diameter sphaerae, ejus partem esse eam lentem convenit, est omnino quae prioris DXXXII. Spes ab aetate nulla, quae malum auget.

DXXXV. Medius inter myopem oculum & presbyten optimus est, qui & satis propinqua distincte videt, & satis remota, atque adeo & myopi oculo similis reddi potest, & presbyopi. Hujusmodi oculus aestimatur, qui ad pedis distantiam accurate legit. Sed addendae sunt conditiones humorum limpidissimorum, oculi mobilissimi, iridis sensilis, retinae neque prurientis neque callosae.

DXXXVI. Sed oculi ope anima non solum imaginem recipit objecti repraesentatam in retina, transmissam in ledem animae. Multa ipsa experientia addit, quae oculus vere non videt, alia interpretatur aliter anima, quam oculi repraesentant. Et primo *Magnitudo* objecti judicatur ex angulo optico, qui inter objectum radians, tamquam punctum verticis, & corneam intercipitur, tamquam basin trianguli. Hinc proxima magna, remota parva adparent. Microscopiorum vis huc pertinet, quae facit, ut objecta nobis videantur tanto majora, quanto distantia foci  
lensis

lentis vitreae minor est distantia visionis distinctae. Et vere non majora apparent, sed distinctiora, lucidiora, hinc ab anima propioribus habentur.

**DXXXVII.** Robur lucis ab eodem angulo pendet, in eadem externa luce, & a radiorum multitudine cum parvitate sedis in retina, quae adficitur, unde proxima illustriora, remota obscura adparent, & si remota propria invicta vi luminosa fuerint, anima ea vel magna sibi repraesentat, vel propinqua, vel utrumque.

**DXXXVIII.** *Locus* objecti visibilis aestimatur ex concursu duarum linearum, a centro oculi videntis ductarum in mutuam conjunctionem, vel in loco intermedio inter id punctum, in quo objectum dextro oculo adparet, & punctum in quo sinistro oculo conspicitur: quae lineae, si nusquam se secuerunt, duplex objectum videmus, si se comprehenderint, in puncto intersectionis objectum ponimus. *Distantiam* vero non videmus, sed judicamus, tum ex magnitudinis nobis jam cognitae diminutione, tum ex angulo inter duos axes opticos intercepto, tum ex minori lucis robore, & pallida imagine objecti, tum ex multis corporibus

bus interpositis, quorum nobis distantia nota est. Sed haec iudicia fallacia omnia sunt, quod non in infallibili Creatoris sapientia, verum in hominis per experimenta nato iudicio fundentur. Uno oculo distantias minus bene metimur.

DXXXVIII. *Gibbum* corpus non videtur, sed iterum per experimentum iudicatur, postquam didicimus corpus, quod ad tactum convexum est, umbram lucemque certo modo dispositas habere. Hinc microscopium frequenter turbat iudicium, mutatis & transpositis umbris.

DXXXX. *Situm* partium objecti visibilis anima eum esse iudicat, quem hae partes in objecto habent, non eum inversum, qui est in retina. Hanc correctionem anima, absque experimento, in homine, qui caecus natus est, & animalibus continuo callet.

DXXXXI. Etiam id inponit animae, quod sensationes externae per oculos ad sedem animae delatae, per secundam fere horae minutum eadem ratione animae repraesententur, tamquam praesens objectum esset. Inde circuli ignei a moto radio lucido: Inde super-

stes

fles solis fulgidi imago, & nonnunquam etiam corporum.

**DXXXXII.** An omnino falsum est, in retina objectum pingi? an haec pictura in choroidea fit? an confirmat novam sententiam experimentum, quo conficitur, locum, in quo nervus opticus oculum ingreditur, caecum esse? & quod ita explicatur, ut choroidea ibi nulla sit, retina vero nuda, hinc minime videat. Sed repugnat notissima observatio, retinam esse medullam nerveam sensilissimam, choroideam nervulis paucis, vasis certissime caecis fere unice constare. Repugnat varietas choroideae summa in animalibus, constantia aequae magnae retinae, nigerima membrana inter retinam & choroideam quorundam piscium interposita. Denique anatome demonstrat, in sede caeca oculi omnino choroideam, sed albam adesse. Caeterum ab hoc experimento ratio invenitur, quare nervus opticus non axi oculi, sed ad latus insertus sit. Ita enim unico excepto casu, quando impedimentum in concursu est linearum per centrum nervorum opticorum ductarum, alter oculus videt, & illi succurrit, cujus caeca sedes objecto obvertitur.

DXXXIII. An unicum objectum distincte videmus, quod e directo est partis in retina distinctissime videntis? & anima multa se videre persuadetur partim ab idearum duratione, partim a celeritate motuum in oculo? De distinctissima visione certum, de minus distincta nimium esset adfirmatu. Cur unum duobus oculis objectum videmus? Quia sensatio unica & absque discrimine fit, quando duorum objectorum similes impressiones sunt. Nam, etiam absque concursu opticorum nervorum, multa animalia simplicia objecta vident. Hinc duorum objectorum imagines unicam in anima sensationem excitant, quando in idem punctum retinae cadunt, duae vero sensationes ex uno objecto sequuntur, quando in utriusque oculi diversas sedes illabuntur. Unde nocturna caecitas, unde diurna? illa multis gentibus familiaris in regione calidissima sub fulgidissimo sole viventibus, & senibus: ista inflammatis oculis, & juvenibus ardentis temperiei, hinc oculis valde sensilibus instructis. Sensilitas retinae nimia diurnam caecitatem facit, nocturnam callositas ejusdem. Unde animalium visus nocturnus? A pupilla ampla, dilatabili, retina tenera, choroidea refulgente & lucem vehementer reddente, Unde caecutimus in ob-

scuro.



scurum locum deducti ex lucido? quod nervus opticus minoribus causis nequeat emoveri, postquam majores passus est. Unde dolemus a tenebricoso loco in lucidum subito translati? quia pupilla apertissima radios ex improvviso advenas nimios admittit, & retina, a debilissima luce parum adfecta, majores nunc impressiones acutissime sentit. An uno videmus oculo, an utroque? Saepissime uno praecipue, eoque tere dextro. Altero autem in auxilium adhibito plura objecta, & lucidiora, & plura ejusdem objecti puncta videmus, & de distantia melius judicamus.

## CAP. XIX.

## SENSUS INTERNI.

DXXXIII. Sensus figillatim enumeravimus. Omnibus nunc commune est, quod ab objectis externis percussa medulla teneri pulposique nervi, aliquam mutationem per spiritus nerveos, ad eam cerebri sedem perferat, in qua primum nervi percussi fibrae ex arteriis cerebri oriuntur (CCCLXXXIII.) Nihil ultra scitur, nisi nasci in anima cogitationem novam, quam modo *perceptionem* vocant, quando ad animam cogitantem refertur, modo *ideam*, quando ad objectum, unde oritur. Ea  
na-

nascitur, quotiescunque hujusmodi mutatio, in quocunque sensorio nata, ad primam ejus originem perfertur. Nam ea cogitatio non est expressa imago objecti, a quo nervus sentiens adfectus est. Nihil idea coloris rubri commune habet cum radio parum refrangibili, ex septem portionibus radii totalis separato, & longe minus fieri potest per optica fundamenta, ut imago per radios in albo, mollissimo, nervo picta, longo itinere, in perfectis tenebris, per corpus opacissimum, deferatur in thalamorum opti-  
corum originem. Nihil in dolore ab ustione est, quod animæ repræsentet velocis & subtilis materiae violentum motum, quo particulae nervi a mutuis contactibus separantur. Nihil est in idea soni acuti determinatae chordæ, quod animam doceat, eam chordam in uno horae secundo minuto bis millies tremuisse. Verum aeterna lege CREATORIS sanctum est, ut cum certis mutationibus in nervis primo, deinde in communi sensorio natis, definitae novaeque cogitationes in anima nascantur, constante vinculo, ut etiam si arbitrarium sit, quod de mundo percipimus, falsum tamen non esse ex consensu adpareat similium perpetuo cogitationum, ad similes nervorum sentientium adfectiones, in omnibus hominibus

bus eodem tempore, & in eodem diversis temporibus natis.

DXXXV. Certis experimentis constat, hunc primum ortum fibrae nerveae sentientis semper ab omnibus reliquis distinctum esse: eamque mutationem, quae primum ab externo objecto in eo nervo nata est, (DXXXIII.) in ea origine nervi diu superesse; & mutationes easdem ita fere in cerebri parte, quam diximus, ordinari, ut secundum temporum seriem dispositae, vicinissimae sint, quae sibi vel coetaneae fuerunt, vel proximae successerunt, vel denique similis argumenti, & a similibus objectis natae: Et novas species certum est, iterum ad eam cerebri partem perferri, in qua aliae similes reservantur: Nec enim alias signa arbitraria vocum, litterarumque, ideas antiquas in memoriam renovarent, aut nauseosae ideae, absque ullo corporum adjumento recurrentes, eosdem, quos corpora ipsa effectus reproducerent; neque imaginum analogarum, quae ad impressiones corporeas, tunc maxime agentes, per insomnia aptissimae concurrunt, nexus posset adeo constans, & manifestus esse. Ab hac conservatione pendet imaginatio, & memoria. Caeterum eas mutationes, in sensorio conservatas

*ideas*

*ideas* multi, nos distinctionis causa *species rerum* vocabimus, quae non in mente, sed in ipso corpore, & medulla quidem cerebri ineffabili modo, incredibiliter minutis notis, & copia infinita, inscriptae sunt. Inter eas *cae* eminent & distinctius conservantur, quae per visum, deinde quae per auditum receptae fuerunt. Reliquae confusae sunt, & a voluntate minus revocabiles.

DXXXXVI. Et *imaginari* quidem dicimur, quoties occasione alicujus speciei, quae nunc in cerebri sensoria parte conservata sedet, ejusmodi cogitationes in anima excitantur, quales nascerentur, si nervus ipse sentiens eam mutationem pateretur, quae primam huic speciei originem dedit. Haec definitio confirmatur exemplo fortissimae phantasiae quorundam hominum, & deliriorum, in omnibus denique mortalibus exemplo insomnii, in quo nihilo debiliores cogitationes in anima nascuntur, occasione specierum in cerebro conservatarum, quam *cae* sunt, quae ex mutatione ab objecto externo in nervo sentiente primum sunt natae. Imo adtentio, quies, absentia objectorum aliorum faciunt, ut etiam fortior obtineatur animae adsensio, per illas cerebro inpressas *species*, quam per eas perceptiones, quas ob-  
jecta

jecta externa in anima excitant. Nam voluntas in insomniis longe, quam in vigiliis, fortius determinatur, & aliqui muscoli voluntarii per insomnia ea perficiunt munera, quae nunquam in vigilante, etiam fortissime percussis ab objecto eodem nervis, perficere valerent. Inde intelligitur, quomodo fieri possit, ut validissima species interna in delirio animae inponere possit, ut eam pro perceptione objecti externi habeat: quod declaratur exemplo scintillarum a fricto nervo optico adparentium: ruboris in clauso oculo visi; vertiginis a motu in retina nato, quem objectis externis tribuimus: visus duplicis &c.

DXXXXVII. Sed *memoria* tunc dicitur, quando vel animae aliqua cogitatio, vel species externi objecti in cerebri parte sentiente CCCLXXXIII. conservata, aliquam in anima perceptionem excitat. Ea debilior equidem esse solet, quam in imaginatione, & fere solorum signorum quorundam arbitrariorum, quae in prima perceptione ab anima cum ea idea conjuncta sunt. Vix enim memoria imagines rerum, & picturas animae refert, sed fere verba, & aliqua adtributa, summasque idearum. Quare languidius etiam voluntatem movet. Demonstrat autem observatio

co-

eorum, quae in memoria accidunt, mutationes illas a sensibus externis ortas, diu in cerebro supereffe, & nonnunquam, si fortiores fuerint, multo tempore fere perpetuo animae repraesentari; sensum tamen deteri, & debilitari; nisi renouentur vel ab eodem objecto iterum animae repraesentato, vel ab anima in memoria eam mutationem requirente; donec ultimo tota ea mutatio quasi erasa pereat, neque unquam animae ea cogitatio recurrere possit, quae cum hac mutatione lege naturae conjungitur. Hanc destructionem novae & diversae in sensorium adlatae species sensum efficiunt, non solum tempus, aut sola circulatio sanguinis, argumento catalepticorum, qui aliquando post non modicum temporis intervallum in filo cogitationum pergunt, quas morbus interruperat. Subito vero destruit omnes morbus aliquis, in quo cerebrum quocunque modo a sanguine aliae causa compressum est. Ejusmodi causa in partem communis sensorii agens, alias partem specierum ex memoria delet, vocum aliquarum, aut omnium, characterum, quibus voces exprimimus, aut amicorum & necessariorum denique: quae vero species omnes saepe renouari possunt remota causa comprimente. Robur autem & durabilis natura ideae pendet ab eius  
info-

lencia, vehementi actione, magna vi ad nostram felicitatem augendam vel minuendam, denique ab attentione nostra & a repetitione; quae ipsa species ita validas efficit, ut earum perceptio denique ab anima pro objectorum externorum perceptione recipiatur, exemplo maniacorum.

**DXXXVIII.** Quando porro vitae humanae historiam sequimur: adparet in principio vitae memoriam vix ullam esse, sed simplices & cito evanidas perceptiones nasci, quae tamen validas in anima cogitationes excitant, exemplo clamorum infantilium. Sensum memoria perficitur, & ideæ cariorum & magis familiarium personarum animo infantis haerent receptae, & una imaginatio augetur, teneris pueris saepe fortissima, exemplo terroris, qui non alia aetate vehementiores & tristiores effectus producit. Inde, uti augetur idearum numerus, ita etiam minuitur facilitas conservandi priores ideas, & una vis imaginationis obtorpescit, donec illa fere evanescat, & ideae receptae brevi tempore de cerebro fugiant, & una imaginatio debilitetur, quae species memoriae sit.



**DXXXXVIII.** Sed cum eae perceptiones in ipsa anima varias mutationes producant, quae ab omni corporea facultate purae sunt, brevissime aliqua addemus, quantum ad medicinam suffecerit. *Adtentionem* dicimus, quando eadem idea aliquo longiori tempore sola animae observatur. Idearum duarum comparatio ab anima instituta, vocatur *ratiocinatio*, & *judicium*, quando anima eas ideas comparando vel similes vel diversas invenit. Inventionis, sapientiae, causa maxima est in lento idearum examine, quo secundum omnes partes suas ab anima considerantur, & in animae ad unum objectum confirmata adtentione, neglectis omnibus aliis ideis. Inde tenebrarum vis ad calculos difficiles, caecorum erecta ad sonos adtentione, surdorum ad colores. Errorum fons est neglectus in contemplanda tota idea, aestimatio ejus a partiali notione, conjunctio idearum cum aliis distinctis, solo casu, & per externas causas connexis.

**DL.** Integritas judicii pendet a bona cerebri constitutione. Eo compresso, irritato, exhausto sanguine, fabrica cerebri mutata, confunditur omnis rationis usus, repraesentantur animae pro externis objectis verisque, ipse

species praevalidae internae, abrumpitur nexus idearum, ut anima non conparet ideas, neque adeo earum aequalitatem vel diversitatem pervideat, sed saltu ab idea ad diversissimam ideam transeat: vel denique deletis, impeditis sensuum actionibus, evacuato quasi speciebus cerebro, homo ad idiotae plantaeque conditionem redeat. Sed etiam externorum corporum vires multa mutant in animae ad species sensuum habitu: aer, vitae genus, cibus, consuetudo, vel adjuvant firmitatem iudicii, imaginationis robur, fidem memoriae, vel minuunt.

DLI. Denique prouti hae ideae vel nobis adiaphorae sunt, vel aliquid ad nostram felicitatem conferunt, ita alias & alias in voluntate determinationes producunt. Idea, a quibus animae nostrae felicitas vel augetur, vel minuitur, aliae a corpore profectae sunt, mere mechanicae. Inter eas dolor est, sensus tristis, cui omnis nimis fortis sensatio in nervo pro fundamento esse videtur: & voluptas, in qua nervus super solitum irritatur, sed modice. Prurigo voluptati adfinis est, & in utraque adfluxus sanguinis ad eam partem augetur, in qua vel voluptas vel titillatio percipitur, in dolorem tamen tendit au-

sta, five in nimiam sensationem nervi. Anxietas est a sanguine, qui per pulmonem impeditur trajicitur. Aliae ideae, quae animam adficiunt, aut penitus a materiae proprietatibus liberae sunt, aut certe minus quam priores simplices, notae, aut mechanicae. Boni praesentia laetitiam facit, boni cupido amorem, boni expectatio spem, mali praesentia tristitiam, vel terrorem, desperationem, mali fuga odium, mali expectatio metum.

DLII. Ab his adfectionibus animi non solum voluntas pura certas ad praevium finem actiones corpori inperare videtur, quarum ope jungat se bono, a malo fugiat: Sed in ipso corpore, neque consulto, neque ad resistantiam valido, varie pulsus, respirationis, appetitus, roboris, aliarumque functionum in corde, nervis, ventriculo, aliisque partibus mutationes oriuntur, quae & immediate animi passiones sequuntur, & indicant. Ita ira valide motum spirituum concitat, & motum cordis, pulsus frequentiam, robur musculorum auget, sanguinem in vasa minima, & aliena urget, & extra vasa denique pellit, praecipitat iter bilis, solvit morbos lentos, obstructions. Ita moestitia robur nervorum, cordisque frangit, pulsus retardat, appetitum

tum destruit, pallorem, cachexiam, diarrhoeas, icterum, scirrhus, morbos a stagnatione humorum inducit. Ita metus cordis vires minuit, polypos hinc & pallorem facit, motus musculares debilitat, sphincteres resolvit, inspirationes auget, exhalationes minuit. Terror summus robur auget, ad convulsiones usque, pulsum incitat, solvit obstructions, paralyfes, supprimit sanguinis itinera, subito occidit. Amor, spes, laetitia perspirationem promovent, pulsum accelerant, sanguinis itinera liberant, appetitum intendunt, morbos sanabiles reddunt. Gaudium nimium, inpraevium, saepe occidit, aucto motu sanguinis, veraque apoplexia nata. Pudor peculiariter sanguinem in facie retinet, quasi ligatis venis; sed etiam membra subprimit, & occidisse visus est.

DLIII. Quis modus est, quo hae mutationes producuntur, occasione datorum in anima adfectuum? Nonne nervei sphincteres vasa gubernant, & modo subsultim adstringunt, sanguinemque incitant, modo laxant, tonumque frangunt? In minimis ita se habere certum est, ex summa similitudine effectus, quem terror, aut aer frigidus in nervos cutis edit. Sed in partibus genitalibus

adstrictas sub certis conditionibus venas, hinc congestum sanguinem, manifesto videmus. In majoribus vasis probabile videtur nerveos laqueos, plurimis circumplexos, similia facere. Nam passim ambeunt continentque arteriam meningeam, temporalem, vertebralem, carotidem, subclaviam, coeliacam, mesentericam, renalem, aliasque. Neque a vero alienum est, a nervorum varia sensilitate arterias aut magis, aut minus irritabiles reddi, atque adeo, ab eadem sanguinis copia vehementius, aut languidius contrahi: ita sanguinis motum aut incitari, aut elanguescere. Ita adpetitus & motus peristalticus ventriculi & intestinorum manifesto ab animi adfectibus destruitur.

DLIII. Neque hoc dissimulandum est, CREATOREM adfectibus animi suos characteres assignasse, ne homo in sociali vita homini facile imponeret. Proprii imprimis in voce, facie, oculisque musculi singulas passiones mentis ita fideliter exprimunt, ut etiam a pictore repraesentari possint. Exarare per singula elegantissimum, sed hic longum thema foret. Ab iis musculis, saepe actionem iterantibus, *physiognomia* nascitur, ut perpetuus in faciei

feciei status sit, qui aliquid de dominantium musculorum actione retineat.

DLV. Unde consensus partium adeo in praxi medica celebres? Aliquos adparet ad vasorum sanguineorum conjunctiones pertinere, quibus fit, ut repulsus ab aliqua sanguis gravior alteri incumbat, quae communi a trunco sua vasa habet. Venaesectiones revulsivae huc pertinent, capitis dolores ex pedum frigore &c. Alibi consensus oritur ex simili duarum partium fabrica, qua fit, ut ex iisdem causis in corpore natis, similia utraque patiatur: huc uteri consensum cum mammis refero. Alia causa est in continuitate membranarum, inde pruritus in glande penis a calculo, diarrhoeae sanatrices surditatis. Alia causa in nervis ipsis latet, eorumque anastomosis, quod genus stupor dentium ex certis sonis natus extra dubium constituit, orta nempe in nervo maxillari molesta sensatione, ob communiones varias, quas cum duro nervo habet. Sic oculi cum oculo sympathia, quae non perinde in auribus observatur, est ab optidorum nervorum connubio, sic vomitus a nephritide. Denique alia in sensorio communi ipsoque principio nervorum causa ponitur, quam manifestam faciunt convulsiones late sparsae



ab irritatione nervi unici; epilepsia universalis a vitio topico &c. Aliquas, in morbis, consensiones facit materies per cellulosa spatia ab adfecta parte ad alias, & alias, vi muscutorum, & arteriarum, & ponderis, deducta.

DLVI. Sed magna illa sympathia explicanda superest, quae inter corpus & animam intercedit. Nam aliam naturam animae esse a corpore infinita demonstrant, maxime ideae, & adfectiones animae, quibus nihil in sensu respondet. Quis enim suberbiae color, aut quatenam magnitudo est invidiae? curiositatis? cuius nihil simile in animalibus est, neque id bonum, quod concupit, ad aliquam corpoream voluptatem referri potest. Potestne corpus ita duplices vires adipisci, ut ejus infinitae particulae in unam massam coalescant, quae non suas adfectiones solas conservent, sibi que repraesentent, sed in unam communem totalem cogitationem consentiant, quae ab omnium attributis differat, omnia tamen ea attributa recipiat, & comparet? Estne aliquod exemplum corporis, quod absque externa causa ex quiete in motum transeat, motus directionem absque occurren-



rente alia causa mutet, reflectat, ut in anima observatu facillimum est?

DLVII. Et tamen haec anima, adeo diversa a corpore, arctissimis cum eo ipso conditionibus religatur; quae & cogitari cogatur ed eas species, quas corpus ipsi repraesentet; & absque cerebri corporeis speciebus non videatur aut meminisse posse, aut judicare: & cujus denique voluntas in corpore vel causa, vel occasio, velocissimorum maximorumque motuum est.

DLVIII. Modeste fecerunt, qui ignorare se hanc vinculi rationem fassi, in legibus adquieverunt, quas, a CREATORE positas, non excogitarent, sed experirentur. Manifesto excusantur observatione DXXXVIII. quod etiam in opticis certissimum sit, adfectiones corporum arbitrario vinculo cum animae cogitationibus cohaerere, aliasque apparituras fuisse si CREATOR figuras, vim refractilem, colores partium oculi mutasset. Uti lex est, quae jussit inter radios minime refrangibiles, & cogitationem coloris rubri, nexum perennem esse: ita lex est, quae inter eorum radiorum in retinam impressionem, & eam cogitationem vinculum constituit. Neque magis erubescimus

nescimus, quod posterioris legis mechanismum ignoremus, quam ideo, quod prioris natura tecta sit.

DLVIII. Sed annon corpus anima gubernat? annon ab anima, tamquam motus fonte & principio, omnes perinde in corpore motus & actiones oriuntur? annon ab ea volente, prospiciente communi bono hominis, pendet motus cordis, respirationis, arteriarum? An demonstrant hanc animi potentiam polyporum recrescens per vulnera fabrica, pathemata animi, naevi materni? An conscientiae absentiam excusat notissimum exemplum obscurarum perceptionum in respiratione, motu palpebrarum, actione muscutorum, qui omnes motus a voluntate oriuntur, etsi & organa ignoramus, & non advertimus nos velle, dum respiramus, nictamus, curis obruti gradimur? An ideo certum est motus omnes ab anima oriri, quod non alia causa evidens, perpetuo cum corpore adnexa adfit, quo liceat referre?

DLX. Multa sunt, quae nondum sinunt in eam sententiam transire. Et primo videtur haec corporis constructio & gubernatio animae sapientiam longe superare. Anima nostra

si unum punctum distincte videt DXXXIII.  
unam ideam distincte cogitat, duo objecta, si  
una tentet videre, duas ideas, si velit una con-  
templari, duas literas una legere, continuo  
confunditur, errat, neutram ideam recte ex-  
pedit: Et, gnara suorum limitum, quoties  
ferio & cum studio alicui operi incumbit,  
claudit se quasi sensuum impressionibus, neque  
videt, neque audit, neque olfacit, neque mu-  
sculares motus exercet. Nunc animam infini-  
ta & distinctissima cogitare oporteret, ut tot  
musculos, infinita vasa, fibrarum innumera-  
bilem numerum regeret temperato ad exa-  
ctissimam Geometriam imperio, & problema-  
ta, nulli facile solvenda geometrae, modo na-  
ta, in musculorum suorum gubernatione re-  
solveret, construeret. Et tamen sui tanti la-  
boris ignaram animam statuere oportet: &  
super ea omnia opera difficillimas abstractas-  
que ideas contemplari posse, ut neque cura  
corporis sui meditationes turbet, neque medi-  
tationes motus necessarios corporis excludant.

DLXI. Deinde, etiam si non conscii nostrae  
voluntatis possumus velle respirare, velle ni-  
ctare oculis, & efficaciter velle, retinemus  
tamen imperium, & suspendere possumus re-  
spirationem, firmare palpebras, incitare vi-  
cissim eas actiones, neque adeo conscientiam  
nostri

nostri imperii unquam amittimus, neque usum. Nihil simile nobis in cor licet, nihil in intestina, non frenare male veloces motus, non languidos excitare. Inter tot mortales, cur nemo respirationi non imperat, nemo in tot seculis cordi? Si consuetudo sola causa est ignoratae potentiae, cur non recipit sensum suae actionis in movendo corde, in motu peristaltico exercendo anima, postquam horis diebusque integris in submersis, in hysterisis, in anima defectis conquievit?

DLXII. Sed manifesto falsum est, motus omnes ab anima oriri, & absque ea materiem immobilem segnemque massam fore. Nam vis contractilis ad stimulum quemcunque, ad quam motus cordis, intestinorum, & forte omnis motus in homine pertinet (CCCC.), ne requirit quidem animae praesentiam, superest in cadavere, suscitatur mechanicis causis, calore, flatu, neque deserit fibram, quamdiu nondum refrigerata riguit, etsi dudum animam, quae percipit & vult, destructio cerebri abegerit, cordisque, etsi ex ipso corpore revulsus musculus, ab omni imaginabili animae sede separatus sit,

DLXIII. Naevus parum tribui debere, vel nihil, alibi dictum est. Administrationem motuum vitalium in morbis nulla prudentia regi, sed fere vi stimuli gubernari, manifesto docet & antiquissima medicina, & unice certa, quae acutorum morborum, & intermittentium, motus nimios coercet venae sectione, papavere, nitro, peruviano cortice. Nulla in corpore gubernando sapienti homini a stultissimo praerogativa: & fetum, ne suorum quidem musculorum movendorum satis gnarum, quando natus est, sed per experimenta discentem gradi, glutire, videre denique, corpus suum incredibili arte fabrefactum struere, ea quidem adfirmatio, adeo ab omni fide, ab omni modestia remota, vel sola ad refutandam hypothesin sufficit.

## CAP. XX.

## S O M N U S.

DLXIV. Aptitudo ad sensus & motus voluntarios libere exercendos in sanis organis, *vigilia* vocatur: ineptitudo ad eosdem & quies omnium cum sanis organis *somni* nomen fert.

DLXV.

DLXV. In somno anima vel omnino nihil cogitat, quod memoria retineatur, quodque notum sit, vel unice occupatur in speciebus, sensorio communi receptis (DXXXXIII), quarum vividae repraesentationes in mente eo tempore omnino similes perceptiones producant, quales objectorum externorum impressiones in sensuum organa faciunt. Hae repraesentationes *insomnia* vocantur, & efficiunt, ut reliquo toto tempore sensuum & voluntariorum motuum quiescente, aliqua tamen particula aperta sit, spiritibus perfluatur, & vigilet. Aliquando cum his perceptionibus animae aliqui motus voluntarii conjunguntur, ut loquelae organa, ut artus multi, omnesve, ad nutum illarum perceptionem regantur. Huc somnambuli.

DLXVI. Sed in somno pergit motus cordis, pergit omnium humorum in corpore humano distributio, circulatio, vis peristaltica ventriculi, intestinorum, sphincterum, respiratio denique ipsa simili modo exercetur. Haec compositio in quiete certarum partium, aliarum motu, cognitionem causae mechanicae somni difficilem reddidit.

DLXVII. Quare, ut eam eruamus, causas omnes, phaenomena omnia somni & vigiliae con-

considerabimus, eaque per omnia animalium genera persequemur. Ea enim conditio, quae ab omnibus istis causis perinde producitur & a nulla abest, ea causa vera somni erit.

**DLXVIII.** Naturaliter somnus sequitur vigiliam & labores vitae humanae. Nam in vigilia motus fere continuus musculorum voluntariorum, sensuum satellitium, adfectus animi, perpetuo novos stimulos nervis, venis, cordi addunt. Ita & multo motu trituque sanguis exasperatur ex natura blanda in alcallescentem putredinem, & sanguinis pars fluidissima, & ipsi tenuissimi spiritus celerius dissipantur, quam reparantur, & sensim non solum debilitas, & lassitudo corpori inducitur, sed in diutius protracta vigilia ardor quidam febrilis, acrimonia humorum, debilitas. Nocte redeunte sensim torpor percipitur in musculis longis, eorumque tendinibus, ineptitudo ad cogitationes severiores, amor quietis in animo & corpore. Tunc peculiariter vires corpus erectum tenentes laborant, & oculi nolenti clauduntur, & maxilla inferior pendet, & oscitationis necessitas ingruit, & caput antrorsum nutat, & objectorum externorum actiones minus nos adficiunt, & denique turbantur ideae,

co-



& cogitationes, & delirium succedit, a quo in somnum non satis notus transitus est, quod tamen somnum semper praecedit. In hoc somno naturali, & omnibus animalibus communi, videtur defectus spirituum in causa esse, quos motus muscularis & sensuum exercitium quocunque modo consumit, & quorum vii magnam exhalare probabile est.

DLXIX. Multum ad somnum conferunt, defectus omnis irritationis in capite corporeque toto, perfecta quies animi, sensuum externorum, tenebrae.

DLXX. Deinde somnum inducunt augentque varia, quae vires frangunt, sanguinis jacturae magnae, venae sectio, refrigerantia medicamenta, papaver, frigus ipsum externi aeris; & ea, quae sanguinem a capite avocant, ut pediluvia, cibi copia in ventriculum secepta, quam in nullo non animale somnus requiritur. Alia propria vi omnem spirituum motum debilitant minuuntque, non in cerebro solo, sed in ventriculo, intestinis, corde, omnemque irritabilitatem frangunt & obtundunt, ut opium, & alia forte narcotica.

DLXXI. Sed contra somnum etiam inducunt calida varia, quae sanguinem ad cerebrum

brum citatius cogunt confluere, vinum, alcohol omnis generis, sed maxime si in vaporem resolutum fuerit, ciborum particulae immeabiles, febres acutae variae & pessimae: vel non sinunt redire, ut obesitas. Hae omnes causae videntur in eo consentire, ut sanguis in caput congestus cerebrum conprimat, & viam spirituum in nervos intercipiat.

DLXXII. Sed etiam mechanicae causae somnum producant: compressio nempe durae matris, & cerebri, quaecunque, nata a sanguine effuso, in pacto osse, aquae in ventriculis copia.

DLXXIII. Somnus adeo oritur, vel a simplici defectu in copia & in mobilitate spirituum, vel a compressione nervorum, semper autem a collapsu fistularum nervearum, per quas spiritus animales a fonte suo, communi sensorio, ad partes omnes corporis exeunt.

DLXXIII. Confirmatur haec theoria ex causis vigiliarum. Somnum nempe avertunt ea omnia, quae copiosos spiritus producant, & potus imprimis aromatici, calidi, qui ad caput stimulant subtiles particulas mittant, unde incitatus paulum sanguinis in cerebro

A a

motus

motus, & dilutior indoles, plus spirituum in dato tempore separat.

DLXXV. Deinde somno resistunt curæ graves, & meditationes cum studio & adfectu, dolores corporis & animi, quæ omnia non sinunt spiritus in sensorio communi quiescere, aut nervos collabi. Priora ergo spirituum copiam faciunt, hæc motum augment. Eo ergo redeunt, quo priora DLXXIII. somni nempe naturam poni in nervorum ex sensorio communi venientium collapsu.

DLXXVI. An ergo somni sedes in cerebri ventriculis? Repugnat latius somni imperium, in ea animalia extensum, quibus nulli ventriculi cerebri sunt. An ideo in somno vitales actiones pergunt agere, quod cerebri solius sit passio, integro interim cerebello? & quaenam causa hujus diversitatis, quæ facit, ut officia animalitatis in somno quiescant, vitalia pergant operari? Non alia nisi quæ dicta est, quod vitales motus a perpetuis stimulis, perpetuis cogentibus causis a quiete præserventur CCCC.

DLXXVII. Somni effectus est moderamen omnium motuum in corpore humano. Solum enim cor nunc superest, quod omnes humores  
promoveat,

moveat, & remoti sunt omnes musculorum, nervorumque sentientium, & ab animae affectibus & voluntatibus orti motus, qui, praeter cor, in vigilia sanguinis, & spirituum cursum incitabant. (DLII. CCCCXIX.) Cor a pulsu frequentiori, pene febrili, sensim ad lentorem illum matutinum redit: respiratio minor fit & rarior, motus peristalticus ventriculi & intestinorum, & una fauces & ciborum coctio, & progressio saecum, debilitantur: humores tenuiores lentius promoveantur: tardi congeruntur, pinguedo effusa colligitur; viscidum alibile ad suas fibras suasve lacunas adhaeret; spirituum consumptio, sanguinis adtritum, & perspirationis copia minuantur. Sic, dum secretio liquidi nervosi fieri pergit, & consumptio subtrahitur, coacervatur sensim in cerebro id liquidum, nervos collapsos distendit, replet; & minimo stimulo accedente, redeunt ad actionem suam sensus interni & externi, & vigiliae restituantur. Iusto protractior somnus ad omnes effectus lentae circulationis disponit, obesitatem, somnolentiam, cachexiam, memoriae summum detrimentum.

DLXXVIII. Unde oscitatio dormituri-  
us? ad expediendum pulmonem per quem

sanguis tardius trajicitur: Unde pandiculatio? ad superandam impulsione spirituum naturalem contractionem musculorem, qui omnes artus in flexionis quamdam mediocritatem contraxerunt, & restituendum adeo robur musculorum extensorum. Unde opinio de cordis motu per somnum fortiori, perspiratione uberiori? a calore stragulorum, quibus coercitum perspirabile cutem mollit laxatque. Friget autem, qui in solitis vestibus somno se tradit, & animalia, quae multo tempore dormiunt, ad summum gradum frigent, ut mures montani, erinacei. Unde omne animal a cibo dormiturit? Non ab aortae pressione, aut sanguine ad cerebrum compulso, ea enim etiam a pastu animalia dormiunt, quibus vix ullum cerebrum est. Sed a vi stimuli, quem chylus, & aer, in ventriculo & intestinis exercet: confluit enim eo spirituum vis & sanguinis, ut in omni specie stimuli fit, ita cerebro multum subtrahitur. Sed etiam cibi immeabiles particulae, in cerebro minus facile trajectae, comprimendo medullam somnum minus benignum faciunt. An perpetua insomnia, nec a somno separabilia? an adeo naturalia, & animae, ne unquam absque cogitatione sit, quasi succedanea sensuum? Non videtur: insomnia potius ad morbi ge-

nus referimus, & ad aliquam causam stimulantem, quae perfectam quietem sensorii interrupt. Hinc maxime reficit somnus, a quo insomnia absunt aut eorum certe memoria abest. Hinc a primo somno, quo tempore maxime spiritus exhausti sunt, abesse solent, & mane redire, quando ii jam aliqua parte reparati fuerunt. Inde curae, fortis idea memoria recepta, cibi duri, multi, situs minus opportunus, insomnia faciunt. Nana sensatione aliqua nasci solent, cui, ex lege adfociationis idearum, integrum ad finium specierum collegium se comitem addit.

## CAP. XXI.

FAMES. SITIS. CIBUS.  
POTUS.

DLXXVIII. CREATOR & dolorem DLI.  
& voluptatem homini custodes dedit: illum ad avertendum malum, hanc, ut ad utiles actiones invitaretur. Maxime vero homini adsumptio alimenti necessaria est. Cum enim multum quotidie perspiret, cum multum deteratur de ejus vera materie, reparatione utique eguit. Sed id inprimis necessitatem alimenti fecit,

quod sanguis ex sua indole ad salis lixivi naturam proclivis, ad putredinosam acrimoniam perpetuo propius accedat, per motus naturales & necessarios cordis & arteriarum, & per calorem, quo plurimum ad putrescendum animales humores invitantur. Sed etiam coagulabilis sanguinis indoles, quæ plurimum aquae per diffilationem insensibilem perpetuo amittit, eget aquei elementi restitutione, quo globuli separentur, a coagulatione ferventur.

DLXXX. Demonstrantur haec & per suas causas, & per phaenomena hominum, & animalium fame enectorum. Iis enim commune est, acrem, faetentem, animam halare, dentium vacillationem ab erodente falsedine pati, & dolores in ventriculo enormes, febres acutas, rabiem veram. Haec mala eo velocius ingruunt, quo corpus vehementiori motu magis exercitum, & robustius fuerit: lentissime in phlegmaticis, quiescentibus, neque multum perspirantibus, neque sanguinem valide moventibus.

DLXXXI. Novus chylus, ex acescente ut plurimum vegetabilium classe compositus, sanguine perpetuo tenuior, in ejus fluentum receptus, temperat acrimoniam putrescibilem,



lem, diluit imminens coagulum, redncit  
 massam omnem in eam mediocritatem sali-  
 nae naturae, quae homini naturalis est: ad-  
 dit denique, in primis ex carnibus animalium,  
 novam lympham gelatinosam, quae per suas  
 causas CCXXXX. adposita detritarum solida-  
 rum partium lacunis, jacturam reparet. Po-  
 tus coagulabilem sanguinem diluit, putre-  
 dinem etiam impedit, dispergendo particu-  
 las putrescentes. Hinc diu absque cibo vita  
 toleratur, dum potus non desit.

DLXXXII. Ad cibum capiendum & dolor  
 invitat, qui *fames* vocatur, & voluptas, quae  
 in gustu percipitur CCCCLVI. Et illa qui-  
 dem fit procul dubio a sensilibus plicis ven-  
 triculi contra se invicem adtrititis, a motu per-  
 ristaltico, a motu septi transversi & muscu-  
 lorum abdominis, ut nudi adeo nervi, nudis  
 nervis adfricti, super omnem tolerantiam do-  
 leant. Ita efficaciter & monetur de pericu-  
 lo inediae homo, & cogitur ad procuranda  
 per suos labores alimenta. Aliquid liquidum  
 gastricum addit, acrius factum.

DLXXXIII. *Sitis* sedes est in lingua, fau-  
 cibus, oesophago, ventriculo. Quam pri-  
 mum haec partes, valde sensiles, & naturali-

ter suis mucosis & salivosis humoribus perpetuo humectatae, siccantur ex defectu secretionis novae humorum similium, vel a salibus muriaticis, alcaliscentibus, ibi haerentibus, oritur sensus multo magis intolerabilis, ut periculum a siti majus est, non remissurus, donec reparata aquae in sanguine abundantia, restituta libertate vasorum secretoriorum in iis, quas nominavi partibus, irrigentur eadem. Hinc scitur, quare sitis a laboribus, qui aquam perspirando diffiant: quare eadem in febribus? ubi obstructa sunt vasa ad linguam faucesque halantia. Quare aqua simplex saepe minus sitim sedat, melius vero fluida subacida, quae non irrorent solum, fluxili solatio, sed retentos humores provocent, & putredinem temperent.

DLXXXIII. His causis ad capiendum cibum potumque impulsimortales ab omni tempore, ex vegetabilibus & animalibus, haec vitae praesidia quaesiverunt, ut ex tertio ordine fere aqua & sal unice accederet. Et probabile sit, primum selectum ciborum per experimenta factum esse, prouti odor & sapor ad aliqua vegetabilia invitaret, & virium inde subsequens robur eorum utilitatem confirmaret. Sensum, cum & hominibus bestiae in-

com:

commodae essent, & sola vegetabilia ad labores non sufficerent, ferius carnes animalium additae sunt. Nunc infinita vis est eorum corporum, quae vel alimenti, vel condimenti, gratia in cibum recipiuntur.

DLXXXV. Etsi exempla sint hominum & populorum, qui ex unica classe, solis nempe vegetabilibus, folisque animalibus, & nonnunquam ex paucissimis speciebus unius classis, & denique solo lacte solove ejus sero vitam sustentarunt, videtur tamen & natura fabricae humanae requirere, & necessitas per experimenta cognita jubere, ut ex duobus imprimis alimentorum generibus vitam alamus, ita inter se contemperatis, ut neutrum modum excedat: quam mediocritatem ipsum fastidium nos docet, quod nimiam continuationem alterutrius generis ciborum sequitur.

DLXXXVI. Carnes animalium requirunt dentes in utraque maxilla, ventriculi humani fabrica, similis carnivoris, caecum intestinum breve & parvum, necessarium robur. Solae enim carnes lympham gelatinosam jam paratam continent, quae ex fractis vasculis effusa, in sanguinem multum, & facile transeat. Absque carnibus summa debilitas

bilitas, & corporis & ventriculi, & diarrhoea perpetua solet molesta esse. Cum herbivoris amplis longisque crassis intestinis convenit.

DLXXXVII. Vegetabilia edulia pleraque acescentis indolis sunt, pauca vel alcalescunt, vel plena sunt aromate. Neutra habent id gelatinosum, in sanguinem sponte sua rediturum: & unice nutriunt farina, pauca, post multas in circulum obitiones demum in humores indigenas mutabili. Requiruntur tamen, ne solis carnibus pastus homo sanguine repleatur, & nimio, & nimis putrescibili, qualis in anthropophagis certa fide regnat, & scorbutum facit, & ferocitatem, faectorem, lepram, corruptionis lixivae omne genus, quae omnia mala mutata diaeta & vegetabili acidulo victu unice superantur. Hinc paucientes canini homini dati, & appetitus infamo, & imprimis in aegro, ad vegetabilia acidula eo fortior est, quo calidior temperies, anni aetas, & regio fuerit. Hinc in aestuosissimis regionibus fere vegetabilibus vivitur, carnibus vero aut raro, aut cum periculo, in frigidis tutius & minori cum malo. Hinc panis, aut farinosus cibus pani analogus, in toto orbe receptus est.

DLXXXVIII. *Potum* optimum aqua praebet, ab omni sale pura, neque aëre feta, qui fermentationes cieat. Eam montanam utique, per arenosa fluentem, frigidissimam, limpidissimam, levissimam, insipidam, merito praetuleris. Quoties aut aqua pura deest, quod vitium in planioribus locis frequens est, aut vis aliqua ventriculum ad constrictionem stimulans, vel aromatica requiritur, tunc vinum eam supplet, ex uvis imprimis, sed etiam ex pomis pirisve factum, post fermentationem limpidum, plenum alcohole, in aqua & acido sale diluto. Simile aliquid, non absque alcohole, sed flatulentius, vappidius, frigidius, ex cerealibus tostis, aquae incoctis, per fermentationem paratur, ubicunque uvae non maturescunt.

DLXXXVIII. Condiimenta varia homines excogitaverunt: salem, acetum, acida varia, ad putrescentiam carniū corrigendam: piper, acria aromata, alliata, ad roborandum ventriculum, quem perpetua vegetabilia debilitant: Saccharum, salem, aromata gratiae causa, aut conditurae addiderunt. Haec omnia non nutriunt, cum & gelatinosa lymphā destituantur, & farinoso alibili.

DLXXXX. Praeparationes, pro gentium, climatum, temporum diversitate cibis variae adhibentur, quibus cruditas emendetur, fibrae solidae tenerescant, aer nimius expellatur, acor ingrator temperetur, gratia concilietur. Sed carnes tamen inprimis, & vegetabilium multa, aliqua egent trituratione, in homine maxime, cui parum carnosus ventriculus, neque tamen cibi mora diuturna in ventriculo putrescere debent.

## CAP. XXII.

## MANDUCATIO. SALIVA.

DLXXXXI. Cibi duri, tenaces, fibris longis, parallelis facti, osseis tecti aut cartilagineis tegumentis, friabiles, plerique omnino manducatione egent, ut in minores, minus cohaerentes particulas divisi, viribus solventibus ventriculi faciliores se praebeant. Quo diligentius in ore subacti fuerint, eo sapidiores, fluidae naturae propiores, coctionis facilioris fiunt.

DLXXXXII. Ergo homini dati sunt *dentes*, durissimi, radice quidem ossea, cava, recipiente per foramen in coni sui apice vascula &

nervulum, internum aditura periofteum; ea tota radice fixi in alveolum ſibi congruentem, & in ſumma corona radicis fortiter adhaerente gingiva revincti. Parte vero ſuper alveolum poſita dentes non offei ſunt, ſed peculiari, multo duriori, denſiori, pene vitrea fabrica ſiunt, facta ex fibris, rectis, ad radicem verticalibus, concurrentibus in medio. Haec pars abſque perioſteo & vasis nervisve eſt, & perpetuo detrita, perpetuo reparari videtur ſucco aliquo, qui ex folliculo radicis aſcendat. Duritati ergo corporum ſuperandae, adterendis cibis, dentes aptiſſimi facti ſunt.

DLXXXIII. Cum ciborum materies, & firmitas diverſa ſit, dentium diverſas figuras natura fabrefecit. In homine priores dentes utrinque quatuor ſunt, debiliores reliquis, radice unica; His corona hinc cava, inde convexa, in ſpeciem cunei extenuata, acie reſtilinea terminata. Deſtinantur cibis mollioribus, unice tenacibus, in particulas minores diſſecandis, & comminuendis fibris carniū vegetabilium, membranisque, offiſculis denique fructuum friabilibus.

DLXXXIIII. Secunda ſpecies eſt *caninorum*, qui in quavis maxilla bini, radice altiori, fir-



firmiori, unica tamen, & corona in conum fastigiata sunt. Discerpunt tenacia, & retinent infixi, quae diuturniori subactione indigent.

DLXXXV. Tertius ordo est *molarium*, quibus in universum radices multiplices, corona quadrangula, in superficie plana, sed scrupulis asperitatibus est divisa. Anteriores duo debiliores sunt, radice una, vel duabus, bipartita coronae superficie; posteriores tres, majores, radicibus ternis, quaternis, quinis, sed una fere pauciori in maxilla inferiori, superficie plana, quadrata, in totidem divisa colliculos, quot fere radices sunt. His dentibus interjecti cibi ossei franguntur, duri commoluntur, dum alterne super superiores immobiles inferiores dentes oblique & lateraliter moti adteruntur. His inprimis ea praeparatio ciborum debetur, quae a dentibus expectatur.

DLXXXVI. Ut dentes cum robore & firmitate moveri possint, infixi sunt, superiores quidem immobilis ossis maxillae alveolis, inferiores mobili ossi, unico, ita cum osse temporum dearticulato, ut a superiori maxilla abduci, ad eam adduci cum summo robore possit, deinde lateraliter moveri ad  
dextra

dextra & sinistra, denique antrorsum ultra superiorem maxillam promoveri, iterumque retrahi. Himotus pendent ab articulatione, quae est inter condylos, in quos maxillae pars lateralis fastigiatur, transversum latos, in medio altiores & inter tubercula obliqua ossis temporum, ad radicem processus jugalis excavata, levia, in medio profundiora, aucta per exigua faciecula simili, planiori, ad anteriora auditorii meatus, a quo fissura propria separatur. Libertatem majorem huic articulationi, & durabilem crustam cartilagineam, facit cartilago, interposita condylo maxillae & tuberculo ossis temporum, utrinque in medio cava, elevatis lateribus, illa parte tuberculo ossis temporum, istis vicinis depressionibus respondens.

DLXXXVII. Musculi maxillam agitantes, in homine debiliores, fortissimi in brutis animalibus, sunt *temporalis* elevator, a magna parte laterali capitis, & a sua aponeurosi, fibras tendineas, stellatas, colligens in processum acutum maxillae: *masseter* elevator, duplex vel triplex, a jugo & ab ossis malae margine in ramum maxillae inferioris retrorsum descendens. Hi socii sunt, temporalis tamen magis retrorsum maxillam reducit, masseter antrorsum.

sum. *Pterygoideus internus* a fossa pterygoidea, & a palati osse, & ab hamuli pterygoidei radice, alaque interna descendit in angulum maxillae inferioris, elevat, ab aliis depressam ad latus alternum ducit. *Pterygoideus externus* duplici principio, uno transverso ab ala interna, & a proximo osse palati, & a maxillae ossis convexitate postica, altero descendente oritur ab alae magnae sphenoidae parte temporali cava. Inde retrorsum redit extrorsumque in condylum maxillae, eamque antrosum ducit, ante superiorem, & ad latus.

DLXXXVIII. Depriimitur maxilla, os aperitur, a biventre, ex ossis mamillaris fovea orto, tendine suo intermedio ad os hyoides multa cellulositate firma, tendinescente, revincto, & cum mylohyoideo pariter connexo, per stylohyoidei discedentes fibras trajecto, carne nova aucto, inserto ad symphyfin duarum medietatum maxillae. Porro ab omnibus aliis musculis inferioribus maxillae, hyoidi ossi, laryngi insertis musculis os aperiri potest, geniohyoideo, mylohyoideo, genio-glossio, sternohyoideo, sternothyreoideo, coracohyoideo, & a latissimo colli: sed ab eo potius faciei cutis collique deorsum ducitur.

Geniohyoideus, digastrici maxillam retrorsum ducere possunt, sursumque.

DLXXXVIII. Magna vi maxilla elevatur, & dentes inferiores ad superiores adducti cibos dividunt ope temporalis, masseteris, pterygoidei interni, quae actio potentissima est per certa experimenta, & aliquot centenis libris elevandis sufficit. Laterales motitationes, & circularem super unum condylum immobilem, facit externus pterygoideus, & internus, tum priores, solitarie & alterne agentes. Sic cibi dissecantur, franguntur, conteruntur, & si diligens fuerit manducatio, in pultis speciem rediguntur.

DC. Nempe dum molitur cibus, adfunditur ipsi perpetuo plurimum liquidi aquosi, pellucidi, evaporabilis, insipidi, lenissime salini, paucissimam terram continentis, nec acidi nec alcalini, etsi inde mininum aliquid lixivi salis obtineri possit, cujus numerosi fontes in vicina adsunt. Plurimum ejusmodi *salivae* separant innumerabiles glandulae buccales, labiales, ovaes, per brevem ductum, & foramen, secretum liquorem effundentes. Is sponte abundans, esurienti copiosior, acrior est, & naturaliter deglutitur,

utilissimum auxilium praestiturus proprio sue-  
co ventriculi, neque absque noxa expuitur,  
nisi in phlegmaticis corporibus. Similis aut  
tenuior est, quem vasa exhalantia buccarum  
dorsique linguae ori adfundunt. Ductum  
vero incisivum, nunc satis certum est caecum  
esse, neque aliud quid ducere, quam arte-  
riam a palatina, quae nares adit.

DCI. Sed imprimis salivales glandulae co-  
gnominem aquula suppeditant. Princeps  
*Parotis*, late replet intervallum meatus audi-  
torii & maxillae, tegitque nudam maxillam  
& partem masseteris, conglomerata ex rotun-  
dis acinibus, cellulosa conjunctis, quae densius  
irretita universale quoddam, pene tendineum,  
involucrum toti glandulae supersternit. Ejus  
ductus albus, vasculosus, capax, ex ima glan-  
dula ad jugum adscendens, inde transversim  
inclinatus, recipit inmissum ductulum glan-  
dulae adfidentis summo masseteri, vel conti-  
nuae parotidi, vel separatae, raro duplicis,  
& porro reflexus circa muscoli masseteris o-  
ram tumidam, per discedentes fibras bucci-  
natoris, inter multas glandulas buccales, re-  
fecto fine absque papilla, in bucca aperitur.  
Multitudo arteriarum, glandulae moles, fa-  
ciunt ut hic salivae fons princeps sit.

DCII. Altera glandula, vicina Parotidi, longe minor, mollioribus & majoribus acinis facta, simili membrana conjunctis, adsi- det angulo *maxillae* inferioris, & partim cu- tanea in se ipsam terminatur, partim appen- dicem super mylohyoideum musculum mit- tit, quae longe sequens maxillae lateralem, cavam, longitudinem, acinosa, substrata oris membranae, *sublingualis* vocatur. A ma- jori illa *maxillari* ductus cum appendice exit, qui parte sublingualis media longe tectus, unum, duos, tres ab ea insertos sibi ramos ac- cipit, iisque auctus, aperitur in eminentem membraneum cylindrulum, freno linguae ad- sidentem. Sed alii breves parvique ductus a sublinguali glandula tres, quatuor, pluresve, ad viginti, brevibus ductulis & punctis, lin- guae oram perforant, salivamque secernunt. Est, ubi anterior majorque ramus ejus glan- dulae, qui solet addere se maxillaris glandulae ductui, solitarius, parallelus ipsi decurrit, & seorsim aperitur. Alios ductus salivales varii promiserunt, non vero perinde anato- mie confirmavit.

DCIII. Providentia CREATORIS fecit, ut nullo modo manducatio fieri possit, quin perfecta necessitate compressae glandulae sa-  
 B b 2 livales

linales liquidum suum uberius fundant. Nam maxillaris glandula, dum os aperitur, fonticulum salivæ projicit, a biventre pressa & a mylohyoideo; parotidem masseter tumidius urget, & instratus cutaneus colli. Quæ muscularis compressio, ea solus appetitus facit, & salivam ori adfundit.

DCIII. Ergo cibi, inter dentes commoliti, cum saliva aquosa, & aere, interteruntur in pastam mollem, succulentam, figurabilem, plenam aere elastico, qui in loco calente, elatere suo, perpetuo in dissolvendas partes cibi nititur, inter quas inclusus est. Ea opera oleosa aqueis miscentur, sapor & odor peculiarium ciborum in unum confunditur, & una, dum saliva sales diluit, cibi sapidiores redduntur. Quod vero volatile inest, id continuo resorbetur per vasa bibula linguae, & buccarum, & vires restaurat, redditum sanguini nervisque.

DCV. Motus vero necessarii ad convolvendum per oris caveam cibum, ut minifretur dentibus, & a lingua fiunt, & a buccis labiisque. Lingua quidem imprimis modo explanata, in dilatati dorsi levem sinum cibos recipit, & onus, per suas potentias CCCCLI.



motā, ad locum destinatum defert. Modo contracta, angustior, omnes recessus oris apice perquirat, & cibos in unum acervum converrit. Modo admotā dentibus exfugit ex cavea buccali fluida, aut manducata, & reddit posteriori cavea oris, retro dentes positae.

DCVI. Sed eandem linguam gubernat & musculis, & membranis, late adnatum os hyoides, basi introrsum cava, cornubus extrorsum euntibus, crassiore fine terminatis, & corniculis ovalibus praeditum: Id, per suas vires deductum, linguam reducit, maxillam, si laxa fuerit, una detrahit. Eae vires sunt *sternohyoideus*, sed a clavicula etiam ortus, lineis tendineis inscriptus, sursum gracilescens: *sternothyreoideus*, a simili ortu, & a costa etiam prima, etiam latior, qui, dum cartilaginem deprimit, cui inseritur, necessario conjunctum os hyoides descendere cogit, inmixtus etiam hyothyreoideo, & thyreopharyngaeo, & passim cum sternohyoideo, confusus. *Coracohyoideus*, sed a scapulae superiori breviori latere prope incisuram ortus, obliquus, ad transeuntem jugularem venam in tendinem mutatus, sed superiore ventre rectus, & recta os hyoides deprimens, passim cum ster-

nohyoideo mistus. *Hyothyreoideus*, a prioribus musculis determinatus.

DCVII. Aliae vires elevant cum lingua os hyoides, *styloglossus*, proprio a maxilla ligamento sustentatus, nonnunquam carneo: *stylohyoideus* debilis, saepe pro biventris fissus, iterumque in duas caudas collectus, adhaerens tendineae expansioni biventris, & in basin ossis hyoidis una cauda insertus, & altera in cornu, & cum tendinea expansione mylohyoidei mistus: *stylohyoideus alter*, quando adest, similis priori, sed posterior, ab apice processus styloidei ortus, triticeis ossiculis insertus, & ligamenti locum tenens, quo os hyoides suspenditur. Hi musculi omnes linguam retrahunt, latera elevant. *Mylohyoideus* ex tota longitudine maxillae natus, cum suo sodali in unum concurrens, elevat linguam, ipsique ad varios motus firmitatem praestat, vel vicissim maxillam deprimit. *Geniohyoideus*, socius genioglossi, linguam ex ore educit.

DCVIII. Sed praeterea cibos in ore varie buccae musculi movent, & conprimunt, & alii a cavea buccali in oris cavum retro dentes promovent, ut clauso ore buccinator:

alii

alii os ad cibos capiendos aperiunt, ut levator proprius labii superioris biceps, levator ex parte communis, nasalis labii superioris, zygomaticus uterque, risorius, triangularis menti, depressor anguli oris proprius, a foveola utrinque adjacente alveolo dentis canini ortus, insertus orbiculari. Alii os, recepto cibo, claudunt, ne elabatur, ut orbicularis utriusque labii, depressor proprius labii superioris, levator labii inferioris proprius, levator ex parte communis. Descriptiones ex anatomicis recipere oportet.

DCVIII. Ita fit, ut cibi cum saliva subacti, molliti, undique retro dentes collecti, linguae tradantur, explicatae per ceratoglossos, genioglossos, paulum excavatae per styloglossos. Atque inde porro ad fauces trahuntur.

## CAP. XXIII.

## DEGLUTITIO.

DCX. Nempe lingua, per styloglossos elevata, ad palatum late adpressa, cibos versus fauces, qua sola via patet, exprimit: Deinde

ipso suo posteriori crasso corpore per musculos eosdem, & per stylohyoideos, & per biventretrorsum ducta, inpellit epiglottidem, retro dorsum linguae erectam, cumque lingua multis membranis, forte & non nullis fibris musculosis connexam. Una omnes muscoli levatores Laryngis agunt, biventer, geniohyoideus, genioglossus, stylohyoideus, styloglossus, stylopharyngaeus, aliique, & laryngem sursum antrorsum ducunt, ut epiglottis se offerat obviam linguae, & facilius inclinetur. Hinc ad deglutitionem necesse est adductas esse maxillas, aut certe inferiorem elevatam, inque eo situ firmatam, ut biventer stabilitatem ibi nactus, & alii muscoli nunc dicti, os hyoides levare queant. Ita inversa epiglottis, ampliter, & abundae, aditum ad laryngem claudit, superque eam, tamquam pontem, cibus in fauces profertur.

DCXI. *Pharyngem* vocamus amplam, difformem, caveam, quae inter vertebrae colli, os occipitis ante magnum foramen, os cuneiforme medium, retro narium aditum, velum mobile, linguam, supra laryngem, & oesophagum intercipitur, uno sacco membranaceo, pulposo, facta, quem extus musculosae fibrae undique circummeunt. Interior membra-

membrana, continua epidermidi, & mutabilis, sed succosior est. Extus multa cellulositas pharyngi, maxime posterius & lateraliter adponitur. Hinc latus est & dilatabilis, aptus recipiendo omni corpori, quod a lingua pressum, trans laryngem, advenit.

DCXII. Dilatatur in actione DCX. a viribus suis elevatricibus, *stylopharyngaeo*, nonnunquam duplici, in membranam laryngis, sub osse hyoide, & in marginem cartilaginis thyreoideae descendente, & late per internam faciem pharyngis cum sequente disperso; tum *Thyreopalatino* in speciem arcus palato molli instrato, inde utrinque in duas columnas formato, quae ad latus pharyngis descendentes, ejus magnam partem efficiunt, latis etiam fibris thyreoideae cartilagini innexae. Salpingopharyngaeum satis vere musciculum esse, potius magnis viris crederem, quam meis experimentis. De Cephalopharyngaeo fere despero, nisi cellulosa firmam, albam telam, quae summum pharyngem retinet, pro musculo habueris. Potus ad utrumque latus epiglottidis laryngem circumit, & in oesophagum cadit.

DCXIII. Ne in nares cibus illabatur, dum cibi in dilatatum pharyngem veniunt DCXII. impedit interjectum palatum mobile. Nempe antè a palato osseo continuatur, & ad latera ab alis pterigoideis educitur, mobile velum, ex oris, nariumque membrana compositum, mediisque musculis, fere quadratum, inter nares & os in cavas fauces pendulum, ut naturaliter nares hiant, & velum ad os cavum sit: Hujus pars media, inferior, in conumeducta, ante epiglottidem pendula, plurimis glandulis farta, a morbo *uvula* dicitur. Hujus *veli levator* valens, ab ossis cuneiformis asperitatibus, retro foramen spinosum, & a cartilagine etiam tubae ortus, introrsum descendens, arcum faciens cum sodali, in velo mobili, id adducere potest cavis naribus tubisque, ne cibus utramvis subeat. Sed in deglutitione non valde agere videtur. Regurgitatio in nares tunc impeditur a constrictione musculorum pharyngis, una cum depressione thyreopalatini, qui manifesto velum mobile detrahit, & ad linguam & pharyngem adprimit, & circumflexi palati mollis, qui ab eodem cuneiformi osse paulo antè, & ab alarum ejus intervallo, alaeque interna, & a tubae cartilagine natus, latior, trajectus per sulcū hamuli

muli pterygoidei, mutata directione, adscendit tendine radiato, per membranam summam veli palatini dispersus, sodali innatus, & fundat reliquos ejus musculos, & caveae orae palatini ossis innascitur. Is & tubam aperire potest, & vicissim velum mobile deprimere. Sic, quasi sphinctere constrictus pharynx cibos depellit, neque quidquam in nares regurgitare potest. Inde, vitiato velo palati, ciborum per nares regurgitatio, & surditas.

DCXIII. Dum nixus ad depellendos cibos editur DCXV. urget eos inpositum & detractum velum, ad linguam deorsum tractum, vi palatopharyngaeorum, & circumflexi palati mollis. Idem musculi & una glossopalatinus, debilis quidem iste, velum contra linguae tumidam radicem adprimunt, regressum ad os intercipiunt. Epiglottis, postquam periculum illapsus in arteriam asperam nullum est, erigitur, & suo elatere, & a lingua antrosum iterum ducta. Uvulam depressam azygos, a tendinibus circumflexi natus erigit.

DCXV. Paulo post sequitur conatus ad cibos deorsum urgendos; quem edunt constrictores pharyngis musculi, qui posteriorem partem ad anteriorem adtrahunt; musculi nempe



nempe partim transversi, partim in pharyngis faciem posteriorem adscendentes. Princeps est pterygopharyngaeus, ortus ab hamulo toto, & ab ora alae internae, inde arcu facto retrorsum sursumque ductus, & late partem supremam pharyngis amplexus. Mylopharyngaeus, partim continuus fibris buccinatoris, mediis inter ejus duas adhaesiones osseas, partim proprio loco supra dentes molares ultimos maxillae inferioris ortus. Hi fere transversi, amplexi pharyngem, posteriorem partem ad anteriorem adducunt. Deinde adscendentes in duobus stratis sequuntur, Geniopharyngaei, cujus obscurae confusaeque fibrae a lingua natae sunt: Chondropharyngaei triangulares, ab ossiculis triticeis orti: Ceratopharyngaei, dimidio cornu radiatim adscendentes: Syndesmopharyngaei, a cornu cartilaginis thyreoideae nati; & a sequentibus diversi: Thyreopharyngaei duplices, & a sternothyreoideo, & a cryothyreoideo, fibris aucti: Gricopharyngaei & adscendentes, & transversi, & descendentes. Hi muscoli successive agunt, supremi primo loco, subinde qui sequuntur, & cibum in oesophagum depellunt. Una musculi depressores laryngis coracohyoideus, sternohyoideus, sternothyreoideus, laryngem retrorsum deducunt, pharyngem urgent, cibum,

bum deorsum pellunt. Aryarytaenoidei vero, dum juxta cibus transit, rimam posteriorem, perpendicularem laryngis constringunt.

DCXVI. Cum scabra varia, & ficca, nonnunquam deglutiantur, & pharyngem dilatabilem & indolentem esse oporteat, multum hic valet vis infinita muci, quae undique in fauces congeritur. Et in universum quidem, inter intimam membranam pharyngis, atque nerveam, sedet plurima vis folliculorum simplicium, ovalium, per brevia oscula mucum fundentium, mitem, aquosum, sed viscidum, fila trahentem, non absque olei, & salis volatilis, & terrae copia, qua salivam superat. Ueberiores sunt in parte pharyngis, quae occipitis ossi subtenditur, in lineas quasdam rectas, radiatas, ibi dispositae, & in eo fasciculo, quem salpingopharyngaeum vocant. Sed hujusmodi etiam folliculi plani, circulares, plurimi sedent in parte posteriori linguae ad foramen caecum usque, CCCCXXXVIII. Alii pori ex pulposa palati carne, exque sedentibus ibi numerosis glandulis, similem viscum adducunt. Tota porro veli mobilis natura glandulosa est, qualis pharyngis, sed  
magis

magis uberibus & densius collectis folliculis facta.

DCXVII. Ad sedem descendantis ab hamulo pterygoideo pharyngis, inter glosso palatinum & pharyngopalatinum muscolum, sedent *tonsillae*, ovales, intus decem & ultra magnis sinibus perforatae, inter vela membranacea patulis, quae vim lentissimi muci ex anfractibus suis, a vicinis musculis emulsae edunt. Ita & vicinae nares, & tubarum tumens anulus, & epiglottidis facies objecta laryngi, & dorsum cartilaginum arytaenoidearum mucosis organis plena sunt. Oesophagus denique & ipse undique simplicibus folliculis abundat, ex quibus fluidior paulum mucus adfunditur. Oesophageae vero glandulae de genere conglobato sunt, nec quidquam huc conferunt. Vasa tonsillis veniunt a lingualibus, labialibus, pharyngi ab istis, a pharyngea, oesophago a pharyngaeis, thyreoidaeis superioribus, inferioribus, bronchialibus, aorta. Venae multiplices palati & tonsillarum, confluunt, plexibus factis, in venae jugularis internae superficialem ramum.

DCXVIII. Oesophagus tubus duplex est, quorum interior ab exteriori multa & infla-

inflabili cellulosa separatur. Interior ergo *nervus*, fortis, continuus oris membranae mariumque, a sua villositate levi, non flocculenta, pulpofa, propria brevi cellulofitate distinguitur, in qua vasa rete faciunt, sedentque glandulae. Exterior tubus *musculosus* est, & ipse robustus, fibris a cricoide posteriorius inferiorius continuatis, ex annularibus in longitudinales externas degenerantibus, oesophagum contra cibum elevantibus & dilatantibus, ut buccae recipi possit. Aliae vero interiores, circulares, etiam valentes fibrae, similiter a cricoide principio sumto, successivo motu contractae cibum depellunt, per longum oesophagi tubum, recta primum descendente ad sinistriora asperae arteriae, in pectus venientem retro cor, per intervallum posteriorius utriusque pleurae LXXV. deinde sensim, paulum dextrorsum, tunc antrorsum flexum, ut subeat ostium proprium transversae septi COLXXXIX. in expirationis & inspirationis intervallo. Toti oesophago extus cellulosa tela circumponitur.

DCXVIII. Id superius ventriculi ostium constringitur agente in inspiratione utroque septi inferiori musculo, sic cibi in ventriculo continentur, ut omnis septi pressio eos  
sponte

sponte ad pylorum determinant. Ita vero accurate ventriculus clauditur, ut sanissimo homini etiam vapores in ventriculo coerceantur, neque nisi ex vitio adscendant.

C A P. XXIII.

# VENTRICULI ACTIO IN CIBOS.

DCXX. *Ventriculum* vocamus vas membraneum, cibus recipiendis natum, in abdomine positum retro septum transversum & costas spurias sinistras, figura transversim longius, utcunque ovali, vel dolii forma, eo longius quo homo adultior est, fetui rotundum totum breveque. Sed adcuratius considerata figura circulares quidem undique sectiones habet, ut tamen in recessu sinistro caeca cavitas sit, obtuse conica, inde versus oesophagum ventriculus letescat, crescantque lumina, & omnium laxissima sint ad sedem oesophagi, inde lente idem ventriculus decreseat, donec contra se ipsum inflexus in pylorum abeat. Situs in universum transversus est, ut tamen oesophagi ingressus posterior sit, finis dexter anterior. Medium corpus hominis, sive appendix ensiformis, respondet ventriculi sedi

di fere mediae. Teres cum sit, sed incurvus, arcum majorem, convexum, vacuus pendulum habet, plenus antrorsum eminentem peritoneo ostendit. Tunc arcus minor, orificiis interpositus, retrorsum perfecte respicit, complexus lobulum hepatis. Et oesophagus, magis ad horiezonem parallelus, ventriculo pleno inseritur, vacuo magis ad perpendiculum: & ventriculi finis dexterior, in vacuo sursum flexus in pylorum, in pleno ventre retrorsum inigrat, atque adeo in homine supino descendit.

DCXXI. Vicina ventriculo viscera sunt, initio caeco sinistro adjectus, & per multum omentum adnexus lien: curvaturae minori semimittens lobulus Spigelii, lobusque sinister hepatis, late se interponens ventriculo & septo transverso, partemque ventriculi anteriorem conprimens, unde infra hepar modica pars ventriculi absque medio septum contingit, costis ibi spuris subtensum, vel omnino totus tectus latet: posterius subjectum pancreas: inferius, (in vacuo), longe adfudens transversum colon: denique & ex minori curvatura enatum omentum minus, cui continua membrana, sed valentior, oesophagum cum septo transverso connectit: & majus

Cc

omentum,

omentum, non tamen toti adnexum ventriculo, sed dexterius cis pylorum deficiens, sinisterius vero in ligamentum continuatum, quo lien cum ventriculo committitur. Haec ligamenta peritoneaei propagines sunt, a septo recedentis, coniecti super ventriculum, ipsique tunicam extimam adducentis.

DCXXII. Fabrica ventriculi est in universum, quae oesophagi, cuius quaedam est dilatatio, in nonnullis animalibus undique similis. Membrana *externa* a peritoneo est, firma, limitans reliquas, & robur praestans subjectis fibris muscularibus. Ea educitur in utrumque omentum. Deinde *cellulosa prima* sequitur, copiosa in ortu minoris omenti, ibique glandulas continens conglobatas, lymphaticas, tum in majoris omenti fede; rarior & parva in planis intermediis, ut externa membrana ibi cum musculosa cohaereat. In hac vasorum magni rami sedent.

DCXXIII. Tunc *musculosa* sequitur, multiplex, nec facillima dictu, aut praeparatu. Fibrae longitudinales quidem oesophagi, ubi ad ventriculum pervenerunt, difficiunt se secundum omnia latera oesophagi. Aliquae earum, valentes, ad pylorum excurrunt, per  
curva-



curvaturam minorem, quae partim sensim declinatae, longitudinem sequentes, ad plannum utrumque descendunt, partim per pylorum in ipsum duodenum excurrunt, & paulatim evanescent. Similes aliae versus saccum caecum ventriculi sinistrorsum descendunt, teneriores eae. Aliae porro fibrae eum saccum caecum ventriculi ambeunt, circellos facientes concentricos, quae eadem, sensim auctae, continuantur cum fibris circularibus reliqui ventriculi; Hoc secundum, princeps, stratum fibrarum est. Denique sphincter oesophagi intimus fit fibris ad sinistra oesophagi ortis, ad utrumque vero gulæ latus dextrorsum decurrentibus, quam pene undique amplectuntur, & sensim in longitudinem degenerantes, desinunt, tectae circularibus secundi strati, atque pene ad pylorum excurrunt. *Ligamenta vero pylori* vocantur duae adstrictiones inter duas curvaturas, quae pylorum angustiant, a fibris longitudinalibus factae, quae a ventriculo ad pylorum exeunt, cum membrana externa arctius conjunctis.

DCXXIII. Post musculares fibras sequitur altera *cellulosa* major, facile inflabilis, mollior & amplioribus bullis facta, quam in intestinis solet. In ea vasa, quae musculosa in

tunicam perforant, majoribus truncis veniunt, & in angulolum rete dividuntur. Subest *nervea* tunica, alba, firma, crassa, quae veram ventriculi naturam, ut aliae nerveae, proprie constituit. Inde *cellulosa tertia*, satis evidens, cujus rete minoribus ramulis sit quam vasa retis prioris. Hinc sequitur *villosa* tunica, cuticulae continua, reparabilis, mucosa, mollis, villis brevissime eminentibus, sed rugis amplis, sub oesophago stellatis, in medio ventriculo longitudini fere stomachi parallelis complicata. Sed ad finem pylori nobilior ruga est, vulgo *valvula*, a fibris transversis, & a crassiori duplicata nervea tunica facta, ut species anuli nascatur, in duodenum producti, tumentis, lubrici, carnosique, quem latius duodenum complexum ambit. Rugae magnae villosae membranae ultimo in minores, quasi reticulatas, utcunque quadrangulares finduntur, leves, & facile evanescentes, obscuriores, quam in bilariis ductibus. In ea villosa tota, sed magis versus pylorum, pori aliqui, non semper conspicui, vere a me visi sunt, qui ducunt ad folliculos simplices, sedentes in cellulosa altera.

DCXXV. *Vasa* ventriculo multa sunt, & a multis truncis orta, ut in nulla pressione adfluxus

fluxus intercipi possit, quod facile factum fuisset, si truncus unicus esset. Horum omnium communis mater *coeliaca* est. Sed ab ejus tripode, aut supra divisionem, prima, maxima, oritur *coronaria superior*, uno ramo circumlegens oesophagum, cui, & septo & hepatis etiam, ramos dat; altero sequens curvaturam minorem, non uno trunco in *minorem coronariam dextram*, in osculatur, a dextro ramo coeliacae in ipsa vena portarum ortam, relegentem curvaturam minorem. Sed eadem dextra propago coeliace, postquam retro oriens duodenum descendit, insignem ramum contra majorem curvaturam ventriculi mittit, qui in omento suspensus, dat utrique plano ventriculi, & majori hujus parti circumductus, inseritur *sinistrae gastroepiploicae*. Nempe coeliacae truncus sinister, dum secundum ductum pancreatis, & secundum lineis finem incedit, multos ex ordine in ventriculum ramos dat, quorum primi fere absque nomine sunt, sequentium aliquis, *sinistra gastroepiploica* dictus, & epiploo insignem ramum, & alios minores mittit, & circa ventriculum dextrorsum redit, inosculatus dextro sodali. Alii minores, a lienalibus jam ramis profecti, furculi sedem a curvatura majori reliquam ad eunt, ad septum transversum usque, hi bre-

*via* vasa vocantur. Reliquae arteriae minores sunt, pyloricae superiores ab hepaticis, inferiores a gastroepiploicis, oesophageae infimae a phrenicis.

DCXXVI. His vasis ea est distributio, ut externa membrana & carnea breves ramos accipiant, trunci in cellulosa prima ordinentur, & parum diminuti musculosam perforant, atque inter eam & nerveam membranam majus verumque rete constituent, in quo omnes diversorum truncorum arteriolae infinitis anastomosibus conjunguntur. Ab eo rete breves iterum, sed numerosi parvique rami, in tertiam cellulosam villosamque membranam veniunt.

DCXXVII. *Venarum* rami arteriosis socii incedunt. Coronaria major ad sinistrum fere semper truncum portarum venit, cum brevibus & gastroepiploica sinistra. Dextra hujus nominis confluit cum colica media, & una mesenterico ramo venae portarum infunditur. Dextra coronaria denique a trunco venae portarum est. Omnes valvulis destituuntur; & superiores coronariae, uti arteriae, cum oesophageis thoracicis, ita venae cum venae sine pari ramis inosculantur.

DCXXVIII.

DCXXVIII. *Nervi* multi & insignes sunt, quos generat octavum par, duobus plexibus oesophago injectum, quorum anterior, minor, ab oesophago in curvaturam majorem planumque antérieur, posterior major in minorem curvaturam, & cum arteriis ad hepar abit, & ad pancreas, ipsūque septum transversum. In cellulosam alteram usque deduci possunt. Reliqua, & papillae inprimis, obscuriora sunt. Plurimi vero cum nervi sint, ventriculus eximie sensibilis est, ut acrida, quae lingua non discernit, tamen stomachum subvertant, & intestina multo indolentiora sint, per certa in morbis experimenta, & ipsa nuda cutis minus acute quam ventriculus sentiat. Ligatis nervis octavi paris vis ventriculi, & digestio ciborum deletur.

DCXXVIII. *Vasa lymphatica* insignia vidi in curvatura ventriculi minori, ab ejus glandulis orta, & ductui thoracico praegrandi trunco inserta. Alia procul dubio in majori curvatura similibus glandulis innascuntur. Lactea alia neque vidi, neque facile recipere illa, nuper descripta, quae dicuntur, a ventriculo per omentum ad hepar ire, & vero chylo plena esse.

DCXXX,

DCXXX. In ventriculo humano, *micum* primo plurimum reperimus, inungentem villosam membranam, sobolem pororum DCXXIII. non raro a retroeunte bile tinctum. Deinde ex ventriculo jejunum regurgitat non raro, curvato corpore, *limpidus humor*, omni dote salivae similis, quem purum in ventriculo reperire minus facile est. Ab omni acrimonia, aciditate & alcalescentia, remotus est, quando a cibis purus haberi potest. Sibi commissus potius in lixivi salis indolem mutatur, tum in homine, tum in animalibus, dum a ciborum acida illuvie separetur. Eum arteriae ventriculi per tunicam villosam destillant, argumento injectionis anatomicae, qua facillime aqua, gluten, oleum, in ventriculum per infinitos porulos urgetur.

DCXXXI. Deinde retinere oportet, ventriculum in plenissimo abdomine comprimi, tamquam in prelo, inter septum transversum, cujus ala sinistra cava hepatis, hinc ventriculo anterior & superior imminet, & resistentes abdominis musculos rectum, obliquos, maxime vero transversum. Quo plenior est, eo magis experitur musculorum abdominis actio-



actionem, cum eo tempore ad angulum rectum peritoneum contingat.

DCXXXII. In hunc ventriculum dimituntur cibi, saepe pene crudi, & parum manducati, varii generis, alcaliscentes carnes, ranceffens pinguitudo, acescentia vegetabilia, panis & lac, Fovetur hic in calore, qualis incubantis ovi est, a corde, hepate, liene vicino: in loco & superne clauso (DCXVIII.) & inferne ob adscensum pylori, angustiam valvulae ibi positae, vim fibrarum pylorum constringentium, ut etiam aliquot horis a pastu in validis animalibus, ipsum lac in ventriculo unice maneat, neque in intestina transeat. Porro in loco humido cibi macerantur, cum multo aere, vel inter deglutiendum absorbto, vel cibis misto. Isergo aer, expansus vi caloris, vi putredinis, vel fermentationis, frangit undique cellulas, quibus includitur, viscidas bullas adtenuat, fibras integras, debilitat, spatium subituro humori parat. Sed is etiam aer, qui princeps gluten partium solidarum animalium est, emergit ex intimis, elementa relinquit absque vinculo, argumento eorum, quae in Papini lebete, in ventriculo animalium, & ipsius etiam hominis, adparent.



Idem aer liberatus ventriculum distendit, magis quam cibi moles, *flatuum* nomine. Una cibi incipiunt corrumpi in nauseosum liquamen, aciescens saepe, alias, sed lenius in homine, putrescens, ob vim panis, salisque, vel rancescens, ut adparet argumento flatuum, ructuum erumpentium, varie faeculentium, etiam inflammabilium. Haec causa sola digestionem perficit in genere piscium, serpentum, & fere in avibus carnivoris. Hinc ipsa in homine metalla diuturna mora mollescunt, eroduntur. Una faeces perit, nerveis rugis a mutuo contactu defensis interposito cibo, obtuso acriori liquido gastrico; & forte ab ipsa nauseosi nunc liquaminis ingrata nervis praesentia.

DCXXXIII. Ne vero in plenum acorem cibi degenerent, impedit calor ipse putrescibilis, vis adfusi liquidi gastrici, deglutitae ad semunciam in hora salivae, potius alcaliscentium: & ii liquores intertriti cibum macerant, molliunt, membranas ipsas discerpunt, cellulosa vincula resolvunt, pulpas liquefaciunt, ut alias aqua calens & mora solet. Nulla ideo fermenti hic species est, a qua aliena est natura liquidi, naturae finis.

DCXXXIII. Nam irritatae a flatu, pondere, acrimonia cibi, fibrae carneaе ventriculi incipiunt nunc vehementius, quam in vacuo ventriculo, constringi, eo potentius, quo plenior est ventriculus, cujus rotundus tumor his fibris pro hypomochlio fit. Et planum quidem curvaturae minoris pylorum oesophago adducit, cumque sinistrae ejus faciei unice inferatur, cum ad dextram accedere cogit. Fibrarum circularium princeps stratum cavitatem ventriculi angustat, cibos interterit cum liquidis DCXXX. & aliquantum, quasi inter manus oppositas premit, atque ad pylorum sensum promovet. Non continuo vero finit effluere, tum ob causam DCXXIII. tum quod hic motus a loco magis irritato incipiat, & perinde cibos sursum repellat, uti alias ad inferiora eos urget. Nihil in hoc motu tritui simile est, qualem aves exserunt granviorae, edentulae, & ad hominem aliqui scriptores transtulerunt: & tamen robur habet, & exemplo est fibrarum, quae multo, quam una tertia breviores sunt: frequens enim est vilu ventriculus multo, quam ad tertiam partem diametri, & ad unciae denique latitudinem diminutus. Ne baccas quidem, aut mollissimos vermes conterit.

DCXXXV. Potentior vi peristaltica ventriculi ea est, quam septum transversum & musculi abdominis exercent; ea enim perfectius ventriculū evacuare, planumque anteri⁹ ad posteri⁹ proxime adducere valet. Haec etiam vis inprimis potum continuo, cibos vero, quando molli⁹, neque nunc nimis pro valvula pylori crassi sunt, per eum pylorum, in ventriculo pleniori inclinatum, ad duodenum expellit. Non prius vero cibos prodire vidi, quam amissa fibrosa, aut alia propria fabrica, in mucosum, quasi cineritium, flavescent subaetidum pultaceum liquamen resolutos. Quod primum paratum est fluidumque, id praeit, hinc omnium primo aqua, & lac, deinde olera, ultimo carnes sequuntur. Duriore⁹, tenaciores, longiores pelles fibraeque una transeunt immutatae, & dura, sed crassa pro pylori portione, corpora diutissime retinentur.

DCXXXVI. Potus autem non minima portio in ipso ventriculo resorbetur in venas pendulas, hiantes, similes arteriolarum exhalantium DCXXX. & in sanguinem breviorē via recipitur, manifesto argumento ab injectionibus repetito. An aliquid in lymphatica etiam venit DCXXVIII?

DCXXXVII.

DCXXXVII. A copia niiria ciborum, & acrimonia, aut nausea, a bile retroeunte, aut alia causa, irritatus ventriculus motu antiperistaltico cibos sursum repellit, & per patulum laxatum oesophagum, reddit vomitu. Sed adjuvat vis abdominalium muscutorum, qui ventrem conprimunt, costas adducunt, dumque contranitur descendens diaphragma, fortissimo conatu inter prelum quasi elisum ventriculum evacuant.

DCXXXVIII. Verum naturali via ad duodenum compulsus cibus offendit ibi bilem, non raro in ipsum ventriculum refusam, & succum pancreaticum. Illius praecipui digestivi liquoris indoles requirit historiam eorum viscerum, quae sanguinem suum venae portarum tradunt.

## OMENTUM.

DCXXXVIII. *Peritoneum* dicitur membrana firma simplex, qua omnia viscera abdominalia coercentur. Id intus levissima superficie, exhalante, rorida, extus tela cellulosa undique ambitur, laxissima, obesissima ad renum sedem, brevissima ad musculorum transversorum inferiorem tendinem. Incipit a septo transverso, quod totum sublinat, & inter fibras carneas costales ultimas, atque lumbales externas, septum solum cum pleura perficit, cum qua per varia foramina septi continuatur. Descendit posterius ante renes, anterieus retro abdominis musculos, demergitur in pelvim ab ossibus, pubis, insidet vesicae, retro eam descendit, iterumque ante ureterum ingressum duabus lunatis plicis retrorsum delatum, ante rectum intestinum conjungitur cum parte sua, quae lumbos vestiebat, & eo loco ante rectum intestinum est.

DCXXXIX. Sed varie educitur, ut viscera operiat. Breves quidem productiones sunt, quas *ligamenta* vocant: & quae peritonei duplici continua productione fiunt, recedente ab  
ejus

ejus facie interna; mediam complexa cellulosa, accedente ad viscus suum: ibi separantur laminae, & diductae viscus amplectuntur, media vero cellulosa subjicit se membranae huic *tunicae*, & visceris carnem veriore ab ea passim separat. Hujusmodi breves productiones tres ad hepar, ad lienem una vel duae, ad renes suae pariter perveniunt, adque latera uteri vaginaeque. Ita viscerum tenera natura in motu & concussione defenditur, & tota moles, ne ponderosa vagetur sibi que noceat, contra firmum peritonaei parietem tutissime religatur.

DCXXXI. Omnium vero nobilissima productio peritonaei est, quae *Mesenterium* dicitur, & *Mesocolon*, cujusque descriptionem non oportet separare, etsi difficilis sit, quae verbis depingatur. Ergo primo simplicius dicendum *Mesocolon*. In pelve peritonaeum ante rectum intestinum breviter se conjicit. Sed ubi hoc intestinum in flexum semilunarem laxatur, ibi peritonaeum longe a mediis vasis iliacis, psoaeque sede, elevatur, duplex, (DCXXX.) & in eam figuram factum, quae cavo colo intestino aptetur. Sed superius, in sinistro tamen latere, colon fere absque media productione, quae libera sit, conjungitur

gitur peritoneaeo, psoae musculo instrato, ad sedem usque lienis, ubi hoc ipsum peritoneaeum, quod tunicam colo dedit, sub liene tensum, cavo superiori recessu id viscus recipit firmatque.

DCXXXII. Inde peritoneaeum, & a rene sinistro & ab utriusque intervallo, magnisque vasis, & a rene dextro, emergit antrorsum, sub pancreate, & continuum producit latum satisque longum *Mesocolon transversum*, quod ad septi modum partem abdominis superiorem, in qua ventriculus, lien, pancreas & hepar sunt, ab inferiori dividit. Hujus inferior lamina, simplex, a dextro mesocolo in sinistrum continuatur, & satis magnae parti duodeni ini, & descendens, pro externa membrana est. Superior vero, impedita magis, in sede pylori ab inferiori recedit, duodeno dat externam laminam, & trans hoc intestinum, transque colon, cum inferiori lamina conjungitur, ut magna pars duodeni in cavitate mesocoli sit. Deinde ad sedem hepatis mesocolon inflectitur, & porro secundum ejus lateris renem descendens, multo brevius, colon dextrum continet, ad caecum usque intestinum, quod iliaco musculo infidet, & cujus appendicula proprium, longum, falcatum



catum mesenterium nactum est. Ibi terminatur mesocolon, fere ad divisionem aortae.

DCXXXIII. Inde porro *Mesenterium* sequitur, amplissima, plicata productio peritonaei, transverso mesocolo continua, ad latus dextrum emergentis duodeni, indeque longe mesocolo utrique ad pelvim usque exeuns. Mesenterium, sub transversi mesocoli parte dexteriori, a sede peritonaei, quae aortae incumbit, sub pancreate descendens, infinitis in ambitu plicis, longissimam feriem tenuium intestinorum continet.

DCXXXIII. Mesenterii, & Mesocoli sedes omnes, & eo magis, quo longiores fere sunt, adipem habent, collectum in intervallo necessario duarum laminarum, & interjecta vasa circum adipem ludentia, quem arteriae separant, venae, ut dicetur, resorbent.

DCXXXV. *Omenti* natura mesenterio fatis propinqua est. Multae autem particulae sunt, quae hoc communi nomine veniunt, fabrica & utilitate pares, omnes tenera factae membrana, facillime lacerabili, per quam vasa reticulata incedunt, secundum quorum ductum adeps in strias dispositus sedet. Haec

membrana semper duplex est, & inter ejus lamellas, tenerrima cellulosa tela arcte conjunctas, vasa repunt, & pinguedo congeritur. Et primum, ubi ren summus dexter, & hepatis lobulus caudatus, subjectus vasis magnis, & duodenum intestinum in angulum conveniunt, ibi externa membrana coli, quae a peritoneo est, & conjuncta duodeni membrana, quae & ipsa quam proxime a peritoneo oritur, incumbente reni, retrorsum in hepatis fissuram transversam longe se inmittit, continuatur ejus externae tunicae, vesiculam fellis continet, vasa hepatica fundat, flava tota & lubrica. Retro hanc membranam productionem, inter hepar dexterimum, & hepatica vasa, vicinunque duodenum, ostium naturale est, quo flatus in omenti eam, quae dicetur caveam, late recipitur.

DCXXXVI. Inde, continuo cum hac membrana ductu (DCXXXV.) a pyloro, & a curvatura ventriculi minore, membrana externa hepatis & ventriculi ita conjunguntur, ut ex fossa ductus venosi membrana hepatis tenera, trans lobum minorem, in ventriculum continuetur, praetensa lobulo, & pancreati. Hoc minus omentum est, *Hepaticogastricum*, quod conum recepto flatu refert.

fert, & sensum durius, emaciatum, in verum ligamentum abit, quo oesophagus & hepar conjunguntur DCXXI.

DCXXXVII. Sed majus Omentum *Gastrocolicum*, longe amplius est. Incipit ad arteriae Gastroepiploicae dextrae primam ad ventriculum accessionem, a lamina superiori mesocoli transversi DCXXXI. ibi continuatum, deinde a ventriculi curvatura majori tota ad lienem usque, porro a gibbo ventriculi dexterrimo versus lienem, donec & ipsum in ligamentum abeat, quod lienem summum, postremum, & ventriculum conjungit. Haec *anterior lamina* est.

DCXXXVIII. Ea fluctuat, deorsum producta, ante intestina, modo ad umbilicum, modo ad pelvim usque, retro abdominis musculos, donec ex imo margine contra se ipsam revoluta adscendat, media inanitate ab anteriori lamina remota, & in coli transversae externam membranam longissime, & denique in lienis sinum continuetur, qui vasa magna recipit. Retro ventriculum, ante pancreas, cum cavea minoris omenti continuatur.

DCXXXVIII. Huic Omentum *Colicum* cohaeret, quod dexterius oritur, quam prima a mesocolo origo Omenti *Gastrocolici*.

ci, cum ejus cævea continuum, sed a solo colo ejusque membrana externa natum, quæ duplex abscedit ab intestino, producitur, & conico fine, modo longius, modo brevius, supra caecum intestinum terminatur.

DCL. Denique ex omni colo numerosa producuntur *Omenta exigua*, sive *Appendices Epiploides*, quæ simillima fabrica sunt, & flatum perinde recipiunt, & caecas vesicas imitantur, sed parva, oblonga, valde pingua, ex membrana coli externa continuantur.

DCLI. Omenti utilitas multiplex est. Communis quidem cum mesenterio est, laxa spatia parare, in quæ adeps effundatur, & adservetur per somnum & quietem, ut per motum majorem dissolvi, venisque sorbentibus reddi possit, & bilis principem portionem constitueret. Hinc modo crassissimum reperias, ad pollicem, modo tenue, charta longe pellucidius. Nam in venas adipem recipi, demonstrant omenta hominum diversissima mole & pinguitudine reperta, prout ii vel segni vita, vel laboriosa aut morbida fuerint: phaenomena in brutis animalibus: analogia reliqui per universum corpus humanum adipis XXI: exemplum in ranis, in quibus ista resorbtio oculo usurpari potest,

potest, natura bilis manifesto inflammabilis. Huc refero vitia digestionis, cruditates, frigus ventriculi, a resecto omento observata.

DCLII. Omnis enim sanguis, qui ab omentis & a mesocolo redit, is omnis in venam portarum convenit, & adeo in hepar ipsum. Et omentum quidem Gastrocolicum sanguinem habet ab utraque Gastro Epiploica arteria, per plurimas descendentes, & reticulatas propagines, quarum longiores sunt, quae maxime laterales; imae minutis ramis cum coli arteriis coeunt. Colicum Omentum a colicis arteriis, perinde ut illa minora, vasa habet DCL. Omenti minoris arteriae sunt ab hepaticis, a coronaria dextra, a sinistra.

DCLIII. Nervos omentum perexiguos habet, ut indolens & pingue, eos vero ab octavi paris nervis natos, tum in majori, tum in minori curvatura ventriculi.

DCLIV. *Mesenterii* arteriae eadem in universum sunt, quae etiam intestina adeunt, & quarum minores rami in glandulis & adipe mesenterii manent. Accedunt minores variae, ad mesocolon utrumque arteriae, ab intercostalibus, spermaticis, lumbalibus, capsularibus,

laribus, ad transversum a splenica arteria, a pancreatico duodenali; ad mesocolon finistrum ab aortae ramulis, glandulas lumbales adeuntibus.

DCLV. Venae omenti in universum sociæ arteriarum, & in similes truncos conflunt; in splenicum quidem ab omenti gastrocolici parte sinistra, & ab hepaticogastrico, quod etiam ad truncum venae portarum sanguinem mittit; in mesentericum vero truncum a gastrocolici omenti dextra parte majori, a colico, & ab appendicibus epiploidibus. Mesentericae venae omnes in unam conflunt, quae verus truncus venae portarum est; in duos primo magnos ramos collectae, quorum alter Mesentericus gastroepiploicam venam, colicasque medias, & ileocolicam, & tenuium intestinorum omnes venas ad duodenum usque recipit: alter, qui transversim euns priori se super oriens duodenum innittit, sanguinem revehit colicarum sinistrarum venarum, & recti intestini, exceptis infimis, quae partim a vesicalibus sunt, partim ab hypogastricarum ramis pelvi exeuntibus. Ista vena, quae *haemorrhoidalis interna* dicitur, nonnunquam in splenicam potius, quam in mesentericam se inserit. An & *lymphatica* habet

Omen-

Omentum? Certe & in minori omento, & in gastrocolico glandulae conglobatae sunt, & veteres observatores vasa pellucida in omento viderunt, & nuper, qui pro lacteis ventriculi habuit.

DCLVI. Alia omenti utilitas est, interponere se intestinis & peritonaeo facile concreturis, priorum mobilitatem integram servare, tum super se ipsa, tum super peritonaecum, adtritum minuere, fibras musculares blandissimo oleo obungere. Inde etiam in infectis multis intestinis adeps circumfunditur. In crassis intestinis plurimae appendices sunt, quod & majores laceratos nacta sint, & non omnia omento tegi possint.

DCLVII. Sed etiam vasa ordinat idem, ea perfert & stabilit, viscera vicina connectit, vaporem mollem exhalat, qui, mistus cum aqua exhalante abdominali, viscera omnia inungit, & lubricat.

DCLVIII. Mesenterium intestina fundat, ut cum stabilitate mobilia sint; vasa sanguinea & lactea nervosque fulcit, & tuto perfert, glandulas, ut alibi dicetur, locat, membranam exter-



nam intestinis induit, omenta pleraque producit.

DCLIX. Sed praeterea sanguis per venas mesentericas refluus, & per mesocolicas, adfert ad hepar praecipuam aliam bilis partem, nempe aquam equidem copiosam, subalcalicam, ex omnibus intestinis tenuibus resorbtam, ut suo loco demonstrabitur. Deinde a crassioribus intestinis aquam etiam, sed putridiorem, faetidam, alcalinae volatili naturae proximam, deface alvina, jam olida, resorbtam, hepati tradit, quam sua etiam experimenta, & vel sola ficcatio faecium diutius in alvo retentorum, facile evincunt. Haec enim aqua & ex sua indole fluida est, atque stuidior per putredinis initium: contemperat adeo lentorem olei omentalis, mesenterici, & a coagulatione servat. Sed addit inprimis bili rancidum illud, alcalinum, quo abundat, unde mira tenuitas vis tinctoria, saponacea, bilis, pene unice pendet

## C A P. XXVI.

## L I E N.

DCLX. *Lien* & ipse inter viscera est, quae ad hepar sanguinem suum mittunt. Pulposus, cruentus, livens, crassulus, circumferentia ovali, saepe per marginem incisus, hinc ad costas convexus, inde cavus, duabus facieculis anteriori, & posteriori, quarum illa ventriculo, haec septo transverso objicitur, per ingressum vasorum divisus. Ventriculo per omentum minus, & ligamentum superius connexus, sustentatus a proximo colo, & ligamento DCXXXI. retro capsulam attingit, cui per multam cellulositatem cohaeret, renique per peritoneum connectitur. A septo transverso peritoneum etiam recipit, ligamenti nomine, in sinus cavi sui partem posteriorem, retro vasa. Situs variabilis est, & ventriculum sequitur. Quando is inanis est, tunc lien magis ad perpendicularum ponitur, & finem habet superiorem & inferiorem. Quando repletus ventriculus media curvatura antrorsum adsurgit DCXX. tunc una lien situm mutat, & extremitates habet anteriorem, & posteriorem, ut pene trans-

transversus fit. Sic moles ejus, cum sit mollissimus, laxior est & amplior cum vacuo ventriculo, ab eodem pleno contra costas expressus inanitur. Hinc magnus in languidis, in subito enectis validisque corporibus parvus est. Sed etiam cum septo transverso descendit in inspiratione, cum expiratione ascendit, & alioquin frequenter situ cum colo ludit. Frequenter alter lien minor genuino adfidet.

**DCLXI.** Vasa lien magna habet proportionem sui ponderis. Truncus arteriosus a coeliaca est, cujus sinister ramus, super & retro pancreas, serpentino flexu migrat, & datus ad pancreas, mesocolon, ventriculum, omentum ramis, secundum sulcum lienis incurvatus, sustentatus omenti gastrocolici sine dextro, multis ramis lienem quasi perforat. Vena ficia, insigniter & fere super aliarum venarum conditionem mollis, princeps sinister ramus venae portarum est, & praeter ramos focios arteriosorum, coronariam magnam, retro pancreas descendente[m] recipit, & nonnunquam haemorrhoidicam internam. Brevia vasa, a lienalibus, alibi dicta sunt; denique furculi a lumbalibus, phrenicis,

nicis, intercostalibus, capsularibus exigui accedunt in ligamenta, membranas. Sic etiam venae lienales, brevesque cum capsularibus, renalibus, phrenicis, communicant.

DCLXII. *Vasa lymphatica* saepius dicta, quam visa esse existimo, quae describuntur in duplicatura membranae lienis, (sed ea nulla est), & dicuntur porro ad chyli receptaculum abire, in vitulis manifestissima.

DCLXIII. *Nervi* lienis exigui sunt, ut & ipse parum dolet, & rarissime inflammatur. Oriuntur a plexu peculiari, composito ex nervi octavi paris ramis posterioribus DCXXVIII. & ex propriis ramis magni gangliiformis plexus, quem intercostalis nervi splanchnicus truncus producit, & arteriam lienalem ramulis obnubunt.

DCLXIII. Fabricam lienis multo, quam vulgo creditum est, simpliciorum esse apparuit. Fit enim unice & in homine, & in vitulo, arteriis venisque; illis inprimis ramosis, subdivisis, in mollissimos demum, aegre replendos, confertim productos furculos terminatis, a quibus in venas comites facilis transitus est. Hos vasorum cum suis paral-

parallelis ramulis quasi penicillos, utcunque subrotundos, pro glandulis varii auctores habuerunt. Neque in legitima repletione materies in ulla intervalla effluit. Quivis trunculus arteriosus, & qui inde oriuntur rami, cellulosa teneram telam, ut ubique in visceribus, circumpositam habent. Totam molem extus ambit unica, non duplex, neque durissima, membrana, peritonaeo continua.

DCLXV. Docet etiam observatio, in liene sanguinem plurimum inter omnia viscera esse, cum nullus musculus, nec adeps, nec ductus excretorius, neque aereum vas, se vasis rubris interponat. Is sanguis vix unquam coagulatus, aliquid fusci habet, & dilutione, colore, aquae majori portione cum sanguine fere fetus comparari potest, sale vero volatili abundat.

DCLXVI. Absentia ductus excretorii fecit, ut omni tempore de utilitate lienis quaesitum, dubitatum, pugnatum sit. Nobis videtur haec magis respondere fabricae, quam directu. Sanguis multus in lienem fertur, DCLXI. & lentius ob arteriam serpentinam motus: Sed eo tempore, quo ventriculus inanis est, & copiosior advenit, & minus pressus

pressus in liene retinetur, stagnat utcumque ob maximam, quae hic adesse videtur, ramorum ad truncos rationem, & difficilem aliunde sanguinis lienalis circulationem per angustias hepaticas: Inde creberrimi in liene scirrhi: inde ea immensa vis sanguinis, qua lien totus turget, & quae in non alio viscere tanta reperitur. Hinc sanguis in loco calente, putridis faecibus vicini coli foto, resolvitur, adtenuatur, initium quoddam putredinis induit, coloris argumento, & consistentiae. Eo fluidior vero est, quod nullum vas secretorium lieni inest, atque adeo venam omnis aquae portio subit, quae in arteria fuit.

DCLXVII. Deinde, quando ventriculus cibis flatuque repletur, tunc lien in angustum spatium comprimitur, contra resistentes costas, & incumbens septum transversum, & sanguis qui lente & parca copia per venam lienalem redibat, confertim nunc ex liene exprimitur, celeriter ad hepar redit, admiscetur sanguini pigro, adipe pleno, omentali, & mesenterico (DCLII.) hunc diluit, a coagulo, stagnatione conservat; & una abundantio rem bilis secretionem facit, tunc quando maxime hic liquor ad praesens digestionis opus requiritur. Videtur ergo ad bilem

bilem conferre aquosum aliquid, sed forte subalcalinum, ex mora acrius.

DCLXVIII. An cellulosa fabrica lienis? an effusus in eas cellulas sanguis stagnat? aut diluitur succo aliquo, in propriis glandulis secreto? Nihil hujusmodi demonstrat anatomicæ, neque ex arteriis exit non nimia vi impulsus liquor, aut cera. An simile quid glandulis morbi demonstrant, aut anatomicæ comparata? Responsum est CLXXXIII. An acidum pro ventriculo in liene præparatur? Exolevit ea opinio, adversa toti consensui liquidorum humanorum. An inutilis lien, idque demonstratur ex non maximis malis, quæ patiuntur animalia, hoc viscere privata? Robustum animal modicam jacturam minus percipit; & tamen exempla sunt, tumidum inde & vitiosum hepar, bilem pauciores, magis fuscæ, flatusque molestos successisse, quæ referas ad mutatam bilis naturam, obstructionem hepatis, vires digestionis debilitatas.



## HEPAR. VESICULA. BILIS.

DCLXVIII. *Hepar* omnium viscerum vastissimum, multam abdominis partem supra mesocolon occupat, majorem tamen in fetu. Supra se, & ad dextra, & retro, septum transversum inpositum habet, a quo peritonaeum accipit, ligamenti nomine, tribus inprimis locis. Nam in hepatis gibbam partem, ab ipso caevae venae transitu in sulcum usque transversum hepatis, descendit duplex peritonaeum, antrosum latefcens, *suspensorii ligamenti* nomine, quod lobum majorem dextrum, a minori sinistro separat, & fissum, in membranam abit hepatis DCXXI. albam, simplicem, tennem, similem membranae primae ventriculi, subjectam habentem cellulosam, quae cum carne hepatis unitur. Hujus imo margini addit se vena umbilicalis, quae in adulto corpore fere evanida, fibrosum aliquid & multum adipem relinquit. In extremo sinistro lobo, & in gibbam partem, & non raro in marginem, a septo transverso ad hepar venit membrana, in junioribus & alias fre-

frequenter oesophago sinisterior, in adultis dexterior, semper etiam gulae conjuncta & lienī, quando grandius est hepar, five *sinistrum ligamentum*. *Dextrum* lobo crassissimo dextro valde posterius septum revincit. Praeterea absque conspicua tamen longitudine, hepatis dextri membrana saepe septo transverso cellulosae telae ope adglutinatur, in senibus imprimis, nam in fetibus facile separatur, & suspensorum inter & sinistrum ligamentum continua pariter peritonaei productio intercedit, ligamenti similis. Sed etiam a rene peritonaeum ad hepar euns plicam efficit vinculi facie, & omentum minus, & continuae laxae propagines mesocoli DCXXXV. hepar cum ventriculo & duodeno colloque conjungunt, idemque mesocolon cum pancreate. Ita cum stabilitate hepar in corpore firmatur, ut tamen multa supersit mobilitas, & a septo transverso varie agitari & deprimi possit.

DCLXX. *Dextrum* hepar praeterea interiori cava facie anterieus colo, posterius reni dextro respondet. Medius sinus duodenum in vicinia habet, quod vesiculam contingit, partemque gestantem vasa magna hepatis. Lobus sinister latissime ventriculo inponitur, & saepe, in junioribus imprimis, trans oesophagum,

phagum, in sinistrum hypochondrium extenditur. Lobulus curvaturae minori ventriculi se adaptat. Sed etiam pancreas hepati subiectum est, & capsula dextra multa cellulosa tela ad dexteram partem revincitur.

DCLXXI. Figura hepatis difficilis dictu est. In dextra sede hypochondrii crassissimo & solido tubere id viscus oritur, ad septum convexum, ad colon renemque cavum, linea eminente has cavas facieculas partiente, quae continuatur longiori lobuli appendici. Inde sensim gracilescit hepar & tenuius fit, & circumscriptione fere triangulari in mucronem extenuatur, qui in sinistrum hypochondrium transit, trans oesophagum in junioribus, & ad lienem usque, in adultis, saepe brevior, oesophago terminatur. Hepatis pars superior, posterior, undique gibba, septum sustinet, & magna parte, sinisteriori paulo planiori, cordi subjicitur: inferior varie figurata insidet duodeno, colo, ventriculo, pancreati, capsulae renali dextrae. Nempe sulci plusculi sunt, qui hepar in diversas regiones, ne antiquis quidem ignotas, dividunt,

DCLXXII. Eorum princeps transversus, a dextris ad sinistra extensus, duas fere ter-

tias partes hepatis occupat, principio in dextro lobo gracili, latefcens finiftrorfum. Ante hunc *fulcum transversum* in dextro lobo fovea eft pro veficula, deinde lobus convexus anonymus, tunc *foffa umbilicalis venæ*, tranfverfa retrorfum, faepe tecta ponte, conjeeto ex hepatis lobo finiftro in anonymum. Retro vero *fulcum magnum* primo in dextro latere gracilis eminentia tranfverfa, latefcens dextrorfum, modice cava, vafa magna hepatis adducit, quam valleculam *portas* antiqui dixerunt. Ea lobulum, quem dicam, cum dextro lobo conjungit. Deinde *lobulus posterior*, quem non bene a Spigelio vocant, papillaris, obtufe conicus, eminet in curvaturam ventriculi. Hujus, & prioris eminentiae excavatae, radix craffa, a gibba parte hepatis a fepto tranfverfo incipit, inque dextro latere infcriptum habet obliquum, dextrorfum inclinatum *fulcum*, pro venae cavae trunco, a corde ad lumborum vertebrae properante, faepe multa hepatis carne, tamquam ponte protectum, ut in tubum abeat. Lobuli finem finiftrum alia *foffa* definit, fere recta retrorfum, fed etiam finiftrorfum porrecta, ex tranfverfae fine initium faciens, terminata ad cavae venae per feptum tranfitum. In ea venofus ductus in fetu fuit, in adulto ejus aliquod

quod vestigium superest. Quod ultra id, lobus jam sinister est, simplex, aequabiliter deorsum cavus, ut incumbat ventriculo, in aciem extenuatus.

DCLXXIII. Hoc adeo amplum viscus uberrima etiam vasa nactum est, & diversorum generum. *Arteria* quidem magna, & major pars coeliace, & dexterior est, quae antrorsum, dextrorsum emergens, ante venam portarum transversa transit, & data parva coronaria, data pancreatico duodenali arteria, hac satis magna, porro hepar adit, ramis fere duobus, *sinistro* ad fossam umbilicalem, ductum venosum, lobulum posteriorem, lobum sinistrum, lobum anonymum, ligamentum suspensorium, qui ramus phrenicae unitur, & epigastricae. *Dexter* profundior, tectus vasis bilis, dextrum lobum & anonymum adit, idemque uno trunculo generat *cysticam* arteriam, quae continuo bifida, & sub vesicula, & supra eam, tecta membrana extima repit, & ramos quidem huic fellis vesiculae, & bilariis ductibus exhibet, multos tamen etiam hepatis. Ex ramo sinistro, vel etiam ex trunco, arteriola superficialis ad vasa bilis, lobum anonymum, glandulas portarum venit. Praeter coeliacam, non valde

raro magnum, dextrum, ramum, generat mesenterica major, retro pancreas adrepentem, is pro ramo dextro hepaticae a coeliaca est. Sed coronaria etiam major, soboles coeliacae prima, semper aliquem sinistro lobo, & ductus venosi fossae ramum dat, saepe perinsigne. Minores sunt, quos phrenicae, mammariae, renales, capsulares ad hepar mittunt.

DCLXXIII. Sed duplex venarum genus in hepate est, unico hactenus exemplo. Vena nempe portarum sanguinem omnem ventriculi DCXXVII. intestinorum, & mesenterii DCCXII. lienis DCLXI. omenti DCLII. & pancreatis deum recipit, in duos primo truncos, transversum splenicum, adscendentem mesentericum, deinde in unum. Qui magnus, robustis membranis factus, & validioribus, quam in cava vena, retro duodeni primum flexum adscendit, recipit venas duodeni dextrimas, & coronariam minorem, adscendit dextrorsum in sinu lobuli hepatis DCLXXII. & porro in duos iterum magnos truncos finditur. Dexter brevis, amplior, bifidus, recepta cystica vena, lobum suum adit. Sinister transversus sulci hepatis reliquam longitudinem percurrit, datque lobulo, lobo ano-

nyimo & sinistro suas venas & recurvus fossam umbilicalem ingreditur, inque ea, fere media, ramosus hepate mergitur. Est, ubi ramus posterioris lobuli potius a trunco venae portarum venit.

DCLXXV. *Vena portarum* utrinque multa cellulosa cingitur, quam ex mesenterio, & liene secum adtulit, densa, brevi robur addente membranis, quas duriores ipsa aorta nacta est. Huic porro telae miscentur multa vasa minora, & nervi hepatici, eaque omnia uno nomine *capsulae* veniunt, quae nihil omnino est, nisi cellulosa, & nunquam fibram carneam unicam vere habuit. Eam vena portarum secum per hepar ducit, ab ea suspenditur, ut rami dissecti, firmati, sectionis lumen rotundum conservent. Singulus nempe venae portarum ramus in multos dividitur, iterum divisos, & subdivisos, in minima usque capillamenta, ut arteriae solent. Perpetuos socios quisque venae portarum ramus habet ab arteria jecoris, perreptantes ejus superficiem & hepaticorum ductuum, fere uti bronchiales solent bronchia perreperere, & ramos ductus bilarii, utrosque connexos cellulosa araneosaeque tela. Aliqui ex hepate exeunt, ad ligamenta divisi, & ambeunti-



venis inosculati. Estque summa ramorum in vena portarum semper major trunco quolibet, hinc omnium ramorum junctum lumen magna ratione majus quam trunci XXXVI. Hinc sequitur frictio magna CXXXXVII. & CXXXIII. omnino ut in arteriis.

DCLXXVI. Sed, cum vena portarum sanguinem pariter cum arteria hepatis adferat, superest, ut auferat alia: Ergo extremi rami venae portarum & arteriae hepaticae inosculantur ultimo in alias venas, *Cavae propagines*, quae ex omni hepatis ambitu ortae, versus gibbam posteriorem partem hujus visceris se recipiunt, in trunculos, truncosque confluant, tandemque in decem vel ultra magna vasa abeunt. Eorum minora, numerosiora, ex lobulo posteriori & hepate veniunt, cavamque venam adeunt, dum per sulcum, ponte conjecto saepissime inclusum, dexterius lobulo adjectum, ad septum transversum, sinistrorsum adscendit. Reliqui multo grandiores, duo tresve, in eandem cavam, sed proxime septo transverso, ejusque saepe venis receptis se inmittunt. Rami venae cavae in universum in adulto homine pauciores, minores, sunt, quam portarum venae, argumento celerius per eos ramos circumagi sanguinem

guinem, ob frictionem diminutam CXXXX. & ob ipsum conventum sanguinis in minus lumen, quo iter semper acceleratur, quoties vis premens sufficiens adest CXXXX. Valvulas in ostiis harum venarum nullas novi, quae memoriam mereantur. Truncus venae cavae per obtuse quadrangulum, solis tendinibus circumductis inclusum CCLXXXVIII. hinc aegerrime mutabile CCCCXIII, foramen septi transversi adscendit, & continuo in auriculam dextram expanditur. Minores venas superficiem hepatis perreptantes phrenica edit, & renalis, & azyga aut certe hepaticae a portis venientes venae cum istis communicant.

DCLXXVII. Sanguinem ab omnibus partibus DCLXXVIII. per venam ad portas venire demonstrat vinculum, quo venae inter eas partes & hepar tuent, vena vero portarum detumescit & inanitur. Per hepar vero ad venam cavam ferri injectio anatomica docet quae anastomoses viaeque liberam inter venam portarum & cavam demonstrat, tum communis natura venarum, quae cavam adeunt. Interim difficultas in distributione venae portarum arteriosa, cum a corde adeo remota sit, & natura sanguinis oleosi, faciunt,

Ec 4

ciunt, ut non alibi facilius sanguis stagnet, congeratur, scirrhus faciat. Periculum minuit motus muscularis, respiratio, augent quies, inertia, cibi acidi, viscerum. Hactenus vero de adulto corpore loquimur. In eo & umbilicalis vena, & venosus ductus inanes sunt, etsi ramo sinistro venae portarum cohaereant.

DCLXXVIII. *Nervos* hepar potius multos habet, quam magnos, hinc vulneratum aut inflammatum modice dolet. Ortus duplex est. Plerique a magno plexu gangliiformi rami splanchnici nervi intercostalis, cum addito ramo a posteriori plexu octavi paris orti, comitantur arteriam hepaticam, & circa ejus truncum ludentes, cum ea portarumque vena hepar adeunt. Alias fasciculus cum venoso ductu advenire solet, a plexu posteriori octavi paris ortus, nonnunquam etiam a plexu magno.

DCLXXVIII. Lymphatica vasa hepatis numerosa sunt, & circa portas perpetuo, & facile conspici possunt. Oriuntur ab omni hepatis cavi ambitu, & a vesiculae felleae superficie, confluent in plexum, qui venam portarum ambit, glandulasque conglobatas, & intro

retro & ante eam venam sitas adeunt, hinc in magnum truncum confluunt, qui altera ductus thoracici radix est. A parte gibba hepatis alii trunculi describuntur, sine non satis noto, nam venam cavam subire, non valde probabile videtur: neque satis repetito ad cisternam chyli deducta sunt.

DCLXXX. Interior fabrica hepatis obscurior est. Ultimi nempe ramuli venae portarum, & cavae, & arteriae, & ejus, qui dicetur, bilarii ductus, ope cellulosae telae DCLXXV. uniuntur in acinos quosdam, utcumque hexagonios, in quibus anastomoses mutuae sunt ramorum venae portarum & arteriae hepaticae cum cavae radicibus, & venae portarum cum pori hepatici primis initiis, quae posterior conjunctio adparet argumento injectionum anatomicarum, liquores enim portarum venae injecti in porum choledochum ultimo redeunt.

DCLXXXI. Hos acinos cavos esse, & ab arteriis venisque exteriorem eorum superficiem perreptari, bilem vero secretam a venae portarum furculis in ejus caveam deponi, multi & clari viri docuerunt. Argumenta adtulerunt ex anatome animalium,

quorum in jecore acini rotundi sunt, magis quam homini definiti; morborum, qui cellulas & rotunda tubercula demonstrant, lymphæ, calce, concrementis variis plena. Addi potest lentor bilis, mucos fati adfinis, analogia folliculorum vesiculæ felleæ,

DCLXXXII. Sed accuratior anatomie non admittit folliculos, in quos minima secretoria vascula hient; ii enim interromperent iter ceræ anatomicae, & nodulos efficerent, medios inter ea vascula porosque bilarios, quale quid nunquam visum est, cum cera continuo filo, absque ulla mora, aut effusione in caveam, fractura inpetum, ex vena portarum in ductus choledochos transeat. Sed neque nimia longitudo vasorum biliorum glandulosam fabricam tolerare potest. Folliculi enim omnes in proxima secretum liquidum deponunt, longo itineri inepti sunt, qui tantam partem acceptæ ab arteriis velocitatis destruant. Concrementa & hydatides fiunt in cellulosa fabrica, & denique bilis primum nata fati fluida est.

DCLXXXIII. Neque ex arteria hepatica bilem hic secerni, suadet peculiaris illa vena portarum, nulli usui futura, si nihil discernit:

cernit: continuitas ramorum ejus venae cum choledochis ductubus, multo quam in arteriis evidentior: experimentum, quo constat, arteria hepatis ligata, bilis secretionem superare: amplitudo ductuum biliariorum, comparata cum arteria sua: natura peculiaris sanguinis in venam portarum congesti, & aptissimi, qui bilem fecernat. Habet enim & oleum, quod in bile magis, quam in alio humano liquore dominatur: & aquam saponaceam, ex ventriculo sorbtam: & vaporem abdominalem alealescentem, subactidum per omnem superficiem intestinorum, ventriculi, omenti, hepatis, lienis, mesenterii, per manifesta anatomica argumenta reductum; & denique semiputridum, acre, alcalescens liquamen, de ipsis alvi faecibus, dum in crassis intestinis inspissantur, resorbtum, venis haemorrhoidalibus internis reductum, a quo amaror ille & alcalescens, putrescibilis, indoles bilis derivatur. In sanguine vero arteriae hepaticae nihil est, quod peculiariter bili fecernendae aptum sit aut analogum.

DCLXXXIII. Cum ergo vena portarum sanguinem fecernendae bili aptissimum in acinum minimum hepatis advehat DCLXXXIII, &



& ibi, absque medio folliculo via libera fit ex venae portarum ramo in radiculam bilarii ductus, pelletur eo bilis, vi circumducti & sequentis a tergo sanguinis, & porro accedente vi auxiliari septi transversi, hepar in plenissimo abdomine contra reliqua viscera urgentis DCLXVIII. in majores ramulos, & denique in duos truncos *ductus bilarii hepatici* urgetur, qui in vena portarum, & in fossa transversa hepatis, ad lobulum anony-mum, in unum conveniunt.

DCLXXXV. Fabrica hujus ductus fit nervea membrana, forti, qualis in intestino est, & cellulosa externa, & interna, & villosa tunica, laxa, eleganter reticulata, plurimis poris sinubusque exasperata, cum intestinali continua. Musculosi nihil satis certo adest. Irritabilita, modica experienti adparet.

DCLXXXVI. Ita natus ductus hepaticus migrat in vena portarum, dexterior, arteria, versus pancreas, & porro sinistrorsum, descendens aliqua parte ejus glandulae tectus, intestinum duodenum in parte inferiori flexus secundi, sex a pyloro unciiis, posterius attingit, per fibrarum carnearum intervallum transit, ostendit sinum oblongum, obliquum,



a ductu pancreatico factum, in eum se angustio orificio inserit. Is porro sinus longe per cellulosam secundam duodeni oblique descendit, perforat nerveam, inter eam & villosam denuo oblique pergit, & denique in eminente, longe caudata, ruga duodeni aperitur. Inter primum adventum hujus ductus ad duodenum intestinum, interque ejus ostium, fere unciali longitudine sinus, qui ductum choledochum recipit, comprehenditur inter membranas intestini, ut eo repleto, a flatu distento, vel a vehemente motu peristaltico ad summam angustiam contracto, necessario conprimatur, elidatur, eodem vacuo vero, vel modice laxo, se evacuet. Regurgitationem ex intestino impedit haec ipsa obliquitas, & ruga facillime inpellenda, & claudenda, & novae bilis satis celer per ductum perpendicularem descensus. Nec flatus ex intestino viam in ductum relegit.

DCLXXXVII. Sed in ipsis portis adjunctum recipit is ductus minorem similem, canalem, longe sibi parallelum, & ad angulum acutissimum insertum, qui *cysticus* vocatur, ab origine sua, rarius alio ductu ab hepate inserto prius auctus. Eum *vesicula vellis* producit, peculiare receptaculum, plerisque ani-

animalibus datum, quibusdam, & celerrimis fere, nullum: Id in foveam hepatis dextri DCLXXII. ad dexteriora lobuli anonymi ita recipitur, ut in juniore totum intra marginem hepatis sit, in adulto satis insigniter emineat. Situs transversus est, ab anterioribus ad posteriora, cervix paulum adscendit.

DCLXXXVIII. Figura vesiculae fellis variabilis, sed tamen fere quae piri est, & antrosum haemisphaerico obtuso sine caeco terminatur, & retrorsum longe diminuta, cervice five apice hujus truncati coni contra se ipsam flexa, semel vel iterum, propria cellulositate religata, & novo flexu sursum facto in ductum cysticum exit, qui inde sinistrorsum ad hepaticum migrat. Sed & iste ductus, multis frenis cellulosis revinctus, interius in plurimas rugas eminet, quae conjunctim aliquam valvulae spiralis speciem in ficcato folliculo referunt, sed in homine vivo molles, alternae, omne bilis iter morantur, nulli penitus obsistunt, certo experimento per flatum, & pressionem capto.

DCLXXXVIII. Tunica extima vesiculae inferius solum ponitur, esique ipsum hepatis involucrum, quod trans vesiculam se conjicit,

jicit, eamque in suo sinu firmat. Altera laxa cellulosa est. Tertia splendida nonnunquam fibras habet, longitudinem sequentes, vario tamen ductu, ut oblique se fecent, alias omnino nullas: Nervea, cellulosa altera, villosa, adsunt uti in intestino, nisi quod ista perinde ut in ductibus bilariis, reticulata & cellulata est. In vesicula, maxime ad cervicem, sed etiam media, pori reperiuntur, setam recepturi, muciferi: & arteriae in caveam interiorem vesiculae perinde, ut alibi solent, aquam suam exhalant.

DCLXXX. In hanc vesiculam venit bilis hepatica, quoties impedimentum aliquod est in sinu duodenali, a flatu, vel causa quacunque comprimente exitum choledochi ductus. Plenissima adeo reperitur, quoties scirrhus tumorve ductum choledochum comprimit & nonnunquam omni fide major: & turget cysticus ductus ligatus inter confluentem cum hepatica vinculumque, & in vivis animalibus in laceratum folliculum bilis hepatica stillasse visa est. Non repugnat angulus retrogradus, nam levissima compressio bilem ex hepate in vesiculam urget, & flatus eam viam facile relegit, maxime, quando intestinum prius flatu distentum

distentum est. Neque alia bilis videtur esse, quam vesicula secernat. Quoties calculus iter cystici ductus obsidet, vel manus anatomici ductum cysticum ligavit, praeter mucum exiguum insipidum, ex folliculis secretum DCLXXXVIII. aut aquulam exhalantem nihil folliculo inest. In multis animalibus nullum vesiculae vestigium adest, & bilis tamen copiosa, acris, medicata, ad intestina defluit. Non probabile videtur, venae portarum ramum bilem in vesicula separare, nam is omnino vas revehens est: neque arteriam nam vix probabile fit acerrimam bilem cysticam ex alio sanguine mitiori parari, quam lenior hepatica, ex sanguine aptissimo nata DCLXXXIII. Omnis autem bilis, quam hepar vesiculae mittit, per cysticum unice ductum advenit, neque alii, in homine, inter hepar & vesiculam ductus intercedunt: argumento a vinculo modo citato, & a calculo, & a sollicitae dissectionis adtenta observatione, qua constat, nihil neque de hepate, neque de vesicula stillare, neque alia vasa dissecari, dum ab hepate separatur, praeter arterias venasque.

DCLXXXI. Ergo pars hepaticae bilis cystide recepta stagnat, unice a leni respiratio-  
ne quassata, ibique exhalat tenuissimam par-  
tem-

rem, quam videmus per vicinas membranas late se diffundere. Reliquum, ut oleosum subalcalinum, in loco calente, acrescit, rancescit, augetur spissities, amaror, colorque bilis, neque alia differentia inter cysticam bilem est & hepaticam, quam minus amaram, minus sature fuscam, minus viscidam in ductibus reperimus. Eam enim diversitatem a sola mora esse, animalia confirmant, quibus pro vesicula porus latior est, nam & ibi stagnans bilis insigniter, quam in hepate, amarior est, elephantis exemplo. Sed id imprimis boni etiam vesicula facit, ut bilem recipiat, eo tempore, quo ventriculus vacuus est, & nullus ejus usus, copiosius vero, & cum celeritate majori adfundat, quando ea egemus ad subigendos cibos, nunc maxime in duodenum effluentes. Id vero celeritate tanto majori fit, quanto cysticus ductus felle vesicula angustior est.

DCLXXXII. Ventriculum equidem vesicula non contingit, sed duodeni descendens initium. Quando vero in plenissimo abdomine ventriculus distentus multum spatium occupat, urget utique hepar, & duodenum, & vesiculam comprimit, & emulget. Ita bilis ex vesicula per viam liberam in choledochum.

ledochum ductum, & duodenum confluit, idemque facilius fit in homine supino, tunc enim fundus superior est. Hinc per inediam vesicula turgēt. Eo vero fluere, non ad hepar, demonstrat continuītas cystici ductus cum choledochō, impeditus angulus versus hepar, resistentia novae bilis, quae ab hepate advenit. Vis exprimēns vix est, nisi diaphragma & ventriculus, debilis enim est ea, quam vesicula fellis musculosam, & contractilem, membranā propriā habet. Hepatica vero bilis eam viā perpetuo percurrit, etiā ligato ductu cystico, nisi quando obstaculum aliquod, nunquam diuturnum, in exitu choledochi ductus est, ut flatus, vis peristaltica. Neque credibile est, omnem ex hepate bilem prius in vesiculā divertere, quam ad duodenum fluat. Non adest obstaculum perpetuum, quod effluxum impediat, & peculiariter hepaticae bili resistat, admittat cysticā; viā in choledochum ductum amplior est, & rectior; ductus cysticus multo minor hepatico, neque adeo pro ejus ductus bile omni capiendā factus: choledochus multo major cystico, non ergo pro ejus unica bile paratus est. Animalia multa sunt, quibus hepaticus ductus, absque ullo cum cystico commercio, intestinum

in-

influit: in vivis animalibus, etiam libero ductu cystico, adparet bilem perenni fluento ad duodenum descendere. Copiam non minimam esse suadet amplitudo secretorii organi, ductus excretorii, toties quam salivales majoris; morbi, in quibus solius cysticae bilis quatuor unciae quotidie per ulcus lateris effluxerunt.

DCLXXXIII. Bilis hepatica omnino amara est, sed cystica magis, aquae & oleo & spiritui vini miscibilis, cum acidis mineralibus in coagulum coeuns, ab alcalinis resolvable, oleo, & resinae, & gummi resolvendo aptissima, lixivae & saponaceae indolis, sponte per putredinem in musci odorem degeneratura. Ejus analysis chemica, vel experimenta in miscela cum variis corporibus facta, demonstrant, aquae quidem ipsi plurimum inelle, non tamen parum olei inflammabilis, ad duodecimam fere partem, quod in calculis cysticis adeo manifestum est, neque etiam ita parum salis volatilisi alcalini. Sapo adeo est, sed ex eo genere, qui ex lixivo volatili sale fiunt. Intrita ergo cum cibis in pulvem reductis, ex ventriculo expressis, vi peristaltica duodeni intestini & pressu abdominalium muscutorum, superat

F f 2

magnam



magnam partem indolis acidae alimentorum, lac coactum resolvit, cibumque ad putredinem magis disponit: solvit oleosa, ut aquae libere mista chyli partem constituent, & lactea vasa subeant; mucum abstergit, adtenuat; intestinorum demum motum peristalticum acrimonia sua excitat; quae omnia officia confirmantur observatione contrariorum vitiorum, sequentium defectum bilis. Neque sufficit bilis hepatica ad expediendam alvum, si cystica averſa fuerit. Et tanta est utilitas, ut compertum sit, impedito adfluxu bilis ad intestina, destructa vesicula, animalia robustissima intra paucos dies periisse.

DCLXXXVIII. Sensim descendit cum cibus, & una in faecibus exit, mutata bilis, deposito per putredinem amarore. Aliquid forte aquosi, minime amari, tenuis, resorbetur per venam portarum. In ventriculum minus regurgitat, ob adscensum duodeni, quod imum subit, valvulam pylori, novum chyli accessum, quem ventriculus priori addit. In fetu blanda est & dulcis; nullae enim tunc faetidae faeces acrem alcalinum vaporem suppeditant, neque oleum resorbetur. Viscida cum sit, in animale quieto, obeso, & in homine a similibus causis,

causis, tum a moerore, facile in coagula dura abit, vel calcaria, vel resinosa, & frequentius longe quam urina, per nostra experimenta. Impeditis viis, adcedente motu contrario convulsivo, redit in hepar & sanguinem, tingit omnes liquores humanos, ipsumque mucum Malpighianum, sic Ictericum facit. An unquam satis vere ductus choledochus in pylorum insertus est? Famae initium a rudioribus in anatomie seculis ortum est, neque ulla nuperior observatio traditioni favet; etsi prope pylorum insertus legitur.

## CAP. XXVIII.

## P A N C R E A S.

DCLXXXVI. Bilis sapor est, sed viscidus, neque satis fluxilis, neque perinde expedite cibis miscendus, maxime cystica. Ergo addidit NATURA bili *pancreaticum succum*, aquosum, insipidum, tenue, neque acidum, neque lixivum, eodem loco secretum, qui bilem dilueret, intertritus motu peristaltico intestini, eamque mobiliorem redderet, & cibariae pulti misceret; adjuvaret & ipse dilutionem massae chylosae,

fae, & ea praestaret, quae de saliva dicta sunt DCIII. cum qua & liquor ipse, & glandula, & ductus, & morbi ipsi proxime conveniunt. Bilem etiam cysticam acriorem temperare non est absolum, & per anatomen comparatam confirmatur. In iis nempe animalibus pancreaticus ductus a biliario valde distat, quibus cystis nulla est.

DCLXXXVII. *Pancreas*, salivalium maxima, praelonga glandula est, supra mesocolon transversum, retro peritoneum, quod trans pancreas in hoc mesocolon producit, retro ventriculum, & lienem, sub hepate, ante capsulam sinistram & aortam posita, planiuscule triangula, linea superiori levi, a peritoneo vestita, cui posteriori, & inferiori, vacui ventriculi posterius planum insidet. Incipit ab ipso liene, dextrorsum fere transversum, & antrorsum, emergit, trans vertebrae, ad dextrum latus vertebrarum latescit, receptum inter laminam superiorem mesocoli transversi & inferiorem DCXXXII. & rotundo capite duodeno toti ita innascitur, ut ipsi sit pro mesenterio. Fabrica, quae salivalium glandularum, ex acinis rotundis, duriusculis, multa cellulositate connexis. *Vasa*, multa potius

tius quam magna, a splenicis pleraque vasis sunt, dexteriora vero & a prima duodenali, & ab ea quae duodeno cum pancreati communis est: ea & cum priori inosculatur, & cum mesenterica, quae & ipsa ramos non exiguos huic glandulae dat, minutos vero capsularis & phrenica. Nervi non magni sunt, unde vix sensile est, a plexu posteriori ventriculi, hepatico nati &c.

DCLXXXVIII. *Ductus* per hanc glandulam totam medius quasi decurrit; albus, tenerque, infinitis undique radiculis ortus, quare sensim auctus, ante venam portarum & arteriam mesentericam emergens, recepto ramo majore a latiori parte pancreatis, advenit ad eandem sedem duodeni intestini, quam choledochus adit, descendit, mutato ductu, & in sinum inter tunicas intestini productus, intus levem, recepto choledocho, aperitur DCLXXXVI. Non valde rarum est, aut ipsum a choledocho ductu separato osculo oriri, aut duobus omnino, quorum alterum, inferius, distinctum & minus est: semper tamen in vicinia biliarii ductus aperitur.

DCLXXXVIII. Copia liquidi secreti incerta, non tamen exigua est, si cum salivae pondere conferas, triplo majus, & te-

pidiore loco situm pancreas. Expellitur vi circulantis liquidi, incumbentium in pleno abdomine viscerum, hepatis, ventriculi, lienis, arteriae mesentericae, aortae, splenicae. Utilitatem magnam perpetuitas suadet: qua pancreas in plerisque animalibus reperitur, neque refutant pauca experimenta, in robusto animale facta, quod particulae pancreatis exstirpatae vitale superfuit, totum enim pancreas auferri nequit, nisi cum duodeno. Nam etiam resectae parti pulmonis supervivitur, non ideo inutilis. Effervescentia cum bile dudum obsolevit.

## CAP. XXVIII.

## INTESTINA TENUIA.

DCC. *Tenuia intestina* vocant anatomici tubum continuum, cylindricum fere, sed cujus sectio ovalis figura sit, & in parte libera intestini obtusum verticem habeat. Is tubus a ventriculi fine, quem complectitur, DCXXIII. longissimo tractu productus, in crassius intestinum extensus desinit. Solent anatomici tria tenuia intestina numerare, sed natura unum fecit. *Duodenum* tamen firmum utcunque limitem habet, in fine  
partis

partis abdominis, quae super mesocolon  
 transversum est DCXXXII. Id vero te-  
 nue intestinum, quod infra hoc mesocolon  
 est, omnino nullam certam notam discri-  
 minis admittit, qua *jejunum* vulgo dictum  
 ab *ileo* separetur. Etsi enim illud valvu-  
 lis & vasculis magis abundet, villosque lon-  
 giores nactum sit, hinc paulo rubicundius  
 videatur, Ileon vero glandulas potius conti-  
 neat, & arbusculas vasculosas rariores habe-  
 at, haec tamen diversitas sensim obrepit,  
 absque certo limite.

DCCI. *Duodeni* intestini nomen utcum-  
 que a longitudine est. Laxum est, & am-  
 plius, maxime in primis flexionibus, quod  
 membranam externam partim nullam, par-  
 tim non undique circumpositam nactum sit.  
 Rubicundum & pulposum, & carneas fibras  
 aliquanto crassiores habet. Incipit circum-  
 natum ostio anulari pylori: inde undulatum,  
 sed in universum transversum, dextrorsum  
 & retrorsum in vacuo ventriculo, ad vesi-  
 culam fellis migrat, cujus cervicem contin-  
 git (DCLXXXI.). Inde dextrorsum obli-  
 que descendit, ad mesocoli laminam infe-  
 riorem usque, & ingressum ductus choledo-  
 chi, atque in eo itinere inter laminam supe-  
 riorem

riorem & inferiorem mesocoli intercipitur. Hinc denuo transversum, sed una adscendens, retro pancreas & vasa magna mesenterica, cum vena renali sinistra sinistrorsum redit, exit ex duplicatura mesocoli, & flexu facto, ad dextra vasorum modo dictorum, per foramen proprium, in quo mesocolon transversum, sinistrum, & mesenterium ipsi adnascuntur, descendit in inferiorem partem abdominis, hanc subit, & nunc *jejunum* est. Amplitudo, adscensus a sede ductus choledochi inserti, plica altera circa mesenterii radicem, moram aliquam faciunt, ut bilis, & succus pancreaticus ibi inprimis cum massa cibaria misceantur.

DCCII. In reliquo tenui intestino nulla certa sedes est, sed gyris incertis, infinitis, descriptionem non admittentibus, replet abdominis partem inferiorem, pelvimque, ambeunte colo cinctum, ipsique vesicae, & utero interjacet.

DCCIII. Fabrica intestini tenuis, est fere, quae ventriculi vel oesophagi. Externam tunicam, excepta parte duodeni, peritonaeum ipsis praebet, sive mesenterium, acuto vertici intestini admotum, duplex, ibi cellulosa aliqua separatum, saepe pingui, reliquum



liquum autem intestinum arcte amplexum, ut musculares fibrae externae membranae adhaereant, quae nihil alienum ab ea habet, quae in ventriculo est. Ab ea membrana, & a mesenterio DCLIV. sustinentur intestina, & cum summa mobilitate, quantum satis est, firmanantur.

DCCIII. *Musculosa* fabrica alia est, ut figura differunt. Princeps equidem stratum intestinorum est circularium fibrarum, quae tubum undique ambeunt, satis sibi similes & parallelae, ex imperfectis arcubus in circulos conglutinatae, pallidae caeterum, sed insigniter contractiles. *Longitudinales* fibrae intestinorum tenuiorum pauciores sunt, & per totum quidem ambitum sparguntur, imprimis tamen in vertice obtuso intestini infiratae, & prioribus interjectae.

DCCV. Intra musculare *cellulosa secunda* sequitur, amplior, ut in ventriculo, & undique nerveae circumjecta, raro in homine pinguis. Sed *nervea* similis ventriculari, toti intestinali tubo pro fundamento est, ex fibrillis stipata, quas flatus resolvere, disjicere, & in cellulosum habitum fingere potest. Eam *cellulosa tertia* sequitur, secundae pene similis. Intima *villosa*, ab ea diversa

versa est, quam in ventriculo diximus. Nam primum undique plicatur in rugas ut-  
cunque semicirculares, sed etiam oblique  
semicirculos conjungentes, & varie aber-  
rantes, quas nervea tunica leviter ingredi-  
tur, cellulosa vero tertia subit, inter dupli-  
cem villosam media, & duplicaturam re-  
plet. Hae *plicae* incipiunt ad unam a py-  
loro unciam, & in priori media parte inte-  
stinorum adsunt creberrimae, sensum vero  
numero minuuntur: Cuivis arteriosus ve-  
nosusque trunculus in convexitate cellulosae  
alterius incumbit. Primae in duodeno con-  
fusae sunt, & perinde longitudinem intesti-  
ni sequuntur. In circellos acutos valvulas-  
que artificio anatomico mutantur. Molles  
enim equidem sunt, & facile invertuntur,  
& utrique itineri massae cibariae perinde  
cedunt, sed tamen copia sua id iter moran-  
tur, & superficiem villosae membranae  
augent.

DCCVI. Deinde hic vere villosa tunica  
est, quam alibi ob analogiam ita voca-  
mus. Nempe tota interna superficies inte-  
stini, tum in valvulis, tum in interpositis  
valleculis, undique emittit innumerabiles  
flocculos fluitantes, in speciem villosi serici,  
conicos

conicos utcunque sed obtusiores, factos a membrana intima intestini, & ab intercepta in duplicaturam cellulosa, & a vasculis nervulisque in ea cellulosa latentibus, satis adeo, praeter mollitiem, similibus papillarum linguae.

DCCVII. In villosae interna superficie aperiuntur infiniti pori *maiores* minoresve. Illi ducunt ad conspicuas glandulas simplices, mucosas, in cellulosa secunda positas, similes earum, quae in ore sunt, & pharynge, folliculo valde vasculoso, & ostio in intestinum patulo. In duodeno aliquae sunt, sibi vicinae, ut tamen non confluant, neque semper demonstrari possint, plurimae vero in ileo, ibique & solitariae, & paucae conjunctae, & plurimae cum sui similibus in agmen ellipticum congregatae.

DCCVIII. *Minores pori* ubique per intestina reperiuntur, & basin villorum circumstant, in amplioribus imprimis intestinis conspicui, & dudum noti, in tenuibus vero nuperrima industria additi. Etiam hi videntur mucosum aliquod deponere.

DCCIX. *Vasa* intestinorum tenuium numerosissima sunt. Truncus communis major ejus intestini, quod infra mesocolon est,

est, *mesenterica* arteria vocatur, earum maxima, quas aorta producit, super renales nata. Ea descendens retro pancreas, ad dextra orientis jejuni, & praeter colicos ramos, inprimis longe trunco ad ima mesenterii & intestini ilei finem dextrorsum producta, ex parte sinistra numerosos ramos emittit, primos & ultimos breviores, medios longissimos. Hi, in minores fissi, cum vicinis coeunt, in arcus convexos, qui & ipsi ramos generant, iterum unitos, quinquies repetita fere arcuum serie, donec ultimi ex convexitate sua rectos ramos, copiosissimos, ad intestinum mittant.

DCCX. Horum ramorum in intestino divisio satis sui similis est, ut & mesenterio per cellulosa primam unus anterior adveniat, alter posterior, qui datis ad extimam & carnosam tunicam minutis furculis, in cellulosa alteram veniunt; ibi anterior trunculus, versus obtusum verticem ellipsoos intestinalis excurrens, recta in similem sui posteriorem ramum continuatur: & quantus est, ramos sensim minores arbusculae in modum edit, qui cum vicinis, & cum oppositis arbusculis, infinitis furculis inosculantur. Ab eo rete per nerveam, in terti-

am

am cellulofam, & villorum denique cavita-  
 tem ramuli veniunt, qui apertis ultimo o-  
 ftiolis in intestinum fuum liquorem exha-  
 lant, cujus vias injectio aquae facile imita-  
 tur, tum glutinis, & demum argenti vivi.  
 Industria vero nuperrima addidit, fines arte-  
 riosos in cavam ampullam villi aperiri, eo  
 liquorem deponere, qui per osculum com-  
 mune ampullae effluat. Caeterum fabrica  
 arteriarum reticulata, & innumerae anasto-  
 moles faciunt, ut ab omni obstructione,  
 quantum fieri potest, intestina libera prae-  
 stentur, massulae incompactae facile, per con-  
 junctiones adeo frequentes, in truncos arte-  
 riosos redire queant.

DCCXI. Ultimus mesentericae arteriae  
 truncus in ileocolicam inosculatur. Duode-  
 num arterias varias habet. Prima, ab he-  
 patica superior, dextra, circumit convexi-  
 tatem curvaturae hujus intestini, in pancrea-  
 te, & huic intestino providet, & inoscula-  
 tur alteri sinistrae, inferiori, pancreatico-  
 duodenali, similem arcum in pancreate per  
 avitatem curvaturae duodeni facienti, &  
 ultimo insertae duodenalibus imis arteriis,  
 quas mesenterica, in transitu ante hoc inte-  
 stinum, generat. Minutas illas ad duode-  
 num

num a spermaticis, a capsularibus arteriolas, lubens omitto.

DCCXII. *Venae*, simillimae arteriarum, confluunt omnes in mesentericum truncum venae portarum, praeter duodenalem dextram, quae ad truncum venae portarum ipsum venit, & exiles, focias arteriolarum DCXI. quae spermaticis pariter & lumbalibus se inferunt. Neque aliae hactenus a cava vena ortae mihi visae sunt. Omnibus commune est, absque valvulis esse, & cum arteriis libere communicare. Eaedem in villosa tunica, cujus major pars venosa est, sorbent de intestinis tenuem humorem, ut adparet ex injecto aquoso liquore, qui eam viam facillime percurrit: ex analogia fenum, quibus glandulae mesentericae, adeoque lacteorum vasorum viae frequentissime obsolescunt: ex simili exemplo avium, quibus vasa lactea nulla sunt: ex celeritate, qua liquores aquei ad sanguinem, & ad urinam veniunt, comparata cum angustia thoracici ductus.

DCCXIII. *Nervi* numerosi, exigui, ut tamen sensilitatem intestinorum non modicam faciant, proveniunt a splanchnicorum nervorum medio textu, mesentericam arteriam

riam amplexo, & circa eam densissime in dura cellulosa revincti ludunt. Duodenum etiam ab octavi paris plexu posteriori, hepatico, ramos habet.

DCCXIII. Ex arteriis exhalantibus depluit in cavitatem intestinorum liquidum tenue, aqueum, simile gastrico, non acre; Copia hujus liquidi maxima aestimatur ex amplitudine summa ostii excretorii & arteriae secernentis, qua non alia major est, & ex laxitate partis calidae perpetuo, & humidae, & ex abundantia diarrhoearum, aut aquosae egestionis, post purgantia medicamenta subortae. Mucus autem, ortus ex fontibus DCCVII. DCCVIII. villosae membranae internam superficiem inungit, defendit sensibiles nervos ab acribus, a spirituosus cibis. Hinc copiosior ad crassiorum intestinorum initia, quod ibi massa cibaria faeculenta, acrior & tenacior fieri incipiat.

DCCXV. Hunc liquorem cum massa ciborum pultacea, & cum bile, & cum pancreatico succo, miscet motus externus circumpositorum musculorum abdominis: sed imprimis *peristalticus motus*, non alibi, quam in tenuibus intestinis evidentior & fortior. Nempe pars intestini lacerata a flatu, acri,



aspero, constringitur etiam a morte, vehementissime, in sede, cui stimulus applicatur, liberat se distendente, infesto corpore, id expellit in partem proximam laxi intestini: quae, eadem vi stimuli iterum contracta, repellit utrinque acceptum. Hic motus modo in una, modo in alia intestini sede peragitur, absque certo ordine, ubicunque aer, cibusve stimulus admoverit. Tanta vero intestinorum ad motum aptitudo est, ut cum cordis irritabili natura certent, & superent, aut certe aegre superentur. Id fit cum mirifico alterno reptatu, & revolutione intestinorum, quem in vivis animalibus facilis dissectio, in homine tristes casus in vulneribus abdominis, & herniae demonstrarunt. Et cum nihil hic, in tot flexionibus, pondus possit, perinde sursum & deorsum irritatum intestinum se evacuat. Inde motus *antiperistalticus* intelligitur, quo fit, ut diutius actioni molliter terentis intestini, & diluentis succi, & resorbentium venarum massa ciborum exponatur. Ad crassa tamen denique intestina, contenta omnia determinantur, quia principium omnis stimuli in ventriculi ostio sinistro est, & novus cibus continuo adveniens, novam in superioribus contractionem irritando excitat, dum imae par-

ti ilei nulla coli contractio stimulum remittit, hinc colon laxum recipit, quae superne adveniunt, & facilius in amplum caecum quiescens se evacuat, quam sursum acceptos cibos repellit, quibus pressio intestini novos cibos urgens renititur. Addunt observatores, deorsum hunc modum fortius urgere, quam sursum.

DCCXVI. Hunc motum peristalticum, quo intestinum constringitur, circulares fibrae perficiunt, quae accuratissime norunt inanire eum tubum, ut minima etiam corpora, & aciculas, & pulvisculos promoveant. Revolutiones vero sursum retracti intestini, deorsumve, & curvationem rectae particulae, aut curvae porrectionem, adeo conspicuas in brutis animalibus, efficiunt longae fibrae, quas videmus praeterea, dum se ad sedem praesentis, stimulantis, cibi contrahunt, sequentem ipsius portionem dilatare, & ad recipiendum aptare. Eadem contractio villosam membranam in intestini caveam urget, & plicas longiores reddit, & mucum exprimit, ut ea portio cibariae massae adfundatur, quam ipsa irritatio & stimuli robur desiderat. Eadem frequentes, & plerumque innoxias introsusceptiones faciunt, dum contra con-

strictam sedem intestini proximam adtrahunt, & priorem hac laxiori comprehendunt.

DCCXVII. Ergo puls cibaria, diluta succo pancreatico, succo intestinali, intrita cum saponacea bile, muco circumfusa, subigitur accurate, & efficacius quam in ventriculo, quo magis ad se invicem gracilis intestini parietes accedunt, & longior series est agentis motus peristaltici, & plus humani liquoris adfunditur. Ita cum aere mista viscida puls spumam agit, absque effervescentia; & aere eadem, quae in ventriculo, moliri pergit, ut tamen acida vis omnis in intestino superata sit. Pars autem oleosa, adiposa ciborum, a bile resoluta. DCLXXXIII. cum succis aquosis mista, de more suo albedinem induit, emulsionis more, vividam, in duodeno, sub ingressione ductus choledochi primum conspicuam, deinde per totum tenue intestinum arcte villis haerentem. Succus vero gelatinosi carniū, plurima adfusa aqua diluti, & ipsi ex natura sua subviscida haerent villosae tunicae, & ad resorptionem parantur. Aqua vero, & aquosa omnia, avidissime venis hauriuntur, neque tamen in tenui intestino facile faex crassescit unquam, quantum

quantum vidi, quod ablata aqua a liquore arterioso, & mucro reparetur, neque valde faetet, tum ob diluentem copiosissimum liquorem, tum, quod velox iter moram putrescendi non concesserit. In jejuni principio alba massa. in fine ilei mucosa tota est. Reliquum, quod terreum magis, & crassum, asperum, acre, & ab ostiis resorbentibus exclusum fuit, mole sua, aut vi sphincteris simili, descendit in crassum intestinum, sensim depulsum, ut intra viginti quatuor horas fere totum iter absolvat. Tribus vero quatuorve horis, & paulo ultra, chylus omnis fere extractus est.

DCCXVIII. Insignis longitudo intestini tenuis, quae quinquies & ultra corpus proprium superat, superficies villosae membranae per plicas auctae, vasorum vis incredibilis, & exhalantium, & resorbentium, mora longa, qua cibus iter suum in crassa intestina absolvit, copia eximia liquidi intestinalis, adfusi cibariae massae, faciunt, ut in tenui intestino omnia abunde praestentur, quae requiruntur ad dilutionem ciborum cum succis nostris, ad resorptionem in venas mesentericas, & lactea vasa, ad absterfionem viscerum de intestino, ad evitacionem coaguli

Gg 3 &

& adhaesionis, ad subactionem venenatae etiam potentiae in multis succis, qui sanguini continuo misti subito necant, ore vero absque noxa recipiuntur. Hinc longa intestina animalibus duro victu viventibus, breviora carnivoris, brevissima iis, quae solo succo vivunt: & in homine brevis intestinorum famem facit, & faeces faetidas fluidasque.

## CAP. XXX.

## VASA CHYLIFERA.

DCCXVIII. *Chylus* albus succus est DCCXVII. de alimentis extractus, qui sanguini adfunditur. Ejus natura ex aqua, & oleo composita esse videtur, argumento saporis dulcis, naturae acescentis, albi coloris, quibus dotibus emulsionem mire refert. Farina vegetabili, cum lymphâ & oleo animali, componitur. Dotes alimentorum volatiliū, oleosorum, passim retinet. In lac abit, parum mutatus. Tunc autem manifestius prodit glutinosum, quod ipsi inest, serum, pellucens, in calore magno, vel difflato,

flato, quod aqueum est, coagulabile in gelatinae aliquam speciem.

DCCXX. Chylum ex villosa tunica, cui adhaeret, in lactea vasa resummi, dudum notum fuit, ex experimento liquidi tinctorii, quod eam viam descriperat, ex similitudine albi liquidi in vasis lacteis & extra ea vasa visi, ex natura venosa lacteorum vasorum. Nuperrima experimenta multa melius docuerunt. Per osculum in extremo quoque villo patens, sorbetur chylus, vi, quae cum capillaribus tubulis comparari potest, recipitur in cavum villum, laxatum, quando ipsum intestinum laxum est; ampulla vero compressa, a motu succedente constrictorio fibrarum intestini, porro exprimitur in ductum, qui in cellulosa secunda adparere incipit. Duplex autem huiusmodi trunculorum stratum est, anterior, & posterior, ut in vasis rubris dictum fuit. DCCVIII. Inde in primam cellulosa, jam in maiorem canalem unitum transit *lacteum vas*, & in universum arterias sequitur, earumque etiam arcus comitatur, in retia valde obliquiangularum sui similibus conjunctum. Valvulosa sunt vasa lactea, quam primum ab intestino recesserunt, uti lymphatica, gemi-

nis pariter lunatis frequentibus(LII.) valvulis, ornata, quae chylum ab intestinis venientem mittant, relapsurum sustineant. Eo toto itinere motus peristalticus intestinorum chylum urget, & vis peristaltica vasorum, omnino irritabilis, quae etiam a morte chylum propellit, & pressio insignis musculorum abdominis, per valvulas determinata. Plurima oriuntur a priori parte intestini tenuis, sub mesocolo, aliqua a duodeno, nonnulla ex ipsis crassis intestinis.

DCCXXI. Sed inter laminas mesenterii, ad divisiones vasorum, reperiuntur infinitae glandulae, generis conglobati CLXXXII. sq. molliores tamen, spongiosae, tela cellulari succi plena factae, membrana externa, minus quam alibi dura, tectae, numerosissimis sanguineis ramulis pictae. In hujusmodi glandulam advenit vas lacteum, & in ramos divisum chylum in cellulosa ejus fabricam effundit. Inde pressione vasorum, sed imprimis musculorum abdominis, emulsus chylus, in vas lacteum egrediens, e radiculis confluens, pellitur, & porro bis, ter, quaterve alias & alias glandulas subit; etsi passim aliquas praeterlegat, neque ingrediatur. Esse vero hoc verum iter chyli & ab intestinis ad mesenterii glan-



glandulas pergere, demonstrat ligatura, qua injecta vasa lactea inter vinculum & intestinum intumescunt, scirrhi glandularum, quibus conspicua redduntur, valvularum natura, relapsum ad intestina impediens.

DCCXXII. Quid chylø in his cellulosis spatiis contingat, non satis certum est. Adparet tamen, ex arteriolis secerni in iis glandulis tenue aliquod liquidum, quo adfuso chylus diluatur. Observatum enim est, omnibus glandulis superatis chylum magis aquosum adparere: & liquida tenuia injecta ex arteriis exeunt in cellulas glandularum, chyloque se miscent.

DCCXXIII. Ex ultimis glandulis. quae propius in centro mesenterii congeruntur, pauciora denique vasa lactea maxima exeunt, quatuor, quinque, vel plura, quae cum arteria mesenterica adscendunt, & miscentur plexui lymphatico, qui ex partibus inferioribus corporis ortus, trans venam renalem repit, deinde cum eo, qui retro arteriam aortam ad glandulas lumbales advenit, & cum hepatico. Ita natus ductus variabilis equidem, frequentius tamen in ampullam notabilis latitudinis ad latus aortae, inter ipsam, & adpen-

pendicem septi transversi dextram, solet intumescere, longam ad duos pollices & ultra, & frequentissime in ipsum thoracem productam, supra transversum septum, utrinque conicam, vocant *Chyli receptaculum*. In eo lymphæ gelatinosa artuum & abdominis miscetur cum chylo, ejusque alborem diluit. Est tamen, ubi duo, tresve ductus, etiam minores, & angusti, loco hujusmodi *cisternæ* adsunt. Frequentior tamen ea est, & compressa a diaphragmate, ab aorta elisa, tanto celerius chylum promovet, quanto lumen latius ductu habet, in quem se exonerat.

DCCXXIII. Is *ductus thoracicus*, ab itinere dictus, plerumque unicus est, & si duplex, non magna parte sui itineris confecta unitur in unum, qui retro pleuram, inter venam sine pare & ortam, flexuose ascendit, recipit inserta vasa lymphatica ventriculi, oesophagi, pulmonum, per glandulas conglobatas, quas plurimas accumbentes habet, advenientia. Cylindricus in univsum, frequenter insulas facit, & fissus in se ipsum redit, maxime superius. Valvulas pauciores, minus evidentes nactus est. Ad quintam plerumque vertebram sinistrorsum migrat, retro oesophagum, indeque per  
sinistram

sinistram sedem pectoris adscendit, retro vasa subclavia, donec in collo ad sextam fere vertebram perveniat.

DCCXXV. Tunc recurvatus, saepe fissus, ramo utroque in ampullam quamdam dilatato, descendit, & unitis osculis vel distinctis, ingreditur venae subclaviae cum jugulari interna conjunctionem, oblique ingressus, ut a posterioribus, superioribus, dexterioribus, deorsum, sinistrorsum, antrorsum tendat, vel unico ramo, vel altero, & venam subclaviam exterius quam illa conjunctio subeat. Valvulam veram fluctuantem fere circularem praefectam habet, & sanguinem subitum etiam ipso descensu arcet. Rarum est aliter se habere, rarissimum fissum duobus cruribus duas subiisse subclavias, & adhuc rarius, subiisse aliquo ramo venam sine pare. Proxime insertionem suam recipit insertum vas lymphaticum magnum, transversum, ab artu superiori veniens, & aliud descendens a capite, unum vel plura.

DCCXXVI. Sanguini mistus chylus non continuo naturam deponit, argumento lactis inde nati. Quinque tamen horis a pastu & ultra, fere ad duodecimam, quo toto tempore

pore femina lac praeberere potest, nunc fere octogefies millies per corpus humanum circumductus, fatus calore corporis, mistus liquidis humanis, ita mutatur, ut adeps partim in cellulosam deponi, partim in globulos rubros figurari videatur, CLXV. gelatinosa pars in serum sanguinis abeat, aquosa partim per urinam, & perspirationem diffluat, partim sanguinem diluat. Neque rarum est, vel lacti in moribundo animale in chylifera vasa pellucidum liquorem succedere, vel in diversis intestini regionibus alibi album, alibi limpidum liquorem vasis inesse, quae fabrica tota consentiunt. Non ergo duplex vasorum intestinalium genus datur, quorum unum chylum solum, alium peculiariter lympham veheret.

DCCXXVII. Extra tempora digestionis lactea vasa aquam de intestinis resorbent, & pellucunt, ductus vero thoracicus inprimis lympham abdominalem & corporis fere totius (L.) ad sanguinem reducit.

## INTESTINA CRASSA.

DCCXXVIII. Quod superest post extractum chylum, id constat bile aliqua, sed mucida & degenerare: aliqua parte humani muci: terra pleraque, quae in cibis fuit: omni acri, quod ab ostiis resorbentibus exclusum est DCCXVII. omnibus fibris membranisque solidis, quas vis peristaltica, & maceratio non superavit.

DCCXXVIII. Id omne ex ultimo ileo in caecum intestinum deducitur, ibique moratur. Nempe tenuis intestini finis dextro lateri *coli intestini*, insidentis ossibus ilium & cognomini musculo, ita oblique se adplicat, ut in universum quidem adscendat, magis tamen inferiori latere, minus in superiori, quod fere transversum est. Ultima vero pars nerveae & villosae ilei intestini, inter discedentes fibras carneas & nerveam coli ita producit, ut intra cavitatem hujus crassi intestini pendeat, mobilis, mollisque, duplex eminens ruga, composita ex villosa, & nervea tunica crassi intestini, & ex nervea &

& villosa intestini tenuis, per multam cellulofam telam connexis. Superior ruga transversa, & brevior, inferior amplior, longior, adscendens est: conjunguntur autem levi jugo simili, maxime in dextro latere suae viciniae. Inter utramque rugam ostium est ilei, simile riinae transversae. Flatus mire hanc fabricam mutat, & fingit membraneas, durasque valvulas. Remota cellulosa tela omni, ileon exit ex colo, & valvula omnis evanescit: magna parte extracta, ut aliqua insertum maneat, sphincterem musculum refert.

DCCXXX. Infra ingressionem ilei, aliquot ad uncias, descendit crassum intestinum, sineque *caeco* ilibus insidet. Ex ejus ima parte dexterius prodit in adulto homine gracile, fetui latius, longissime conicum, intestinulum, varie sursum recurvum, nonnunquam deorsum, plenum mucosis glandulis, quae faecibus gluten adfundunt. In fetu ipsum colon conico sine in appendiculam continuatur. Pondus vero incumbentium scybalorum, deprimens spatium ad dextra appendiculae, robur cellulosae telae sinistram partem caeci cum ileo unientis, vis ipsa contractilis ligamentorum faciunt, ut appendicula ex media sede dimota, ab extremi-

tremitate sinistra coli exeat, sic nascatur dextrimus globus crassius pendulusque coli, adultis hominibus proprius. Quando ergo massa de cibo superstes per ileon in intestinum colon advenit, ea pondere suo in eum caecum faccum labitur, ibique stagnat, & ex calore loci propriaque natura putrescit, & hic imprimis factor excrementorum incipit.

DCCXXXI. *Colon* intestinum dicitur, quod caeco ili omnino continuatur, & idem est. Nempe crassum intestinum amplissimum, multo tenui robustius, incipit in ilibus, DCCXVIII. adscendit secundum renem, in angulo dextri hypochondrii hepati subjicitur, & utrique visceri per peritonaeum connectitur. Deinde sub hepate, & ventriculo, transversum plerumque fertur ad lienem, cui subtenditur, DCLX. inque recessu profundo sub costis sinistris saepe in se ipsum contorquetur. Tunc descendit iterum, adque ile sinistrum flexu amplo facto DCCXXXI. hujus flexus ima parte continuatur in pelvim, & porro rectum est.

DCCXXXII. Fabrica in universum quidem, quae tenuium est, multa tamen alia habet. Et primo fibrae longitudinales omnes in tres fasci-



fasciculos colliguntur, qui totum intestinum perambulant, eorumque unus nudus est, idemque major, alter oriens omento, tertius mesocolo continetur. Breviora intestino sunt, idque ita contrahunt, ut membrana DCCXXXIII. nervea & villosa introrsum emineat. Eae fibrae connectuntur accuratissime cum tunica externa intestini, intermediis locis vero, & maxime ad mesocolon, cellulosa prima adest cum adipe. Primum appendiculæ vermiformi dilatata adhaerent. In fine coli saepe non sunt nisi duo ligamenta, cum duobus minora in unum confluant.

DCCXXXIII. Deinde nervea tunica, & cellulosa tertia, & villosa crassi intestini, in multo ampliores rugas producantur, in locis inter ligamenta intermediis, triplici saepe ordine eminentibus, quae, a ligamentis sustentatae, scybala paulum sustinere, relapsui resistere possint. In principio coli satis exquisitae ternatae sunt, progressu magis & magis variae, & minores & duplices, & solitariae, & parvae mistae magnis, & nullae. Ligamentis, quae colon contrahunt, deletis, fere integre evanescent. Denique villosa membrana tenerior, & absque villis est, rugosa tamen, & porosa, tum magnis poris

ad proprios folliculos amplos, rotundos, solitarios, tum parvis, innumerabilibus, ad parvos folliculos ducentibus. Utrumque genus mucum uberrimum fundit.

DCCXXXIII. Vasa crassi intestini a mesentericis duplicibus sunt. Arteria quidem colica media a trunco mesenterico magno oritur, dum retro mesocolon transversum descendit. Ea uno vel duobus, vel tribus nonnunquam, caudicibus ad mesocolon transversum erigitur, & dextrorsum quidem cum ileocolica, sinistrorsum cum mesenterica inferiori amplissimo arcu convenit, quae inter omnes in corpore humano arteriarum anastomoses maxima est. Deinde sub mesocolo, ex eadem arteria mesenterica magna, unus major ramus, recta ad plicam ilei cum colo fertur, & sursum ad dextrum colon cum colica media, sinistrorsum cum mesenterica concurrit, ex medio vero mesenterio ramum dat, qui per mesocolon appendicis vermiformis decurrit, & duobus ramis in utraque, anteriori & posteriori, plica ilei cum colo definit. Inferior denique mesenterica proprio trunco inter renales & divisionem aortae provenit, & adit colon sinistrum. Ea sursum concurrit arcu magno cum colica media, deorsum tribus quatuor-

ve truncis coli flexum iliacum perambulat, & in rectum usque intestinum descendit. Ibi ab haemorrhoides media, orta ex ultimo trunco hypogastricarum, varios ramos rectum intestinum accipit, cum prioribus conjunctos. Ultimi sunt ab eodem trunco, sed extra pelvim nascuntur. Minores omitto colicas a spermaticis, intercostalibus, omentalibus, capsularibus, lumbalibus natas. Venae similes arteriarum in gastrocolicam, haemorrhoides internam, mediam, externamque coeunt.

DCCXXXV. Divisio vasorum ad crassa intestina multa habet alia a tenuibus. Arcus minus frequentes, neque ita repetiti, trunci longe sequentes intestini tractum, glandulae adfidentes paulo pauciores, rami in intestino minus arbusculae similes, magis flexuosi, reticularius in cellulosa tela. Depluit tamen liquidum exhalans in cavitatem intestini, & venae perinde liquorem tenuem faetidum, de excremento resorbent.

DCCXXXVI. Sed etiam lymphatica vasa a colo omni rectoque ipso intestino nascuntur, & haec quidem cum lumbalibus conjunguntur. Neque ita absque exemplo est, loco lymphae chylum, in his a colo natis lymphaticis

phaticis vasis fuisse, argumento, etiam hoc loco aliquid utile superesse, quod sanguini cum emolumento adfundatur. Inde vis clysterum nutrientium, febrifugorum.

DCCXXXVII. Nervi sunt a plexu, quem rami descendentes plexus renalis utriusque, & alii a trunco intercostali in thorace & lumbis orti, & alii a plexu mesenterico magno nati componunt. Hi arteriam mesentericam inferiorem comitantur, colonque adeunt. Iini sunt a plexu modo dicto, colico sinistro, & in pelvim ad rectum intestinum eunt; alii ab intercostalibus iinis, alii a sacris ad idem intestinum accedunt. Pauciores sunt, & intestinum minus sensibile, ut adsuescat acris, & duris scybalis.

DCCXXXVIII. Ergo faex alvina, in crassi intestini caeco initio retenta, DCCXXXVIII. resorbto liquido tenui exsucca, a rotundo contractoque colo figurata, adscendit ex imo caeco, elevata a ligamentis longis, quae in appendiculam vermiciformem coeunt. Et melius hic adparet, quam in ipsis tenuibus, quomodo circulares fibrae contractae faecem propellant. Ad eam contractam sedem intestini longitudinales fibrae, tamquam ad punctum

fixum adductae, intestini partem inferiorem sursum trahunt, intestinum dilatant. Tunc nova sedes intestini, ad quam idem scybalon advenit, irritata, & ipsa constringitur, ad eam contrahuntur longae fibrae, & dum haec repetito fiunt, faex iter totum per intestina crassa absolvit. Nam motum peristalticum crassiorum intestinorum oculus demonstrat in vivis animalibus & vulneratis hominibus: ipsum antiperistalticum idem, tum phaenomena clysterum per os redditorum. Aliquid addere potest abdominis a suis musculis contractio.

DCCXXXVIII. Dum faex crassa dexterius secundum rugas DCCXXVIII. sive valvulas in ilei ingressu adscendit, inferiorem rugam sinistrorsum inclinat, detrahit retinaculum utrique valvulae commune, sic superiorem deorsum deprimit, ita accurate caludatur iter, ne quidquam in ileon redeat, quod in fluidiori faece non perinde accurate fieri potest. Relapsura faex a superioribus, valvulam superiorem depellit, & se ipsa accuratius excludit. Eadem porro promovetur, magis & magis exsucca, figurata, a causis iisdem DCCXXXVIII. lento itinere, per colon totum, repetito flexum, quinque & septem pedes longum, tempore tanto, quod  
fut-

sufficiat, ne interrumpantur negotia vitae humanae, & tanto minori quam 24. horarum, quanto tempore tenuia intestina cibos retinent.

DCCXXX. Donec in *rectum intestinum* scybalon incidat, quod primo deorsum, deinde etiam antrorsum inclinatur, & latum est, & planum, substratum adpositae primo, deinde insidenti aut vesicae, aut vaginae, & cum ista magis, quam cum illa connexum. Ibi diu, & magna saepe copia, excrementum colligitur, ut in loco laxo, mollibus visceribus, musculisque cincto, & plurima pinguedine.

DCCXXXI. Fabrica hujus intestini multa ab aliis diversa habet. Externa membrana, sive peritoneum, unice anterius est, posterius vero latissima cellulosa cum multis glandulis conglobatis & adipe, intestinum ad sedem sacri ossis firmat. Musculares fibrae multo, quam alibi validiores sunt, longitudinales inprimis, quae ex tribus ligamentis expansis & disiectis factae, primo anteriorem faciem, deinde totum intestinum occupant, id contra advenientem faecem dilatant, & post scybalon egestum retrahunt. Sed etiam

transversales robustae adsunt, earumque ultimus ovalis, tumensque anulus, ipse *internus sphincter* est, quo orificium ani accurate clauditur.

DCCXXXII. Porro villosa tunica porosissima, reticulatis, polygonis, teneris rugis alpera, aliquod etiam peculiare sinus habet. Nempe pars intestini proxima cuti, & ostio inferiori, circulum album firmumque valvularem efficit. In eum descendunt plicae longitudinales, curvulae tamen, & ad se invicem, in ipso circulo, accedentes. Inter eas plicas intercipiuntur adeo sinus sursum cavi, in ima parte profundiores. In eorum recessu ostia a magnis glandulis mucosis aperiuntur: ambitum vero ani defendunt glandulae sebaceae, ne ab acri, duraque faece excorietur.

DCCXXXIII. Praeterea proprii musculi anum regunt. *Externus* quidem *sphincter* latus & carneus, fit duobus planis fibrarum, semiellipticis, quae & versus coccygem, & versus genitales partes se decussant. Et ibi quidem carnosus fasciculus in callosam cellulosa fabricam de coccyge descendentem se inmittunt. Hic autem perinde in cutem  
peri-



perinaei similibus lacertis, valentioribus vero tribus, medio, & lateralibus duobus, in acceleratorem bulbumque urethrae se firman-  
 quorum laterales illi inter sphincteris & levatoris naturam ambigunt. Fibrae ergo sphincteris inter anteriorem & posteriorem firmiorem sedem ad rectitudinem accedentes, interjectum sibi ani ostium claudunt. Cum sphinctere interno lacertulo externus conjungitur, ut una operentur. Haec actio voluntaria est, neque perpetua. Naturaliter enim anum stringere videntur angustia ostii, cum amplo intestino comparati, rugae sibi respondentes DCCXXXI. robur fibrarum transversalium interni sphincteris, incumbens vesica.

DCCXXXIII. Sed aliud est officium levatorum, amplissimorum muscutorum, & multiplicium, qui late inter obposita ossa ischii descendentes, subjecti recto intestino, & vesicae, sustinent utrumque, ne descendat rectum, & turpiter hiet. Idem praeterea fibris suis late declinantibus in naturam sphincteris, cum eo musculo conjuncti, fibras ejus diducere, anum aperire, sed una levare possunt, & sustinere, ne, dum scybalon egeritur, deorsum prolabatur. Oriuntur au-

tem, uti notum, a spina ischii, osse pubis ad synchondrosin, eodem terminante ambitum foraminis ossis pubis, & ischii denique parte, quae super tuber est. Supremo loco, sub coccyge, conveniunt in unum, & multis fibris in coccygem inferuntur.

DCCXXXV. Ergo, quoties faex in rectum intestinum magna copia collecta est, & molesta fit pondere irritante, vi acri, etiam vicinis visceribus molesta, urgetur ea ex imperio voluntatis per angustias conniventis intestini DCCXXXIII. Vi incumbentis diaphragmatis, nixum cientis, quod deorsum vi magna deductum, pleni abdominis viscera, quibus pariter contracti muscoli abdominis resistunt, deorsum determinat, & per pelvis imum inter ossa hiatum, qua minus resistitur, urget contenta vesicae, aut recti intestini. Superata angustia ani, remittit vis septi transversi, & faex porro vi peristaltica ipsius intestini de corpore eliminatur. Egesta faece retrahitur intestinum a fibris suis longis, & anus constrictus ab utroque sphinctere ostium suum, ut prius, claudit.



## CAP. XXXII.

## RENES. VESICA. URINA.

DCCXXXVI. Chylus in sanguinem re-  
forbtus plurimum aquae continet, cujus in  
sanguine nimia ratio foret, nimisque prom-  
tus in cellulosa spatia secessus, nisi expurga-  
retur. Ejus pars per cutem exhalat CCCC-  
XXXVIII. pars alia, aequè magna & major,  
per renes percolatur, & de corpore dece-  
dit.

DCCXXXVII. *Renes* vocamus viscera  
duo, retro peritoneum posita, ad latus u-  
trumque spinæ dorsi, incumbētia septo  
transverso, musculisque psoæ & quadrato,  
ut tamen dexter fere humiliori loco sit, &  
magis ad posteriora remotus. Ante se ha-  
bent dexter quidem superne hepar DCLXX.  
deinde colon & intestina, sinister lienem,  
ventriculum, pancreas, & pariter colon. Ad  
colon, duodenum, hepar, lienem, plicis  
a peritoneo factis religantur. Figura exte-  
rius convexa, facies utraque compressa est,  
semielliptica, interius concava, inaequaliter  
divisa, in superius crassius extremum, & lon-  
gum, planum, & gracilem, inferiorem fi-  
nem

nem. Membrana externa firma & solida arcte adhaeret. Inter eam, & peritoneum lumbare, semper copiosissimus adeps interponitur, quo undique, tanquam cortice, ren totus ambitur.

DCCXXXVIII. *Vasa* renum amplissima sunt, tum arteriae, quae mesentericam junctae superant, tum venae. Et arteriae quidem ab aorta sub ea mesenterica exeunt, non valde constantes, sinistra tamen brevior, dextra longior, utraque non raro duplex, triplex, quadruplex. Ab iis arteriis nascuntur capsulares arteriae infimae, & adiposae, ad corticem pinguem renis euntes DCCXXXVII. & non valde raro spermaticae. Ramulos minores a spermaticis, lumbalibus, pinguedo potius accipit, quam ipse ren.

DCCXXXVIII. *Venae* amplae, maxime sinistra, minus quam arteriae inconstantes, dextra quidem saepe absque ramo, brevis est & recondita, sinistra semper & alteram feminalem venam, & capsularem. & venae sine pari ultimam sui lateris propaginem recipit. Eadem amplissima sequitur duodenum intestinum, longe transversa, ante arteriam aortam. Utraeque & arteriae, &  
venae

renae, angulo deorsum acuto, a magnis vasis  
 proveniunt, & utraeque etiam prius, quam  
 renem subeant, in plures ramos finduntur.  
 Transitum sanguinis ex arteriis renalibus in  
 renas valde expeditum esse, demonstrat fa-  
 cilitas, qua aqua, cera, aeream viam legunt.  
*Lymphaticae* venae satis amplae in regione  
 renalium venarum reperiuntur, ortum da-  
 urae cysterinae chyli DCCXXIII. quae ramos  
 dicuntur accipere, sub externa renis mem-  
 brana divisos.

DCCL. Porro *nervi renales* multi &  
 parvi, a plexu oriuntur insigni, utrinque  
 nisto gangliis, quem rami ganglii ma-  
 gni seminularis generant, conjuncti cum  
 ramis ab intercostali trunco ex ipso thorace  
 dependentibus. Cum arteria renem adeunt,  
 & mesentericos medios DCCXXXVII. &  
 spermaticos nervos edunt. Cum parvi sint,  
 ren parum acutum sensum habet. Cum ar-  
 teriam renalem plexuosi circumligent, intel-  
 ligitur, quomodo per animi adfectus, urinae  
 copia subito augeri, & quae crassa, & pau-  
 ca fuerat, aquosa & enormi copia proflue-  
 re possit.

DCCLI. Infidet reni supremo *capsula renalis* glandulosa, conglomerati generis, triquetra, hepatis lieni & pancreati, septo transverso, & reni, totidem hedris adhaerens, intus cava, separabili quasi ventriculo, liquido plena ex flavo rubente, fluido, pene sanguineo, magna in fetu, & rene major, non perinde in adulto crescens. Arteriae capsulae multae & trium generum sunt, supremae a phrenicis, ab aorta mediae, imae a renalibus; venae utrinque una, magna, dextra ad cavam, sinistra ad renalem. Ea vena ramosa per levissimum ventriculum nuda migrat, in sulco dividente capsulam. Utilitas ignoratur, etsi ad renem, & in fetu quidem, pertinere suadeat perpetua in adeo multis animalibus vicinia. Ductum excretorium nullum nacta est, neque succum suum per conspicuos poros in venam refundit.

DCCLII. Fabrica renis interioris satis simplex est, & nota. Vasa subeunt intervallum partis superioris & inferioris renis, & in carnem ejus se demergunt, cincta cellulosa vagina, inque ramos finduntur, qui iter ramos ejus, quae dicetur pelvis, exeunt. Inde porro & in papillas, & inter

tër eas, arcubus factis, papillarum originem circumlegunt, unde innumerabiles furculi prodeunt, quorum alii per papillarum intervalla & in papillas redeunt, alii versùs renis externam circumferentiam tendunt, (& nonnunquam perforata tunica renis in adipem ipsum exeunt), & ibi in minùtos serpentinos furculos mutantur, qui reflexi versùs idem, unde oriebatur trunculus arteriae, renis discrimen, sensim exporriguntur in recta vascula, exigua, sed conspicua, in quae urinam deponunt. Ejus ex arteriis secretionem cera, aqua, ipse aer, non difficulter imitantur, & ex arteriis renis in ureterem transeunt. In has papillas, & circa earum ortum, glomeruli subrotundi sedent, quos pro glandulis, ductus proprios uriniferos angustiores arteriosis producentibus, recentissimi anatomici habent. Inter eos ductulos multae arteriae parallelae pergunt.

DCLIII. Haec vascula *urinifera* convergunt sensim, radiorum modo conjuncta, & colliguntur in fasciculum, qui renis hilum repetens, in rotundam papillam abit,



abit, cujus omnis convexitas poris plena est, ultimis nempe hiantibus osculis vasorum, in quae urina secreta descendit. Harum papillarum numerus non penitus certus est, sunt tamen tredecim, & ultra, & simplices, & triplices, & quadruplices demum visae. Eae in fetu ita distinctae fuerunt, ut ren ex totidem renculis fieret, laxa cellulositate nexis, quorum quilibet suum corticem, ex serpentinis vasculis factum, suam rectorum vasorum uriniferorum compagem haberet. In adulto homine, densior cellulosa tela papillas adtrahit, inque unum renem unit, naturam tamen fetus ren pene recuperat, si aqua injecta vasis cellulosam telam laxaverit. In eodem fetu ren major est.

DCCLIII. Circa eminentem hujusmodi papillam membranaeum involucrium laxum, distinctum, ampliori spatio ita adnascitur, ut in cavum cylindrici hujus infundibuli tubum papilla exstet. Hi tubi conflunt bini ternive, cum sui similibus, & nascuntur ea ratione tres trunci, cavi, qui & ipsi, sed extra renem, in unum, conicum canalem uniuntur, qui pelvis dicitur.

DCCLV. Sanguis arteriae renalis, minus, ut creditur, mobilis quam cerebralis ille, & forte majori aquae copia plenus, per arteriolas renis serpentinas adductus, deponit in vasa rectilinea papillarum magnam aquae suae partem, & oleum intime huic aquae mistum, & sales, & si quid tenuioris inest liquidi. Ipsa vero diameter orientis ductus uriniferi, ejusque firma resistantia, crassum oleum, & chylum, & lympham coagulabilem, excludere videtur. Hinc adeo facile aucta celeritas sanguinis ipsum cruorem per eas fistulas urget, laxitas vero morbosa adipem verum, & lac ipsum, & sales ciborum potusque transmittit. Ab igne, aut putredine, urina in alcalinam demum volatilem naturam transit, mistam intime cum oleo partim empyreumatico, flavo, volatili, partim tenacissimo, ultima vi ignis demum separabili, sive phosphoro: terra denique copiosiori, quam in ullo liquido humano. Sed etiam sal marinus lotio recenti inest, & post longam putredinem tamen in phosphoro detegitur, etiam si magna pars in volatile alcali convertitur. Neque abest acida stilla, vitriolicae congener, & in homine & in animalibus. Sed fusilis etiam in calore sal ex urina habetur. In febre olei & salis portio & acrimonia augentur.

DCCLVI. Pelvi continuus *ureter* promovet acceptum lotium vi incumbentium viscerum, muscutorum abdominis, & lumborum, circulum obeuntis, & urgentis a tergo sanguinis, & denique ponderis. Et *ureter* quidam peritoneo tectus, deinde cellulosa porro musculosa debili, obscura, cellulosa altera, & alba nervosa firma tunica, & alia cellulosa, & intima levissima membrana factus est, intus forte porosa, & glandulosa, modice omnino in universum irritabilis. Varia ipsi variis locis diameter est. Descendit per psoam, trans magna vasa iliaca, in pelvim venit, retro vesicam urinariam, & in conjunctione partis descendentes vesicae cum transversa, oblique inter carneas fibras nerveamque tunicam, & inter istam & villosam, longe introrsum descendit, atque resecto lumine aperitur. Nulla ipsi valvula neque ad osculum, neque in ejus ductu est. Ab ea insertione tumens linea crassioris nervosae tunicae versus caput gallinaginis descendit.

DCCLVII. Neque alia via urinam advenire videtur. Etsi enim certum sit exhalare ventriculum, ut aliae membranae solent, & minime alienum videatur ab experimentis inhalare vesicam: etsi porro velox sit transitus

tus aquae acidularum, non ideo praeter ureteres via est, quae de cibis aquam eo adferat. Nam vesica ab abdominis cavitate undique peritoneo separatur: neque valde certum est, posse vapores aut exeuntes de vesica, aut eam subituros, poros in peritoneo patulos invenire; neque multum inbibunt membranae jam madidae & humore saturae, & sollicita observatio modi, quo aquae medicatae mingendo redduntur, demonstrat minime eam esse, quae credebatur rapiditatem: sed frigus admissae aquae, ut frigus solet cuti admissum, concutere vesicam, ut urinam continuo ejiciat, non eam, quae ex ultimo potu nata sit, sed antiquam, & prioris horae. Et amplitudo vasorum renalium demonstrat, non multo minus octava parte sanguinis totius corporis, adeoque intra horam ultra mille uncias sanguinis ad renes advenire, ut minime alienum sit, viginti, & quinquaginta demum uncias aquae, eo tempore posse de sanguine decedere. Denique certum est, perire hominem, perire animalia, quibus ureteres ligati, obstructi sunt, neque tunc in vesica urinam reperiri.

DCCLVIII. *Vesica urinaria* sedet in cava pelvi, abdominis appendice, ossibus pene undique cincta, inferius tamen, & ad latera, musculis solis clausa. In ea ita ponitur, ut multa cellulositate cum ossibus pubis cohaereat; deinde ab iis accipiat peritonaeum, anteriùs modica parte sibi inpositum, retro vesicam vero longe, ad ingressionem pene ureteris descendens, unde porro ad rectum intestinum, aut ad uterum in feminis, pergit. Retro se id intestinum subjectas vesiculas habet, & prostatam, rectum intestinum, levatores ani. In fetu valde longa, conica, super ossa pubis se effert, in valde adulto vix eminet etiam inflata, quod ibi pelvis multo major pro portione, & profundior sit.

DCCLVIII. Figura hujus receptaculi in universum ovalis est: anteriùs tamen planior, posterius convexior, inferiorem obtusum verticem valde planum & latum habet, quo intestino insidet. Ea figura in viro adulto est, fetui pene cylindrica fuit, feminae multiparae ita per latera latefcit, ut in rotundum quoddam tetraedrum abeat, cujus sectio triangulum est. Haec mutatio videtur pondere lotii fieri, quod partes infernas vesicae depriimit, in latum cogit, sic totam breviorẽ, latiorẽ reddit.

DCCLX. Fabrica est, qualis in omnibus magnis cavis receptaculis. Prima membrana cellulosa est, ante laxa & pinguis, posterius paulo minus, qua etiam cum recto intestino conjungitur. *Musculosa* hanc sequitur, difficilis dictu, fibris facta contractilibus, pallidis, in varios lacertos reticulatum ordinatis, non continuis, sed plurimis spatiis interruptis, in quibus nervea tunica nuda est. Princeps stratum fibrarum longitudinalium est, quae a prostata antea ortae, neque raro, etsi non semper, ad synchondrosin ossis pubis ita connexae, ut ibi oriri videantur, adscendunt latefendo, ad conicum, supremum terminum vesicae, trans eum descendunt per posteriorem superficiem, ibi latefunt insigniter, & in prostrata iterum terminantur, ad latera tamen varie palmatim discedunt, & ex anteriori atque posteriori plano milcentur. His fibris deprimi vesicam necesse est, urinam ergo versus imam partem depelli.

DCCLXI. Reliquae fibrae aegre ad aliquem ordinem reducuntur. Replent intervalla priorum, a prostata posterius ortae, inde adscendunt inflexae, & stratum transversale profundum faciunt, tam antea, quam posterius.

DCCLXII. Interior musculari est cellulosa secunda elegans, inflabilis, tenerior, & mollior, quam in intestinis. Tunc nervea sequitur, continua cuti, similis, ut in ventriculo, & obscurior superest villosa, a nervea difficiliter separabilis, mucosissima, in varias rugas plicata, absque certo ordine. In ea, sed non semper facile, adparent pori cryptarum, viscidum blandumque gluten fundentium.

DCCLXIII. Vasa & nervi vesicae communes sunt cum iis, quae genitales partes adeunt, & ibi dicuntur. Rete princeps est in cellulosa prima, aliud in cellulosa secunda. In villosa & exhalantes arteriae sudant, argumento ab injectione anatomica petito, & sorbentes venae hiant, quibus debetur in spissatio conservatae urinae, & altior color. Sensus vesicae satis accuratus est, ut sentiat injectos quoscunque liquores, solius sanae urinae patiens. Lymphatica vasa in cellulosa prima facile demonstrantur, sed aliunde forte, & a proximo intestino orta.

DCCLXIV. In hanc vesicam, perpetuo filo, sensim urina depluit, argumento ducto a morbofis & monstrosis casibus, in quibus urethrae



urethrae finis oculo subiectus fuit, ibique moram agit, & a resorbta aqua acrior, & rubicundior redditur, donec mole, & acrimonia irritans sensibilem vesicae fabricam depellatur, primo motu diaphragmatis & musculorum abdominalium, quo urgente & in erecto homine intestina contra vesicam pel- lente, per angustam & ineditam viam lo- tium viam sibi facit; deinde motu peristalti- co contractae fabricae muscularis vesicae  
DCCLXI. Hinc ischuria a nimia dilatatio- ne vesicae, destructo elatero fibrarum mus- cularium.

DCCLXV. Nempe ex vesicae imo obtu- so vertice, anterieus, exit angusto ostio ca- nalis, continuus vesicae, *urethra* dictus, sua, & epidermidi manifesto continua, interna membrana, & circumposita cellulofitate, & solidiori nervea factus. Is variabili diame- tro & directione est; dum exit antrorsum fertur, inter crura discedentia ossium pubis; deinde contra eorum symphyfin adscendit, proboscidi similis, iterumque deorsum pen- det; rectus idem in feminis, transversus & brevis.

DCCLXVI. Eam urethram primo undique includit prostata glandula, deinde nudam dimittit, brevi spatio, quam continuo inferne prius adnatus bulbus, deinde etiam superne circumjectus undique amplectitur, cavernosa vero penis corpora superne & lateraliter adjecta, in sulcum utrique communem recipiunt, & addunt robur & constantiam aperti tubi. Latissima urethra, qua ex vesica prodit, conice in prostata contrahitur, parte libera cylindrica, in bulbi prima accessione latior, in pene perinde cylindrica, paulo cis finem modice latefcit.

DCCLXVII. Hunc canalem muscoli varii regunt, aut proprii, aut vicini. Et primo in feminis manifesto secundum exitum circumjiciuntur orienti urethrae fibrae, in universum transversae, ut tamen se varie decussent, quibus in vagina firmamentum, & officium manifestum est, quod sphincteris, deprimere nempe canalem, cujus ostio praefectae sunt, & contra resistantem, contractam vaginam, sphincteremque ani claudere. In viro similes transversae fibrae, sed arcum tamen sursum spectantem intercipientes, in vesicae cum prostata conjunctione de-

decurrunt, tegentes fasciculum fibrarum longitudinalem, & prostatam, vesicae propriae.

DCCLXVIII. Sed etiam levator ani urethram contra os pubis levare videtur, adeoque exitum vesicae claudere, & accelerator una cum sphinctere constrictus facile percipitur in vivo homine, dum vesicae ostium perfecte obferat, & lotium etiam fluens reprimat, ut minime dubium sit, ejus musculi modicam tensionem aliquid ad retinendam urinam facere.

DCCLXVIII. Hae causae, & pondus urinae potius in fundum retro ostium urethrae, & contra rectum intestinum deorsum urgens, quam in ostium, faciunt, ut urina in vesica retineatur, etiam in cadavere, neque effluat, nisi nixu, quo vesica comprimitur. Eo edito DCCLXVIII. lotium celeritate tanto majori profilit, quod ex amplo receptaculo per angustum canalem exeat, & ejecta hominem molestia liberat. Ultimas guttulas, restitantes in bulbi imo loco, hinc pondere morantes, expellit idem *accelerator* musculus, valida nempe vagina musculosa circumposita bulbo, fibris in ima, media, parte bulbi pennatim convenientibus, antequam

duobus tendinibus adfixus corporibus penis cavernosis, posterius sphincteri ani tribus fasciculis innexus, quorum duo laterales, unus medius est. Hic musculus firmato tunc & clauso sphinctere sursum bulbum elevat, & valida vi, alterne urethram succutiente, etiam minimas guttulas expellit.

DCCLXX. Cum vero urina acris sit, & sensilissima membrana urethrae, & cum aere eo subire queat, magnam vim muci in eum canalem natura congeffit. Eum, praeter vesicae fontes, generant glandulae primo duae conglomeratae, quarum una utrinque sedet in angulo bulbi urethrae, & corporis cavernosi penis, ductumque emittit in urethram longe & oblique decurrentem, ante bulbum insertum. Deinde tota urethra plena est sinibus mucosis cylindricis, quorum plurimi versus glandem descendunt, aliquorum directio contraria est, in quorum latera cryptae minimae mucum deponere videntur fluidum, mitemque. Eorum sinuum majores longo ordine per superiora urethrae disponuntur, initio anterieus quam bulbus factus, ad glandis usque initium. Minores & miscentur majoribus, & ad latera utrinque circumstant. In feminis multae & majores

jores sunt in breviori urethra, maxime in exitu.

DCCLXXI. Necessaria vitae humanae mundities moram lotii desiderat. Et urina de sanguine non aquam solum superfluum ciborum, quae est *urina potus* tenuis & aquea, & nonnunquam odore & colore aliquo ciborum impraegnatur, sed rancidum oleum, & demum terram solidarum partium resolutarum CCXXXV. debebat evacuare, quae est *urina sanguinis* flava, faetens, acris, extra tempus potui vicinum emissâ, maxime a somno. Ab ea retenta mors sequitur, ipso cerebro adroso. Verum conjuncta utraque utilitas non potuit non periculum facere morbi, cum urina quiescens terram suam continuo deponat, eaque novis accedentibus stratis in calculum abeat. Videtur tamen ex consensu tot populorum, calculo liberorum, mucum levissimum vesicae satis nos tutos praestare, nisi aquae fabulosae topoque plenae: & potus vinosi: & viscidissimi cibi; & quies nimia: & retentio urinae contra naturae leges diuturnior, & morbi denique renales, terrae calculosae copiam, adhaesionem praestarent.



## PARTES GENITALES VIRILES.

DCCLXXIII. Proxima renibus vasa genitalia oriuntur, & quidem in omnibus fere animalibus. Ita voluit opportunitas duplicis in uno organo utilitatis, quod & urinam egereret, & semen, & relatio partium genitalium ad intervallum summorum femorum, pertinens ad munditiam, pudorem, facilitatem partus, mictionis, vim nixus.

DCCLXXII. Semen masculinum nascitur in teste, deponitur in vesiculas seminales, expellitur ex pene, injicitur utero, fecundat ovum: inde ratio nostri ordinis. *Testes* humani, exigui pro corporis mole, intra peritoneum in tenero fetu, deinde sensim sub eodem, in inguine, denique sub inguine, in plena aetate, ponuntur, situ mutato, vi fortè simplici ponderis, irruentis sanguinis. Neque tamen nunquam etiam in adultis hominibus in inguine resistant. Haec particula ovi figura est, vertice acuto superiori, vertice obtuso inferiori.

DCCLXXIII. Variis tegumentis testis defenditur: Et primum *scrotum* ipsi circumponitur, quod fit cellulosa tunica densa, vasculosa, in solidam membranam stipata, cuti accurate adhaerente, cui aliquis elasticus motus a frigore est, & in venere, absque tamen ulla fabrica musculari; solet autem corrugari, dum agit, & testes sursum ducere. Haec cellulosa tunica, quae *dartos* vulgo dicitur, singulo testis seorsim circumponitur, unde in utriusque conjunctione septi species in ficcato corpore nascitur: Id septum superne saepe imperfectum est.

DCCLXXV. Intra darton laxa cellulosa est, ut elibi, inflabilis, sed absque pinguedine, si imam partem scroti exceperis. Tunc musculus sequitur, quem ab officio *cremasterem* dixerunt, ortus a fibris degenerantibus obliqui minoris abdominis, & a tendine obliqui externi, quem ligamentum vocant, & nonnunquam aliis fibris ab osse pubis descendentibus, expansus in vaginam, posterius, denique undique amplexus testem, quem comprimit, elevat, emulget.



DCCLXXVI. Altera nunc cellulosa sequitur, exteriori telae spongiosae continua, quae peritoneo circumponitur, hanc *vaginalem* vocant. Haec amplioribus, quam alibi bullis fit, quae successive inflari possunt. Ad principium testis, super epididymidem, ita separatur a reliqua parte, quae super testem, versus anulum musculorum abdominis est, ut vix flatus continetur. Inter hanc membranam & sequentem, spatium est, in quod vapor halat, & aquula nonnunquam effunditur. Intima *albuginea* dicitur, robusta, alba, stipata membrana, quae testis carnem proxime coercet.

DCCLXXVII. Ad testem arteria descendit, una utrinque, *spermaticae* nomine, quam aorta sub renalibus generat, non tamen raro vel renalis, vel capsularis aliqua, vel aorta supra renales arterias. Haec arteria, in toto corpore pro longitudine sua alioquin minima, descendit extrorsum ante psoam, dat ramulos adipi renali, ureteri, glandulis lumbalibus, mesocolo, peritoneo, & imprimis circa imum renem flexam adiposam insignem: neque tamen minor, serpentino ductu pergit retro peritoneum, ad anulum usque abdominalem. Is fit unice ex obliqui majoris fibris

tendineis, descenditibus, hiatu longo, deorsum lateſcente interruptis, quarum plurimae, tenuiores, interiores, partim in os pubis medium late demittuntur, partim decussatae cum fibris musculi alterius lateris coeunt, has *columnam internam* vocant. Aliae exteriores, valentiores, hiatu illo a prioribus distinctae, in ossis pubis latus exterius crasso lacerto infiguntur, vocant *exteram columnam*, a qua variae fibrae in fasciam latam & inguen aberrant. Superiorem partem huius hiatus aliqua ex parte claudunt fibrae a columna exteriori ortae, incurvae, per internam columnam & debiliorem adscendentes. Infra eas fibras per exiguum hiatus reliquum, saepe tendineo lacerto divisum, descendit arteria spermatica cum vena, & ductu deferente, & cellulosa multa in funiculum cylindricum formata, & porro in inguen venit, inque scrotum, dat multos ramos cremasteri, cellulosae tunicae, scroti septo, adque testem duobus plexibus descendit, quorum princeps inter epididymidem, & ortum vasis deferentis ad medium in unumque testem venit, & transversis ramis per albugineam incedit; alter comes ductus deferentis suprema testis adit sine simili. Aliae arteriolae ad involucra testis adveniunt ab epiga-

stri-

stricis, aliaeque ab vesicalibus sequentes ductum deferentem. Utraeque cum spermaticis vasis communicant.

DCCLXXVIII. Arteriolae istae plurimae epididymidem circumludunt, majores vero transversae per albugineam migrant, eaque passim perforata, in testis intima veniunt, & per septula membranacea numerosissima per eum undique distribuuntur. Nulla major arteriae spermaticae cum vena connexio aut anastomosis hic est, quam alibi; neque nullus sanguis ramis intra albugineam, in testem receptis inest. Sed longum iter, gracilis diameter, flexiones serpentinae, ramorum magna ad trunculum ratio, locus frigidus, demonstrant, lente sanguinem ad testem advenire, & paucum.

DCCLXXVIII. *Vena spermatica* dextra ad cavam, sinistra ad emulgentem venam sanguinem refert, vel in utramque, enormiter major arteria sua, & in trunco & in ramis, ejusque comes, sed uberior truncis pluribus, serpentinis, in racemum plexuosum longissimum in ipso abdomine implexis, qui arteriam irretit, & in testem usque continuatur, sensim, ut arteria duplex.

Valvulae

Valvulae in hac vena rarissimae sunt. Ex-  
teriora involucra testis arteriolas habent ab  
epigastricis, & scrotum a cruralibus truncis,  
& eorum ramo interno, quae pudendae exter-  
nae vocantur, venasque locias ad saphenam &  
cruralem mittunt.

DCCLXXX. *Nervi testis multi sunt, &*  
*sensus peculiariter tener, ut continuo deli-*  
*quia animi & convulsiones laesum testem se-*  
*quantur. Profundi alii oriuntur a plexu re-*  
*nali, & vasa spermatica sequuntur. Alii*  
*superficie propiores, ad involucra testis,*  
*a tertio lumbalium, aliisque ejus ordinis de-*  
*scendunt. Lymphatica vasa in funiculo sper-*  
*matico saepe vidi, quae creduntur orta esse*  
*a teste ipso, & iis se inniscent, quae vasa in-*  
*guinalia comitantur.*

DCCLXXXI. Sanguis lente motus & pau-  
cus, per arterias testis in ejus intima advectus  
DCLXXXVIII. dividitur in minima vascula,  
quibus, ex analogia, vasa seminifera credi-  
mus continua esse, ex quorum glomeribus  
totus testis componitur. Ea exigua, serpen-  
tina, solidiuscula, minimam rationem luminis  
ad membranas habent: & in glomerces lon-  
ge supra viginti colliguntur, septis cellulo-  
sis

sis, distinctos, quae ab albuginea in testem descendunt, & arterias venasque adducunt. In quolibet septo ductus est, qui semen a seminiferis vasculis recipit. Ii viginti aut plures ductus, rete faciunt, albugineae membranae adhaerens, & inter se anastomosibus commiscuntur. Ex eo rete in summam partem epididymidis adscendunt vascula decem, duodecim, viginti, quae in miras plicas contorta, totidem conos vasculosos efficiunt: ii intermedia cellulosa juncti, sibi que incumbentes, caput epididymidis efficiunt, & cito in unum ductum confluunt.

DCCLXXXII. Is unicus ductus infinitis, nullo alio exemplo, plicis & serpentinis flexionibus intricatus, plurima laxa cellulosa connexus, & una continua membrana ab albuginea nata collectus, efficit *epididymidem*, additamentum testis, quod ejus oram posteriorem exteriorem legit, & capite suo crassiori multa cellulosa tela testis adhaeret, tum parte ima, media tenuiori partim adhaeret, partim libera est, atque adeo saccum caecum cum teste intercipit. Ductus vero, quo epididymis componitur, sensim latefcit descendendo, latissimus in imo teste, indeque contra se ipsum, in facie testis posteriori, adscendit denuo, sensum spiras

ras suas, jam multo crassiores explicat, & nunc *ductus* est *deferens*. Hoc iter describit semen, propulsum motu liquidi a teste succedentis, forte & cremasteris, sed lentissime, ut aestimari potest ex miris plicis epididymidis, omnem fere injectionem impediuntibus, ex longo tempore, quod post exhaustas vesiculas seminales ad reparandum semen requiritur.

DCCLXXXIII. Cylindricus ductus deferens crassissima spongiosa substantia inter duas firmas membranas factus, tubulo perexiguo perforatus, descendit in funiculo vasorum spermaticorum, transit per annulum DCCLXXVII. descendit in pelvim, adponit se vesicae, medius inter ureteres, invenit subiectum ipsi receptaculum, quod *seminalis vesicula* dicitur, dextrum sinistrumque. Hic deferens ductus interior vesiculae adhaeret, ad prostatam usque glandulam, & eundo dilatatus, serpentino ductu flectus, cellulosus ipse adparet. Proxime vero prostatam cum ductu conico, ex vesicula prodeunte, coit acutissimo angulo, & una confluit in ductum, & ipsum conicum, qui per prostatam se demergens, a sodali discedens extrorsum, arctatus, aperitur in urethram, in tumidi, longe caudati,

dati, cavi colliculi, lateralibus duobus ostiis, perangustis. In cadavere liquor injectus ductui deferendi & in urethram defluit, & in vesiculam, in istam tamen plerumque promptius: sed in vivo homine semen extra venerem nunquam effluit, & ductus adeo deferens omne suum semen, nihil morante retrogrado angulo, vesiculae seminali tradit.

DCCLXXXIII. Eo nomine vocatur membranaceum, firmum intestinum, vesicae subiectum, & multa cellulosa tela revinctum, ex quo decem, & ultra, caeca intestina exeunt, aliqua etiam ramosa, & divisa, finis autem caecus, & conicus est. Id intestinulum multa firmaque cellulosa, & vasis injectis, & peritonaeo incumbente, ita contrahitur, ut in brevem serpentinum glomerem colligatur. Fabrica caeterum externae membranae aliquid musculosi habere videtur, interne rugosa est, villosae vasorum biliariorum similis, & poros dicitur habere, & glandulas, mihi ignotas, recessus autem varios cavosque certo habet.

DCCLXXXV. Liquor, qui eo deponitur, in teste flavescit & tenuis est, & aquosus, & eam indolem in vesiculis conservat, magis  
tamen



tamen ibi & viscidus & flavus. Odor ipsi in quolibet animale peculiaris, & gravis est, pondus inter liquores humanos maximum. Absque eo in uterum advecto, nullum animal, quod duorum sexuum sit, secundum fieri potest. Ratio latuit, donec microscopia docuerunt, totum hunc liquorem in homine, & in omni alio animale, plenum esse vivis animalibus, anguillarum similibus, sed crasso capite, quae in femine sano a tempore pubertatis perpetuo reperiuntur, ante id tempus, & ab aegris infecundis absunt. Animalcula esse intelligitur ex motu vario, evitatione concursus, retrogressu, mutatione velocitatis. Senescencia dicuntur inminui, caudasque amittere.

DC LXXXVI. Summa dubitatio fuit de utilitat vera horum animalculorum, quorum similia in nullo humanorum liquidorum reperirentur, nunc autem & in liquore corporis lutei, & passim in animalium partium decoctionibus & infusionibus reperta sunt. Adirritationem pertinere multi docuerunt, & ad mulum venereum: alii alia. Magna tamen pars anatomicorum consensit in hac hypothese. Vermiculus feminalis est primordium hominis, fere uti vermis primordium mucosae est.

demonstrat similitudo summa animalculi cum primo stamine fetus incubati, quod stamen non adparet, nisi semina a mare fecundata sit. Porro hanc opinionem confirmat, quod in animalibus, ex copula duarum specierum natis, fetus patris magis naturam, quam matris referat: ut nonnunquam morbi & corporis vitia, in familia diu ab avis ad filios conserventur. Addunt, infecta satis communiter hujusmodi evolutiones pati, uti haec esset ex vermiculo in fetum, inde in hominem: vermiculos per universum animalium regnum dominari, atque adeo nobilissimum aliquod officium perficere videri.

DCCLXXXVII. Multa in contrariam sententiam dicta sunt, quorum praecipua repetuntur a documentis, alibi exhibendis, generationis partium corporis humani non subito, sed sensim factae; animalium ex duobus generibus mistorum, quibus multa de patre, non pauca tamen de matre sunt, ut non videatur in aliqua, de uno parentum decidente, particula corpus integrum delineatum fuisse: Porro dubia desumserunt a nimia & frustranea multitudine vermiculorum, quorum unus ex millionibus potest ad fru-

frugem pervenire: exiguitate in comparatione ad fetum ejusque membranas, &c.

DCCLXXXVIII. Penſitatis omnibus, res tota in obscuro eſſe videtur, & plus forte veri eſſe in ea ſententia, qua formatio ſucceſſiva defenditur, argumento certae mutationis in partibus maximi momenti, quae longe diverſae in tenero fetu ſunt & in naſcente homine, cordis in primis, quod ex uno canale in duos ventres duasque aures ita complicatur, ut novus pulmo, nova arteria pulmonalis, nova vena, aortae primordialis venaeque cavae conjunctioni interponantur. Sed etiam bolypi in aqua dulci reperti, canceri, lumprici, cornua cervorum decidua & reparabilia, alia animalia demonſtrant, poſſe absque praefidio parati rudimenti partes animalis varias, nobiliſſimas, etiam ſatis compoſitas reparari. Grave enim eſt argumentum, quod a certiffima formatione partium ex vero fluido ſumitur, obſervata in animalibus, ubi gelatinofus humor ſenſim inſpiſſatus, in dentem, in muſculum chelae canceri abit. Analogia plantarum conſentit, quibus manifeſto ex fluido in cellulofam fabricam denſato, lignum. & omnis partium varietas ſenſim ſtruitur: cum haec vis ad reparandam

plantam non soli semini insit, sed latissime in omnem arborem diffundatur, ut ex qualibet particula radix, & flos ipse reparentur.

DCCLXXXVIII. Quid ergo boni fecerint seminales vermiculi? An rudimenta hominis, sed ejusmodi, ut multa mutatione, & incremento quarundam partium, aliarum evolutione, nonnullarum jactura, demum in figuram humanam perficiatur, successive structus? An omnino nihil ferii huic invento inest, sed vermiculi visi sunt, naturales humano semini, ut aliae anguillae aceto, ut sua infusis herbarum animalcula? in loco calente, putredini vicinarum in intestino crasso faecum, & proximae urinae exposito?

DCCLXXXIX. Hoc semen in vesiculis adservatur, quamdiu neque vigil homo venerem exercet, neque per insomnia ludit. Eo tempore toto praesens quidem copia animal ad venerem stimulat, sed multa & maxime volatilis, odora, vis seminis resorbetur in sanguinem, eique addita, miras mutationes inducit, barbam, pubem, cornua produci jubet, vocem mutat, moresque. Neque enim haec animali ab aetate accedunt, sed a semine.

mine, & in perpetuum ab eunuchis absunt. Animalium castratorum incrementum & robur minuitur, integrorum vero ferocia & faetor per totam carnem diffusus invalescit. Semen retineri videtur ob angustiam ductus seminalis, duritatem prostatae, aliasque non satis notas causas. Sed etiam ex epididymide certa fide vascula exeunt, quae longe in funiculum vasorum spermaticorum producuntur, & procul dubio resorbentes venulae sunt.

DCCLXXXI. Exigua copia seminis est, quae in homine, una vice, ex vesicula emulgetur, maxime si non diu venere abstinuerit. Ergo ut majori vi longius projici possit, accedit novus humor, quem *prostata* generat. Ea glandula cordi similis, antrorsum gracilior, ambit orientem urethram, continetque, sed superiori superficiei proximam. Densissima & solidissima glandularum, fabricae peculiaris, neque evidenter conglomerata, liquorem parat album, spissum, mitem, copiosum, qui in vallecula, ad latus ostiorum vesicularum seminalium excavata, effunditur ab iisdem causis, & una exsilit, inque semine suo albore suoque viscore dominatur.

DCCLXXXII. Sed eam urethram firmam esse oportebat rectamque, ut cum aliquo robore in distantem uterum semen ejiceretur. Ergo triplex cavernosum corpus ipsi circumjectum est. Primum, proprium urethrae, incipit, postquam is dictus ex prostata prodiit, crasso, pene coniformi initio, & sub urethra primo ponitur, deinde eandem etiam superne, sed ibi tenuius conplectitur, & per totum penem comitatur, donec in glande inferne quidem terminetur, superne vero ab extrema urethra redeuns, dilatatum contra penem recurrat, latoque & tenuiori, & rotunde circumscripto fine, terminatum penis corporibus cavernosis incumbat. Fabrica hujus corporibus cellulosa est, sed laxior, & laminis potius, quam fibris, in rete intertextis fit, inter duas firmas membranas interceptis.

DCCLXXXIII. In hoc cavernosum corpus sanguis arteriosus effunditur, ex arteriis profundis, ab haemorroidea externa advenientibus DCCLXXXVII. Id demonstrat injectio cujuscunque liquoris, qui ab iis arteriis facile in haec cellulosa spatia urethrae circumjecta effunditur. Non ideo sponte sanguine tumet, quod venae adsint, perinde patulae,



patulae, & pro portione effusi sanguinis re-  
forbeant. Sed compressis iis venis, per vi-  
res dictas DCCC. sanguis in cellulosis spa-  
tiis retinetur, dum fortiores arteriae suum ad-  
fundere pergunt. Ita stagnans sanguis distendit  
urethrae bulbum, corpus cavernosum ure-  
thrae, & glandem ipsam. Id plerumque  
tunc demum fit, quando reliqua cavernosa  
penis corpora jam rigida sunt, cum quibus  
hoc cavernosum corpus minime communi-  
cat.

DCCLXXXIII. Sed ea penis cavernosa  
corpora oriuntur ab ossibus ischii, pene imis,  
cum quibus alba, cellulosa, sed densa & fir-  
ma materia conjunguntur. Inde introrsum,  
& ad se invicem inclinata, urethram compre-  
hendunt, ante bulbum, ibique, mutata di-  
rectione, porro parallela, & urethrae sibi  
in medio subjectae conjuncta, antrorsum fe-  
runtur, & sine satis acuto in ipsa glande ter-  
minantur. Haec corpora sunt firmissimo  
involucro, & carne interna spongiosa, ut  
in urethra DCCLXXXIII. quae pariter san-  
guine recepto turgere potest. Inter utrum-  
que saccum cavernosum medium septum est,  
fibris factum, tendinescentibus, firmis pa-  
rallelis, deorsum angustioribus, neque con-  
tinuis, ut media spatia ampliora, & plura,



interposita habeant, quo anteriora sunt, & communicationem inter corporis spongiosum dextrum & sinistrum liberum relinquant. Aliae hujusmodi fibrae praeter septum utrinque corpus cavernosum percurrunt, atque sacco firmissimo inseruntur, distentionem nimiam & aneurysma penis impediunt.

DCCLXXXV. Haec cavernosa corpora multa tenerrima tela cellulosa ambeuntur. Hujus pars proxima iis corporibus tensa & firma est, & membranae similior. Extra eam tenerrima cellulositas est, cum ea scroti continua, & cute tenui absque adipi comprehensa. Glans vero DCCLXXXII. cute naturaliter ita tegitur, ut ea a pene continuata, contra se ipsam reflexa, ut in palpebris, sua epidermide utrinque tecta, & sua media cellulosa facta, quae vocatur *praeputium*, & retrahi potest, ultimo iterum antrorsum ad penis glandem veniat, ibi mutetur in tenerum molle, spongiosum, corpus, tectum sua epidermide, & cellulosa tela, instratum reflexo corpori cavernoso urethrae DCCLXXXI. & cum ipsa urethrae membrana demum continuum. Revincitur idem praeputium duplici triangulari vinculo, quo cutis cum penis involucro celluloso conjungitur.

jungitur. In vallecula, quae coronae glandis subicitur, & in ipso eo circulo, folliculi simplices, sebacei, ponuntur, unguen separantes, ex loci natura faetidum, ut in aliis corporis humani partibus frictioni expositis. Totum penem sustinet firma cellulosa tela, in triangularis ligamenti speciem facta, quae a synchondrosi osium pubis descendit, & cum cellulosa illa densa, duraque tela, cavernosa corpora ambeunte continuatur.

DCCLXXXVI. Haec nunc corpora penis cavernosa in coitu sanguine per arterias impulsio, in venis retento, turgent, extenduntur, rigent, urethramque flaccidam, aut debilem, si sola rigeret, ita sustinent, ut in distantem uterum semen ipsum pervenire queat. Id demonstratur per sectiones animalium in ipsa venere occisorum, & erectionem artificialem a materie liquida vasis penis injecta. Sed causa hujus distentionis nondum manifesta est. Vasorum in partes genitales distributorum descriptio vix hic omitti potest, ut adpareat, quam non sit promptum, causam expedire, quae venas comprimit.

DCCLXXXVII.

DCCLXXXVII. Arteria aorta in quarta lumborum vertebra, vena Cava in quinta finditur, haec posterior, illa anterior. Rami *iliaci communes*, nondum in medio a principio femoris intervallo, deorsum introrsum insignem arteriam *hypogastricam* emittunt, trunco femorali in fetu majorem, in adulto aequalem. Ea descendit in pelvim, & in ramos quatuor, quinque, sex, principes onsumitur. Eorum primus est *iliaca anterior*, quae etiam durae matri, & aequinae caudae, sursum in lumbos ramos mittit, & in sacrum os deorsum. Altera *sacra lateralis*, ad idem os sacrum & caudam equinam abit nisi a priori orta sit: Tertia *iliaca posterior* in glutaeos fere confumitur. Quarta *ischiadicæ descendens* ad mulculos varios, nervum, & levatorem ani abit. Quinta sive truncus, *haemorrhoidæ infima* sive *pudenda communis*, in ipsa pelvi ramos notabiles vesicae dat, & recto intestino, eum mesentericis conjunctos, & ex pelvi exeuns, repit secundum odturatorem, dat sphincteri, cutique ani *haemorrhoidæ externas*, finditur, ramoque interno bulbum urethrae & prostaticam, externo iterum diviso, hinc profunde corpus cavernosum penis edit, ejusque longitudinem percurrit, inde alio ramo cum velicali-

bus saepe conjuncto, per dorsum penis excurrent, ad ejus corpora & in cutem ramis datis terminatur. Sexta *obturatrix* est, ad articulationem femoris & musculos aliquos consumpta. Ultimus ramus *umbilicalis* in fetu repetetur, quae arteria adulti hominis vesicae, ex crassa sua callosaque vagina, propagines aliquot inpartit. Aliquando aliqui horum ramorum ex uno communi trunco veniunt. Cutis penis scrotique surculos habet ab epigastrica, a crurali, a ramo ejus interno. Hae arteriae externae cum internis passim communicant.

DCCLXXXVIII. *Venae* in universum arteriarum similes, duobus saepe truncis ex iliaca proveniunt, in rete coeuntibus; deinde vena *haemorrhoides*, circa os pubis redeuns, in prostata cum vesicalibus venis in pelvi ortis maximum plexum facit, a quo *vena penis* nascitur, quae saepe solitaria est, & valvulas habet, quae sanguinis iter ad cavam venam determinant. Venae externae penis scrotique eunt ad saphenam, ad cruralem, & cum internis plurimis locis communicant; omnium maxime ad basin praeputii.

DCCIC. *Vasa lymphatica penis* a clavis viris visa, dicuntur sub cute penis decurrere. *Nervi* plurimi & maximi, comites arteriarum penis, a magno trunco ischiadico accedunt. Vesica vero & rectum intestinum, & uterus, accipiunt plexum *mesentericum infimum*, a medio natum DCCLXIII. & in pelvim descendenti.

DCCC. Ut targeat penis, oportet efficere, ut vena magna DCCIC. comprimatur, aut certe vim inferre necesse est venis minimis, in corpus cavernosum ubique patentibus, ne sanguinem ex arteriis eo deportatum resorbeant. Illud utrumque potest levator ani, qui prostratam & vesicam sursum pellit. Sed probabile fit, exemplo papillae mammae muliebris, palearis in gallo pavone, ruboris in facie ex adfectibus animi nati, animalium, quae omnia absque erectore musculo perinde venere funguntur, etiam absque musculis fieri posse, ut venae sanguinem tardius resumant, & id fieri a latente in intimis laqueorum nervosorum multitudine, qui per vim voluptatis adstricti venas coercent, ut arctiores factae minus sanguinis ad truncos reddant, quam quidem liberae, & cum incitato pulsu etiam velocius san-

sanguinem adducentes, arteriae advehunt. Causa vero hujus convulsione, in istis nervis sphincteribus est, & ponitur in varia irritatione nervorum penis & urethrae, si-ve ea a frictione externa, si-ve a cogitationibus & somniis venereis, si-ve ab abundantia boni seminis, si-ve ab urinae copia si-ve a sanguine a passu ad abdomen determinato, si-ve a varia denique laceffitione a medicamentis diureticis, purgantibus, venenis, verberibus, epilepsia, ea irritatio orta fuerit.

DCCCI. Cum diuturna & valida erectione ultimo conjungitur seminis expulsio, tunc demum, quando serius repleta spatia cellulosa urethrae, & glans continua, demum sanguine turgent, ut ea plena calido, copioso sanguine rigeat, hinc nerveae papillae erectae vehementissime a causa voluptatis adficiantur. Et quidem vesiculas evacuant, moti vel a sola voluptuaria imaginatione, vel a pruritu summo nervorum glandis penis, maxime inferioris sedis, quae frenulo vicina est, muscoli levatores ani, qui vesiculas feminales contra resistantem vesicam elidunt. Hinc semen nunquam cum urina in sano homine rejicitur, quod ad semen reddendum vesicam clausam esse oporteat, & laxa male  
vesi-



vesiculis resistat. Transversi vero musculi unus, duo, tres, orti ab osse ischii, communi cum erectore principio, principe fasciculo inter anum & bulbum orethrae coeuntes, aliis, non raro, in ipsum acceleratorem inserti, videatur urethram dilatare, ut semen ex vesiculis expressum recipiat.

DCCCII. Tunc paulo post, sensili urethra a semine irritata, vires ejus constringentes in actionem veniunt. Huc facit quidem princeps accelerator DCCXVIII. qui vehementer bulbum, partemque urethrae proximam concutiens, eo velocius contenta expellit, quo magis diameter bulbi diametrum urethrae angustioris superat. Ut cum firmitate agere possit, sphincterem ani, hinc etiam vesicae sphincterem, contractum esse oportet. Ille idem erectionis princeps musculus esse videtur, qui venas corporis cavernosi urethrae conprimat. Eodem tempore *erectores penis*, ut vulgo vocantur, ab ischii tubere orti, valentes, inserti in corpora cavernosa, penem in media quadam inter perpendiculararem & transversalem directione sustinent. Ita semen in vaginam, vel in ipsum demum uterum, in secundo congressu pellitur. Haec actio vehementissima est, & convulsioni



vulſioni proxima, hinc mire debilitat, & late ſyſtemati nervoſo nocet.

## CAP. XXXIII.

## UTERUS VIRGINEUS.

DCCCIII. *Uterus muliebris* ſedet in pelvis parte ſuperiori, ut ante ſe veſicam, retro inteſtinum rectum habeat, ab utroque liber: Peritoneum ab oſſe pubis in feminis in pelvim deſcendit, & retro veſicam longe ad ima uteri migrat. Inde ſecundum uterum adſcendit, & trans eundem ſecundo deſcendit, ad vaginam & hujus ſedem tranſverſam uſque ad motum, unde, lunatis plicis inteſtinum rectum comprehendens, nihil porro a virili fabrica diverſum habet. Sed idem peritoneum a vaſis iliacis in pelvim veniens, & utero latius, ad ejus latera & ad vaginam adnatum, inque ſe ipſum redeuns, ſepti modo pelvim in duas regiones dividit, anteriorem & poſteriorem, & vocatur *latum ligamentum* uteri. Idem utero accurate neſtitur, abſque adipemedio, ut ipſi undique pro externa membrana ſit.

DCCCIII. Uteri figura ea eſt, ut anteri-  
us & poſterius convexus ſit, cum planitie,

margines in concursu eorum planorum acutos habeat, lineas, supremam modice convexam, laterales primo convergentes, deinde parallelas. Fabrica peculiaris, ex densa, stipata, duriuscula, succulenta tamen cellulosa tela est, in qua aliquid fibrarum muscularium simile, maxime in puerperis adparet, varie in circellos dispositarum, inprimis in fundo uteri interque tubas. Sinus mucosos, ramosos, in carne uteri varie divisos, nunc post repetita experimenta, non invenio, sed venas cellulositate cinctas, quarum diametri se sustinent. Membrana uteri interna vix distinguitur; adest tamen continua epidermidi, ad cavitatem uteri superne breviter flocculenta, inferne callosa, valvulosa. Cavitas uteri exigua est, primo fere triangula, deinde ex cylindro compressa. Haec pars, quam *cervicem uteri* vocant, tota aspera est, rugis callofis, in aciem extenuatis, quae ad vaginam inclinatur, ab anteriori & posteriori linea ad latera recedunt, & per minores rugas conjunguntur, in quarum intervallis finus mucosi sunt, uti passim rotundae bullae, pellucidissimo plenae liquore, in superiori parte cervicis uteri reperiuntur, vario numero & mole. Non rarum est, uterum media eminentia dividi. Cervicem terminat

os internum uteri, transversa rima, tumidis labiis comprehensa, in vaginam eductum, plenum caeterum muco, & sinubus in tumente labro mucosis.

DCCCV. Uteri pars triangula ex suis angulis lateralibus educit canales, complicatos cellulosaë telae ope, sensim latefcentes, proxime finem paulum contractos, directione primum transversa, ad ovarium tendente, deinde descendente, cum varietate tamen, *tubas* vocant. Externa membrana a peritoneo est, cum in duplicatura lati ligamenti fideant, interna rugosa, pene reticulata, mucosa, procurrit longior, in dispersas, per longum plicatas, lacinias, quae late orificium tubae coronant, & ovario connectuntur. Inter duas membranas aliquid spongiosi, cellulosi est, sed tenerius. Vasorum vero vis magna, & forte aliquae musculares fibrae interponuntur, sed istae obscuriores.

DCCCVI. Sed *ovaria* in eodem ligamento lato, in ejus duplicatura comprehensa, retro *tubas*, transversa sedent, cum iis tubis lati ligamenti propria expansione conjuncta, ita longa, ut libera sint, oblonga corpora, utrinque compressa, linea libera convexa, se-

mielliptica, ea vero, quae ad ligamentum firmitur, recta. Eabrica fatis uteri fabricae similis, stipata, alba, cellulosa, absque adipe. Sed in ovario, etiam virginis, sedent bullae rotundae, membrana pulposa, firmula factae, quae coagulabili lymphâ replentur, incerto numero, ad duodecim in uno ovario. Margo ligamenti lati, ab utero recedentis, ut ovaria sustineat, crassior, aliquid solidiusculi habet, similis ligamento.

DCCCVII. Denique uterus ex iisdem lateralibus angulis trianguli, deorsum fasciculum mittit, cellulosis fibris longioribus, & vasculis factum, qui in progressu angustior, pelvi exit, & per anulum abdominalem DCCLXXVII. in inguen venit, ubi ramosus finditur, in vascula solutus, quae cum epigastricis conjunguntur. An etiam longas fibras habet, ab utero propagatas? Non satis certo video.

DCCCVIII. *Vasa uteri arteriosa* sunt ab hypogastricis, quarum ramus insignis, imae vesicali virorum similis, aut a trunco umbilicali prodit, aut proxime sub eo trunco: Ea, communia utero, vesicae, & recto intestino, ad inferiora uteri accedunt, & sursum eundo anastomoses cum *spermaticis* habent,  
Et

Et seminalia quidem vasa, simili sunt, ut in viris ortu, plexuque pampiniformi, sed trans psoam musculum in pelvim descendunt, atque in duos plexus finduntur. Anterior ovarium ipsum multis furculis adit, cincinnatis, per ejus carnem distributis. Posterior & tubae dat, & ad uterum descendit, & in eum flexuosis ramis sursum deorsumque, non sine ramis ad vesicam, dividitur. Alia *haemorrhoea media*, a trunco pudendae communis, longe cum vagina antrorsum venit, ad eam, & ad vesicam, & ad rectum intestinum distributa. Vagina praeterea extrema & clitoris arterias habet ab haemorrhoea externa, & clitoris quidem arterias similes arteriis penis, & profundas, & superficiales nacta est.

DCCCVIII. Venae uteri similes sunt, & plexus ab haemorrhoea externa, & a vesicalibus conjunctus, clitoridem adit, ut penem. Valvulas non habent, nisi paucas in spermaticis. Lymphatica vasa in utero brutorum animalium visa sunt, in humano aut nondum, aut certe non mihi. Nervi sunt a plexu mesocolico infimo, qui vesicam, uterum, rectum intestinum magnis ramis adit. Aliqui etiam per ligamentum latum ad

Ll 3 ova-

ovarium veniunt, alii a nervo comite vasorum clitoridis. Ita omnia haec organa, ob nervorum numerum, valde sensilia facta sunt.

DCCCX. Quae descripsimus, ea omni aetati communia sunt. Verum sub annum decimum tertium, vel paulo serius, quo eodem fere tempore semen virile generari incipit, nova etiam in feminis mutatio producit. Novo enim tunc nixu sanguis omnis in puella incitatur, mammae efflorescunt, & pubes, & eodem tempore *menfes* fluere incipiunt. Ante hunc fluxum molimina varia in lumbis, dolores gravativi, cephalalgiae, pustulae cutaneae praecedunt. Nempe vasa flocculenta uteri, quae haecenus lac aliquod, in fetu albissimum, in puellis ferofum, in uteri caveam deposuerant, ea nunc incipiunt sanguine turgere, denique ipsum rubrum cruorem in uterum exhalare. Id per aliquot dies fit, remittunt interim incommoda priora, & sensim contracta vasorum uteri ostiola solitum nunc serum stillant. Sed intervallis in virgine tenera incertis, sensim autem ad quartam septimanam exeuntem contractis, redeunt eadem molimina, succedit idem sanguinis fluxus, & periodus ea ad quinquagesimum pene annum repetitur.

Mul-

Multum tamen hic potest diaeta, regio, temperies.

DCCCXI. Hunc sanguinem ex ipsius uteri vasis deponi, demonstravit autopsia in feminis, eo fluente extinctis; in vivis mulieribus, quibus uterus inversus sanguinem ex ostio interno destillavit: natura uteri vasis plenissima mollis, spongiosa, comparata cum exsanguis, tenui, minime flocculenta, callosa vagina. Bonum vero in sana femina & munda sanguinem esse, ipsa etiam observatio declarat.

DCCCXII. Cum nullum animal, satis certo, menses patiatur, etsi aliqua sanguinem de genitalibus sub tempora annuae veneris stillent, & cum masculinum corpus ab ea periodica excretionem liberum sit, valde omni tempore quaesitum est, quae causa sit hujus haemorrhagiae, humano generi, & sexui feminino, propriae. Lunam adtrahentem, quae ipsum mare elevet, ab omni tempore accusaverunt: alii liquidum acre, stimulant, in partibus muliebribus secretum. Sed a luna fieri repugnat, quod nulla dies sit, qua plurimae feminae menses non patiantur, neque pauciores in apogaeo, quam in perigaeo. Fermenta circa uterum fru-



stra quaeras, ubi omnia blanda, & mucosa sunt, neque venus, quae omnes eos liquores expellit, aut minuit menses, aut auget intermissa: & denique menstruum sanguinem a plethora esse, vel id docet, quod retentus per omnia alia corporis organa, ubi nulla fermenta vellicarent, ruptis etiam venis, erupisse visus sit.

DCCCXIII. Feminae in universum mollius corpus a natura datum est, firmas partes minus elasticae, muscoli ipsi minores, & plus adipis lacertis interest, & ossa teneriora sunt, & minoribus processibus aspera. Deinde feminis pelvis amplior est, omni mensura, ossa ilium a se invicem remotiora, & sacrum os ab ossibus pubis retrorsum magis aversum, & ossa ischii longiori linea separata: imprimis tamen angulus, ad quem ossa pubis conveniunt, multo major, quae discrimina maximorum virorum observationibus, & ex ipsa necessitate confirmantur, quae pro pluribus in pelvi visceribus majus spatium poscit. Porro arteriae uteri per amplae sunt, & majores quam in viris, & majorem earum lumen ad suas membranas rationem habet: venae vero pro portione minus latae, quam in viris, & eadem denique

nique firmiores, quam alibi in corpore humano. Inde fit, ut sanguis per truncum arteriosum ad uterum adlatus, cum ex arteria debiliori in venam angustiore, durior, difficilius redeat, promptius in vasa lateralia secedat.

DCCCXIII. Fetus, vel puellae modo natae, artus inferiores exigui sunt, sanguinis arteriae iliacae maxima pars in umbilicum abit, exigua pelvim subit. Hinc pelvis ipsa parva, parum cava, & vesica, atque ipse uterus, & ovaria supra pelvim eminent. Ligata arteria umbilicali, sanguis iliacae arteriae omnis & in artus, & in pelvim, descendit, crescunt & illi, & pelvis, profundior ea fit, & latior, & in eam sensim uterus & vesica se recipiunt, neque perinde ab intestinis & a peritoneo premuntur, dum musculi abdominis inferiorem partem ventris constringunt.

DCCCXV. Quando perfectum incrementum est, arterias uteri, & pelvis in universum maximas reperimus, quae in fetu minimae fuerant, & ita mutata omnia, ut haemorrhoidae arteria nunc pro trunco hypogastricae fit, DCCLXXXVII. cum prius umbilicalis ejus arteriae truncus fuisset. Plus ergo sanguinis eo tempore in uterum, inque vaginam

ginam, & clitoridem advenit, quam prius solebat.

DCCCXVI. Eodem tempore, quo incrementum insigniter diminutum est, & sanguis in bonis visceribus, integerrimo adpetitu, plurimus paratur, in utroque sexu humano plethora nascitur, quae in virili quidem per nares frequentissime expurgatur, dilatatis ita vasculis exhalantibus membranae pituitariae CCCCLVIII. ut sanguinem ipsum destillent, atque in aliis animalibus cornua & semen incitet eadem barbamque. In feminis eadem plethora aliam faciliorem viam invenit, quod ipsum pondus eo sanguinem ducat, & uteri vasa nunc demum ampla, laxo loco in succulenta & molli cellulosa fabrica uteri posita, hinc facile extensilia, flocculis mollissimis exhalantia, in vacuum uterum pateant, in quae facilior pene, quam in venas sodales, sanguini sit transitus: cum in iisdem feminis capitis arteriae & duriores & pro portione minores sint. Ergo primum sanguis in vasis uterinis colligitur, tunc, etiam per experimenta, intumescantibus, deinde in lumbalibus, & aorta ipsa. Inde, cum novum torrentem sanguinis cor ad vasa jam distenta mittat, denique vis vasculis uteri serosis infertur, ut muco primum copioso

calido, deinde rubello fero, denique sanguine stillent. Eadem sanguinis ad partes genitales determinatio, expellit latentes hactenus pilos, auget clitoridem,, plexus cavernosos vaginae dilatat, appetitum veneris facit. Auget vero copiam mensium, praecipitat initia, id omne, quod sanguinis in universum copiam auget, & ad uterum peculiariter determinat, laetitia, libido, pediluvia, victus lautior, &c.

DCCCXVII. Donec unciis sex vel octo sanguinis emissis, liberatae nimio sanguine arteriae vim elasticam exserunt, ut omnes arteriae solent, & contractis diametris, solum, ut prius, tenuiorem liquorem transmittunt. Sed iterum, per easdem causas renata, ea copia sanguinis, quam emisit uterus, per easdem hic vias, potius quam alibi, excernitur. Neque quaerenda causa est, quare haec periodus ad mensem fere fixa sit. Ea enim pendet a ratione, quae est inter copiam & impetum collecti sanguinis, & uteri resistantiam, sensum demum cessuram. Hinc citius haec sanguinea crisis redit, neque menstruum interval- lum exspectat, quando copia sanguinis major in plethoricis, in libidinosis, ad uterum determinatur. Desinunt autem omnino fluere, quando uterus, perinde ut reliquae om-  
nes

nes firmæ partes corporis, eam duritatem adsecutus est, quæ a vi cordis sanguineam arteriosum inpellente superari nequeat. Eam duritatem in utero, ejusque arteriis, & ovariis, ipsum scalpellum, & injectio detegunt. A brutis animalibus in universum menses absunt, ob uteros membraneos excarnes, & firmiora vasa, quæ faciunt, ut nulla naturalis hæmorrhagia narium, aliave, in his animalibus unquam locum habuerit.

DCCCXVIII. Quare eadem ætate mammae efflorescunt? Earum fabrica multa cum utero communia habet, ut adparet ex lactis in mammis secretionem, quæ expulso fetui succedit, & a lochiis auctis aut diminutis aut minuitur, aut augetur: ex similitudine liquidi serosi in utero reperti cum lacte feminae non lactantis, tenui & albedo, quæ in brutis animalibus evidentissima est: ex erectione papillae a frictu, analoga erectioni clitoridis. Eadem ergo causæ, quæ uteri vasa distendunt, sanguinem etiam uberiores ad mammas determinant, cujus præponderantis effectus est incrementum glandulae conglomeratae mammarum.

## CAP. XXXV.

## UTERVS FECVNDVS.

DCCCXVIII. In eo statu uterus constanter manet, nisi congressus cum viro accesserit. Ad eum NATURA, ut ad cibum capiendum, feminam illexit cupidine, cujus propria organa in ea fabrefecit. Et quidem addidit utero vaginam, canalem membranaceum, terentem, valde expansilem, qui uteri amplexus osculum DCCCIII. inde deorsum tunc deorsum & antrorsum tendit, subiectus vesicae, & recto intestino insidens & connatus, & denique amplo orificio sub urethra aperitur. Id ostium, in fetu & virgine, ruga insignis valvulosa, ex cute & epidermide facta, *hymenis* nomine ab aere tutetur, & ab aquis, non sine aliqua forte morali utilitate, cum soli, quantum rescivi, homini ea membrana data sit. Circularis esset, nisi sub urethra deficeret, & neque ibi perpetuo deficit, ad anu'n tamen latior. Ea, a congressu sensim adtrita, denique lacera evanescit.

DCCCXX. *Vaginae* muliebris fabrica cutanea est, & fit duriuscula, callosa, epidermide, crassa vero alba, nerveaque cute, in  
qua,

qua, maxime extrema, fibrae carnae adparent. Ejus interna facies magna ex parte aspera est, verrucis callofis, duriusculis, sensilibus tamen, & laminis inclinatis, eminente acie terminatis, deorsum respicientibus, ita dispositis, ut in duas principes columnas congregentur, his verrucis quasi stratas, quarum superior sub urethra fertur, eademque major est, inferior ano incumbit. Ab utraque in occursum utrinque mutuos, minorum papillarum valvulosa series varie in arcus flexa continuatur. Fabrica ista ad voluptatem, ad facilitatem expansionis pertinere videtur. Mucum proprium habet, natum ex sinibus passum, & in parte inprimis posteriori leviori positum.

DCCCXXI. Vaginae exitui praepositae sunt duae cutaneae appendices, *nymphae* dictae, continuatae a cute clitoridis, & ab ipsa ejus glande, plenae media cellulosa, sed turgescibili fabrica, crenatae, plurimis sebaceis glandulis utrinque obsitae, quales etiam in rugis praeputii clitoridis reperiuntur. Utilitas maxima est urinam, quae inter utramque nympham ex urethra prodit, dirigere, ut a corpore avertatur, quod officium cum erectione aliqua nympharum conjungitur. Haec membranulae descendunt a cutaneo arcu, circum-



cumposito *clitoridi*, particulae sensilissimae, & mire prurientis, quam ad penis similitudinem duo corpora cavernosa componunt, ab iisdem ossibus orta, conjuncta deum, sed nullam urethram complexa. Vasa, nervi, musculi levatores similes virilibus adsunt, & perinde in venere, sed in pudicis minus, a frictione tamen semper turget & erigitur clitoris.

DCCCXXII. Ad latera ultima vaginae, ubi labiis continuatur cutaneis, amplis, universum pudendum protegentibus, plexus venosus insignis est, factus a venarum haemorrhoidearum externarum ultimis propaginibus. Uterque dexter & sinister plexus in summa vagina, super clitoridem, medio plexu conjungitur. In eos plexus sanguis irruiat sub irritationis venereae tempus, vaginam arctat, & voluptatem utriusque sexus auget. Nonnihil eo facit *musculus constrictor ostii vaginae*, qui ab ani sphinctere utrinque ortus, tegit plexum vasculosum, & secundum labiorum principium latus antrorsum venit, & cruribus clitoridis inmittitur: & videtur plexus laterales vaginae & plexum in perinaeo positum venarum ab haemorrhoides externis venientium, comprimere, utroque modo sanguinis venosi reditum retardare,

DCCCXXIII. Invitata femina aut morali

amo-

amore, aut cupidine voluptatis, marem admittit. Itā pariter, ut de viro dictum, DCCCI. tenerrimarum, summe sensilium, partium adtritum convulsivam contractionem excitat, in omni exteriori ambitu vaginae. Ab ea, suppresso sanguinis venosi refluxu, turgēt, si salacior femina fuerit, clitoris, & nymp̄ha utraque, & plexus vaginam pene totam ambeuns, & ad summum augetur voluptas, & denique vi musculosa DCCCXXII. expellitur, non tamen perpetuo, neque in omnibus feminis, mucosus, lubricus liquor, multiplicis originis. Ejus fontes sunt in ipso primum urethrae exitu, ubi magni sinus mucosi tumentem finem hujus urinosi canalis obsident. Deinde ad latera urethrae, in fundo finuum, quos valvulares membranulae sursum cavae faciunt, duo tresve mucosi, ampli, sinus in ipsam carnem vaginae se demergunt. Denique ad latera vaginae, inter imas nymp̄has & hymenem, unum utrinque osculum est longioris ductus, qui versus anum descendens, mucum ex folliculis minimis accipit.

DCCCXXIII. Sed eadem actio, qua voluptas summa, hinc sanguinis confluxus ad omne genitalium muliebrium systema ciētur DL. alia mutatio longe nobilior in intimis feminae producitur. Quando enim semen

viri

virī calens, in uterī sensibilem caveam penetrat, & ipsam sanguine irruente turgidam & ferventem, una tubae intumescunt, plenissimae distentis vasis, inter ejus duas membranas repentibus, & sanguine uberrimo nunc irriguis. Eae tubae eo in statu rubent, & rigent, & adscendit laciniatum tubae ostium, & ovario admovetur. De his omnibus mutationibus per dissectiones in homine, brutisque animalibus, & per morbosas fabricas constitit.

DCCCXXV. Sed in femina viro matura ovarium summe turgidum est, fluido lymphatico, coagulabili, quo vesiculae distenduntur. Et ante conceptionem plerumque nascitur sensim circa vesiculam aliquam ovarii DCCCXXVI. coagulum flavum, saepe a me visum, quod, valde auctum, circumnatum membranae vesiculae, abire videtur in hemisphaericum, acinosum, *luteum corpus*, intus cavum, & in ea cavitate, quantum videtur, continens ovulum, sive membranulam minimam cavam, sedem futuri hominis. Ea corpora in femina post conceptum primum adparent. In secundo ergo congressu tuba ovarium conprimens, exprimit per fissuram membranae externae maturum ovulum, & absorbet, porro ad uterum promotura strictura peristaltica, quae

a loco contactus primi incipit, & ovulum versus uterum sensim urget, in animalibus valde manifesta. Ita se rem habere confirmat corporum luteorum perpetua in fecundis feminis praesentia, constans tumor, ad numerum fetuum constanter aequalis ratio, toties visa fissura ovarii, & tamen tanta angustia tubae, tanta parvitas ovuli in utero reperti, ut vesiculam integram eam viam percurrere vix credibile sit. Etsi non oportet dissimulare, ovum calyce luteo contentum, nunquam certe fide visum esse.

DCCCXXVI. Haec absolvuntur cum magna voluptate futurae matris, non sine tamen nescio quo sensu, motus interni per tubam, & minantis deliquii. Et fit quidem conceptio, quando ovum a femine ita mutatur, ut in eo ovo novus homo formari incipiat: sive nunc vermiculus ovum subeuns novus & vitalis hospes sit: sive volatilis halitus de femine masculino spirans motum novum in liquidis ovi partibus excitet: Nam delineatum in ovo feminino fetum plurima refutant; nunquam visus est in virgineo ovo; & fetus patri potius quam matri similes sunt, quando ex dissimilibus parentibus generantur: & ova absque femine masculino, cum omni feminina perfectione posita, simillima fecundorum, germine tamen cassa, & aeternum sterilia sunt.

DCCXXVII.

DCCCXXVII. An locus conceptionis in utero est, quo semen virile pervenire certa experimenta docent? An vis feminis masculini ovum in ipso ovario fecundat, argumento fetuum in ovariiis, in tubis repertorum, mutationis manifestae, quam venus fecunda in corpore luteo inducit, analogiae avium, quibus a congressu unum quidem ovum in uterum cecidit, plurima tamen in ovario una fecundantur? Neque repugnat feminis masculi exigua copia, & pigrities, quae ad tantum iter, per adeo angustas tubas, claris viris minus idonea visa est. Nam ipsas tubas virile semen replevisse certum est, in recente impraegnatione, & in homine & animalibus.

DCCCXXVIII. Uterus quidem a conceptu in animalibus certius, in homine probabiliter clauditur, ne pertenuè ovulum cum spe novae prolis pereat. Postquam ovum humanum in uterum delatum est, aliquot elapsis diebus, certiora de ejus mutatione discimus. Ovum, ipsum ex membranae, hactenus simplicis, superficie undique flocculos ramosos molles emittit: qui uteri flocculis exhalantibus & resorbentibus DCCCV. inosculantur & adhaerent. Haec adhaesio ubique quidem in utero, maxime tamen fit in crassa ea parte, quae media tubis interponitur, & vulgo *fundus uteri* vocatur. Ita hu-

mor uteri, tenuis, serofus, ex arteriosis villis uteri, in tenuia venosa vascula ovi recipitur, hoc, & una fetum alit. Ante adhaesionem proprio succo, vel resorbto nutritur.

DCCCXXVIII. In eo ovo plurima eo tempore aqua inest, in igne vel alcohole coagulabilis, limpida; & fetus primo invisibilis, inde quando primum adparet, grandissimo capite, corpore parvo, artubus nullis, umbilico amplo, plano, ad ovi verticem obtusum adfixus. Ex ea parvitate perpetuo & ovum quidem increfcit, & fetus, sed iniqua ratione. Dum enim arteriosum fetum per vias sensim patentiores in ovi vasa demittitur, increfcit maxime fetus ipse, ad quem, per amplissimam umbilici venam, major pars alimenti pervenire videtur. Ovum una, sed minus augetur, ejusque, & contentae aquae, ratio ad fetum perpetuo minuitur. Flocculi ovi sensim membrana continua obducuntur, quae chorion est, & inter eam & amnion intercipiuntur; eorum pars major, inferior, evanescit, aut in chorion abit, sola vero pars, quae ex obtulo vertice ovi efflorescit, capit incrementa, & paulatim in rotundam, circumscriptam, *placentam* perficitur.

DCCCXXX. Ea vero secundo mense ovi facies est, quae ab eo tempore non mutatur, nisi in mole sua. Utero obvia sedes ovi in  
parte

parte summa, quae totius ovi fere tertia est, fit rotundo disco, conplanato, succoso, tuberoso, accurate toto vasculoso, in paria sibi & similia tubercula mutato, cum utero cellulosa tenui, non pingui, vasa colligente, accurate nexo, & saepe insolubiliter, tum respondentibus ex utero in placentae venas arteriis exhalantibus, tum placentae arteriis ad uteri magnas venas hiantibus. Ibi, in communi utero & placentae superficie, commercium fit, quo uterus fetui primo serosum illum humorem, deinde, ut videtur, ipsum sanguinem mittit. Id demonstrare videntur, sanguinis jacturae maximae a soluta placenta fetus abortivi natae, haemorrhagiae matris, quae fetum sanguine exhauriunt, haemorrhagiae ex funiculo umbilicali aperto factae, dum placenta in utero manet, matrem exstinguentes: aquae, argenti vivi, sebi, ceræ ab arteriis materni uteri transitus in vasa placentae clarorum virorum, non nostra quidem neque satis confirmata, fide observatus, mensium in matre subpressio, quem sanguinem alio infumi necesse est.

DCCCXXXI. Reliqua corporis ovi pars & pariter placentae superficies, tegitur involucri externo, villosa, flocculenta, reticulata, porosa, lacerabili, vasculosa, tenui quasi placenta, quod *chorion* vocatur. Etiam



ea uteri superficiei, flocculentae, & sibi ipsi simillimae, mollius licet, conglutinatur, minoribus tamen, quam placenta, vasculis. Sed isti interior, verior, alba, solidior membrana pro fundamento subjicitur, five internam chorii laminam feceris, five secundum fetus involucrum.

DCCCXXXII. Intima fetus tunica *Amnion* est, membrana aquosa, pellucens, raro conspicuis vasculis, quae tamen etiam in homine vidi, levissima, undique sibi similis, placentae etiam, cum priori, subjecta, quam aquae undique adluunt. Cum interiori lamina chorii cellulosa tela conjungitur.

DCCCXXXIII. Alimentum fetus a primo tempore conceptionis ad ultimum procul dubio per venam umbilicalem advenit. Ea collectis radicibus, a vasis uteri exhalantibus DCCCX. & ab arteria umbilicali, manifestissime sibi continua, confluit in truncum ingentem, qui in gyros varios plicatus, satis pro mobilitate libera longus, circumdatus cellulosa fabrica inuco plena, tribus septis divisa, & membrana, quae amnio continuatur, nodis nonnullis intumescens, subit umbilicum, inter discedentes cutis & musculorum abdominis arcus, & in sinum proprium hepatis DCLXXII. adveniens, sanguinem suum parte minori per ductum venosum, exiguum, in fossa

fossa hepatis posteriori situm, ad cavam venam mittit; parte majori per magnos ramos hepaticos, quos certo producit ex suo sulco, etiam in adulto superstites DCLXXIII. & istis continuos ramos venae cavae DCLXXXVI. ad cor deducit. An inversa circulatio hepatis in fetu? An sinus venae portarum, sive ramus sinister, & ipse pars est umbilicalis venae, ejusque rami sanguinem a placenta ad cavam ducit, dum solus dexter ramus DCLXXIII. sanguinem mesentericum, & lienalem per hepatis vehit? An permittit hunc motum sanguinis umbilicalis diversa, & fere contraria directio sanguinis mesenterici, nullo septo ab umbilicali distincti?

DCCCXXXIII. Neque tamen hoc unicum placentae officium est. Nam magnam sui sanguinis partem fetus ad eam placentam mittit, per duas praegrandes arterias umbilicales, quae aortae ductum continuant, datisque exiguis femoralibus, minimis vero in pelvim arteriis, secundum vesicam reflexae adscendunt, tectae cellulosa peritonaei lamella, & fibris quibusdam a vesica & ab uracho divergentibus, & extra peritoneum, in funiculum umbilicalem veniunt, ibique alterne rectae, iterumque contortae, variis gyris, acutioribus quam vena, & circa venam ludentes, porro ad placentam feruntur, quam

fuis ramis, cum respondentibus venis, totam constituunt. Iste sanguis exire videtur per vasa arteriosa placentae, in venulas bibulas uteri, & materni pulmonis vires passus, ad fetum melior redire. Quae enim alia causa, cur tanta vasa, tertiam & ultra sanguinis partem fetus, eae arteriae avehant?

DCCCXXXV. Sed an ore etiam alitur fetus? An sorbet de amnii cavea liquorem lymphaticum, coagulabilem, in quo medius natat? An demonstrant hanc sententiam os fetus patulum, analogia pulli, de solo ovo suo necessario alendi; absentia umbilici in quibusdam fetibus; meconium replens crassa intestina, partemque tenuium; liquor in ventriculo fetus similis illi, qui amnion replet; decrementum liquidi amnii pro portione incrementi fetus; continua stria glacialis in amnio, ore, gula, ventriculo fetus reperta; os fetus apertum, certo a nobis visum? Et quidnam fons hujus lymphae amnii? An halat ex invisibilibus vasculis amnii? an per poros aliquos eo transmittitur ex ipso succoso chorio? quod & ipsum ab utero habeat? Plurimae ubique tenebrae, ut tamen magis probabile videatur, utique eum liquorem alibilem esse, certe primis fetus temporibus (nam ultimis dicunt acriorem fieri) & ab utero advenire.

DCCCXXXVI.

DCCCXXXVI. Excrementa fetus eo toto tempore exigua copia colliguntur, in tanta succi nutritii tenuitate, qui per vasa minima uteri transcolatus sit. Video saepe in fetu-  
bus vesicam pene vacuum esse. Aliqua tamen u-  
rinae vis colligitur in magnam, & praelongam  
urinariam vesicam. In intestinorum vero  
magna parte viridis puls colligitur, faex  
forte exhalantis liquidi, simillimam enim in  
aliis cavitatibus, exhalante liquido plenis, &  
in vaginali membrana testis vidi.

DCCCXXXVII. An ergo nulla allantois?  
cum tamen certum sit, exire de apice vesi-  
cae *urachus*, canalem primo latum, fibris  
longitudinalibus vesicae tamquam vagina ob-  
ductum, deinde, quando eae secesserunt,  
gracilem & tamen cavum, eumque longi-  
usculum per funiculum umbilicalem produci,  
& a peritissimo viro ad finem usque ductum  
fuisse? Annon evincit reliqua, nondum in  
homine visa, analogia maxima cum brutis  
animalibus, quibus & *urachus* est, & allan-  
tois? Sed receptaculum proprium, conti-  
nuum cavo *uracho*, nondum aut satis certa  
fide, aut satis repetito in homine visum est,  
& urinae parcissima copia in homine secer-  
nitur; neque forte valde abs re esset conjici-  
ere, in ipsum funiculum ejusque spongio-  
sam, cellulosam fabricam ex *uracho* duci u-  
rinae

rinae aliquantum, ibique effundi, & ideo inter omnia animalia homini longissimum funiculum nactum esse, quod solus allantoide membrana careat. Brevis certe est, & in funiculum venit, placentam adtingere non videtur.

DCCCXXXVIII. Crescit interim fetus, & ex trunco artuum sensim exeunt tubercula, & reliqua, pulcherrima, anthropogenia maturatur, non hic dicenda, neque hactenus satis anatomicis dicta. Primum caput perficitur, deinde pectus, tunc abdomen, artus ultimi. Sed in pectore plurima ab adulto homine diversitas est.

DCCCXXXVIII. Prima in *thymo* est, glandula molli, laxa, ex plurimis lobis, in duos majores collecta, qui cellulosa multa & longa uterque conjunguntur. In mediastini cavea, collique parte, sedet, & tota repletur, in ipsa sua intima fabrica, seroso, albo, liquore: eademque in adulto corpore, a pulmonibus auctis elisa, & ab aorta nunc majori, sensim evanescit. Quis usus glandulae? liquidi? Ignoratur omnino, sed & aliae omnes glandulae, & conglobatae maxime, in fetu majores sunt.

DCCCXXXX. Cavitas pectoris brevis est, compressa ab enormi mole hepatis, pulmones pro cordis portione exigui, solidi, ut fundum petant, qui ab omni aere mediis

in aquis seclusi sint. Quare, cum tantam sanguinis copiam absque respiratione pulmones transmittere nequeant, quanta in adultis transit CCLXXXII. CCLXXXVII. aliae viae in fetu paratae sunt, quibus maxima pars sanguinis ex vena umbilicali, & cava inferiori, in aortam arteriam intacto pulmone transeat. Et primo ipse paries, qui dextram aurem cum sinistra conjungit, lato, *ovali foramine*, pertusus est, per quod sanguis, ex abdomine adveniens, & aliquantum a valvulari auriculae dextrae margine LXXXIII. repulsus, magno flumine in sinistrum sinum transit. Sensim tamen membrana sinus utriusque retrorsum elevatur, & ad sinum pulmonalem, super ovale foramen, utrinque fibrilla suprema, tunc multis ex ordine inferioribus, palmatis, adnectitur, & exiguam, deinde majorem partem hujus foraminis obturat, ut solus transversum ovalis aditus liber sit, qui inter rotundum marginem, inpositum foramini ovali, & valvulam incrementem liber est, in maturo fetu decimae quintae fere parti ostii venae cavae aequalis.

DCCCXXXI. Eam autem viam esse sanguini, neque contra a sinistro sinu in dextrum quidquam fluere, omnia suadent. Nam & sanguinis columna in sinu dextro maxima est.



est, ut major ne dari quidem possit, sanguis nempe ab omni corpore redux: sinistra vero auris tanto pauciores sanguinem, quam dextra, habeat, quanta pars per ductum arteriosum transit, hinc etiam multo minor ea dextra est: & valvula maturi fetus tanta est, & ita sinisterior isthmo, sive musculari arcu DCCCXXXX. ut impulsam a sinistris valvula tamquam velum foramen claudat, a dextris vero impulsam cedat libera, & flatum sanguinemve transmittat, ipsum etiam flatum a dextris immissum retineat, neque dextrorsum remittat.

DCCCXXXII. Sed etiam de eo sanguine, qui omnino dextrum cor subiit, exigua portio in pulmonem venit. Nam pulmonis arteria, in fetu major quam aorta, recta via continuatur in *ductum arteriosum*, majorem utriusque rami pulmonalis conjuncto lumine, majorem longe quam hiatus foraminis ovalis, qui in aortae partem, quae vertebrae prima contingit, sub ejus ramo subclavio subit, atque adeo plus media parte sanguinis arteriae pulmonalis inferiori aortae dat, quem alioquin sinistrum cor, & rami adscendentes aortae accepissent, quae ipsa causa est, quare aorta, ubi ex corde prodit, in fetu adeo parva sit. Ita & a pulmone onus avertitur, & magna pars sanguinis rectius ad umbilicales arterias ducitur, & vires utriusque cordis in propellendo aortae sanguine ununtur.



DCCCXXXIII. Cum fetu uterus perpetuo crescit, dum arteriae serpentinae, abimpulso sanguine extenduntur, & in rectitudinem se exporrigunt. Ita crassities eadem manet, cum arteriarum venarumque copiosior sanguis extenuationem fabricae solidae compenset. Crescit inprimis ipse fundus supremus uteri, ut tubae ex medio nunc utero gravido descendant. Exit adeo de pelvi uterus, ad colon & ventriculum usque, & abdominis viscera, vesicam, rectum intestinum comprimit. Os uteri eo toto tempore non quidem clausum unquam, sed mucosinuum & forte mucopariter vesicularum in cervice uteri sitarum obducitur, ab aere defenditur. Denique & cervix extenso corpori uteri cedit, & brevis fit, & osculum planum, latumque est, absque longitudine, & versus partus tempus perpetuo latius hiat. Una fetus grandescens, qui in tenera aetate incerto situ fuerat, & in media graviditate in globum frequenter actus erat, ut caput inter genua recondere, fetus iste caput ponderosum magis & magis in pelvim demergit, & versus uteri cervicem dirigit.

DCCCXXXIII. Hinc oriuntur vagi primo uteri irritati ad se vindicandum conatus, & denique, novem solaribus mensibus absolutis, quando nunc & fetus pondus, & inquietudo, & incommoda matris, & verbera cal-

calcibus inflicta & tractio placentae summae sunt, adeo nunc molestus a capite fetus in pacto, sensus nascitur, qualis faecis in recto intestino collectae est, quo adeo dolore mater ad partum moliendum cogitur.

DCCCXXXV. Tenesimis ergo vexata, mater non diutius ferendis, adhibet vim omnem vehementissimae inspirationis, qua viscera imi ventris, deorsum pulsa, uterum premunt DCCCXXXV. dum & uterus contractili vi fetum constrictus urget, qui solus etiam, absque nixu matris, fetum nonnunquam expellit. Amnion aqua plenum, in conum a capite fetus expulsum, dilatat os internum uteri, adtenuatur, distenditur, rumpitur, effluunt aquae, lubricant vaginae iter, laxant omnia. Tunc nudum caput fetus, facie ad os sacrum ob ipsum pondus conversa, cunei modo impulsus, os uteri porro distendit, donec summo nixu matris, laxatis saepe nonnihil pubis ossibus, cum dolore intolerabili & tremore corporis universi, caput elidatur, & per vaginam dilatabilem, nullo osse valde pressam, facilius prodeat, & infans in lucem edatur.

DCCCXXXVI. Placenta, connexa fundo uteri DCCCX. plerumque in maturo partu non difficulter solvitur, vi nixus levioris, a matre editi, vi adtrahentis obstetricis. Ita flocculi placentae de uteri villis exeunt, sequi-

quitur sanguinis insigne profluvium, & secundis nunc mater liberatur. Una umbilicalis funiculus ligatur, non sine periculo fetus liber relinquendus, & refecatur. Ita vena umbilicalis omni sanguinis adfluxu privatur, & sanguini arteriarum cognominum obstaculum insuperabile obponitur.

DCCCXXXVII. Tunc uterus, super omnem modum hactenus distentus, contrahit se vi fibrarum elasticarum DCCCIII, tanta celeritate & robore, ut & manum obstetricis, & placentam non bene solutam saepe adstringat. Ita comprimuntur vasa, etiam propria vi in minus lumen nitentia, uberrimus sanguis in utero collectus exprimitur, effluit lochiorum nomine, purus primo, deinde, quando vasa nunc connivent arctius, flavus, & albidus denique, & sanatur vulnus latum uteri, idemque ad molem, virginea non multo majorem, cito redit.

DCCCXXXVIII. Sed *mammæ* biduo, triduove a partu, quo tempore lochiorum primus impetus deferbuit, insigniter nunc intumescunt, & quæ sero modico in gravida femina stillabant, eae nunc turgent seroso primum tenuique liquore, quem paulo post ipse chylus sequitur. *Lac* nempe chylo simillimum est, album, spissulum, dulce, & dulcissimo sale essentiali fetum, sponte accescens,  
ha-

halitu odorato, volatili, multa pinguedine, & aqua, & caseosa viscida, & terrestri, magis alcalescente materie mistum. Diutius a pastu, jam verso in serum chylo, falsum fit, alcalescit, & fetui displicet. Naturam ciborum quorundam, ut chylus, saepe retinet, & medicamentorum. Causa auctae in mammis secretionis videtur in revulsione esse, & succedere suppressae magnae illi in utero secretioni, quae fetum aluit, uti diarrhoea suppressae perspirationi succedit. Nam & aliis locis, & ex ipsis vulneribus, lac verum exivisse visum est. Anastomoses autem mammariarum cum epigastricis, etsi verae, adeo tamen parvae sunt, ut nihil hic peculiare quaeri oporteat.

DCCCXXXVIII. *Mammæ* fiunt plurimo circumposito mollissimo, & albissimo, adipe, & conglomera glandula, convexa, acinis ex rubro lividis, rotundis, duriusculis, facta, extus firma cellulosa tela obductis & conjunctis. Vasa ipsi pluscula a mammariis internis adveniunt, & ab externis thoracicis, & omnia inter se prope papillam communicant. Nervi multi & majusculi, ut in cutaneis partibus, a nervis inter costas superiores positis accedunt.

DCCCL. Ex glandula illa media mammæ, & ex ambeunte pariter adipe, infinitis

tis radiculis, ductus oriuntur numerosi, tennerrimi, candidissimi, valde molles, & dilatabiles, qui undique ad mediam papillam, tum in circulum ambeuntem, tum in area circuli confluunt, & in radicem *papillae* emergunt. Ita vocamus cavernosum corpus, in quod sanguis effundi potest, & erectionem facere, ut in pene. Per eam papillam ducuntur viginti & ultra excretorii *ductus lactiferi* mammae, nulla inter se ipsos unquam facta anastomosi, in papilla multo quam prius angustiores, & in ejus laxo statu compressi, rugosi, collapsi, conniventes, in papilla vero ex titillatione qualibet erecta recti, ostiolis inter cutaneas rugas latentibus patentes. Papillam area ambit, plena sebaceis glandulis, quae teneram cutem defendunt, a frictione, a madore perpetuo.

DCCCLI. Hic primus infanti cibus est, quem tunc novit capere, quando nondum alterius officii humani experimentum fecit. Complexus ore papillam, blanda vellicatione cogit erigi, premit labellis, ne aer medius subire possit, inspirat una, spatiumque in ore suo parat, aere leviori plenum. Sic pondus aeris, labiorum infantilium vis comprimens, emulgent lac de papilla, alioquin sponte, prae copia, ad emanandum proclive,

& fugit infans & alitur. Primum ferosum lac, live *colostra*, alvum teneri fetus laxat, meconium expurgat DCCCXXXVI. cum summa ejus utilitate. Sed etiam absque fetu, solatitillatio lactiferos ductus erigens, & adfluxum sanguinis augens, lactis fluxum in virginibus, vetulis, virisque obtinuit.

DCCCLII. Sed magnae mutationes in fetu accidunt, qui in lucem editus est. Et prima est *respiratio*, quam in ipsa vagina materna jam molitur, dolore, ut videtur, vario, & anxietate ad vagitus eos laceffit, quibus lucem novam salutat. Ergo in pulmones aerem ducit, eos, haecenus parvos, feroso vapore plenos, dilatatur, mutat ex atro rubentibus, parvis, solidis, in aqua etiam salsa mersis, in leves, spongiosos, innatantes, magnos, plenos aere, & subalbidos. Ergo facilius in pulmones istos magnos laxosque sanguis subit CCLXXXII. multum adeo de sanguine arteriae pulmonalis, qui per arteriosum ductum in aortam ferebatur, nunc in pulmonem per reliquos ejus arteriae ramos venit. Et eo magis ductus iste deseritur, quod novum obstaculum sanguini, in abdomen descensuro, natum sit; arteriae nempe umbilicales maximae nunc ligatae sunt, ut sanguis aortae inferioris non nisi nixu suo, quo



quo omnes arterias pelvis pedumque dilatat, viam nunc invenire possit. Denique, ut plus accipit pulmo, ita plus sanguinis nascens ex corde aorta accipit; interque eam tumidiorem, & arteriam pulmonalem, medius arteriosus ductus eliditur, ut in adulto homine non vacuus solum, sed brevior reperiatur, alioquin peculiari modo intus rubellus, mollis, ad concrendum cum stagnante sanguine aptissimus. Haec ergo via sanguinis cito aboletur, & fere intra annum.

DCCCLIII. Deinde etiam foramen ovale sensim obturatur, per easdem causas. Nam, quam primum in pulmonem via liberior facta est, etiam in cor dextrum iter facilius fit, & sanguis venae cavae utriusque copiosior eo venit, quo a laxa pulmonali arteria invitatur, neque adeo eget via illa, in septo sinuum effossa. Sed etiam per umbilicalem venam, omni sanguinis penu destitutam obligatum umbilicum, DCCCXXXVI. minus sanguinis in venam cavam inferiorem adfertur, minor ergo nixus in ostium ovale est, quo sanguis superioris cavae ob isthmum aliunde vix subire potest. Denique, cum plus sanguinis per pulmones in sinistram sinum adveniat, dilatatur iste, & extenduntur una cum toto sinu, cui inhaerent, cornicula



valvulae ovalis, & elevat valvulam, ut in maturo fetu super istum isthmum educta totum ostium obturet, & isthmo ipsi valvula adprimatur, & una sanguis sinistri sinus fulcit eam valvulam, contra inpetum sanguinis sinus dextri. Sic, accedente aliqua frictione orae supremae valvulae contra isthmum supremum, sensim coalescit foramen ovale, & adglutinatur summa ora valvulae ad posteriorem faciem isthmi, & adnascitur. Sed lente id fit, ut saepissime etiam ad magnam aetatem, aliquis inter isthmum, & supremam valvulae partem, tubulus liber supersit. Ubi neque tubulus adest, vestigium tamen totum sinistrorsum cavum, & tubuli in suprema parte dextrorsum aperti, sinistrorsum caeci supersunt.

DCCCLIII. Vena *umbilicalis* cito coalescit, ut sanguine destituta. Venae portarum sanguis, nullo nunc opposito fluento ab umbilico adveniente inpeditus, occupat sinum sinistrum, partemque curvam fossae umbilicalis DCLXXIII. & sanguinem per eos ramos mittit, per quos solebat umbilicalis vena ad cavam sanguinem mittere. *Ductus venosus* negligitur & coit, ob compressionem, quam diaphragma in inspiratione descendens, novam hepatis adfert, & qua sinister lobus jecoris  
ad

ad lobulum adprimitur: forte etiam ob angulum obtusum, quem cum sinu sinistro venae portarum efficit, ad sedem certe venae portarum primum clauditur.

DCCCLV. *Arteriae umbilicales* ita clauduntur, ut alibi ligatae arteriae solent, parte sanguinis in polypos coacta, quae finem caecum occupat, & sanguine, qui renitentes membranas experitur, in vicinas minus resistentes divergente. Neque nihil tribuo vi musculorum abdominis, qui eas arterias in respiratione contra plenissimum abdomen compriment; & angulo peracuto, quem umbilicalis arteria, ex iliaca egressa, nunc cum eadem secundum vesicam recurva, facit, & rectitudini, in quam crura, acutam in fetu cum corpore plicam facientia, nunc exportiguntur. Cito adeo hae arteriae clauduntur, minime superstiti tubulo, qui ducit in duas, vel tres, vesicae arterias. Urachus facillime aboletur, ut qui recta ex vesica adscendat, & tenuissimus tubulus sit, & exitum non habeat, & negligatur, aperta nunc & descendente urethra.

DCCCLVI. Ex similibus causis sensim hepatis minuitur, & recipit se sub costas; & crassa intestina ex gracilitate, quae in fetu est, in magnam diametrum intumescunt; & venae

trich-

trculus in longitudinem extenditur; & cæcum intestinum nascitur, a faece ad dextra appendiculæ pondere suo deorsum nitente; & pedes insigniter augentur, a sanguine a ligamentis umbilicalibus arteriis repulso, & reliquæ mutationes fiunt, quibus mediis fetus in naturam perfecti hominis sensim inigrat.

DCCCLVII. Quæ causa struendi fetus? An anima propria? Nimis ea ignara sui, & praevisorum finium, & officiorum futurorum, ad quæ fetus membra parantur. An delineata in ovo materno, in semine virili, stamina unice evolvuntur, ab adfluente uberius liquido distenta, exporrecta? Neque in matre delineatio hæc reperitur per DCCCXXVI. neque in paterno semine DCCCLXXXVIII. An adeo vis adtractrix viscidum liquidum primo in fila aliqua, ea in fibras, in membranulas, in vasa, in musculos, in ossa contrahit, in artus format? Magis hoc quidem probabile videtur. Sed quamam regitur sapientia hæc adeo sapiens, adeo constans, adeo diversa ad proprios fines structio? Divinis procul dubio legibus, quæ suo modo glacialia spicula, crystallos salium, tum miculas & laminas metallicas, deinde globulos lapidum terreos, arenosas, crystallulos, porro lichenum pulvisculos, byssorum fila, fungorum

gorum gelatinam, inde plantarum succos, cellulofos utriculos, fibras, denique animalium simpliciffimorum gluten, nobiliorum fila, fibras, cellulofas telas, in corpus eius speciei jubet coagmentari, quae fola, per eas leges, ex ea materia, fub iis conditionibus, parari poteft. Nonne demonftrant veram fententiam artus fetui, fenfim ut polypo efflorefcentes, tubercula primum, deinde longiores eminentiae, non gracilia fila, quae unice crefcant, dum dilatantur; cordis in pullo generatio fucceffiva ex tubo DCCLXXXVIII. ejus cordis nudi receptio fub coftas, omnis denique, adtendo animo facta, feries incrementorum in polypo, pullo, & homine, plantisque? An certa partui dies fixa? Supra undecimum mensem vix extendi, intra fefti initium vix contrahi, vitalis fetus partum, collecta exempla docent. An naevi ftructricem poteftatem animae demonftrant? Deficiunt viae, quibus matris anima in fetum potentiam fuam exerceat, materies, quam eo mittat, modus quo propellat, confcientia fui & fapientia, qua ordinet, & ipfa demum experimenta aut vana funt, aut ad leves fetus morbos cutaneos pertinent, quorum caufam, dum anxie matres quaerunt, terrores inveniunt, quibus tribuant. Unde monftra? an a commiftis fetibus femiperfectis? an quod continuo talis fabrica ftructa fit, qualis editur

editur, neque unquam alia fuerit? Persuadent hanc sententiam veriorē esse cordis, non absque funesto eventu laedendi, coalitus varii, intestinorum in bipartito fetu longissimum syrinx, summa cum constantia ordinis in unum tubum connatum: novae & insolitae partes ad destinatos fetuique monstroso proprios usus formatae, partes superfluae solitariae in sano fetu. An superfetatio possibilis, cum tamen osculum uteri clausum, tubae breves, pendulae, ineptae ad complectenda ovaria, uterus suo ovo plenus repugnet? In principiis gestationis superfetari posse certissimum est, cum tories uterus, semiplenus priori, contabescente, gypseo fetu, vel sceletō conceperit, fetum ediderit; & fetus sanus perfectus aliquot septimanis, vel mensibus, post sanum & perfectum fetum partu editus sit. Quinam terminus fecunditatis humanae? Quadrigemini rarissimi, quinque fetus uno partu editi semel vel bis apud veros auctores leguntur. Quae causa piccae gravidarum? Aliquam nauseam facit primo ipsum, ut videtur, resorbtum in sanguinem semen masculinum, aliam deinde compressus ab utero ventriculus, menses retenti. Reliqua terax malorum otium & imaginatio addit. An in corpore luteo succus, plenus organicis particulis est, quae cum similibus moleculis, in virili semine habitantibus, in novum animal uniantur? Corpora lutea non adsunt in conceptura virgine, sed a conceptu primum adparent, nec quidquam in eorum succo est, quod non & reliquae partes corporis humani contineant.

# TABULA CAPITUM.

- C. I. FIBRA. p. 9.  
C. II. TELA CELLULOSA. ADEPS. p. 15.  
C. III. ARTERIAE. VENAE. p. 20.  
C. IIII. CIRCULATIO SANGUINIS. p. 37.  
C. V. COR. p. 44.  
C. VI. ARTERIARUM COMMUNIA OFFICIA. p. 46.  
C. VII. SANGUINIS ET HUMORUM CORPORIS HUMANI INDOLES. p. 93.  
C. VIII. SECRETIO. p. 103.  
C. VIII. NUTRITIO. p. 130.  
C. X. RESPIRATIO. p. 142.  
C. XI. VOX. LOQUELA. p. 181.  
C. XII. CEREBRUM. p. 193.  
C. XIII. MOTUS MUSCULORUM. p. 347.  
C. XIV. TACTUS. p. 263.  
C. XV. GUSTUS. p. 279.  
C. XVI. OLEFACTUS. p. 287.  
C. XVII. AUDITUS. p. 295.  
C. XVIII. VISUS. p. 313.  
C. XIX. SENSUS INTERNI. p. 347.  
C. XX. SOMNUS. p. 36.  
C. XXI. FAMES. SITIS. CIBUS. POTUS. p. 373.  
C. XXII. MANDUCATIO. SALIVA. p. 380.



- C. XXIII. DEGLUTITIO. p. 391.  
C. XXIV. VENTRICULI ACTIO IN CIBOS. p. 400.  
C. XXV. OMENTUM. p. 414.  
C. XXVI. LIEN. p. 425.  
C. XXVII. HEPAR. VESICULA. BILIS. p. 431.  
C. XXVIII. PANCREAS. p. 453.  
C. XXVIII. INTESTINA TENUIA. p. 456.  
C. XXX. VASA CHYLIFERA. p. 470.  
C. XXXI. INTESTINA CRASSA. p. 477.  
C. XXXII. RENES. VESICA. URINA. p. 489.  
C. XXXIII. PARTES GENITALES VIRILES. p. 506.  
C. XXXIII. UTERUS VIRGINEUS. p. 529.  
C. XXXV. UTERUS FECUNDUS. p. 543.





# ERRATA.

p. 14. lin. 5. post *intervalla* dele *succo* & pone l. 6. post *conferruminatis*

p. 31. l. 14. pro *iritabiles* lege *irritabiles*

p. 55. l. 17. lege, non a *supremo*, *proveniunt*, & a

p. 59. l. 8. pro *corde* lege *sanguine*

p. 67. n. 108. l. 4. pro *angustior* lege *angustior*

p. 78. l. 8. pro *facta* lege *factae*

p. 99. l. ult. n. 165. pro *calente* lege *frigente*

p. 112. n. 193. l. 2. pro *Ea* lege *Et*

p. 117. l. 3. adde *debilitas cordis dextri cum sinistro comparati.*

- - - n. 298. l. 9. & 10. dele in *cavernis charoniis* &

p. 181. l. 2. pro *ducit* lege *vehit*

p. 185. n. 317. l. ult. pro *mis* lege *nimis*

p. 190. male inscribitur 109.

ib. 329. l. 6. & 7. lege *vox in virili sexu gravior:*

p. 192. l. 5. supra finem pro *breviori larynge* & *glottide* lege *molliori larynge* & *glottide*

p. 218. l. 2. pro *est* lege *sunt*

p. 223. l. 19. dele *anterior*

p. 232. l. penultima dele *nervis artuum*

p. 233. pro numero 378. lege 379.

p. 261. l. penult. pro *flagnationis* lege *stagnationis*

p. 263. n. 429. l. 10. post *corpus* adde *humanum*

p. 352. pro *lentia* lege *insolentia*

n. 548. l. 6. pro *xcemplo* lege *exemplo*

l. penult. pro *fugiant* lege *fugiant*

368. n. 570. l. 7. pro *secepta* lege *recepta*

p. 444. n. 685. l. ult. pro *irritabilita* lege *irritabilitas*

# REPORT

1. The first part of the report is devoted to a general survey of the situation in the country.

2. The second part of the report is devoted to a detailed examination of the various branches of the economy.

3. The third part of the report is devoted to a study of the social and political conditions of the country.

4. The fourth part of the report is devoted to a study of the foreign relations of the country.

5. The fifth part of the report is devoted to a study of the financial and monetary conditions of the country.

6. The sixth part of the report is devoted to a study of the educational and cultural conditions of the country.

7. The seventh part of the report is devoted to a study of the health and medical conditions of the country.

8. The eighth part of the report is devoted to a study of the military and defense conditions of the country.

9. The ninth part of the report is devoted to a study of the administrative and legal conditions of the country.

10. The tenth part of the report is devoted to a study of the scientific and technological conditions of the country.

11. The eleventh part of the report is devoted to a study of the artistic and literary conditions of the country.

12. The twelfth part of the report is devoted to a study of the sports and recreation conditions of the country.

13. The thirteenth part of the report is devoted to a study of the environmental and natural resources of the country.

14. The fourteenth part of the report is devoted to a study of the population and demographic conditions of the country.

15. The fifteenth part of the report is devoted to a study of the labor and employment conditions of the country.

16. The sixteenth part of the report is devoted to a study of the housing and urban conditions of the country.

17. The seventeenth part of the report is devoted to a study of the transportation and communication conditions of the country.

18. The eighteenth part of the report is devoted to a study of the energy and power conditions of the country.













